


**EVALUERING VAN 'N OPLEIDINGSPROGRAM VIR
VRYWILLIGE WERKERS BETROKKE BY 'N
GEMEENSKAPSPROJEK**



Juanita Bester

Tesis ingelewer ter gedeeltelike vervulling vir die graad

MPhil in Opvoedkunde



aan die

Universiteit van Stellenbosch

Studieleier: Prof C A Kapp



Desember 2002

VERKLARING

Ek, die ondergetekende, verklaar hiermee dat die werk in hierdie tesis vervat, my eie oorspronklike werk is en dat ek dit nie vantevore in die geheel of gedeeltelik by enige universiteit ter verkryging van 'n graad voorgelê het nie.

OPSOMMING

Die Departement Arbeidsterapie van die Universiteit van Stellenbosch, is sedert 1994 betrokke by die ontwikkeling van die Volcano gemeenskapsprojek in die Ravensmeadarea.

'n Behoeftebepaling in die area het gelei tot die identifisering van die volgende probleme:

- geen naskoolse dienste is in die area beskikbaar nie;
- beperkte geleentheid vir individuele aandag aan leerders as gevolg van 'n te hoë leerdertoedeling per onderwyser;
- hoë voorkoms van substansmisbruik onder die jeug;
- kinders wat in die middag in die straat rondslenter; en
- 'n kwart van alle graad een leerders in die area herhaal hul basisjaar van skool.

Daar is besluit om bogenoemde probleme aan te spreek deur werklose jeugdige in die gemeenskap te werf as vrywillige werkers. Die groep vrywillige werkers is dan opgelei om vooraf opgestelde ontwikkelingstimulasielesse aan te bied aan graad een en twee leerders wat probleme ervaar. Die vrywillige werkers deurloop 'n opleidingsprogram om hulle beter toe te rus om die leerders optimaal te kan hanteer. Die program is nog lopend en evaluering is nodig ten einde inligting te verkry wat kan lei tot die verbetering van die program en die bestuur van die projek oor die algemeen.

Die doel van hierdie navorsing was om die impak wat programdeelname op die vrywillige werkers het te ondersoek deur te kyk na:

- wat die sterkpunte van die projek is;
- wat die swakpunte van die projek is; en
- watter voorstelle daar is om die program te verbeter.

Kwalitatiewe formatiewe evaluasienavorsing is die paradigma wat in hierdie navorsing gebruik is om die data in te samel en te analiseer. Onderhoude is met vrywillige werkers gevoer en die volgende hoofemas het uit die data na vore gekom:

Sterkpunte van die projek:

Ommeswaai in vrywillige werkers se lewens; bevordering van selfkennis; ontwikkeling van vaardighede; werksbevrediging; en leiding deur die studente.

Swakpunte van die projek:

Skole waar die program aangebied word en die fasiliteite beskikbaar by die skole; bestuur van die projek; en die groep vrywillige werkers.

Voorstelle ten opsigte van die projek:

Aansporing; bestuur en ander logistieke.

Die navorsers het elk van hierdie hoofemas geneem en met behulp van proses/impakmatrikse is die data geïnterpreteer vir hierdie projek.

Uit hierdie matrikse is faktore geïdentifiseer en aanbevelings gemaak wat mag bydra tot die verbetering van die projek, byvoorbeeld terugvoer na afloop van die uitvoering van take is belangrik en moet spesifiek en individueel gerig wees. Wier toepassingsmoontlikhede van die bevindinge word ook voorgestel.

ABSTRACT

The Department of Occupational Therapy of the University of Stellenbosch has been involved in the development of the Volcano Community Project in the Ravensmead area since 1994.

A needs assessment conducted in the area has led to the identification of the following problems:

- there are no after school care services in the area;
- limited opportunities for individual attention to learners because of a high learner educator ratio;
- high incidence of substance abuse amongst the youth;
- children loitering in the streets in the afternoon; and
- a quarter of all grade one learners in the area repeat their basis year of school.

In order to address the abovementioned problems it was decided to recruit unemployed youth within the community as voluntary workers. This group of volunteers received training in the execution of pre-planned developmental stimulation lessons that they then present to grade one and two learners who have problems. The volunteers undergo a training programme in order to equip them to handle the learners.

This project is still in progress and it needs to be evaluated in order to gain information which would help to improve the programme as well as the management thereof. The aim of the research was to establish the impact of programme participation on the voluntary workers and that was done by looking at the following:

- what the strengths of the project are;
- what the weaknesses of the project are; and
- which suggestions there are to improve the project.

Qualitative formative evaluation research was the paradigm within which the research was executed. Interviews were conducted with the voluntary workers and the following themes/patterns emerged from the data:

Strengths of the project:

Turnabout in the lives of the voluntary workers; improvement of self-knowledge; development of skills; work satisfaction; and guidance by the students.

Weaknesses of the project:

Schools where this project is in progress and facilities available at these schools; management of the project; and the group of voluntary workers.

Suggestions regarding the project:

Encouragement; management; and other logistics.

The researcher took each of these main themes and with the help of process/impact rubrics data was interpreted. From these rubrics factors were identified and recommendations made which may contribute to the improvement of the project for example feedback after completion of the task is very important and should be very specific for an individual. Possibilities for the broader application of findings are also suggested.

BEDANKINGS

Die navorser wil die volgende persone bedank vir hul bydrae tot die voltooiing van die navorsing:

Prof CA Kapp, my studieleier, vir sy leiding en ondersteuning

Die vrywillige werkers vir hul bereidwilligheid om deel te neem

Me B Pretorius vir haar hulp met die data-analise

Mnr H van der Westhuizen vir die taalkundige versorging van die teks

Mev K Schneiganz vir die tegniese versorging van die teks

My ouers en suster vir hulle ondersteuning en belangstelling

Vriende en kollegas vir hul aanmoediging.

INHOUDSOPGAWE

	<u>Bladsy</u>
Verklaring	ii
Opsomming	iii
Abstract	v
Bedankings	vii
Lys van tabelle	xii
Lys van figure	xiii
Lys van bylaes	xiv
HOOFSTUK 1: PROBLEEMSTELLING EN VERLOOP VAN DIE NAVORSING	1
1.1 Inleiding	1
1.2 Probleemstelling	2
1.3 Doel van die navorsing	4
1.4 Begrensing van die navorsing	4
1.5 Begripsomskrywing	4
1.5.1 Vrywillige werker	4
1.5.2 Opleidingsprogram	5
1.5.3 Progamevaluering	5
1.5.4 Gemeenskap	5
1.6 Navorsingsontwerp en Metodologie	5
1.6.1 Data-insameling	6
1.6.2 Data-analise	6
1.6.3 Verwysingstegniek	7
1.7 Verdere verloop van die navorsing	7

Bladsy

HOOFSTUK 2: LITERATUUROORSIG	8
2.1 Inleiding	8
2.2 Evaluasienavorsing	9
2.3 Gemeenskap en gemeenskapsdeelname	10
2.3.1 Wat is 'n gemeenskap?	10
2.3.2 Wat beteken gemeenskapsdeelname?	11
2.4 Vrywillige werk	14
2.4.1 Wie doen vrywillige werk en hoekom?	15
2.4.2 Verband tussen vrywillige werk en skoolverlaters	16
2.4.3 Faktore wat bydra tot die behoud van vrywillige werkers in 'n program	17
2.5 Ravensmead: Volcano gemeenskapsprojek	17
2.5.1 Identifiseer, bepaal en analiseer opvoedkundige behoeftes van die teikenpopulasie	18
2.5.2 Beplan en ontwerp onderrig om die geïdentifiseerde behoeftes aan te spreek	20
2.5.3 Implementering van die program	23
2.5.4 Evaluering van die program	27
HOOFSTUK 3: NAVORSINGSONTWERP EN METODOLOGIE	31
3.1 Probleemstelling	31
3.2 Metodes	32
3.2.1 Navorsingsparadigma	32
3.2.2 Rasionaal vir die keuse van die paradigma	33
3.3 Begrensing van die navorsing	33

3.3.1	Steekproef	33
3.3.2	Demografiese inligting van die vrywillige werkers	35
3.3.3	Agtergrond	35
3.4	Data-insameling	35
3.4.1	Metode van data-insameling	35
3.4.2	Etiese aspekte van die navorsing	39
3.4.3	Transkribeer van die data	41
3.4.3.1	Apparaat gebruik tydens die onderhoude	41
3.4.3.2	Metode van transkribering	41
3.5	Strategieë om geloofwaardigheid te bevorder	42
3.6	Data-analise	43
HOOFSTUK 4: DATA-ANALISE EN INTERPRETASIE		46
4.1	Inleiding	46
4.2	Analise van data	47
4.2.1	Sterkpunte van die projek	47
4.2.2	Swakpunte van die projek	71
4.2.3	Voorstelle ten opsigte van die projek	84
4.3	Interpretasie van die data	92
4.3.1	Impak van die projek in terme van die sterkpunte	93
4.3.2	Impak van die projek in terme van die swakpunte	100
4.3.3	Voorstelle ter verbetering van die projek	104

	<u>Bladsy</u>
HOOFSTUK 5: SAMEVATTING, GEVOLGTREKKINGS EN AANBEVELINGS	107
5.1 Samevatting	107
5.2 Faktore wat geïdentifiseer is en aanbevelings wat mag bydra tot die verbetering van die projek	110
5.3 Wier toepassing van die bevindinge	112
5.4 Voorstelle vir verdere navorsing	113
5.5 Tekortkominge van die navorsing	113
5.6 Ten slotte	115
 BIBLIOGRAFIE	 116

LYS VAN TABELLE

<u>Tabel</u>		<u>Bladsy</u>
2.1	Die verband tussen betrokke persone in die program se take, skedulering van take en evaluering van take	28
4.1	Skematiese voorstelling van die sterkpunte van die projek	71
4.2	Skematiese voorstelling van die swakpunte van die projek	84
4.3	Skematiese voorstelling van die voorstelle ten opsigte van die projek	91
4.4	Skematiese voorstelling van die data-analise	92
4.5	Impak ten opsigte van sterkpunte van die projek	95
4.6	Impak ten opsigte van swakpunte van die projek	101
5.1	Skematiese voorstelling van die hoofemas uit die data verkry	109

LYS VAN FIGURE

<u>Figuur</u>		<u>Bladsy</u>
2.1	Skematiese voorstelling van die verband tussen kennis en vaardighede wat aangeleer word tydens verrykingsgroepe en die take wat vrywillige werkers moet vervul in die program	26
5.1	Skematiese voorstelling van die proses van navorsing toegepas in hierdie navorsing	108

LYS VAN BYLAES

<u>Bylae</u>		<u>Bladsy</u>
Bylae A	Voorbeeld van die vrywaringsvorm	120
Bylae B	Rekord van afspraak gemaak vir die onderhoude	121
Bylae C	Transkripsie van onderhoud met vrywillige werker nommer 2 van 1995 se groep	125
Bylae D	Transkripsie van onderhoud met vrywillige werker nommer 3 van 1996 se groep	130
Bylae E	Transkripsie van onderhoud met vrywillige werker nommer 4 van 1995 se groep	135
Bylae F	Transkripsie van onderhoud met vrywillige werker nommer 5 van 1994 se groep	144
Bylae G	Transkripsie van onderhoud met vrywillige werker nommer 7 van 1998 se groep	155
Bylae H	Transkripsie van onderhoud met vrywillige werker nommer 8 van 1999 se groep	162
Bylae I	Transkripsie van onderhoud met vrywillige werker nommer 9 van 1995 se groep	168
Bylae J	Transkripsie van onderhoud met vrywillige werker nommer 10 van 1996 se groep	173
Bylae K	Transkripsie van onderhoud met vrywillige werker nommer 11 van 1998 se groep	180

<u>Bylae</u>		<u>Bladsy</u>
Bylae L	Transkripsie van onderhoud met vrywillige werker nommer 12 van 1999 se groep	186
Bylae M	Transkripsie van onderhoud met vrywillige werker nommer 14 van 1995 se groep	195
Bylae N	Transkripsie van onderhoud met vrywillige werker nommer 15 van 1998 se groep	199
Bylae O	Transkripsie van onderhoud met vrywillige werker nommer 16 van 1999 se groep	207

HOOFSTUK 1

PROBLEEMSTELLING EN VERLOOP VAN DIE NAVORSING

1.1 INLEIDING

Die afgelope dekade het verskeie regeringsdepartemente programmonitering- en evaluasie-eenhede ontwikkel (Babbie & Mouton 2001:337). Die oorkoepelende doel van die eenhede is om die impak van die Heropbou- en Ontwikkelingsprogramprojekte, onder andere in gesondheidsorg, te monitor en te evalueer. Hierdie ontwikkeling is bydraend tot die toenemende belangstelling in die veld van evaluasienavorsing. In die literatuur is verskillende definisies vir evaluasienavorsing gevind. In die breedste sin is dit 'n beoordeling van die waarde van 'n program of 'n aspek daarvan (Posovac & Carey 1992:1). Die doel van progamevaluering is dus die genereer van inligting wat gebruik kan word om 'n bestaande program te verbeter en weldeurdagte besluite te kan neem (Patton 1990:211); dit is om 'n besluit te neem oor die meriete of waarde, om 'n program te verbeter en om nuwe kennis te genereer (Babbie & Mouton 2001:337).

Evaluasienavorsing poog dus nie om basiese veralgemenings omtrent die aard van menslike gedrag en gemeenskappe te maak nie, maar eerder om inligting te bekom wat gebruik kan word om 'n program te verbeter en wat kan help in die neem van weldeurdagte besluite omtrent die program.

Deelname is die sleutel tot suksesvolle gemeenskapsontwikkelingsprogramme. Ten einde suksesvol te wees moet al die aktiwiteite van 'n program, die prioriteite van die teikengemeenskap weerspieël en lede moet betrek word by die ontwerp, implementering en evaluasie van die aktiwiteite (Peat 1997:25). Enige toetrede tot 'n gemeenskap deur individue of groepe moet saam gaan met 'n goeie begrip en erkenning van die aard van die gemeenskap wat insluit diversiteit, organisasie, grense, interaksies en sosiale en politieke verwysingsraamwerke. Instelling van 'n program sonder inagneming van bogenoemde aspekte kan lei tot die moontlike verwerping van die program.

Vrywillige werk is 'n bekende tradisie in alle kulture en gemeenskappe deur die geskiedenis heen (Peat 1997). Een van die sterkste motiveerders vir persone om betrokke te raak by vrywillige werk is die kennis en vaardighede wat hulle kan verwerf deur middel van opleidingsprogramme wat aan hulle gebied word. Aan elke program word eise gestel ten opsigte van programeffektiwiteit, doeltreffendheid en sosiale aanspreeklikheid (Patton 1990:2). Ten einde van hierdie eise wat aan die opleidingsprogram gestel word te beantwoord, is die doel van die navorsing om die volgende probleem te ondersoek.

1.2 PROBLEEMSTELLING

Die navorsing wat hier gerapporteer is, is uitgevoer in die Ravensmead gemeenskap. Wes-Kaap Provinsie, Suid-Afrika. In 1993 het dit uit terugvoere vanuit die gemeenskap geblyk dat daar 'n behoefte bestaan vir die konstruktiewe besteding van vrye tyd onder leerders na afloop van die normale skoolprogram. Me M Griesel, maatskaplike werker en gemeenskapskoördineerder in Ravensmead, het in 1993 'n behoeftebepaling vir naskoolse toesig oor kinders, onder die inwoners van Ravensmead gedoen. Uit die verslag omtrent die resultate van die behoeftebepaling het die volgende na vore gekom:

- ouers is bekommerd oor hulle kinders wat in die middag rondslenter op straat, maar ten spyte van hul bekommernis is daar nie finansies om vir naskoolse toesig te betaal nie;
- onderwysers voel dat daar wel 'n behoefte bestaan vir naskoolse dienste, maar hul werkklading maak dit vir hulle onmoontlik om betrokke te raak by so 'n inisiatief;
- volgens die sensusopname van 1990 het 24,8% van alle graad een leerders in die area hul basisjaar van skool herhaal;
- leerder toedeling per onderwyser is hoog, met die gevolg dat leerders met spesifieke leerbehoefes nie genoegsame individuele aandag van die onderwysers kry nie;

- 'n tendens van negatiewe portuurgroep beïnvloeding bestaan onder die jonger leerders wat kulmineer in aksies soos die misbruik van substansie; en
- 'n steekproef om die ontwikkelingsvlak van leerders te bepaal, het daarop gedui dat die leerders gemiddeld een tot twee jaar onder hul ouderdomsvlak funksioneer.

Daar is besluit om bogenoemde probleme aan te spreek deur werklose jeugdige in die gemeenskap te werf as vrywillige werkers. Die groep vrywillige werkers is dan opgelei om vooraf opgestelde ontwikkelingstimulasielesse aan te bied aan die graad een en twee leerders wat probleme ervaar. Die ontwikkelingstimulasielesse is op 'n weeklikse basis gedurende die skoolkwartale aangebied. Die vrywillige werkers deurloop 'n opleidingsprogram om hulle beter toe te rus om die leerders optimaal te kan hanteer. Die program is nog lopend en evaluering is nodig ten einde inligting te verkry wat kan lei tot die verbetering van die program en die bestuur van die projek oor die algemeen.

Die navorsingsvraag wat dus in hierdie navorsing gevra word is:

HOE KAN DIE OPLEIDINGSPROGRAM WAT AANGEBIED WORD AAN DIE VRYWILLIGE WERKERS VAN DIE VOLCANOPROJEK IN DIE RAVENSMEAD-AREA, VERBETER WORD?

Om dit meer spesifiek te maak, word die volgende vrae gevra:

- Wat is die sterkpunte van die projek?
- Wat is die swakpunte van die projek?
- Hoe affekteer die opleiding wat die vrywillige werkers ontvang hulle persoonlik?

In die aanspreek van hierdie vrae hoop die navorser om faktore te kan identifiseer wat 'n impak het op die program en om hierdie faktore toepaslik aan te spreek sodat die program se effektiwiteit kan verbeter.

1.3 DOEL VAN DIE NAVORSING

Die doel van hierdie navorsing is as volg:

Om die impak wat programdeelname op die vrywillige werkers het te ondersoek deur te kyk na:

- watter verandering hulle ervaar as gevolg van hul betrokkenheid by die program;
- wat hulle sien as sterkpunte van die program;
- wat hulle as swakpunte van die program ervaar; en
- voorstelle om die program te verbeter.

Die doelstelling is nie om basiese veralgemenings omtrent die aard van menslike gedrag en die gemeenskap te maak nie, maar is gefokus op die genereer van inligting wat kan lei tot die verbetering van die program wat aan die vrywillige werkers gebied word. In die volgende afdeling word die begripsomskrywing soos dit in hierdie navorsing geld bespreek.

1.4 BEGRENSING VAN DIE NAVORSING

Die teikenpopulasie is enige vrywillige werker wat tydens die periode van 1995 tot 1999 vir ten minste een kwartaal deel was van die projek ($n = 25$). Daar is gebruik gemaak van 'n doelgerigte steekproeftrekking (sien 3.3.1).

1.5 BEGRIPSOMSKRYWING

In die konteks van hierdie navorsing geld die volgende begripsomskrywing vir: vrywillige werker, opleidingsprogram, progamevaluering en gemeenskap.

1.5.1 Vrywillige werker: volgens die Verklarende Afrikaanse Woordeboek (Labuschagne en Eksteen, 1993) is 'n vrywilliger iemand wat hom/haar uit eie beweging vir 'n bepaalde diens aanbied. Die betekenis wat aan die woord in die navorsing gegee word is dat dit iemand vanuit die gemeenskap is wat hom/haarself uit eie beweging vir diens by die projek aansluit.

1.5.2 Opleidingsprogram: 'n opleidingsprogram volgens Boone (1995), sluit die volgende vier hoofaktiwiteite in:

- Identifiseer, bepaal en analiseer opvoedkundige behoeftes spesifiek vir die teikenpopulasie.
- Beplan en ontwerp onderrig om hierdie behoefte aan te spreek.
- Implementeer die onderrig.
- Evalueer en gee rekenskap van die uitkomst.

Die vier aktiwiteite word ook so toegepas in hierdie navorsing.

1.5.3 Programevaluering: is 'n aaneenlopende en sistematiese proses van bepaling van die waarde of potensiële waarde van 'n program ten einde ingeligte besluite te kan maak oor die voortbestaan van die program (Patton 1990:2).

1.5.4 Gemeenskap: 'n Gemeenskap is 'n groep persone wat saamleef in 'n vorm van sosiale organisasie. Die lede deel in wisselende mate politieke, ekonomiese, sosiale en kulturele eienskappe sowel as aspirasies en belangstellings (Peat 1997:16).

1.6 NAVORSINGSONTWERP EN METODOLOGIE

Kwalitatiewe formatiewe evaluasienavorsing is die paradigma wat in hierdie navorsing gebruik is om die data in te samel en te analiseer. Die volgende veronderstellings met betrekking tot hierdie navorsing is aanvaar om die gebruik van evaluasienavorsing te regverdig:

- Die enigste waarheid vir die navorser is dit wat deurgegee word deur die individue betrokke by die navorsing.
- Die navorser is die primêre skakel vir data-insameling en analisering.
- Die analiseproses is induktief en patrone/temas ontstaan vanuit die persepsies van die individue wat betrokke is by die navorsing en word nie vooraf bepaal nie.

Die inligting wat dus deur die navorsing gegenereer is kan gebruik word om die program te verbeter. Strategieë om geloofwaardigheid van die navorsing te bevorder

is verkry deur die toepassing van die vier kwalitatiewe kriteria vir geloofwaardigheid soos voorgestel deur Guba (1981 in Krefting 1991: 214-222). Die vier kwalitatiewe kriteria is (i) erkenning om mate van waarheid te bevorder; (ii) bevestiging om neutraliteit te bevorder; (iii) oordraagbaarheid om toepassingsmoontlikhede te verbeter; en (iv) betroubaarheid om konsekwentheid te verbeter.

1.6.1 Data-insameling

Die data in hierdie navorsing is bekom deurdat onderhoude met die vrywillige werkers gevoer is. Die onderhoude is gevoer aan die hand van 'n algemene onderhoudriglyn ten einde te verseker dat elke vrywillige werker se eie perspektief oor die program na vore kom en sodat die navorser kan aanpas by die taal en opvoedingsvlak van elke individu.

Onderhoude is met 13 vrywillige werkers gevoer. Die onderhoude is op band opgeneem en verbatim getranskribeer. Al die vrywillige werkers het ingeligte toestemming verleen tot deelname aan die navorsing en konfidensialiteit en anonimiteit is verseker deurdat slegs die navorser die name van die vrywillige werkers en die bandopnames en transkripsies met mekaar kan verbind.

1.6.2 Data-analise

Die getranskribeerde data verkry deur die voer van onderhoude, is kwalitatief geanaliseer aan die hand van die stap vir stap metode voorgestel deur Burnard (1991:462-464). Hierdie voorgestelde metode bestaan uit veertien stappe, waarvan twaalf in hierdie navorsing toegepas gaan word onder die volgende ag fases:

Fase een: raak betrokke by die data

Fase twee: oop kodering

Fase drie: eerste ewekniekontrolering

Fase vier: verfyning van temas

Fase vyf: identifisering van temas wat nog na vore kom

Fase ses: nagaan vir konstantheid

Fase sewe: tweede ewekniekontrolering

Fase ag: finale kodering

1.6.3 Verwysingstegniek

Die verkorte Harvardmetode soos voorgeskryf deur die Fakulteit Opvoedkunde, Universiteit van Stellenbosch word gebruik in hierdie navorsing. Alle bronne geraadpleeg in die uitvoering van hierdie navorsing is vervat in die bibliografie.

1.7 VERDERE VERLOOP VAN DIE NAVORSING

In **hoofstuk twee** word 'n oorsig gegee van verwante literatuur in die veld van progamevaluering en die gebruik van vrywillige werkers in gemeenskapsprojekte, asook 'n beskrywing van die opleidingsprogram wat aangebied word aan die vrywillige werkers binne hierdie gemeenskapsprojek.

Die navorsingsontwerp en metodologie wat kortliks beskryf is in 1.6 word in meer detail bespreek in **hoofstuk drie**.

Hoofstuk vier fokus op die kwalitatiewe analise van die data en die interpretasie daarvan binne die konteks van die literatuuroorsig ingesluit in hoofstuk twee.

Gevolgtrekkings gebaseer op die interpretasies van die data-analise word in **hoofstuk vyf** gemaak. Beperkinge van hierdie navorsing word bespreek en aanbevelings vir verdere navorsing word ook gemaak.

HOOFSTUK 2

LITERATUUROORSIG

2.1 INLEIDING

Die ontwikkeling van 'n Primêre Gesondheidsorgsisteem vir Suid-Afrika is in werking gestel in 1986. Gesondheidsorg, as een van die sleutelprogramme van die Heropbou- en Ontwikkelingsprogram van die Regering van Nasionale Eenheid in 1994, het gelei tot verdere ondersoek en evaluasie van die sisteem ten einde nie net die behoeftes van gemeenskappe aan te spreek nie, maar om hulle ook te betrek by die hele proses (Graham 1998:39).

Artikel 2.12.5.8 van die Heropbou- en Ontwikkelingsprogram beleidsraamwerk konstateer die volgende: "The whole National Health System must be driven by the Primary Health Care approach. This emphasizes community participation and empowerment, inter-sectoral collaboration and cost-effective care, as well as integration of preventative, promotive, curative and rehabilitation services".

Ten einde hierdie beleid tot uitvoering te bring moet alle wetgewing, organisasies en instellings wat verwant is aan gesondheid, waaronder Arbeidsterapie as Aanvullende Gesondheidswetenskap resorteer, hersien word sodat:

- Omvattende gesondheidsorgpraktyke wat in verhouding tot internasionale norme en standaarde ontwikkel kan word.
- Erkenning gegee word aan die feit dat die belangrikste komponent van die gesondheidsisteem die gemeenskap is, en om te verseker dat meganismes in plek gestel is vir effektiewe gemeenskapsdeelname, betrokkenheid en eienaarskap.

Regeringsdepartemente het oor die afgelope dekade programmonitering- en evaluasie-eenhede daargestel (Babbie & Mouton 2001:337). Die oorkoepelende doel van die eenhede is om die impak van Heropbou- en Ontwikkelingsprogramprojekte onder andere in gesondheidsorg, te monitor en te evalueer. Hierdie ontwikkeling is bydraend tot die toenemende belangstelling in die veld van evaluasienavorsing.

Ten einde 'n omvattende en geïntegreerde beeld van progamevaluering te kry word daar in afdeling 2.2 'n verdere bespreking omtrent die doel en definisie van evaluasiënavorsing gedoen. In afdeling 2.3 word die konsep van gemeenskap en gemeenskapsdeelname verder ondersoek.

In hierdie navorsing is gemeenskapsdeelname verkry deur gebruik te maak van vrywillige werkers vanuit die gemeenskap. Dit is dus nodig om in afdeling 2.4 te bespreek wat vrywillige werk is en wat dit mag impliseer vir 'n program waarbinne dit geskied. In afdeling 2.5 sal daar in meer diepte gekyk word na die gemeenskapsprojek wat geïmplementeer is in die Ravensmeadarea, omdat dit die gemeenskap is waarbinne die navorsing uitgevoer is.

2.2 EVALUASIEAVORSING

In die literatuur is verskillende definisies vir evaluasiënavorsing gevind. Dit is beskryf as die sistematiese toepassing van sosiale navorsingsprosedures vir die bepaling van, konseptualisering, ontwerp, implementering en die gebruik van sosiale intervensieprogramme (Rossi & Freeman 1993:5); die gebruik van wetenskaplike metodes ten einde die implementering en uitkomst van 'n program te meet vir besluitnemingsdoeleindes (Rutman 1984:10). Progamevaluering word ook gesien as 'n versameling van metodes en vaardighede wat nodig is om te bepaal of 'n diens nodig is, of dit gebruik word, of dit die behoeftes geïdentifiseer bevredig, of die diens aangebied word soos beplan en of die diens regtig persone help wat in nood is sonder enige ongewenste nuwe-effekte. Bogenoemde impliseer dat evaluasiënavorsing gedoen kan word gedurende die program of sodra die program beëindig word. Evaluasiënavorsing kan dus gesien word as die bepaling van die waarde van 'n program of 'n aspek van die program. In die breedste sin is dit 'n beoordeling van die waarde van 'n program. Inherent in hierdie definisie van progamevaluering is 'n beoordeling van die bestuur van die program, die werkers betrokke by die program en hul kennis, vaardighede en kundigheid (Posovac & Carey 1992:1).

Vir die doel van hierdie navorsing is progamevaluering soos genoem in 1.3.4 gedefinieer as:

'n Aaneenlopende en sistematiese proses van bepaling van die waarde of potensiële waarde van 'n program ten einde besluite te help maak oor die voortbestaan van die program (Patton 1990:2).

Die doel van evaluasienavorsing word gesien as om 'n verskil te maak in besluitneming en programaksies (Patton 1990:267); dit is om 'n besluit te neem oor die meriete of waarde, om 'n program te verbeter en om nuwe kennis te genereer (Babbie & Mouton 2001:337); 'n bydrae te lewer tot die verstaan van hoekom sekere intervensies werk en ander minder suksesvol is (Mouton 1999:109).

Uit al die bronne is dit duidelik dat dit in evaluasienavorsing nie gaan om die soeke na basiese veralgemenings omtrent die aard van menslike gedrag en gemeenskappe nie, maar dat die primêre fokus is om inligting te bekom wat gebruik kan word om 'n program te verbeter en wat kan help in die neem van weldeurdagte besluite omtrent die program.

2.3 GEMEENSKAP EN GEMEENSKAPSDEELNAME

2.3.1 Wat is 'n gemeenskap?

Rifkin, Muller en Bichmann (1988:933) noem dat gemeenskap binne die konsep van gesondheid twee betekenisse het. In die eerste plek word gemeenskap gedefinieer in terme van geografiese grense. 'n Gemeenskap is 'n groep persone wat saamleef in dieselfde afgebakende area, wat dieselfde basiese waardes en strukture deel. Die tweede betekenis van 'n gemeenskap stel dit as 'n groep persone wat dieselfde basiese belangstellings deel. Hierdie belangstellings verander van tyd tot tyd met die gevolg dat die lede van die gemeenskap ook verander van tyd tot tyd. 'n Presiese en enkel definisie van die konsep "gemeenskap" is nie altyd moontlik nie. In enige definisie van "gemeenskap" behoort die volgende drie elemente geïnkorporeer te wees. Die elemente is lokaliteit, organisasie en gemeenskaplikheid.

Lokaliteit het te doen met die fisiese ruimte. Dit word gewoonlik gesien as 'n geografiese area wat sosiale strukture bevat wat voldoen aan die fisiese, psigiese en sosiale behoeftes van die meerderheid van sy lede. Die omgewing in die geografiese sin is 'n belangrike faktor wat die behoeftes van 'n bepaalde gemeenskap beïnvloed en hierdie behoeftes hang af van die karaktertrekke van die omgewing.

Organisasie verwys na 'n interaktiewe populasie wat bestaan uit 'n verskeidenheid van individue wat onderling verwant is aan mekaar. Alle gemeenskappe demonstreer struktuur en bestuur in die sin dat besluitneming van so 'n aard moet wees dat lede voel hulle is betrokke by alle aspekte daarvan. Die konsep van bemagtiging is die mate waartoe lede ten volle betrokke is by die lewe en organisasie van hulle omgewing. Dit kan of baie gestruktureerd wees of informeel. Suksesvolle gemeenskapsontwikkeling kan slegs plaasvind as daar 'n balans is tussen bestaande praktyk en die erkenning van die behoefte vir konstruktiewe verandering.

Gemeenskaplikheid verwys na die feit dat gemeenskappe bestaan uit persone wat in interaksie is met ander persone en gemeenskapsisteme en hulle vorm 'n sosiale netwerk. Die konsep sosiale netwerk omsluit alle verhoudinge van individue tussen hulself, sowel as hulle interaksie met gemeenskapsgroepe en instansies. Baie gemeenskapsinisiatiewe is die resultaat van 'n groep individue wat handel volgens 'n gemeenskaplike doel (Peat 1997:16).

2.3.2 **Wat beteken gemeenskapsdeelname?**

Deelname is die sleutel tot suksesvolle gemeenskapsontwikkelingsprogramme. Die Wêreldgesondheidsorganisasie se verslag oor gemeenskapsbetrokkenheid by gesondheid (1991) stel voor dat deelname as volg gekategoriseer kan word:

- deelname as bydrae: die gemeenskap neem deel deurdat hulle bydraes maak in die vorm van mensekrag, finansieël en/of met materiële produkte;
- deelname as organisasie: die gemeenskap stel toepaslike strukture daar om deelname te fasiliteer; en
- deelname as bemagtiging: groepe, veral die wat arm en gemarginaliseer is, word betrek, sodat hulle die mag kan ontwikkel om keuses te kan maak en vir hulself besluite te kan neem.

Gemeenskapsdeelname is van kardinale belang vir enige program om effektief te funksioneer. Ten einde suksesvol te wees moet al die aktiwiteite die prioriteite van die teikengemeenskap weerspieël en lede moet betrek word by die ontwerp, implementering en evaluasie van die aktiwiteite (Peat 1997:25).

Stone (1992:412) het gevind dat deelname drie algemene eienskappe toon. Eerstens moet deelname aktief wees – dit impliseer dat die blote ontvang van dienste nie deelname beteken nie. Tweedens moet deelname keuses insluit. Dit impliseer die reg en verantwoordelikheid van persone om keuses te kan maak oor besluite wat hulle lewens mag beïnvloed. Derdens moet die keuse die moontlikheid besit om effektief te wees, met ander woorde daar moet meganismes in plek wees sodat die keuse geïmplementeer kan word.

Met bogenoemde in ag geneem kan gemeenskapsdeelname beskryf word as 'n sosiale proses waar 'n spesifieke groep met gedeelde behoeftes saamleef in 'n afgebakende geografiese area en hulle is aktief opsoek na die identifisering van hul behoeftes, hulle neem besluite en ontwikkel en stig meganismes om daardie behoeftes aan te spreek.

Rifkin *et al.* (1988) het verskillende vlakke van deelname onderskei:

Eerste vlak: minimale deelname deur lede van die gemeenskap wat kan baat by die program. 'n Voorbeeld van hierdie vlak van deelname is persone wat gesondheidsdienste ontvang.

Tweede vlak: lede van die gemeenskap mag deelneem aan aktiwiteite van die program deur bv. op te tree as gesondheidswerkers.

Derde vlak: lede van die gemeenskap deel verantwoordelikhede vir die bestuur van die program en kan dus besluit hoe sekere aktiwiteite uitgevoer moet word.

Vierde vlak: lede van die gemeenskap help met programmonitering en -evaluasie.

Vyfde vlak: lede van die gemeenskap help met programbeplanning en hul eie behoeftes en belangstellings word gebruik vir ontwikkeling van die program.

Hierdie verskillende vlakke van deelname kan help om die doelstellings van gemeenskapsprogramme duidelik, spesifiek en realisties te stel.

In Rifkin *et al.* (1988) se navorsing beskryf hulle vyf faktore wat gemeenskapsdeelname beïnvloed. Hierdie faktore is: behoeftebepaling, leierskap, organisasie, bronmobilisasie en bestuur. Met hierdie vyf faktore is dit moontlik om 'n basislyn van deelname te beskryf vir enige program. Hierdie basislyn kan gebruik word om dieselfde program te vergelyk op 'n ander tyd, om waarnemings te vergelyk van verskillende evalueerders en/of om persepsies te vergelyk van verskillende deelnemers aan dieselfde program. Die vyf faktore kan elk op 'n kontinuum met wye deelname (gemeenskap beplan, implementeer en evalueer die program en gebruik professionele persone as bronne) op een punt en beperkte deelname (professionele persone neem alle besluite) op die ander punt geplaas word. Prosesindikatore vir deelname aan gesondheidsorgprogramme kan dan gedefinieer word as die wydte van deelname op die kontinuum van elk van die faktore. Hierdie indikatore sê nie dat wyer deelname goed of sleg is nie en korreleer ook nie deelname met verbetering in gesondheidstatus nie. Dit is bedoel om verandering te beskryf en dui die proses van deelname in 'n spesifieke program aan en is ontwerp om deelname te evalueer. Verbetering in die breedte van deelname op die kontinuum beteken verbeterde deelname van die gemeenskap in die program in terme van direkte deelname.

Madan (1987) is van mening dat dit onrealisties is om aan te neem dat persone in ontwikkelende gemeenskappe die bronne, organisasie, kennis of mag het om betrokke te raak by hulle gemeenskap.

Brownlea (1987) ondersteun die siening en stel voor dat deelname ontwikkel moet word, sodat lede van die gemeenskap die mag, kennis en vaardighede kan bekom ten einde sinvol te kan deelneem aan die bestuur van hul eie gemeenskap.

Uit die literatuur is dit duidelik dat enige toetrede tot 'n gemeenskap deur individue of groepe saam moet gaan met 'n goeie begrip en erkenning van die aard van die gemeenskap wat insluit diversiteit, organisasie, grense, interaksies en sosiale en politieke verwysingsraamwerke. Instelling van 'n program sonder inagneming van bogenoemde aspekte kan lei tot die moontlike verwerping van die program.

Eienaarskap van 'n program deur 'n gemeenskap is essensieel vir suksesvolle en volgehoue programme en impliseer begrip, deelname en gelykheid (Peat 1997:20-21).

2.4 VRYWILLIGE WERK

Vrywillige werk was nog altyd 'n gewaardeerde manier om jouself beskikbaar te stel tot diens van ander. Dit is 'n weg tot persoonlike en gemeenskapsontwikkeling (Laithwaite, Burns & White 2000:2).

Vrywillige werk is 'n bekende tradisie in alle kulture en gemeenskappe deur die geskiedenis heen. Programme met 'n groot aantal vrywillige werkers vanuit 'n bepaalde gemeenskap is dié wat die grootste potensiaal het vir gemeenskapskontrole en eienaarskap (Peat 1997:33). Vrywillige werk word in sommige gemeenskappe aanvaar as toepaslik en iets wat 'n positiewe bydrae lewer tot die versterking van sosiale rolle. In ander mag vrywillige werk as negatief gesien word en onbetaalde werk word as ontoepaslik en vernederend gesien. Deelname in gemeenskapsontwikkeling word in 'n groot mate beïnvloed deur die mate waartoe die gemeenskap identifiseer met die onderwerp of doelstellings van die program (Peat 1997:24).

Een van die uitdagings wat gestel word aan voortgesette vrywillige werk is die verskaffing van opleiding en ondersteuning en dit is krities vir die handhawing van 'n program. Soos wat vrywillige werkers meer vaardig raak in dit wat hulle doen, word hul behoeftes vir meer omvattende opleiding ook meer, want hulle wil hul diens effektief kan uitvoer. Opleiding alleen verseker nie die sukses van vrywillige werk nie, dit beklemtoon of versterk egter die ontwikkeling van interpersoonlike verhoudinge, algemene kennis en praktiese vaardighede. Een van die sterkste motiveerders vir vrywillige werk is die verhoogde kennis en vaardighede wat hulle kry deur deelname aan opleidingsprogramme (Peat 1997:100-101).

2.4.1 Wie doen vrywillige werk en hoekom?

Die stereotipiese vrywillige werker is: vroulik, middeljarig, van middel sosio-ekonomiese klas, betrokke by fondsinsameling of by welsynsorganisasie en word gemotiveer deur die behoefte om iets sinvol te doen. Vrywillige werkers kom vanuit elke sektor van die gemeenskap. Daar is verskeie redes hoekom mense vrywillige werk doen en dit kan wissel van altruïsme, behoefte om ander te ontmoet, om mense te help of om nuwe kennis te verwerf. Die persepsie bestaan dat vrywillige werk help met die aanleer van vaardighede wat mag lei tot die verbreding van loopbaan-geleenthede (Laithwaite et al. 2000:2).

Resultate van die 1991 nasionale opname van vrywillige werkers in die Verenigde Koninkryk het die volgende getoon:

- hoe hoër die opvoedingsvlak, hoe groter die kans dat die persoon 'n gereelde vrywillige werker sal wees;
- 'n sterk verband tussen ouderdom en vrywillige werk met 'n toename op tot 40 jaar en dan 'n afname;
- persone met 'n huishouding waar daar geen kinders onder 5 jaar is nie, is meer geneig om gereeld vrywillige werk te doen en onderneem ook meer ure as die vrywillige werkers met jong kinders;
- persone van 'n hoër sosio-ekonomiese groep is meer geneig om vrywillige werk te doen, maar vir sommige informele gemeenskapsorgaktiwiteite sal persone van laer sosio-ekonomiese groepe meer geneig wees om betrokke te raak;
- die wat meestal gereelde vrywillige werk doen, was aanvanklik gemotiveerd om vrywillige werk te doen met die doel om vriende te ontmoet of nuwe vriendskappe te sluit;
- die organisasies wat werkers vergoed vir vervoer, was meer geneig om gereelde vrywillige werkers te behou as die wat dit nie gedoen het nie; en
- persone wat vorige ondervinding van vrywillige werk gehad het, was meer geneig om gereeld vrywillige werk te doen as dié wat dit vir 'n eerste keer gedoen het.

Die ideale vrywillige werker is 'n persoon wat geletterd is, vroulik is en tussen 15 – 45 jaar oud is. As die persoon uitgebreide familiebande het, dra dit by tot die rede om in die gemeenskap te bly en 'n diens te lewer (Gagnon 1991:127). Persone in die ouderdomsgroep 15 – 45 jaar is in die fase van hul lewe waar hulle of moet toetree tot die arbeidsmark, of besig is met die vestiging van hulle beroep. Betrokkenheid by vrywillige werk kan vir hierdie persone voordele inhou vir hul werk.

2.4.1 Verband tussen vrywillige werk en skoolverlaters

Lautenschlager (1994:2-8) het bevind dat vrywillige werk baie voordele kan inhou vir jongmense wat die oorgang moet maak van skool na die werkplek. Vrywillige werk gee hulle die geleentheid tot persoonlike groei, praktiese werksondervinding en die ontwikkeling van vaardighede. Gegrond in die etiek van sosiale verantwoordelikheid, kan vrywillige werk dien as 'n vorm van opvoeding vir burgerskap wat jongmense met hulle saamneem tot in hul volwasse lewe. Die arbeidsmark word nou gekenmerk deur gedurige veranderinge. Die werkplek van die toekoms verwag bedrewe en kreatiewe werkers wat aanpasbaar genoeg is om aan te pas by gedurige veranderinge. Dit word nou aanvaar dat werkers in die toekoms meer as een werk gedurende hulle werkleeftyd sal doen. 'n Kenmerk van die nuwe ekonomiese omgewing is die behoefte tot lewenslange leer. Om by te hou met verandering en om kompetend te bly sal elke persoon moet aanhou om nuwe kennis en vaardighede te ontwikkel. Sonder relevante vaardighede sal jongmense beperkte werkskeuses hê, hulle mag laer inkomste verdien en selfs gebuk gaan onder kroniese werkloosheid. Die verband tussen vaardighede en geleentheid is meer krities as vantevore. Vaardighede word nou gesien as 'n noodsaaklikheid vir jongmense ten einde 'n suksesvolle oorgang te maak na 'n nuwe werkplek en om 'n werk te behou in 'n onstuimige ekonomie.

Kernvaardighede is die basiese vaardighede wat nodig is om te werk en te leer in die werkplek. Dit vorm die basis wat nodig is om enige werk te kry en te behou. Jongmense wat nog besig is om kernvaardighede te ontwikkel kan meer bedrewe word deur middel van vrywillige werk. Mense wat al 'n redelike vlak van bedrewenheid in hierdie vaardighede ontwikkel het, het die kans om dit te verbeter met vrywillige werk.

Oordraagbare vaardighede is hoër orde vaardighede as kernvaardighede. Hulle word benodig vir 'n wye verskeidenheid van werke en kan oorgedra word van die een taak, werk en werkplek na 'n ander. Hierdie vaardighede is baie bemerkbaar en sluit in menseverhoudinge, denkvaardighede en praktiese vaardigheid. 'n Vaardighedsprofiel kan ontwikkel word in 'n gegewe situasie en is hoofsaaklik gebaseer op oordraagbare vaardighede.

2.4.3 **Faktore wat bydra tot die behoud van vrywillige werkers in 'n program**

In die studie van Graham (1998), waar sy die opleidingsprogram van vrywillige werkers evalueer, het sy gevind dat die volgende faktore bygedra het tot die behoud van die vrywillige werkers in die program:

- Erkenning van die vrywillige werker se vermoëns deurdat hulle besluite kon help neem rakende die program. Dit het tot gevolg gehad dat hulle 'n gevoel van eienaarskap vir die program ontwikkel het en gevolglik gevoel het dat hul bydrae nodig is vir die voortsetting van die program.
- 'n Ondersteunende en raadgevende verhouding tussen die bestuur en die vrywillige werkers bied aan hulle die geleentheid om hul behoeftes openlik te bespreek en om terugvoer te ontvang.
- Geleenthede is geskep om te verseker dat verdere leer en ontwikkeling kan plaasvind.

Dieselfde faktore is ook deur Gagnon (1991:137) vasgestel.

2.5 **RAVENSMEAD: VOLCANO GEMEENSKAPSPROJEK**

Die navorsing wat gerapporteer word in hierdie navorsing is uitgevoer in die Ravensmead gemeenskap in die Wes-Kaap Provinsie van Suid-Afrika. Dit is belangrik om die ontstaan van die projek te beskryf, asook hoe dit inpas by die gemeenskap van Ravensmead. Hierdie inligting is nodig ten einde die situasie waarbinne die opleidingsprogram geëvalueer word te verstaan asook om die interpretasies wat gemaak word vanuit die data te verbind met wat binne die opleidingsprogram aangebied word.

Die opleidingsprogram, as deel van die Volcano gemeenskapsprojek, word bespreek volgens die vier hoofaktiwiteite soos voorgestel deur (Boone 1995). Die vier hoofaktiwiteite is as volg:

2.5.1 Identifiseer, bepaal en analiseer behoeftes spesifiek vir die teikenpopulasie.

2.5.2 Beplan en ontwerp program om hierdie behoeftes aan te spreek.

2.5.3 Implementeer die program.

2.5.4 Evalueer en gee rekenskap van die uitkomst.

2.5.1 Identifiseer, bepaal en analiseer opvoedkundige behoeftes van die teikenpopulasie.

Hierdie afdeling word as volg bespreek:

- (i) Profiel van die gemeenskap en 'n historiese oorsig van die ontstaan van Ravensmead.
- (ii) Identifisering van die behoefte vir die projek.
- (iii) Werwing van die vrywillige werkers.

Die gemeenskap van Ravensmead is ongeveer 25 km suidwes van Kaapstad geleë en dit word begrens deur Cravenby, Uitsig, Parowvallei en Belhar gemeenskappe. Tydens die sestigerjare is ongeveer 3000 bruin mense wat eiendom besit het vanaf Parowvallei hervestig na Tiervlei, nou bekend as Ravensmead. Volgens die 1994 sensus is die totale bevolking 77600 waarvan ongeveer 3500 van die bevolking bestaan uit voorskoolse leerders en 6500 van skoolgaande ouderdom is. In die area is ses laerskole en van die ses het geen pre-primêre fasiliteite of enige naskoolsentrumfasiliteite nie. Ravensmead word omring deur industrieë wat 280 fabriekes insluit. 'n Groot persentasie van die inwoners is dan ook werksaam in die industriële area. Werkloosheid is in die area 'n wesenlike probleem en die effek

daarvan word gesien in die groot getal persone wat tydens werkure doelloos rond dwaal of by smokkelhuise kuier. Die area het ± 200 smokkelhuise. Die gemeenskap is van 'n laer sosio-ekonomiese status.

In Maart 1993 is die Departement Arbeidsterapie van die Universiteit van Stellenbosch genader, deur 'n maatskaplike werker van die gemeenskap, om haar behulpzaam te wees met die daarstel van 'n loodsprogram vir 'n naskoolsentrum in die gemeenskap. In haar hoedanigheid as gemeenskapskoördineerder het sy die volgende behoeftes geïdentifiseer:

- Daar bestaan gebrekkige geleenthede en fasiliteite vir die jeug om by in te skakel in die middag na skool en oor naweke met die gevolg dat hulle rondslinger in die strate.
- Beperkte geleenthede en fasiliteite bestaan vir die jeug om hulle vrye tyd konstruktief te kan gebruik.
- Bogenoemde mag bydraende faktore wees vir die ontwikkeling van bendebedrywighede, leegleëry en tienerswangerskappe.
- Met die jonger kinders was die probleem soortgelyk, naamlik beperkte fasiliteite en middele om mee te speel.
- Daar bestaan nie gekontroleerde toesig vir kinders in die middag nie, met die gevolg dat hulle in die strate rondspeel.
- Ouers is bekommerd oor die kinders sonder toesig, maar beperkte fasiliteite en die finansiële implikasies, sou 'n diens beskikbaar wees, is nie vir die ouers haalbaar nie.

Uit terugvoer van die laerskole het dit geblyk dat daar tot so hoog as 'n 25% druipsyfer by graad een tot drie leerders aanwesig was en dat die leerders gebuk gaan onder negatiewe portuurgroepbeïnvloeding soos onder meer substansmisbruik.

Die aanname is gemaak dat deur die leerders bloot te stel aan ouderdomverwante stimulasie-aktiwiteite en konstruktiewe vryetydsbesteding die negatiewe aspekte teëgewerk kan word.

Ten einde die probleem van gebrekkige fondse aan te spreek is daar besluit om van werklose jeugdige vanuit die gemeenskap gebruik te maak deurdat hulle opgelei sal word om as vrywillige werkers 'n program aan die kleiner kinders aan te bied. Die vrywillige werkers stel hulself vir 'n periode van 'n jaar beskikbaar om 'n bekostigbare diens aan die gemeenskap te bied. Die diens fokus hoofsaaklik daarop om ontwikkelingsagterstande by graad een en twee leerders op te hef. In ruil vir die diens ontvang die vrywillige werkers indiensopleiding wat daarop gemik is om hulle met vaardighede te bemagtig wat hulle kan gebruik in enige werk.

Dit het aanleiding gegee tot die stigting van Volcano, wat 'n akroniem is vir "volunteers of love, care and neverending objectives".

2.5.2 Beplan en ontwerp onderrig om die geïdentifiseerde behoeftes aan te spreek.

In hierdie afdeling word daar spesifiek gekyk na die visie en missie van Volcano asook na die oorkoepelende doelstellings van die projek.

Volcano se visie is soos volg:

Getrou aan die eienskappe van 'n vulkaan strewende ons daarna om liefde en sorg op 'n nimmereindigende wyse te laat oorspoel oor die gemeenskap van Ravensmead.

In die missie van Volcano sien hulle hulself as eerstens lede van die Ravensmeadgemeenskap en ten tweede as lede van Volcano. Hulle strewende daarna om:

- alle betrokkenes aan mekaar bekend te stel, sodat gesonde interaksie plaasvind deurdat lede vanuit eie geleedere mekaar positief met vaardighede bemagtig;

- 'n bekostigbare, maklik bereikbare en toeganklike diens vir die leerders daar te stel; en
- vaardighede wat verwerf is deur middel van die blootstelling aan die projek terug te ploeg in die breë gemeenskap van Ravensmead.

Die doel van die Volcano projek is om:

- Werklose jeugdige vanuit die gemeenskap met vaardighede te bemagtig ten einde selfontwikkeling te bevorder. Deurdat hulle meer selfontwikkeling kry, lei dit tot 'n beter bedingingsvermoë om 'n werk te bekom.
- Werkgeleenthede daar te stel teen 'n bekostigbare tarief vir die verbruiker.
- Die ontwikkelingsbehoefte van die jonger kind aan te spreek.

Die loodsprogram is in 1994 uitgevoer tydens die vier skoolkwartale, van Maandag tot Donderdag tussen 14:00 en 16:30 by die Burgersentrum in Ravensmead. Die fokus van die loodsprogram was om :

- die behoefte aan konstruktiewe vrye tyd van graad een tot drie leerders aan te spreek;
- te fokus op leerders woonagtig in die lae sosio-ekonomiese woonstelblokke waar geen fasiliteite vir ontspanning beskikbaar is nie;
- 'n program wat gefokus is op die behoeftes van die leerders op te stel en aan te bied aan die vrywillige werkers wat dit weer op hulle beurt aan die graad een tot drie leerders gaan oordra;
- die opleidingspakkette wat aan die vrywillige werkers gebied word, vervul dus die doel gestel deur die Universiteit van Stellenbosch om nie-formele aanbiedings op die terrein van gemeenskapsonderrig te onderneem waaronder algemene verrykingsonderwys aan die breë gemeenskap resorteer; en

- die projek skep ook die geleentheid aan Arbeidsterapiestudente om praktiese ervaring in gemeenskapsdiensaktiwiteite op te doen.

Aan die einde van 1994 is die loodsprogram geëvalueer en die volgende is gevind:

- Die gemeenskap voel dat nie net die kinders woonagtig in die woonstelle behoort te baat by die projek nie.
- Alle kinders vanuit die Ravensmeadgemeenskap die aktiwiteite van Volcano moet kan bywoon.
- Slegs 30 leerders op 'n keer hanteer kan word, omdat die fasiliteite dan maksimaal benut is.
- Kontrole oor die deelnemers aan die projek moeilik is, groepe wissel in ouderdom, want ouer kinders moet oor jonger broers en susters toesig hou, wat dit moeilik maak om 'n program op te stel wat ouderdomspesifiek is.
- Met 'n ontwikkelingstoets wat op 'n steekproef van die leerders uitgevoer is, het dit geblyk dat die kinders een tot twee jaar onder ouderdomsverwagting toets wat die vermoede bevestig dat die kinders beperkte blootstelling aan stimulasie-aktiwiteite het.

Op grond van die resultate van die loodsprogram is daar besluit om die projek in 1995 te verskuif na die skole, omrede:

- Dit meer geleentheid skep vir alle leerders wat ontwikkelingsagterstande toon om deel te word van die projek.
- Leerders in ouderdomsgroepe gesien kan word.
- Daar meer kontrole is oor wie die program bywoon en dus kan vordering gemonitor word.
- Meer fasiliteite beskikbaar is, wat meer leerders die geleentheid gee om deel te wees van die program.

- Die program eerder moet fokus op basies perseptueel-motoriese vaardighede van die leerders wat kan dien as 'n basis vir verdere ontwikkeling van vaardighede in lees, skryf en wiskunde.

Sedert 1995 word die program dus aangebied by die skole na afloop van die normale skooldag. Vrywillige werkers word jaarliks vanuit die gemeenskap gewerf om te help met die aanbieding van die program aan die leerders. Die teikengroep vir moontlike vrywillige werkers is die vorige jaar se matrikulante, maar enige persoon wat in besit is van ten minste 'n standaard agt sertifikaat word ook aanvaar. 'n Gemiddeld van 120 leerders in graad een en twee word twee maal per week vir 'n uur blootgestel aan stimulasie aktiwiteite in 'n kleiner groep. Die stimulasie van die leerders is gefokus op perseptueel-motoriese ontwikkeling en is ondersteunend tot die skoolkurrikulum.

2.5.3 Implementering van die program

Die Volcano program bestaan uit twee hoofaspekte naamlik:

- die ontwikkelingstimulasieprogram wat aan die graad een en twee leerders by die skole aangebied word deur die vrywillige werkers; en
- die opleidingsprogram wat aan die vrywillige werkers gebied word om hulle te bemagtig met vaardighede, sodat hulle die program met die leerders kan gaan uitvoer.

Elkeen van die twee hoofaspekte word kortliks bespreek aan die hand van die doelstellings gestel en die aksieplanne wat in werking gestel is om die doelstellings te kan bereik.

Ontwikkelingstimulasieprogram:

Die doel van hierdie program is om stimulering te bied aan graad een en twee leerders wat ontwikkelingsagterstande toon, sodat hulle na 'n jaar van betrokkenheid vordering toon soos vergestalt in 'n verhoging in die algemene slaagsyfer van die leerders.

Ten einde die doelstelling te kan bereik is die volgende aksieplan in werking gestel:

- Implementering van 'n siftingsprosedure ten einde 'n beeld te kry van die areas waar probleme voorkom by die leerders. Hierdie prosedure word uitgevoer deur die vrywillige werkers, onder leiding van die Arbeidsterapiestudente wat 'n kliniese plasing in die gemeenskap doen. Die siftingsprosedure fokus veral op kleur-, vorm- en nommerkonep van die leerders en hierdie konsepte vorm die basis vir verdere ontwikkeling van skoolvaardighede.
- Opstel van doelstellings vir die weeklikse stimulasieprogram, met inagneming van bogenoemde probleemareas wat geïdentifiseer is.
- Die Arbeidsterapiestudent beplan die program ten opsigte van die tipe aktiwiteite ten einde die doelstelling te kan bereik.
- Opleiding van die vrywillige werkers in die aanbieding van die stimulasieprogram vind op 'n daaglikse basis plaas.
- Daaglikse evaluering van die program aangebied deur die vrywillige werkers vind plaas direk na die aanbieding van die program by die skole. Vrywillige werkers gee terugvoer omtrent die program en daar word gepoog om hulle voorstelle en idees in te sluit by die beplanning van die volgende week se stimulasielesse.
- Die siftingsprosedure word weer aan die einde van elke jaar herhaal ten einde die kind se vordering te monitor en terugvoere te kan gee aan die skool en die leerder se ouers. Vrywillige werkers is verantwoordelik vir die herbepaling en die Arbeidsterapiestudent stel dan die individuele verslae van elke leerder saam op grond van die terugvoer verkry.

Opleidingsprogram:


Die doel van die opleidingsprogram wat aan die vrywillige werkers gebied word, is: om die vrywillige werkers met kennis en vaardighede te bemagtig, sodat hulle effektief in 'n groep kan saamwerk en onafhanklik op 'n kontrolevlak die stimulasieprogram aan die leerders kan gaan aanbied en evalueer.

Ten einde die doelstelling te kan bereik word die vrywillige werkers weekliks blootgestel aan opleidingsessies waar hulle kennis en vaardighede ontvang ten opsigte van groephantering, ontwikkelingstadium van die leerders, vergadering-prosedures, beplanning en tydgebruik, konflikhantering, selfgeldingsvaardighede en effektiewe kommunikasie.

Elk van hierdie onderwerpe is geselekteer, omdat dit direk verband hou met die take wat die vrywillige werkers moet uitvoer as lede van die Volcanoprojek en dus bied dit die geleentheid aan die vrywillige werkers om die kennis wat verkry is in die groepe te kan toepas tydens die uitvoering van hul daaglikse take.

Die verband tussen die kennis en vaardighede verkry in die groepe en die take wat die vrywillige werkers moet vervul as deel van die projek, word vervolgens skematies voorgestel.

Opleiding



Figuur 2.1

SKEMATIESE VOORSTELLING VAN DIE VERBAND TUSSEN KENNIS EN VAARDIGHEDE WAT AANGELEER WORD TYDENS VERRYKINGSGROEPE EN DIE TAKE WAT VRYWILLIGE WERKERS MOET VERVUL IN DIE PROGRAM

2.5.4 **Evaluering van die program**

Kontrole oor die projek kom voor op alle vlakke en op verskillende maniere deur die onderskeie rolspelers betrokke by die projek. Die wyse waarop kontrole en evaluering van al die aspekte van die projek hanteer word, word aangebied in Tabel 2.1 deurdat die persoon betrokke genoem word, asook wat die persoon se take behels, wanneer die take uitgevoer behoort te word en die frekwensie daarvan en laastens hoe evaluering van die taakuitvoering plaasvind.

Tabel 2.1

DIE VERBAND TUSSEN BETROKKE PERSONE IN DIE PROGRAM SE TAKE, SKEDULERING VAN TAKE EN EVALUERING VAN TAKE

Persone betrokke en hul take		Tydsduur, wanneer en hoe van take	Evaluering van take
Dosent Arbeidsterapie, Universiteit van Stellenbosch	<ul style="list-style-type: none"> Koördineer stimulasieprogram vir Graad een en twee leerders, asook opleidingsprogram van vrywillige werkers om dit in lyn te hou met oorkoepelende doelstelling van die projek. Toesighouding en konsultasie met Arbeidsterapiestudente vir die bestuur van die projek. 	<p>Deurlopende skakeling.</p> <p>Tydens kliniese plasing van studente in die area.</p>	Jaarlikse verslag ten einde aan Dekaan gemeenskapsbetrokkenheid te rapporteer.
B.Arbeidsterapie IV studente	<ul style="list-style-type: none"> Werwing van vrywillige werkers vir die program. Opleiding aan vrywillige werkers vir die aanbod en beplan van groepe met leerders. Toepassing van siftingsprosedure op gekose leerders. Reël van oueraande. Aanbied en beplan van stimulasiegroepe vir Graad een en twee leerders. Opstel en aanbod van opleidingsprogram ten einde vrywillige werkers met vaardighede te bemagtig. Kwartaallikse vergadering met skole Bywoon van weeklikse administratiewe vergadering 	<p>Aan begin van die jaar.</p> <p>Deurlopend</p> <p>Deurlopend</p> <p>Een maal per kwartaal.</p> <p>Deurlopend</p> <p>Deurlopend</p> <p>Een maal per kwartaal.</p> <p>Weekliks</p>	<p>Student word per plasing beoordeel ten opsigte van vermoë om diens te behartig.</p> <p>Evaluasie geskied volgens riglyne gestel deur die Departement Arbeidsterapie.</p>

Tabel 2.1 (vervolg)

DIE VERBAND TUSSEN BETROKKE PERSONE IN DIE PROGRAM SE TAKE, SKEDULERING VAN TAKE EN EVALUERING VAN TAKE

Persone betrokke en hul take		Tydsduur, wanneer en hoe van take	Evaluering van take
Vrywillige werkers	<ul style="list-style-type: none"> Aanbied van stimulasieprogram vir leerders by die skole. Aanbied en beplan van kwartaalike oueraande. Kontakpersoon tussen skool en ander betrokkenes. Lei van administratiewe vergaderinge. Evalueer van programme aangebied by skool. Beplan en aanbied van funksies vir fonds-insameling. Aktief betrokke en verantwoordelik vir die groei en oefen van vaardighede. 	<p>Maandae - Donderdae.</p> <p>Kwartaaliks</p> <p>Maandae - Donderdae</p> <p>Weekliks</p> <p>Daaglik na afloop van sessies by die skole.</p> <p>Deurlopend en gedurende skoolvakansie.</p> <p>Deurlopend, op 'n rotasiebasis word hulle blootgestel aan sekere pligte, bv. moet optree as voorsitter van administratiewe vergadering.</p>	<p>Arbeidsterapiestudent woon stimulasieprogram op rotasiebasis by en gee terugvoer aan die betrokkenes.</p> <p>Vrywillige werkers evalueer mekaar daaglik volgens voorafbepaalde kriteria.</p> <p>Kwartaalike terugvoer van skool aangaande vrywillige werkers se optrede en hantering van kinders.</p> <p>Elke vrywillige werker word geëvalueer ten opsigte van pligte uitgevoer. Dit word deur mede vrywillige werkers en die Arbeidsterapie-student gedoen.</p>
Skole	<ul style="list-style-type: none"> Gee kwartaaliks terugvoer aangaande die sukses van program. Help met reëlins bv. identifiseer van leerders vir projek, verskaf lokaal en materiale. Bywoon van vergadering met studente en vrywillige werkers. 	Vergadering met student en vrywillige werkers een maal per kwartaal.	Hou rekord van skoolbywoning van leerders. Skooluitslae/Leerderverslae.
Leerders	<ul style="list-style-type: none"> Bywoon van die stimulasieprogram. Ouers aan te moedig om oueraande by te woon. 	<p>Twee maal per week.</p> <p>Een maal per kwartaal.</p>	Probleemareas ten opsigte van ontwikkeling word vasgestel deur middel van siftings-prosedure. Prosedure word einde van die jaar weer herhaal om vordering te bepaal.
Ouers van leerders betrokke by projek	<ul style="list-style-type: none"> Moedig leerder aan om projek by te woon. Bywoon van oueraand. Toepasing van kennis verkry tydens oueraande ten einde leerders by die huis te stimuleer. 	<p>Deurlopend</p> <p>Een maal per kwartaal.</p>	Register word gehou van ouers wat vergadering bywoon.

Die Volcano projek is huidiglik in 2002 nog in werking en alhoewel daar meganismes in plek gestel is om die daaglikse take van almal betrokke te monitor, is daar geen inligting beskikbaar om te kan staaf dat die projek meriete het vir verdere voortsetting nie. Die subjektiewe gevoel is dat die projek 'n bydrae lewer tot die gemeenskap, maar wetenskaplike navorsing is nodig om bewyse te genereer wat gebruik kan word as bedingingsmag om fondse te genereer vir voortsetting en uitbreiding van die projek. In hierdie navorsing is daar besluit om by die vrywillige werkers te begin en ondersoek in te stel na die impak van deelname aan Volcano op hul lewens en hierdie navorsing vorm 'n klein deel van die totale progamevaluering wat uitgevoer behoort te word.

HOOFSTUK 3

NAVORSINGSONTWERP EN METODOLOGIE

3.1 PROBLEEMSTELLING

Vrywillige werk is 'n bekende tradisie in alle kulture en gemeenskappe deur die geskiedenis heen. Dit is bewys dat projekte met 'n groot aantal vrywillige werkers van 'n bepaalde gemeenskap, dié projekte is met die beste potensiaal om deur die gemeenskap erken en aanvaar te word. Die gemeenskap is dan ook bereid om verantwoordelikheid te neem vir die projek (Peat 1997).

Voortgesette onderrig van betrokkenes is krities vir enige projek se voortbestaan. Sterk motiveerders vir vrywillige werkers is die verhoogde kennis en vaardighede wat hulle verkry deur middel van deelname aan 'n opleidingsprogram (Peat 1997).

Programevaluering is die bepaling van die waarde van 'n program of 'n aspek van die program. Dit is in sy breedste sin 'n beoordeling van die waarde van 'n program. Ten einde 'n beoordeling te kan maak moet die evalueerder die volgende vrae kan antwoord:

- Wat is die sterkpunte van die program?
- Wat is die swakpunte van die program?
- Wat kan ons anders of beter gedoen het?

Aan enige projek word eise gestel ten opsigte van die effektiwiteit, doeltreffendheid en publieke aanspreeklikheid. Hierdie eise kan op verskillende wyses hanteer word, onder andere deur programimpakevaluering te doen.

Die navorsingsvraag wat in hierdie navorsing gevra word is:

HOE KAN DIE OPLEIDINGSPROGRAM WAT AANGEBIED WORD AAN DIE VRYWILLIGE WERKERS VAN DIE VOLCANOPROJEK IN DIE RAVENSMEAD-AREA VERBETER WORD?

Om dit meer spesifiek te maak, is die volgende vrae gestel:

- Wat is die sterkpunte van die program vir die vrywillige werkers?
- Wat is die swakpunte van die program vir die vrywillige werkers?
- Hoe affekteer die opleiding wat hulle ontvang die vrywillige werkers persoonlik?

In die aanspreek van hierdie vrae hoop die navorser om faktore te kan identifiseer wat 'n impak het op die program en om dit toepaslik aan te spreek sodat die program se effektiwiteit kan verbeter.

3.2 METODES

"Evaluation in extension used to focus primarily on judging a program's merit or worth. Additionally, the methodology associated with earlier forms of evaluation was portrayed as basically a quantitative activity. In today's increasingly complex and demanding world, evaluation must deal with issues of accountability, good management, knowledge building and sharing, organizational learning and development, problem identification and policy formation. As the scope of evaluation expands, qualitative approaches and multiple methods are becoming increasingly necessary." (Suvedi, Heinze & Ruanavaara, [<http://www.canr.msu.edu/evaluate/AllTextMaterial/evaluation%20manual%202000.html>])

Ten einde 'n bydrae te lewer tot die verbetering van 'n spesifieke program is dit nodig om binne die kwalitatiewe metodologie te gaan kyk. Creswell (1994) noem dat kwalitatiewe metodologie gebruik maak van induktiewe logika en dat dit lei tot sterk konteksgebonde inligting, wat weer lei tot patrone of teorieë om 'n spesifieke verskynsel te verklaar.

3.2.1 Navorsingsparadigma

Kwalitatiewe evaluasienavorsing is die paradigma wat gebruik is om die data in te samel en te analiseer. Die kwalitatiewe paradigma volgens Creswell (1994) word gedefinieer as die konstruktiewe benadering of die naturalistiese, interpreterende of postmoderne perspektief. Dit impliseer dus dat temas/kategorieë ontstaan vanuit die data wat verkry is van die deelnemers en is dus nie vooraf bepaalbaar nie. Hierdie tipe evaluasie is in hierdie navorsing gebruik om die volgende redes:

- Die navorsing is beperk tot 'n fokus binne 'n spesifieke konteks.
- Bevindinge sal nie wyer geneem word as die konteks waarbinne gewerk is nie.
- Die doel is om intervensie binne 'n bepaalde stel aktiwiteite op 'n spesifieke tyd vir 'n spesifieke groep persone te bevorder.
- Die navorsing poog nie om basiese veralgemenings omtrent die aard van menslike gedrag en gemeenskap te maak nie, maar is eerder gesteld op die generering van inligting wat gebruik kan word om die program te verbeter.

3.2.2 **Rasionaal vir die keuse van die paradigma**

Die volgende veronderstellings met betrekking tot hierdie navorsing is aanvaar om die gebruik van evaluasienavorsing te regverdig:

- Die enigste waarheid vir die navorser is dit wat deurgegee word deur die individue betrokke by die navorsing.
- Die navorser is die primêre skakel vir data-insameling en analisering.
- Die analiseproses is induktief en patrone/temas ontstaan vanuit die individue betrokke by die navorsing se perspektiewe en word nie vooraf bepaal nie.
- Die data-insameling en analise handel oor betekenis en is sterk konteksgebonde.

3.3 **BEGRENSING VAN DIE NAVORSING**

3.3.1 **Steekproef**

'n Doelgerigte steekproeftrekking wat al die vrywillige werkers betrokke by die projek insluit, is gedoen met die volgende insluitingskriteria:

- Vrywillige werkers moes tussen 1995 en 1999 deel van die program gewees het.
- Vrywillige werkers moes minstens een skoolkwartaal by die program betrokke gewees het.
- Vrywillige werkers wat aan bogenoemde twee kriteria voldoen, is drie maal gekontak en as hulle dan nie opgespoor kon word nie, is hulle uitgelaat uit die steekproef.

Daar is besluit op hierdie kriteria om die volgende redes:

- 1995 was die eerste jaar dat die vrywillige werkers opgelei is om vooraf opgestelde lesse met die leerders by die skole aan te bied. Die periode van 5 jaar is ingesluit om die steekproef so groot moontlik te kry, sodat nie net een of twee vrywillige werkers se perspektiewe oor die program verkry word nie.
- Die vrywillige werkers moes ten minste een kwartaal deel van die program gewees het ten einde te verseker dat hulle wel onafhanklik 'n groep graad een en twee leerders kan hanteer en die basiese opleidingsweek en oriëntasie voltooi het.
- As daar drie maal uitgereik is om die vrywillige werker te kontak en geen respons is verkry nie, is die vrywillige werker uitgelaat uit die navorsing. Van die oorspronklike vyf en twintig vrywillige werkers wat voldoen aan die kriteria is daar met veertien 'n onderhoud gevoer. Slegs dertien transkripsies is egter gebruik omdat een band tydens die proses van transkribering gebreek het en nie herstel kon word nie. Die dertien onderhoude is as volg versprei oor die vyf jaar periode:
 - 1995 – vyf vrywillige werkers
 - 1996 – twee vrywillige werkers
 - 1997 – geen nuwe vrywillige werkers is ingeneem nie en van die vrywillige werkers van 1995 en 1996 het voortgegaan met die program
 - 1998 – drie vrywillige werkers
 - 1999 – drie vrywillige werkers

Die redes hoekom daar geen onderhoude met die ander nege vrywillige werkers gevoer is nie, is soos volg:

- Vyf van die vrywillige werkers het weggetrek uit die area en geen kontaknommers is vir hulle beskikbaar nie.
- Twee van die vrywillige werkers is in permanente werke, wat net saans die geleentheid geskep het vir die voer van die onderhoude, maar daar was nie in die omgewing 'n geskikte lokaal om vir die doel te gebruik nie.

- Daar is met twee vrywillige werkers afsprake gemaak, maar op die geskeduleerde tye het een 'n tydelike werk gekry en die ander vrywillige werker is weggeneem deur sy werk om elders 'n rekreasieprogram te gaan aanbied.

3.3.2 Demografiese inligting van die vrywillige werkers

Die relevante demografiese inligting van die vrywillige werkers is as volg:

Ras: Bruin

Geslag: mans (3) vroue (10)

Huwelikstaat : getroud (3) ongetroud (9) geskei (1)

Afhanklikes: voorskools (2) skoolgaande (3)

Ouderdom" 18, 2 x 19, 20, 2 x 21, 22, 23, 26, 33, 38, 43 en 46

3.3.3 Agtergrond

Ten einde toegelaat te word as vrywillige werker, moes persone aan die volgende kriteria voldoen:

- Graad 10-opleiding voltooi het, tensy daar bewyse bestaan dat die persone oor die intellektuele vermoë beskik, maar as gevolg van omstandighede nie graad 10 kon voltooi nie.
- Persone moes bereid wees om met kinders te werk vir vier dae van die week sonder enige betaling.

(Verwys na 2.5.1 vir 'n volledige bespreking van die werwingsproses van vrywillige werkers en hul vorige ervaring.)

3.4 DATA-INSAMELING

3.4.1 Metode van data-insameling

In hierdie navorsing is gebruik gemaak van semi-gestruktureerde onderhoude as metode om data te bekom. Onderhoudvoering in kwalitatiewe navorsing berus op die veronderstelling dat die perspektief van ander persone:

- betekenisvol is;
- die moeite werd is om te weet; en
- moontlik is om duidelik gemaak te word.

Die doel van die onderhoud is dus om uit te vind wat in die persoon se gedagtes aangaan. Met ander woorde nie om iets in sy gedagtes te plaas nie, maar om die persoon met wie die onderhoud gevoer word se perspektief te kry op 'n saak. Die navorser moet dit vir die persoon moontlik maak om hom in sy wêreld in te neem.

Tipe perspektiewe waarna gekyk word, is onder andere:

- Wat is hul ervaring van die program.
- Wat weet hulle van die program.
- Watter veranderinge sien hulle in hulself as gevolg van deelname aan die program.

In hierdie navorsing is 'n algemene onderhoudriglyn gebruik om inligting in te samel. Die hoofmotivering vir die keuse is:

- Die vrywillige werkers het verskillende vlakke van opvoeding en die navorser kan dus aanpas by die taal en manier van beantwoording van die betrokke vrywillige werker.
- Die navorser kan vry voel om onduidelikhede uit te klaar, sodat die vrywillige werker se perspektief duidelik navore kom.

Voor aanvang van die onderhoude is daar besluit watter aspekte met elke vrywillige werker gedek sou word en hoekom dit ingesluit sal word in die onderhoud. Die volgende kategorieë vrae is ingesluit:

- Demografiese inligting – hierdie inligting identifiseer die vrywillige werker.

Hoe oud was jy toe jy by die program aangesluit het?

Het jy enige vorige werk gedoen voordat jy by die program aangesluit het?

Hoogste standerd behaal op skool?

- Kennis vrae – hierdie inligting identifiseer die feitelike inligting waaroor die vrywillige werker beskik.

Hoe het jy van die program te hore gekom?

Wat het jou na die program toe aangetrek?

Wat was jou rol in die program of wat het jy elke dag gedoen?

Wat onthou jy van die program, byvoorbeeld wie was betrokke, vir wie is dit aangebied?

- Opinie vrae – hierdie inligting vertel van die vrywillige werker se behoeftes, doelstellings en wat hy/sy dink oor 'n bepaalde onderwerp.

Hoe effektief dink jy is die program?

Wat het jy geleer by die program of wat doen jy nou wat jy nie voor jou deelname aan die program gedoen het nie?

Dink jy die program moet voortgaan?

- Gevoelsvrae – hierdie inligting identifiseer die vrywillige werker se emosionele respons tot sy/haar ervaring en gedagte.

Laat ek jou vra omtrent jou gevoelens omtrent die program. Wat is van die aspekte wat jy regtig geniet het omtrent die program?

Wat is van die aspekte wat jy regtig nie van gehou het in die program nie?

As jy die mag sou hê om iets te kan verander aan die program, wat sal jy anders doen?

- Ervaringsvrae – hierdie inligting identifiseer wat die vrywillige werker gedoen het en beskryf die ervaring, gedrag, aksies en aktiwiteite wat betrokke was.

Gebaseer op jou ervaring, wat sal jy sê is die sterkpunte van die program?

Gebaseer op jou ervaring, wat sal jy sê is die swakpunte van die program?

Wat dink jy van die opleiding wat jy ontvang het?

Nadat die kategorieë van vrae vasgestel is, is daar gaan kyk na die volgorde van die vrae. Die onderhoud is begin met meer algemene vrae oor huidige werk en aktiwiteite. Die vrae wat fokus op die vrywillige werkers se opinie of gevoel is eers gevra nadat hulle 'n beskrywing moes gee van die program soos wat hulle dit herroep. Dit was nodig, want vir 'n persoon om sy/haar opinie te kan gee moet hy/sy eers weer die ervaring kan herleef. Die demografiese inligting is versprei deur die onderhoud en is tot 'n minimum beperk. Verwys na bylae B tot N vir die volgorde waarin die vrae aan die vrywillige werkers gestel is.

Hierdie basiese riglyn van kategorieë vrae het as oorsiglys gedien, sodat die navorser kon verseker dat sy alle relevante onderwerpe gedek het. Deur hierdie metode te kies, kon daar 'n tydskatting geplaas word op die duurte van die onderhoud. Omdat dertien persone vir die onderhoude gebruik is, kon die metode verseker dat die inligting sistematies en omvattend volgens die relevante onderwerpe ingesamel word.

In hierdie proses mag dit egter gebeur dat daar nie omvattend genoeg gekyk is na die oorspronklike onderwerpe nie en dus kan daar baie belangrike aspekte uitgelaat word. Dit mag ook gebeur dat die navorser buigzaam raak tydens die onderhoude wat dit moeilik maak om response van vrywillige werkers met mekaar te vergelyk.

Die onderhoude is op band geneem en genommer. Daar is van elke onderhoud 'n rekord gehou van die volgende:

- wanneer die afspraak met die vrywillige werker gemaak is;
- wanneer die onderhoud plaasgevind het;
- indien dit nie plaasgevind het nie, wat die rede daarvoor was en wanneer dit geherskeduleer is;
- waar die onderhoud plaasgevind het; en
- 'n kort nota oor die vrywillige werkers se reaksie op die onderhoud.

Die onderhoude is gevoer binne die raamwerk van Patton (1990) se vyf primêre dimensies van observasies sodat die konteks waarbinne die onderhoude gevoer is, duidelik gemaak kan word. Die vyf dimensies is:

- Rol van evalueerder/observeerder – in hierdie navorsing is die evalueerder-observeerder 'n volle deelnemer deurdat die navorser bekend is met die program en self die onderhoude gevoer het.
- Uitbeeld van rol van evalueerder aan ander – die navorser se rol is bekend aan al die vrywillige werkers en hulle weet wie en wat die navorser is.
- Uitbeeld van die doel van evaluering aan ander – die vrywillige werkers is ingelig oor die werklike rede vir die onderhoud.
- Duurte van die evaluasie – die onderhoude is beperk tot een uur en dit het eenmalig plaasgevind.
- Fokus van die observasie – die fokus is op die perspektief van die vrywillige werker rakende die program.

3.4.2 **Etiese aspekte van die navorsing**

Die etiese aspekte van toepassing in hierdie navorsing word bespreek volgens:

- (i) ingeligte toestemming;
 - (ii) konfidensialiteit en anonimiteit; en
 - (iii) toegang tot data en eienaarskap.
- (i) Ingeligte toestemming

Al die vrywillige werkers betrokke by die navorsing is telefonies gekontak deur die navorser waartydens hul deelname tot die navorsing versoek is. Die doel van die navorsing is aan hulle verduidelik en 'n afspraak vir die onderhoud is gemaak.

Op die dag van die onderhoud is die vrywillige werker vooraf weer ingelig omtrent die volgende:

- doel van die navorsing;
- wat met die inligting wat verskaf word, gaan gebeur;
- hoekom daar van bandopnames gebruik gemaak gaan word;
- aan wie die inligting beskikbaar gestel gaan word;
- dat die vrywillige werkers aangehaal mag word, maar dat geen name genoem sal word nie en dat slegs die navorser die bandopnames en transkripsies kan verbind met 'n betrokke vrywillige werker;
- hulle geen vrae hoef te antwoord as hulle nie so voel nie; en
- hulle enige tyd vry is om hulself van die navorsing te onttrek.
- 'n tydbeperking van 'n uur per onderhoud is gestel.

Nadat bogenoemde punte duidelik aan die vrywillige werkers verduidelik is, is hulle gevra of hulle nog bereid is om voort te gaan en indien wel, is hulle dan versoek om 'n vrywaringsvorm te teken (sien bylaag A). Deurdat die vrywillige werkers onafhanklik 'n ingeligte keuse kon maak, is verseker dat respek vir hul outonomie in ag geneem is.

(ii) Konfidensialiteit en anonimiteit

Slegs die navorser kan die name van die vrywillige werker en die bandopname en transkripsie met mekaar verbind.

Vrywillige werkers is genommer van een tot dertien en daar word na die nommer verwys in alle transkripsies. Die transkripsies is ingesluit in die navorsingsverslag, maar slegs met nommers en waar vrywillige werkers in die onderhoud na ander persone verwys, is die persoon se naam vervang met 'n *, ten einde die ander persoon se identiteit te beskerm.

(iii) Toegang tot data en eienaarskap

Die lys met name en die bandopnames en transkripsies word nie naby mekaar geliasseer nie. Die bandopnames word tans vir 'n jaar gestoor in die Departement Arbeidsterapie, Universiteit van Stellenbosch, waarna dit vernietig sal word.

3.4.3 **Transkribeer van die data**

Al die onderhoude wat met die vrywillige werkers gevoer is, is deur die navorser getranskribeer. Die apparaat gebruik tydens die onderhoude en die metode van transkribering word vervolgens bespreek.

3.4.3.1 **Apparaat gebruik tydens die onderhoude**

'n Bandopnemer wat met elektrisiteit werk, is gebruik om te verseker dat batterye nie deur die loop van die onderhoud afloop nie. Batterye was wel beskikbaar met elke onderhoud in geval daar 'n onderbreking in die elektrisiteittoevoer sou wees. 'n Bandopnemer met 'n ingeboude mikrofoon is gebruik en voor elke opname is dit eers getoets en die volume gestel volgens elke vrywillige werker se stem. Ekstra bande is saamgeneem indien 'n onderhoud dalk langer duur as beplan of as die band dalk defek is.

Al die onderhoude is in 'n vertrek opgeneem waar dit privaat kon geskied en die bandopnemer is tussen die vrywillige werker en die navorser geplaas op 'n stabiele oppervlakte. Voor die onderhoud is die sisteem eers getoets. Vrywillige werkers is versoek om so duidelik as moontlik te praat en 'n toetsopname is gedoen om enige probleme met die klank uit te skakel. Geen aantekeninge is gemaak tydens die onderhoud nie en agtergrond geraas is beperk, sodat 'n duidelike opname verkry kon word. Die opnames wat by die skool gedoen is, is geskeduleer dat dit nie saamval met pouses nie om ekstra geraas te beperk. Aan die einde van die onderhoud is die vrywillige werker bedank vir sy/haar deelname. Na die onderhoud is die band terug gespeel om seker te maak dat die opname duidelik is. Die band is dadelik genommer en 'n kort nota is gemaak rakende die plek, tyd en enige informasie wat die navorser as relevant beskou het.

3.4.3.2 **Metode van transkribering**

Elke band is deur die navorser self getranskribeer en die tyd per transkripsie was ongeveer vyftien minute opname = een uur van transkripsie. Die transkripsie is begin met 'n aanduiding van die nommer van die vrywillige werker en van watter jaargroep hy/sy was. Die navorser se spreekbeurte is in hoofletters getik en die verbatim respons van die vrywillige werker is in klein letters getik. In al die transkripsies is alle pouses en paralinguistieke (bv. hmmm, uhm) getranskribeer. Geen nie-linguistieke

eienskappe soos sug of lag is getranskribeer nie, aangesien dit nie bygedra het tot die konteks op enige manier nie.

3.5 STRATEGIEË OM GELOOFWAARDIGHEID TE BEVORDER

Met verwysing na die vier kwalitatiewe kriteria vir geloofwaardigheid voorgestel deur Guba (1981 in Krefting, 1991: 214-222), die volgende:

- Erkenning ("credibility") strategie om mate van waarheid te bevorder:

Die metodes van data-insameling en analise in hierdie navorsing toegepas (sien 3.4 en 3.6), laat genoegsame geleentheid vir herhalende patrone om geïdentifiseer en geverifieer te word. Hierdie identifisering en verifiëring van patrone is bereik deurdat daar by twee geleenthede ewekniekontrolering plaasgevind het tydens die fase van data-analise (sien 3.6). Triangulasie deur middel van twee analiste is dus verkry.

- Bevestiging ("confirmability") strategie om neutraliteit te bevorder:

Die kontrolering van die patrone wat uit die data voortkom en die teoretiese perspektiewe is bydraend tot die bevestigingstrategie deurdat ondersteuning vir die analise en interpretasie van resultate gegee kan word.

- Oordraagbaarheid ("transferability") strategie om toepassingsmoontlikhede te verbeter:

Toepassing van die navorsing is verkry deur die steekproeftrekking. Deelnemers was almal vrywillige werkers wat langer as 'n skoolkwartaal betrokke was by die projek en is dus verteenwoordigend van die groep vrywillige werkers vir hierdie spesifieke program.

- Betroubaarheid ("dependability") strategie om konsekwentheid te bevorder:

Die kodeer-herkodeer prosedure gebruik in die analise (sien 3.6) dra by tot die betroubaarheid van die navorsing in die sin dat gekodeerde transkripsies weer geherkodeer is. Die resultate van die twee koderings is dan vergelyk om die konsekwentheid van die bevindinge te bepaal.

3.6 DATA-ANALISE

In hierdie navorsing is gebruik gemaak van induktiewe analise ten einde afleidings van die algemene uit die besondere te kan maak. Die navorser het konsepte na die data gebring, en die oorsprong van hierdie konsepte is gefinaliseer aan die begin van die studie, deurdat daar besluit is watter aspekte dit is waarna gekyk gaan word. Hierdie tipe van analise is gekies omrede dit vir die navorser 'n algemene basis skep waarna daar terugverwys kan word asook vir die feit dat dit help om die rigting te kry waarvolgens daar na die data gekyk moet word. Die toepassing van die induktiewe analise is dus om te bepaal hoe die konsepte manifesteer in die spesifieke opset van hierdie groep vrywillige werkers.

In hierdie manier van analise, is dit van kardinale belang dat die werklike data waarop die analise gebaseer word, aan die leser bekend gemaak word sodat hulself kan besluit of dit die beste sin maak van die data. Die analiseerder se raamwerk moet nie die analise domineer nie, maar het ten doel om die leser se verstaan van die wêreld wat bestudeer word te fasiliteer.

Die hoofdoel van die analise was om die vrywillige werkers se response te organiseer op so 'n wyse dat die algemene patrone/temas duidelik na vore kom.

Die induktiewe analise in hierdie navorsing is gedoen aan die hand van die stap vir stap metode van analise van kwalitatiewe data soos voorgestel deur Burnard (1991:462-464):

Fase een: raak betrokke by die data

Al die transkripsies van die vrywillige werkers is deurgelees om 'n algemene gevoel van die data te kry.

Die data is aangeteken onder die volgende hoofde:

Sterkpunte van die projek

Voorstelle

Swakpunte van die projek

Wat het jy persoonlik gebaat

Rede vir aansluiting

Wat het julle gedoen in die projek

Demografiese inligting

Werwing

Die data is getik op die rekenaar onder hierdie hoofde en in die data is verwys na die nommer van die vrywillige werkers sodat dit vir latere kruisverwysing gebruik kan word.

Fase II: oop kodering

Daar is verwys na die oorspronklike transkripsies en die verskillende onderafdelings van 1 tot 8 is as volg met 'n kleurpen aangedui:

1. pienk
2. geel
3. blou
4. pers
5. rooi
6. groen
7. oranje
8. swart

Fase III: eerste ewekniekontrolering

Op hierdie stadium is al die transkripsies aan 'n kollega gegee sonder enige aanduiding van die onderafdelings en temas. 'n Bespreking van haar observasies is gedoen en vergelyk met dié van die navorser.

Fase IV: verfyning van temas

Elke onderafdeling is geneem en weer deurgelees om te kyk of daar enige nuwe temas navore kom.

Die data is volgens temas saam gegroepeer met verwysing na die spesifieke vrywillige werkers sodat die leser na die data kan terugverwys.

Daar is na die groeperings volgens temas gekyk om te bepaal watter onderafdelings oorvleuel ten opsigte van temas en/of is verbind met mekaar.

Fase V: identifisering van temas wat nog na vore kom

Daar is gekyk of uit hierdie samevoeging nie dalk nuwe temas na vore kom nie.

Fase VI: nagaan vir konstantheid

Daar is weer deur die data gegaan om seker te maak of dieselfde temas weer na vore kom.

Fase VII: tweede ewekniekontrolering

Die onderafdelings en temas geïdentifiseer is met dieselfde kollega wat die oop kodering gedoen het, bespreek en sy is gevra om haar eie indelings te doen. Haar ontleding is met dié van die navorser vergelyk en bespreek.

Fase VIII: finale kodering

Alle transkripsies is nou finaal gekodeer volgens kleur vir latere insluiting in die teks.

In hierdie hoofstuk is die navorsingsontwerp en metodologie soos van toepassing op hierdie navorsing bespreek. Die bespreking is gedoen binne die raamwerk van die kwalitatiewe evaluasie navorsingsparadigma wat in hierdie navorsing toegepas is.

In hoofstuk 4 word die data-analise en interpretasie, soos bespreek in hierdie hoofstuk, toegepas.

HOOFSTUK 4

DATA-ANALISE EN INTERPRETASIE

4.1 INLEIDING

Blootstelling en/of ervaring beïnvloed mense op verskillende maniere. Hierdie ou bekende waarheid beteken dat die individuele uitkomst, impak en veranderinge wat volg op deelname aan enige aktiwiteit selde voor die tyd bepaalbaar is. Die betekenis van sulke veranderinge as hulle voorkom, is hoofsaaklik spesifiek vir 'n bepaalde groep en of persoon in 'n bepaalde omstandigheid. Die individuele aard van veranderinge wat plaasgevind het, is belangrik, maar dit is net so belangrik om te kyk na die patrone van verandering wat voorgekom het by die vrywillige werkers as 'n groep (Patton 1990).

Die doel van die navorsing was om na die perspektiewe van die vrywillige werkers te kyk en te soek vir patrone wat mag help om die impak van deelname aan die projek te bepaal. Ten einde die navorsing te kon doen is daar gebruik gemaak van onderhoude as metode van data-insameling. Induktiewe analise van die data is in hierdie navorsing gedoen ten einde afleidings van die algemene uit die besondere te kan maak.

- In hierdie manier van analise, is dit van absolute belang dat die werklike data waarop die analise gebaseer word, aan die leser bekend gemaak word sodat hulle self kan besluit of die beste sin gemaak is van die data. Die navorser se raamwerk moet nie die analise domineer nie, maar het ten doel om die leser se verstaan van die wêreld wat bestudeer word te fasiliteer.
- Die verstaan van die mense wat bestudeer word, is belangrik. Die navorser gebruik temas om te help om sin te maak en data aan te bied, maar nooit tot die punt waar analise geforseer word nie.

In die bladsye wat volg, is die deelnemers se response tot die vrae, soos gestel tydens die onderhoude, aangehaal en geanaliseer. Die hoofdoel van die analise was om die deelnemers se respons te organiseer op so 'n wyse dat die algemene patrone duidelik na vore kom. Die klem is deurgaans gestel op die deelnemers se perspektiewe.

4.2 ANALISE VAN DATA

4.2.1 Sterkpunte van die projek

Die sterkpunte van die projek is geïdentifiseer deur die respons van die vrywillige werkers op die vraag: "Wat was in jou opinie die sterkpunte van die projek". Die vrae omtrent die sterkpunte van die projek het gelei tot die volgende tema/patrone:

1. **Ommeswaai**: deur die onderhoude het dit duidelik geword (herhaaldelik gesê) dat die vrywillige werkers anders voel omtrent hulself as voor hul toetrede tot die projek.
2. **Selfkennis** deurdat deelnemers meer omtrent hulself en eie vermoëns geleer het.
3. Ontwikkel van **vaardighede** wat hulle nou toepas in hul alledaagse lewe en werk.
4. **Werksbevreëdiging** ervaar.
5. **Leiding** wat vrywillige werkers gekry het van **arbeidsterapiestudente** wat hulle kliniese werkplasing in die area gedoen het.

Elkeen van die vyf temas/patrone word vervolgens bespreek:

1. **Ommeswaai** in hul lewens beteken dat daar 'n ingrypende verandering in sienswyse was van 'n persoon of dat die sienswyse verander het. Die beskrywing gaan as volg gedoen word:

was - verwys na hoe die vrywillige werker hom/haarself gesien het voor toetrede tot die projek.

nou - verwys na hoe die vrywillige werker hom/haarself sien na toetrede tot die projek.

Nadat bogenoemde aangedui is, volg die direkte aanhaling van die vrywillige werker in kursief. Aan die begin van die aanhaling verskyn, in hakies, die nommer van die onderhoud en die reëlnummers van die transkripsie waaruit die aanhaling aangehaal is.

- **Was** lid van bendegroep **nou** sê ek nee vir bende-aktiwiteite en breek met hulle. (vw nr 4, 128-143) *Toe ek begin het by Volcano het ek begin basically onttrek daarvan, omdat ek het gesien ek het meer iets konstruktiefs gehad om te doen, maar van my vrinne wat nog in die bende was, het vir my gesê daai wat jy doen, is gemors man, jy word nie eers betaal daarvoor nie, kom ons gaan rob iemand vir geld of so, dan sê ek naai man julle ouens julle weet nou ek het nou baie meer responsibility en as ek in die pad loop dan vind, dan sien die mense my as 'n rolmodel en nie as 'n roadmodel nie, want as ek in die pad in loop die mense sien nou net jy is daai ou, maar van ek by Volcano betrokke geraak het, het dan sien mense my dan sê die kinders: "mammie daar's (*), (*) gee vir my daai klas en hy leer my dit. Dan kom die ouers self na my toe, maar as die ouers self dan sien, nee, maar kyk hoe lyk die ou dan, hy lyk nie vir my reg nie, dan sê ek nee, dit was ek, maar ek wil graag nou wegkom van daai af en ek wil graag hê die gemeenskap moet my help om daar te kom.*
- **Was** ek wou nie hê vriende moet so naby kom nie, **nou** het ek vriende wat by my huis kom en ek het gesien dit is ok. (vw 16 , 364-367) *ek het nou vriende wat na my huis toe kom en dit is iets wat ek nooit toegelaat het nie, ek wou nooit hê dat vriende te na aan my kom nie en ek het uitgevind ek kan dit toelaat en ek het vriende en dit is iets baie positiefs.*
- **Was** nie geweet om kind te hanteer/wat om met hom aan te vang nie, **nou** ek het nie geweet ek sal so saam met 'n kind kan praat nie/weet hoe om my seun te hanteer – geduld geleer. (vrywillige werker 2, 97-99) *Ek myself het nie geweet hoe om 'n kind te hanteer nie hmm, so nou vandag weet ek hoe is dit om my eie seuntjie te hanteer. (vrywillige werker 2, 141-142) ek het nooit geweet ek sal so saam met kinders kan praat nie. (vw 2, 143-144) ek het nooit geweet ek sal 'n kind so kan hanteer nie.*
- **Was** bang om te praat, senuagtig **nou** selfvertroue om mense te konfronteer. (vw 2, 103-105) *Ek was altyd bang hoe sal 'n mens sê, bang om te praat, senuagtig nou het mens daai selfvertroue om mense te kan konfronteer.*

- **Was** in my dop gekruip **nou** myself opgebou, ek praat baie. (vw 2, 121-126) *Ek was die enigste kind, omdat ek nou nie maatjies gehad het nie, was ek baie by die huis gewees en hoe kan ek sê ... ek het eintlik in my dop gekruip, maar toe ek nou die projek doen, het ek nou meer van my, ek was baie stil gewees, nou praat ek baie. Ja, ek sal sê die projek het my baie gehelp om myself op te bou.*
- **Was** het kwaad gebly vir dae, nie probleem aangespreek nie **nou**, gaan klaar nou probleme met vrou uit, sê ek is jammer. (vw 2, 160-168) *Konflikhantering speel 'n baie groot rol by jou werk self, want as ek nie daai geduld kon gehad het nie, miskien daai drie of vier mense wat saam met , dan sou ek seker al lankal na 'n laer pos, na 'n gewone wag toe gegaan het. EN IN JOU HUWELIK? Hmm... somtyds raak ek sommer kwaad vir enige dingetjie maar dan redeneer ek myself, dan gaan ek na vrouetjie toe en sê, nee man, ek is jammer – wat ek nooit kon gedoen het nie. As ek kwaad is nou vir iemand, dan sou ek twee dae, drie dae kwaad bly.*
- **Was** het nooit dagboek gebruik nie **nou**, beplan ek my daaglikse werk. (vw 2, 190-192) *Ek beplan so my daaglikse werk nou, want ek het nooit eers 'n dagboek gebruik nie.*
- **Was** sou op kinders skel **nou** kan ek kind op mooi manier help. (vw 7, 153-159) *Ek het baie toegepas, even in my persoonlike lewe by jou kinders, kan jy ook, dat jy nie sommer net 'n kind klap gaan gee of somtyds het jy mos daai aggressiewe houding en nou dit het ek regtig afgeleer. Ek kan mooi met my kinders gaan praat of ek kan hom net vat aan die hand, net styf hou en vir hom net kyk in die oë en net vir hom sê, gaan jy luister, streng optree en klaar en nie aggressief nie – die tipe van ding.*
- **Was** altyd probleem vir myself gehou **nou** praat ek daaroor. (vw 10, 131-137) *In die begin, was ek 'n baie stil persoon gewees, ek het nie sommer gepraat nie en so aan nie, maar toe ek by Volcano kom aansluit het, het dit nou net van my 'n sterker mens gemaak en ek kon ook as ek*

ontevrede gewees het oor iets, kon ek ook gepraat het en so aan en dit het van my hoe kan ek nou sê, meer, wat ek nou nie geweet het wat in my skuil nie het vorendag gekom.

- Was** sien myself as 'n dropout, het nie skool voltooi nie, wou opmaak vir die feit dat ek nie op dieselfde vlak is nie, deur te wou oorneem en dit pootjie die projek **nou** begin verantwoordelikheid neem vir my mistake en dit nie meer op ander geprojekteer nie. (vw 5, 109-132) *Ek was 'n dropout gewees, ek het ook geweet dit is iets wat teen my tel. HOEKOM HET JY GEDINK JY IS DROPOUT? Hmm. omdat ek nie my skoolloopbaan voltooi het nie en ek geweet het dit is iets wat altyd vir my 'n struikelblok gaan wees in die lewe. Soos meestal al die mense wat saam met my gewees het, was matrikulante en ek het maar, so by the way, het ek ingekom en ek weet nie, maar daar was iets wat dit vir my baie meer ek sou miskien sê moeiliker gemaak het, maar in 'n mate ook was dit miskien ook die challenge gewees, ek gaan my nie laat klop deur enige iemand nie en ek dink dit was my sterkpunt, ek het bly glo in myself. Sekere tye het dit gevoel ok, ek het alweer dit nie gemaak nie, ek kan baie mooi onthou ek was altyd, ek wou altyd die een in charge gewees het en ek dink die dag het ek hmm dinges was nog by ons gewees, (*) en toe sien ek - (*) jy stap nie eers in (*) se skoene nie en toe het ek amper beginne rebels raak, want daar was so stadium toe van ons boys so beginne rebels raak het en ek het geweet, aan die einde van die dag maak jy nie (*) seer nie, jy maak nie soos in vir (*) seer nie, aan die einde van die dag gaan dit meer oor die projek en ek dink ons het meer beginne, omdat ons die projek baie meer beginne respekteer het, was dit baie meer makliker om te beginne sien het ok, die projek ly hieronder en ons sal ons sokkies moet optrek en ek dink na dit het ek meer en meer begin glo. (vw 5, 135-136) toe het ek gesien die (*) wat ek hier sien op die oomblik is 'n smokescreen. (vw 5, 142-146) baie van leiereienskappe beginne baie meer ontwikkel toe en ek het baie sterker geraak in so 'n mate dink ek toe ek beginne besef dat (*) daai mense het matriek en hulle het gegaan vir dit, jy het nie gegaan vir dit nie, dit was jou mistake gewees, daar is baie maniere om op te maak daarvoor.*

- **Was** het myself as 'n flop gesien, gee myself nie 'n kans nie, my pa verwerp my **nou** begin besef ek as mens is nie so sleg nie, student gee aanmoediging, ek moet my eie lewe bou, ek moet aangaan, ek kan nie my ouers blameer nie, ek moet myself beter maak. (vw 4, 246-253) *Ek dink die meisie wat hier was wat vir ons dit aangebied het, het my baie meer daai indruk gegee ek is nie so sleg soos ek myself dink nie, ek is die persoon wat regtig die difference kan maak daar buite, dit is net ek moet myself 'n kans gee, omdat ek nie myself 'n kans gee nie, ek het gesê man (*) jy is flop en klaar man, almal gaan jou sien as 'n flop, maar as ek myself so kyk vandag dan sal ek nie sê ek so 'n flop nie.* (vw 4, 331-340) *So daar was 'n paar family problems wat ek vandag nog het soos my pa het vir my weggegooi, hy het nie geworry oor my nie, nou nog hy worry nie oor my nie hmm.. ek was nou drie jaar was ek in Johannesburg toe het hy weer 'n probleem gehad met my en so ek neem hom nie kwalik nie hy is nou wel my ouer, maar omdat ek nou vandag my eie grootman is, dink ek vir myself, ek moet vir myself 'n lewe bou, het ek vir myself gesê, jy moet aangaan ek kan nie my ouer blameer vir die mens wat ek was nie, ek moet dit vir myself beter maak, want ek het dit vir myself geskep.*
 - **Was** stil, nie gemaklik gepraat voor ander nie **nou** tree ek op as master of ceremonies/hanteer 800 kinders by rekreasieprogram. (vw 5, 163-172) *Hoe langer ek in Volcano was kon ek die personal growth beginne sien en beginne voel en baie ander mense kon dit ook sien, want waar ek was, want ek kon bv. sit vir my voor twee, drie mense om te praat – ek kon nie, dit was net 'n onmoontlike saak en soos ek sê sit my voor 700 of 800 kinders of hoeveel mense ek glo as sulks ek het miskien nie die skill gaan aanleer of so nie maar ek vat 'n bet niemand sal my beat met public speaking nie. As die mense soek hmm.. master of ceremonies hulle weet waarnatoe om te gaan.*
2. **Selfkennis** het uitgebrei deurdat deelnemers meer omtrent hulself en hul eie vermoëns geleer het. Selfkennis verwys na die kennis wat 'n persoon het van die eie ek.

- **Ken meer omtrent myself** – ek moet nie so vinnig wees nie en ek kan selfgeldend wees. (vw 16, 355-359) *Ek het omtrent myself geleer dat ek hmm.. moet nie altyd so vinnig wees en so haastig wees nie, ek het geleer dat ek selfgeldend kan optree by die huis, ek hoef nie altyd 'n antwoord te hê op alles nie, ek het altyd 'n antwoord gehad op alles en dat ek ander mense beter verstaan.*
- **Selfversekerd** – ek is positief. (vw 8, 239-256) *ek het nou meer selfversekerdheid, ek is nou meer positief hoe kan 'n mens nou sê meer positief hmm.. ek sien nou baie meer goed in 'n positiewe lig en Volcano het eintlik vir my, was eintlik vir my like 'n, hoe kan 'n mens nou sê 'n soort van 'n toevlug. Nie toevlug in die sin dat ek sou wegkruip en so nie, maar Volcano het eintlik vir my baie beteken, want in die tyd van lewe waar dit so donker was, het ek altyd hier gekom dan het ek gehuil, dan kom ek hier sommer met 'n positiewe uitkyk, ek altyd vir myself gesê hier's nog iets wat vir my belangrik is, hier's nog kinders wat ek nog kan iets voor beteken en hmm.. dit was eintlik wat my vasgehou het, nie die feit dat ek my geloof 'n bietjie moes laat wankel of so nie, maar ek het meer begin te glo dat enige iets is moontlik, want as ons kyk die Here spesialiseer uitsluitlik op die onmoontlike en dit is wat ek geleer het by Volcano en kyk ons het nou al baie goeters wat nou al in die vooruitaangaan is of wat nou nog op ons wag en dit is nou iets wat ek nou kan sê, ek sal altyd met die gedagte sit, al vra hulle ook nou vir my by die huis wat doen jy nou eintlik? Dan sê ek, nee, daai is my bietjie, hoe kan ek sê, my plekkie in die son.*
- **Raak emosioneel betrokke** by kinders se probleme – dit lei tot probleme in projek. (vw 5, 152-162) *die ander probleem wat ek gehad het, toe ek begin het met die projek was ek baie emotional binne in enige situasie in, as ek gesien het nee maar dit is die probleem met die kind het dan het ek die misstake partykeer gemaak om daai kind eerste te stel en dan het ek vergeet dat daar nog ander kinders in die groep en ek dink daai het begin probleme maak en ek dink iemand het dit begin raaksien, een van die studente en gesê, ok, jy kan emotional raak in so 'n situasie, maar gaan kry jou limits en ek dink in elke proses en in elke wat gebeur het, het ek beginne leer ok nie so nie, probeer dit so.*

- Besef ek het 'n **probleem met admin.** (vw 5, 242-245) *Ok ek was nog nie 100% up to standards dat ek admin orientated sal wees nie, maar die belangrikste is ek het beginne besef dit is my probleem, dit is 'n leemte by my*
- **Ek besef as ek weggaan, gaan ek ledig sit en daar is nie werk nie.** (vw 5, 211-220) . *En daai iets wat hulle gekry het, al was dit miskien net iets wat hulle op hulle CV kon geplaas het, maar dit wat hulle gekry het, was vir hulle dan genoeg en dan kon mens altyd agterkom nou wie is die mense wat nog nie satisfied is met wat hulle gekry het nie en kon 'n mens sê mense soos ekke, (*), (*), (*), was ook nog deel van die, kon jy sien daai's die mense wat ok ons is nog nie satisfied nie miskien, omdat die werkloosheidsyfer daai tyd ook miskien 'n probleem was, en dat ons geweet het as ons hier weg gaan, gaan ons huis toe en wat gaan ons dan doen?*
- **Sien in ander vrywillige werkers positiewe aspekte raak, wat hy wil nastreef.** (vw 4, 236-250) *party dae sit en kyk ek so dan kyk ek die klas so deur en dan wonder ek so by self, is ek op die regte plek, want almal die mense om elke een het iets different in homself soos kyk soos byvoorbeeld (*), sy was altyd op haar eie en daai laat nou weer vir my inspire, want ek wil soos sy wees, dan is daar iemand anders weer dan voel jy weer hoekom kan ek nie soos daai een wees nie en soos die ene, ek wil graag soos hy wees, maar elkeen is iemand different op sy eie en ek het myself gevat. Ok ek is nou klaar daai persoon ek is iemand different, maar ek sal graag wil streef om soos elkeen individually te wees en ek dink die meisie wat hier was wat vir ons dit aangebied het, het my baie meer daai indruk gegee ek is nie so sleg soos ek myself dink nie, ek is die persoon wat regtig die difference kan maak daar buite, dit is net ek moet myself 'n kans gee,*
- Besef ek kom uit 'n familie van bendes, maar **ek is nou rolmodel vir broers as oudste.** (vw 4, 344-350) *My pa het ook die way gehad van bendes en vroue, maar ek praat elke dag saam met my broers en daai laat my nou soos 'n ouer voel ek is nou die pa in die huis, want my oupa is*

nou nie meer daar nie, nou almal in die huis kyk op na my toe as ek iets verkeerds doen, hulle gaan nie na my broers toe nie hulle gaan na my toe so ek is nou die ouerfiguur in die huis, ek moet nou kyk dat alles reg loop.

- **Ek verstaan nou sekere optredes van my man en kind.** (vw 12, 356-359) *ek verstaan eintlik nou mekaar beter soos sekere optredes van miskien my kind se kant af, of van die man se kant af, nee ek dink nogal jy kan dit in jou eie lewe toepas.*
- **Ek hou nie van praat voor ander in 'n groep nie, maar dit is nodig om te kan groei.** (vw 7, 184-194) *As 'n mens begin dan en jy is nie gewoond aan die tipe van goed nie, kyk baie mens dan, dan pla dit vir jou. Kyk jy is mos nou nie gewoond om miskien nou sommer so voor almal te praat nie en dit nie en (*) ondervind dit ook nou dat sy nou hou nie van daai nie of hou nie van daai nie en tog omdat daar nou die vorige, ek sal nou sê omdat 2 of 3 is wat aangaan met dit, nou word jy gemotiveer om ook maar net aan te gaan – you know – en dit, die enigste somtyds ek weet nie is dat jy miskien nie goed gou genoeg kan dink wat nou nie of so nou nie, maar ek meen dit gebeur maar oral en ek dink dit is goed want dit help jou om te groei.*
- **Ek kan mense raad gee.** (vw 8, 116-129) *As persoon sal ek sê dit gee my meer positiwiteit, hoe kan ek sê positief hmm.. benadering tot die saak dat so in die geval waar iemand hmm... miskien buitekant die publiek miskien, vir my moet raadpleeg en vir my vra maar hoe is die situasie daar dan kan ek miskien meer inligting vir die persoon verskaf en hmm.. in die geval waar die persoon miskien kom met 'n probleem as sulks wat die kind betref hmm... dink ek, ek is in staat om dan vir hierdie persoon dan te kan help of om vir hom meer inligting te kan gee hoe om die saak te benader wat die kind natuurlik aan betref. So as hy byvoorbeeld sê goed ek ondervind dit by my kind, dit is eintlik 'n probleem dan dink ek enige een sal dan bevoeg wees om daardie persoon reg te help en vir hom te kan sê hoe kan hy hmm.. die regte metode wat hy kan gebruik om die kind aan te help.*

(vw 12, 257-271) *Vir my is dit lekker om ek meen die mense waarmee jy saamwerk en almal is nou bereid om hulle samewerking te gee, ek praat nou spesifiek van die vrywillige werkers, hulle is almal behulpsaam en ek*

nogal agtergekom soos die tyd nou daar was miskien in die begin 'n bietjie waar die een miskien nou kyk wat jou houding is, hoe tree jy op en daai tipe ding, maar soos die tyd aangegaan het, het ek nogal gevoel dat hmm... almal begin nou hulle houding te verander, hulle raak meer spontaan en hulle is vra makliker vrae en so, want kyk ek het op 'n stadium self vir hulle gesê, kyk dit is nie 'n probleem, kyk soos () en die wat nou laaste bygekom het toe sê, kyk soos ons het nou al die ondervinding en so en dit is nie 'n probleem nie en sy sal vir my enige tyd kom vra hoe doen 'n mens dit, het ek dit reg gedoen of wat die geval ook al is? Maar ek vind dit nogal lekker net die samewerking, ja.*

- **Sien myself as rolmodel vir kinders.** (vw 2, 172-174) *As ek sien daai kind presteer, dan voel jy amper soos ek het vir jou daar gebring. Jy is miskien 'n rolmodel vir daai kind.*
- **Ek is groepleier, ek probeer kennis toepas.** (vw 2, 156-159) *By die werk probeer ek van daai wat ek geleer het soos die groepeerhantering, want ek is by die werk 'n groepleier, nou probeer ek daai bietjie kennis toepas in die werk.*
- **Weet jou bydrae word geag.** (vw 16, 96-101) *die feit dat elke oggend wat ons kom, het ons iemand wat saam met ons sit en vir ons vra wat is dit wat ons die vorige dag gedoen het, wat het met die les gebeur – dit is sistematies – ek hou van dit. Ek hou daarvan, dit wys vir jou die werk wat jy gedoen het gaan nie net in die wind in nie.*

3. **Vaardighede** wat ontwikkel is wat hulle nou nog toepas in hul lewens. Die volgende vaardighede is aangedui: kinderhantering, spansamewerking, konflikhantering, selfgeding, beplanning, probleemoplossing en kommunikasie.

- **kinderhantering** (vw 8, 185-182) *nou weet ons dat ons moet ook kyk hoe die kind miskien die potlood hanteer, hoe die kind sy lyne trek, al daai fyn motoriese aktiwiteite wat ons, wat ons nou gedinges het, wat ons nou eintlik opgelet het. Kyk, want vir ons was dit nou maar net ons het aanvaar, nee, maar ons gaan nou net les gee en dit is nou alles waaroor dalk afhaal, maar*

toe het ons nou uitgevind, nee, maar dit gaan nou eintlik in meer in detail die kinders deur op te let hoe hulle skryf en hoe hulle natuurlik vorder.

(vw 16, 347-354) het vir my meer geleer ook oor hoe om kinders te hanteer en wat om te doen wat ek voorheen net sou geskel het, nou weet ek wat om te doen en wat om te sê, en Volcano beteken ook vir my dat ek meer dinge weet, so as dit so is en ek kan môre 'n ander werk kry, dan weet ek, ek kan dit hanteer, ek is meer vaardigheid daarin en ek voel ken baie meer as wat ek geken het 'n jaar terug. Ek ken meer omtrent myself ook.

(vw 5, 458-466) as jy in 'n area kom dan kan jy sien die kinders is up to standard, maar in sekere areas kan jy sien o.. hier's problems, want hulle kleur heeltemal oor lyne in, kan nie eers ordentlik 'n skêr hanteer nie, al die tipe goed en dan is dit goed wat ek weet waarvoor om te kyk. Ek weet wat om dop te hou en dan weet jy ok gee vir hom iets groter om in te kleur dat hy nie voel ek doen dit lelik nie, wat jy eintlik maak, is jy probeer daai van hom toedruk, ok jy het nie eintlik 'n probleem nie man, dit is maar net omdat dit iets klein is, vat iets groter.

(vw12, 128-147) Ek self het ondervind, want kyk ek het self met graad twee's gewerk dan was daar van hulle wat probleme gehad het dan het ek baie keer nie geweet wat die oorsaak daarvan is nie en weet ook die kind begin aan die verkeerde kant van die boek te skrywe, jy raas met daai kind, want jy weet self nie. Want self soos ek het nou al soveel jare onderwys gewees, maar daar is ook baie probleme wat ek nou eers ontdek wat die oorsaak eintlik is, dan dink 'n mens jense as jy dit nou daai tyd geweet het dan sou jy nou beter die kind kan benader het, maar ons weet nie hoekom doen die kind dit so of so nie, maar daar is tog ek meen 'n rede daarvoor, wat ons nou nie die opleiding voor gehad het nie, hoekom dit is nie en ek dink nogal dis iets goed, want nou kan ek ook sien hoekom doen die kind dit, hoekom skryf hy so, hoekom draai hy sy blaai as hy skryf en so wat ek nooit geweet het nie. Daar is ook dinge wat ek nou agter gekom het, wat ek eers nou ontdek en as ek moontlik soos by 'n skool kom dan sal ek beter miskien nou daai kinders kan benader, want ek

sal nou of miskien nou vir daai onderwysers miskien raad kan gee en sê probeer dit of dat en so, waar ek dit nou miskien nie die verlede nou kon gedoen het nie.

(vw 12, 297-309) Seker die feit, daar is baie, soos ek sê 'n mens het nogal baie geleer en selfs daar in jou onmiddellike omgewing daar waar jy woon, dink ek nogal is daar baie keer mense wat kom kla oor hulle kinders of mense wat kom kla oor dit of dat, dink ek behalwe vir die feit dat ons met die kind werk, is daar ook miskien iets wat ek aan 'n groot mens wat 'n probleem het, kan oordra en veral soos ons nou leer gewerk het met konflikhantering en daardie tipe dinge. Soos baie mense wat na jou toe kom, ek praat nou van volwasse mense nou vir hulle van my kant af sê probeer dit of doen dit of moenie dit doen nie of so, so ek dink nogal daar is iets wat 'n mens saam jou huis toe ook neem, behalwe die feit dat jy nou hier met die kind werk.

(vw 9, 168-177) Die hele ervaring het vir my 'n sterker mens gemaak en vandag kan ons, ons het destyds gewerk met 'n groepie van vyf tot tien kinders, vandag kan ek met veertig kinders werk en aan die einde van die dag voel ek goed, want ek kan almal hanteer. En wanneer my hart so spring, is wanneer ek vir hulle op die mat het en ek vra hulle nou 'n klomp vrae en ek kan sien wat ek vir jou geleer het, het daar vasgesteek daar is ietsie wat agtergebly het wat jy onthou het. Wat vir my oorweldigend goed laat voel, net om te dink ek kan die kindertjies help.

- **spansamewerking** (vw 3, 176-179) soos ek reeds gesê het selfgeldendheid en om konflik te hanteer, om in 'n groep te werk, veral ek wat nou in die hospitaal werk, is dit belangrik nou om met ander mense te werk en met hulle te kommunikeer.

(vw 9, 136-139) Soms het dit seer gemaak om dit uit te bring, want soms het dit kras uitgekom, maar dit het ook die span sterker gemaak, want ons het dan vir mekaar gesê hoe ons voel of ons gelukkig is daarvoor of nie

(vw 11, 116-119) *ek het elke dag uitgesien om te kom, ek sal ook nie, ok elke persoon is maar 'n persoon op sy eie en 'n mens kan nie as net deur dit by die huis bly nie, want ek het gevoel dat ek is deel van die groep, so ek sal my deel sal ek moet bydra.*

(vw 4, 229-236) *as ek hier kom, laat sy my altyd lekker voel, omdat ek weet daar is altyd iemand wat na my sal luister, omdat ek toe ek betrokke was by die bende was daar nooit mense regtig wat sal luister na 'n bendelid en so nie en vir my was dit altyd lekker om saam met haar te gesels, want een ding sy is straight forward met my. Sy het vir my gesê wat op haar mind is, en dan sal ek altyd so ge hmm.. ja.. het nou ek weet waar ek staan.*

(vw 8, 170-178) *baie interessant vir myself, want hmm... dit is somtyds moeilik om 'n mens self te... hoe kan 'n mens sê te express né en daar kan jy nou sê wat nou, hoe jou gevoel is en wat, hoe jy wil hê mense moet vir jou aankyk of miskien nou deur die, maar die belangrikste wat ek nou gesien het uit, uit die groep wat ons geleer het, is eintlik die eerlikheid wat 'n mens moet het teenoor die groep self, want dit is alleenlik om eerlik te wees dat die ander kan sien, nee maar hierdie vroujie is op haar kop of so iets.*

- **konflikhantering** (vw 11, 198-207) *veral die konflik as daar, ek het geleer as iemand vir jou iets sê wat miskien vir jou seer maak en so dan moet jy nie, of jy wil vir 'n persoon iets sê dan kan jy dit either op 'n mooi manier vir daai persoon sê, partykeers is dit so dan sê party mense hulle gee nie eintlik om hulle vir jou sê nie wat al maak die ding jou seer, maar hulle gee nie om nie. Maar hier het ek nou weer geleer as jy vir 'n persoon iets wil sê dan kan jy dit op 'n mooi manier sê, nie so op 'n rowwe manier sê nie, want baie keer dink die persoon nie dat hy jou kan seer maak nie.*

(vw 14, 65-71) *konflikhantering, daai is basies wat ek die meeste kan onthou. HOEKOM STAAN DIT VIR JOU UIT? Vandat ek en (*) saamwerk in soort van groep in, was daar al baie tye waar daar tussen ons twee so bietjie wrywing was en dan het ek maar net gerewind en gedink wat het ek daai jare gedoen en geleer hoe om dit te hanteer en omdat sy dit ook mos gedoen het, het dit ons baie gehelp.*

(vw 15, 220-226) *Wel, as ons soos konflikhantering, dit het ons geleer as ons miskien na skool of voor ons skool toe gaan, dan het ons daarvoor gepraat en dan het ons gevoel, dan het ons eerlik gewees en vir mekaar gesê hoe jy voel maar op 'n mooi manier, sodat almal verstaan. Niemand het na daai sessie, was kwaad vir mekaar nie. So, ek sal sê dit was nogal rerig iets wat ons kon gebruik het .*

(vw 2, 160-168) *Konflikhantering speel 'n baie groot rol by jou werk self, want as ek nie daai geduld kon gehad het nie, miskien daai drie of vier mense wat saam met, dan sou ek seker al lankal na 'n laer pos, na 'n gewone wag toe gegaan het. EN IN JOU HUWELIK? Hmm... somtyds raak ek sommer kwaad vir enige dingetjie maar dan redeneer ek myself, dan gaan ek na vroujie toe en sê nee man, ek is jammer – wat ek nooit kon gedoen het nie. As ek kwaad is vir iemand, dan sou ek twee dae, drie dae kwaad bly.*

- **selfgeldig** (vw 9, 129-133) *hulle het vir ons geleer van om selfgeldend te wees, om jou sê te sê as dit moet sê, nie om dinge te aanvaar as mense dit vir jou sê nie, maar om te voel as jy verskil en die verskil uit te bring, jou opinie moet jy op die tafel lê, jy moet nooit toelaat dat mense bo-op jou trap nie*

(vw 11, 146-149) *maar ek het ook maar hier kom leer om wat dit is om in 'n vergadering jou opinie te lug en ek het nooit daarvan gehou nie maar nou kan ek dit darem al doen*

- **beplanning** (vw 9, 139) *en tydbeplanning.*

(vw 2, 190-192) *Ek beplan so my daaglikse werk nou, want ek het nooit eers 'n dagboek gebruik nie.*

- **probleemoplossing** (vw 11, 150-158) *Omdat ek het nie ek het gevoel dat ek, ek het altyd so gevoel dit wat ek wil sê. sal ek maar vir myself hou, maar hier het ek baie geleer as jy 'n probleem het miskien in die groep en so. dan moet jy daarvoor praat en jy moet dit nie net vir jouself hou nie. WAS JY MAAR VAN NATURE SO 'N MENS GEWEES AS JY BY DIE*

HUIS, JY EN JOU MAN NOU VASGESIT HET DAN HET JY OOK MAAR STIL GEBLY? Baie kere het jy maar gevoel jy moet ook maar jou mond hou, maar nou is ek nie meer so nie, as ek 'n probleempie het. dan praat ek daaroor.

(vw 4, 100-105) Moenie skaam wees om te praat saam met iemand daaroor nie, as jy iets slegs gedoen het, moet nie skaam wees om daaroor te praat nie of as iemand na jou toe kom en jy sien die persoon het 'n probleem hoe om daai probleem vir daai ou so maklik te maak so dan hoef jy nie uit jou way uit te gaan om hom te help nie, hy is eintlik daar om homself te help.

- **kommunikasie** (vw 10, 142-146) *Sy sal nie eintlik voor my praat nie, maar soos sy die laaste keer met (*) gepraat het by die oueraand, toe het sy ook genoem vir (*) hmm... soos ek ook nou gesê het dat ek baie stil gewees het en ek sou nie sommer gemeng het met mense nie, maar dit het nou uitgekom van my en ek praat nou baie sê sy.*

*(vw 11, 165-177) dit het vir my baie beteken, ek het geleer hoe om te kommunikeer, en hoe om, hoe sal ek nou sê, dit het vir my geleer dat ek ook iets vir die gemeenskap beteken, want soos ek voorheen het ek mos nie sulke werk gedoen nie en dit was altyd vir my lekker om te hoor die kinders sê vir my hallo mev. En so toe voel ek so geëerd en ek het baie geleer. **PERSOONLIK NOG IETS, WAT IS DIE BAIE?** Vir my persoonlik soos ek gesê het ek kon nie gekommunikeer het nie met ander mense nie, nou soos ek nou voel vandag het dit vir my eintlik gehelp om te kommunikeer met mense en as ek 'n probleempie het dan kan ek vrylik praat daaroor want dit word nie na die een na die ander vertel nie. Daai persoon hou dit net vir homself en so aan.*

4. **Werksbevrediging** verwys na die mate waartoe die werk die persoon se behoeftes rakende werk bevredig. Uit die data is daar 4 hoofkategorieë wat na vore kom naamlik: erkenning van die kinders, bydrae tot gemeenskap, impak wat insette maak op probleme van die kind en sosiale verkeer met ander persone.

- **erkenning van kinders** (vw 2, 172-174) *As ek sien daai kind presteer, dan voel jy amper soos ek het vir jou daar gebring. Jy is miskien 'n rolmodel vir daai kind.*

(vw 4, 134-145) *ek het nou baie meer responsibility en as ek in die pad loop dan vind, dan sien die mense my as 'n rolmodel en nie as 'n roadmodel nie, want as ek in die pad in loop die mense sien nou net jy is daai ou, maar van ek by Volcano betrokke geraak het, het dan sien mense my dan sê die kinders: Mammie, daar's (*), (*) gee vir my daai klas en hy leer my dit. Dan kom die ouers self na my toe, maar as die ouers self dan sien, nee, maar kyk hoe lyk die ou dan, hy lyk nie vir my reg nie, dan sê ek nee, dit was ek maar ek wil graag nou wegkom van daai af en ek wil graag hê die gemeenskap moet my help om daar te kom. So ek sal maar sê ja dit is meerder die kinders vandat ek beginne lief raak het vir die kinders toe het ek my dinge beginne stop.*

(vw 15, 53-55) *dit voel lekker om iets te beteken vir die kinders, vir iemand iets te gaan beteken*

(vw 14, 111-112) *afgesien van die kinders se groepsessies.*

(vw 11, 87-89) *die sterkpunte is om die kinders te help, om met kinders te werk en hulle te help en om iets vir die gemeenskap te beteken.*

(vw 10, 56-60) *net vir die feit dat iets kon gedoen het vir die kind wat hulp nodig gehet het, ek het nou gesien hoe hulle die kind geniet, hom in dit wat hy doen en so aan en dit het vir my baie uitgestaan is, as 'n mens vir iemand iets doen dan moet jy sien daai persoon waardeer dit en dan voel dit vir jou na iets goeds.*

(vw 12, 109-160) *Ek sal vir eerstens sê is die hulp wat die program aan die minderbevoorregte kinders bring, want ek meen met my ervaring wat ek nou al vir, sê, vir een en twintig jaar in die onderwys, was dit altyd vir ons 'n probleem gewees die kinders wat daardie probleme het, daai agterstand het, daar ek meen baie se ouers kan nie bekostig om vir hulle daai ekstrahulp te kry nie. Ons klasse was so oorvol ons kon self as*

onderwysers kon nie vir daai kinders, behalwe as ons bereid is om miskien na middag 'n halfuur of so aan 'n kind te bestee en ek sal nogal sê baie van die kinders gaan swaar deur 'n laerskool, die primêre skool-loopbaan, daar is nie daardie ekstra hulp nie en ek vind nogal die program is nogals iets goed, want ek dink dit gaan die kinders beter voorberei vir hulle, ek meen vir hulle jare vorentoe. Eintlik gaan dit vir hulle, al gaan dit nie op die stadium miskien, want nou al die jaar is nou al blykbaar gaan nou al na driekwart van die jaar toe, miskien nou vir hulle iets, maar miskien volgende jaar of die jaar daarna gaan dit vir hulle definitief iets beteken, want daar is regtig baie probleme, die onderwysers nie tyd het voor om aan te spreek nie. Ek self het ondervind, want kyk ek het self met graad twee's gewerk dan was daar van hulle wat probleme gehad het dan het ek baie keer nie geweet wat die oorsaak daarvan is nie en weet ook die kind begin aan die verkeerde kant van die boek te skrywe, jy raas met daai kind want jy weet self nie. Want self soos ek het nou al soveel jare onderwys gewees, maar daar is ook baie probleme wat ek nou eers ontdek wat die oorsaak eintlik dan dink 'n mens jene as jy dit nou daai tyd geweet het dan sou jy nou beter die kind kan benader het, maar ons weet nie hoekom doen die kind dit so of so nie, maar daar is tog ek meen 'n rede daarvoor, wat ons nou nie die opleiding voor gehad het nie, hoekom dit is nie en ek dink nogal dis iets goed, want nou kan ek ook sien hoekom doen die kind dit, hoekom skryf hy so, hoekom draai hy sy blaai as hy skryf en so wat ek nooit geweet het nie. Daar is ook dinge wat ek nou agter gekom het, wat ek eers nou ontdek en as ek moontlik soos by 'n skool kom dan sal ek beter miskien nou daai kinders kan benader want ek sal nou of miskien nou vir daai onderwysers miskien raad kan gee en sê probeer dit of dat en so, waar ek dit nou miskien nie die verlede nou kon gedoen het nie. NOG ENIGE IETS WAT VIR JOU STERKPUNTE IS? Wat ek nog kan sê is hmm... is sterkpunte, is eintlik waar die kind nou hier is die kind nou eintlik maar in 'n klein groepie, so hy kan nou eintlik meer aandag kry dit is ook iets goeds en dit is mos nou waar 'n mens eintlik praat van die individuele aandag en dan soos die lesse wat aangebied word. Goed daar was vir ons van die student se kant af gevra om insette te gee en so, maar ek dink self soos die lesse wat voorberei word dat dit nogal baie goed is, vir die kind

van 'n groot hulp is die stimulasielesse wat nou voorberei word en self soos die studente sit verskriklik baie in, ek het dit agtergekom wat nogal vir my en hulle luister na raad hulle sal nie net aanvaar dit wat hulle doen is reg of wat hulle sê is reg nie. Hulle neem nogal elkeen se opinie in ag, neem hulle.

(vw 5, 267-271) ek weet een of ander tyd moet ek vir my kind gaan sê daai's rooi en ek moet dit op 'n baie makliker manier vir hom kan sê of ek moet vir hom 'n vorm kan verduidelik en dit is hoekom ek gevoel het, ek gaan al my goed vir my net so hou.

(vw 3, 59- 67) dat ons daar was soos op 'n gereelde basis dat ons skole toe gegaan het en dat ons elke Maandag en Woensdag die kinders kan gesien het en dat ons kon gesien het waarin hulle agter is en so en dan die program wat ons vooraf moes uitgewerk het wat om te doen met hulle, speletjies wat ons met hulle gespeel het. En dat ons oueraande gehad het en ons die ouers betrokke gekry het dat hulle ook geweet het wat om te doen wat gehelp het.

- **bydrae gemaak tot die gemeenskap** (vw 8, 119-129) *miskien buitekant die publiek miskien, vir my moet raadpleeg en vir my vra maar hoe is die situasie daar dan kan ek miskien meer inligting vir die persoon verskaf en hmm.. in die geval waar die persoon miskien kom met 'n probleem as sulks wat die kind betref hmm... dink ek, ek is in staat om dan vir hierdie persoon dan te kan help of om vir hom meer inligting te kan gee hoe om die saak te benader wat die kind natuurlik aan betref. So as hy byvoorbeeld sê goed ek ondervind dit by my kind, dit is eintlik 'n probleem dan dink ek enige een sal dan bevoeg wees om daardie persoon reg te help en vir hom te kan sê hoe kan hy hmm.. die regte metode wat hy kan gebruik om die kind aan te help.*

(vw 8, 145-152) Seker maar die kinders se gesig, dit spook by 'n mens en om eerlik waar te sê ek het vanoggend opgestaan toe dink ek, o, ek voel nou so swak, maar dit is net iets wat 'n mens net nie kan af, dit is net daai om iets vir iemand te kan beteken, dit is eintlik die belangrikste wat nou vir my nou aanhelp, want hmm... as ek kyk na my hmm... finansiële situasie dan dink ek:

ag, wat al moet ek ook nou maar stap om tot hier te kom, of al moet ek nou vroeër stap om nou hier te kom, ek gaan hier kom.

(vw 8, 181-192) daar was baie goed wat nuut was, want kyk ons het dit nou maar net so gevat dat dit 'n gewone les is wat aangebied word, ons het nie die arbeidsterapie kant, hoe kan 'n mens sê die arbeidsontwikkeling van die... ons het nie daai hmm.. geken nie en nou weet ons dat ons moet ook kyk hoe die kind miskien die potlood hanteer, hoe die kind sy lyne trek, al daai fyn motoriese aktiwiteite wat ons wat ons nou gedinges het wat ons nou eintlik opgelet het. Kyk want vir ons was dit nou maar net ons het aanvaar nee maar ons gaan nou net les gee en dit is nou alles waaroor dalk afhaal, maar toe het ons nou uitgevind, nee, maar dit gaan nou eintlik in meer in detail die kinders deur op te let hoe hulle skryf en hoe hulle natuurlik vorder.

(vw 5, 197-201) Ek kan met trots sê ek was een van die mense wat die naam gevestig het. Ja, toe het ons daar deurgegaan die naam is gevestig, ek glo nogal stellig baie van die mense het beginne, omdat ons miskien deel was van die kies van die naam.

(vw 4, 379-382) Ek het 'n klomp nuwe gedagte in my en ek wil daai gedagtes nie vir myself hou nie, ek wil dit ook met die gemeenskap gee en ek hoop hulle gee vir my 'n kans.

- **impak wat insette maak op probleme van die kind** (vw 5, 246-260) en daai follow-ups wat daar was, want daai was smart, want ek weet vir 'n feit eens op 'n tyd het ons gevoel daars nie eintlik 'n follow-up nie en dus hoekom die mense begin wegsak of daar het iets beginne doodgaan in die projek en toe die follow-ups beginne, kon 'n mens beginne sien ok die persoon weet wat hy gekry het en daarvolgens het ons verder gegaan . **AS JY PRAAT VAN DIE FOLLOW-UPS, WAT BEDOEL JY DAARMEE?** Follow-ups, kyk soos wat gebeur het, is die een student het altyd sê ons het gedoen kleure, die volgende student het ingekom en vorms gedoen, maar dan het ons geweet gaan hul regtig al daai kleure onthou en dan het die vorms terug gegaan soontoe en dan het jy gekry jou rooi sirkel of jou geel driehoek en dan het die kinders dit onmiddelik geweet en dan voel jy nou beginne maak jy impak, en dan werk dit.

(vw 16, 94-110) *ek hou van die feit dat hulle elke oggend 'n sekere tyd het wat hulle begin. 'n Sterkpunt is ook dat hulle hmm.. die skole kan assisteer met die kinders hmm.. ook die feit dat elke oggend wat ons kom, het ons iemand wat saam met ons sit en vir ons vra wat is dit wat ons die vorige dag gedoen het, wat het met die les gebeur – dit is sistematies – ek hou van dit. Ek hou daarvan, dit wys vir jou die werk wat jy gedoen het gaan nie net in die wind in nie, iemand kom môre oggend en vra, reg wat het met die les gebeur. Ek sal byvoorbeeld sê dit is die kinders wat die probleme het en dan sal die leier van ons nou sal sê ons moet dit doen, of dat doen. En daardie feit is hulle baie georganiseerd en ek hou daarvan. En as ons uitgaan die dag en terugkom en daar's is altyd terugvoer, so as jy nie weet nie, sal die volgende een vir jou sê, maar hoekom probeer jy nie so of so nie, so daar is altyd positiewe terugvoer en ek dink daar is heelwat taamlike dinge wat ek kan sê, maar dit kan nie nou by my opkom nie.*

(vw 5, 235-240) *student wat ons gekry het weer altyd die opportunity gegee ok. Ek wil hê die program moet so gaan, maar gee vir my ideas dan het ons gevoel ok ons eien self die projek as sulks kom ons dit hier in al is dit 'n song wat ons ingesit het of 'n game wat ons ingewerk het daai was vir my in effek smart gewees*

(vw 5, 264-267) *in fact, my laai is nou nog vol van vorige lesse en notas, omdat ek voel nie dit gaan vir my iets wees sit dit in 'n file en sit dit weg nie soos ek weet vir 'n feit ek werk nog altyd met kinders, ek het twee van my eie kinders.*

- **sosiale verkeer met ander persone** – Die hoofemas wat uitgekóm het, is vriendskap, spansamewerking en sosialisering.

(vw 2, 179-181) *Om 'n span te wees, groepwerk, hulle het meer gekonsentreer op groepwerk.*

(vw 14, 111-120) *afgesien van die kinders se groepsessies. Ek is maar iemand, ek hou van praat, ek hou van kommunikeer en gesels in 'n groep, dit is nou afgesien van die kinders. Ja, dit was baie lekker gewees, daar*

was mos tye wat ons baie uit gegaan het, ek weet nou nie watse sessies dit was nie, maar ons het gegaan, dit is 'n plek in Bellville weet ek en dan is ons in verskillende groepe in gewees en dan is verskillende tipe goed gedoen, hulle stuur jou af, in 'n tunnel, en.. spanbou sessies! Daar's dit, sulke goed was baie lekker gewees.

(vw 11, 122-127) dit was lekker vir my om met die kinders te werk, lekker vir my om elke oggend te kom en dan met () hulle te gesels en te kommunikeer en as ek 'n probleempie of iets wat by die huis gebeur, dan hoef ek nie te kom kwaad sit nie, want hulle het sommer vir my die dag lekker gemaak en as ek dink aan die kinders dan dink ek die probleem is alles vergete.*

(vw 10, 37-44) alles was vir my lekker gewees, soos in die socials wat ons gedoen het, aangesien dit nou vrywillig wat ons dit gedoen het, maar dit wat ons uit dit uitgekry het, dit was baie lekker gewees, dit wat ons geleer het, maar veral die socials, want ons het niks uitgegee nou, want 'n mens het nie eintlik gevoel dat jy vrywillig werk doen nie, want ons het iets uitgeleer daaruit en ons het vir ons geniet.

(vw 10, 173-180) Om nou met die kind te werk, om elke dag die kind se gesig te sien is net, hoe kan ek nou sê, somtyds en dan voel 'n mens nou as jy van die huis af kom jy het 'n probleempie gehad by die huis, maar as jy nou kom of jy kom mos nou eers by Volcano nou aan, nou kom jy by die volunteers en so aan, daai gevoel dat hulle wat daar is, die spanbou is lekker en dan vergeet jy al weer van jou probleem en as jy nou na die skool toe gaan en met die kinders werk, is ook 'n baie lekker gevoel

(vw 12, 257-271) Vir my is dit lekker om ek meen die mense waarmee jy saamwerk en almal is nou bereid om hulle samewerking te gee, ek praat nou spesifiek van die vrywillige werkers, hulle is almal behulpsaam en ek nogal agtergekom soos die tyd nou daar was miskien in die begin 'n bietjie waar die een miskien nou kyk wat jou houding is, hoe tree jy op en daai tipe ding, maar soos die tyd aangegaan het, het ek nogal gevoel dat hmm... almal begin nou hulle houding te verander, hulle raak meer

spontaan en hulle is, vra makliker vrae en so, want kyk ek het op 'n stadium self vir hulle gesê, kyk dit is nie 'n probleem, kyk soos () en die wat nou laaste bygekom het toe sê, kyk soos ons het nou al die ondervinding en so en dit is nie 'n probleem nie en sy sal vir my enige tyd kom vra hoe doen 'n mens dit, het ek dit reg gedoen of wat die geval ook al is? Maar ek vind dit nogal lekker net die samewerking, ja.*

(vw 5, 281-288) Dit was toe nie agterna 'n projek vriendskap nie, ons was naweke was ons saam, ons het probeer om elke oomblik van die dag wat ons kon gekry het in 'n naweek was ons saam as ons Sondag na een van die mense se huise toe kon gaan, het ons dit gedoen daai was ook een van die baie belangrike goeters en ek dink dit het ons daai tipe team gemaak wat baie goed saam kon gewerk het,

(vw 5, 291-303) ons was baie open met mekaar as een 'n probleem met dit gehad het, kon een altyd gehelp het. EN HET JY NOU NOG KONTAK MET VAN DIE MENSE? Jip, ons het nog baie soos () se situasie is nou net 'n bietjie anderste hy werk nog baie keer nag, dan kan ons nie by hom uitkom nie, maar elke oomblik wat ons kry maak ons maar dinges soos daar was 'n tyd wat ons kontak verloor het en ek dink toe (*) getrou het die aand het ons vir sy aanstaande gesê ons gaan vir (*) wegsteel, ons het hom weggevat vir hom 'n bachelors georganise alles. As ons nou mekaar sien by 'n dans of so is dit nog altyd dieselfde van hoe gaan dit met jou, hoe gaan dit met daai, die communications caps is nog altyd oop en daai is nogal vir my belangrik*

(vw 3, 128-131) dat ons met mekaar moes praat en dat hulle ons betrokke gekry het want ons het almal gepraat, nie net sy het nie alleen gepraat nie ons het almal deel gehet daaraan.

(vw 8, 106) ek sou sê spanpoging.

(vw 4, 159-164) *Vandat ek en (*) ook bymekaar gekom het, ok vir my voel dit alles wat ons basies saam gedoen het, was goed omdat toe ek vir hom ontmoet het, het ek my gangstervrinne begin los, want ek het geglo hy is my vrind, want hy was die skouer om op te huil, hy het altyd vir my gesê kyk hier daai wat jy doen is verkeerd, jy moet nie daai doen nie.*

5. **Leiding deur die studente.** Studente is primêr verantwoordelik vir die opleiding van die vrywillige werkers. Die volgende twee temas het uit die onderhoude na vore gekom: studente se hantering van die vrywillige werkers en die metode van onderrig.

- **Studente se hantering van die vrywillige werkers.** Het almal betrek by die projek/kan insette gee vir die program/gebruik vorige kennis (vw 3, 143-145). *Ek onthou hulle het byvoorbeeld goed neergeskryf en dan het hulle daaroor gepraat en dan het ons ook ons insette gelewer, almal het deelgeneem.*

Maak moeite om elke persoon te leer ken/word as mens hanteer/omgee/aanvaarding as 'n persoon, eie unieke een (vw 7, 78-88) *want u is die mense wat die program aan die gang hou en ek moet sê die manier waarop u met ons handle nê, en die studente ook – dit is goed, dit doen jou in jouself goed, jy voel jy is 'n mens, jy voel jy sluit iewers in en .. die omgee – dit voel ek. Ek voel ook dat as .. want kyk as 'n mens nou besig is met 'n ding, ek sou sê dat die mense van bo gee nie om nie en jy sien hulle is nou maar net daar jy moet maar net die ding doen en dan kry jy ook later daai gevoel van ag te duiwel met hierdie mense man, jy weet dan sal 'n mens nie so pligsgetrou wees nie, maar as jy sien dat die mense wat agter die storie sit die pligsgetroue mense is, dan steek dit jou eintlik aan. (vw 9, 191-194) dit was nie net ek is 'n student en jy is 'n vrywillige werker en jy is onder my nie, hulle het ons so behandel, agterna het ons soos vriende gevoel. (vw 4, 229-236) As ek hier kom, laat sy my altyd lekker voel, omdat ek weet daar is altyd iemand wat na my sal luister, omdat ek toe ek betrokke was by die bende was daar nooit mense regtig wat sal luister na 'n bendelid en so nie en vir my was dit altyd lekker om saam met haar te gesels, want een ding sy is straight forward met my. Sy*

het vir my gesê wat op haar mind is en dan sal ek altyd so ge hmm.. ja.. het nou ek weet waar ek staan (vw 4, 261-272) Die way sy die les aangebied amper sy evalueer nie die hele groep saam nie, elke een word individually ge-evalueer, so sy wil graag elkeen spesifiek op sy eie leer ken as sy praat saam met een dan praat sy saam met almal, maar as sy saam met jou alleen praat, dan praat sy saam sekere goed wat op jou pas, sy sal nie saam met praat as sy weet ek hou nie koffie nie dan sal sy nie vir my vra of ek koffie wil hê nie, sien as sy weet ek hou van tee dan sal sy vir my dit vra, sy sal nie iets saam met jou praat waarvan jy nie hou nie, nou dit is wat vir my op my gemaklikste gevoel, dit is hoekom ek voel ek vir haar wil dankie sê, omdat sy vir my gedra het tot waar ek is.

Herhaling van inligting (vw 7, 138-143) eintlik in die jare kry jy nou – kyk nou soos konflikhantering het ek seker nou al 5 keer gedoen, maar elke keer as ek hom doen dan geniet ek dit weer van voor af – you know – dit issie iets wat nie sommer net by jou vassit nie, jy 'n mens vergeet mos maar die dinge, maar somtyds kan jy, kan jy darem terugdink, o ja, dit het ons mos so gemaak daar (vw 11, 190-197) die manier hoe hulle dit nou vir ons aangebied het, hulle het dit altyd, hoe kan ek nou sê, op sketse vir ons aangebied en vir ons vrae gevra dan het ons die vrae beantwoord en dit wat ons nou nie geweet het nie, hulle vir ons weer oor verduidelik, so ons het eintlik baie daaruit geleer en jy kon dit in jou huis self gaan toepas dit wat jy daar geleer het of met jou kinders kan jy dit ook doen, so ek het baie daaruit geleer.

Is opgelei in wat hulle doen/doen moeite met aanbiedinge/is vertrou met wat hulle doen, het kennis (vw 7, 171-176) eintlik kan 'n mens sien dat hulle opgeleide persone is, dat hulle ook opgelei was of opgelei is om dit te kan doen, dis nie sommer enige een wat dit vir jou kom gee nie, aanbied nie, dit kan 'n mens sien en hulle sit verskriklik baie moeite daarin om dit vir ons te laat, dat ons dit kan goed ontvang en dat ons dit kan verstaan. (vw 8, 195-200) hulle het dit goed van hulle taak gekwyd om vir ons oor te dra, want dit is amper ek kry net die gevoel hulle is vertrou met dit wat hulle doen. So dit was nie eintlik iets wat hulle probeer aan.. hoe kan ek nou sê aansit in die sin dat dit is iets wat hulle nie van ken nie,

hulle het kennis van dit, want as ek nou kan luister dan is dit seker maar deel van hulle opleiding ook.

Toepassingsgerig (vw 10, 220-223) Die student het dit baie duidelik, hoe kan ek nou sê gedoen en so aan, sy het dit stap vir stap gedoen en aan die einde van die dag het jy verstaan waaroor dit gaan en mens kan dit dan gaan toepas en so dit was baie duidelik gewees.

- **Metode van onderrig.** Tuisopdragte en rolspel (vw 5, 399-407) *Ek gaan weer eens sê die roleplay is iets wat vir almal gewerk het en ek glo stellig almal het dit regtig waar geniet. Want ek weet vir 'n feit moenie vir my gaan sit en dan moet ek skryf nie, ek gaan sekere van die goed gaan ek onthou, maar baie moontlik gaan ek die goed wat ek moes geonthou het glad nie onthou nie, so wat die roleplay gemaak het, was, dit het jou so deel gemaak van die hele situasie, want jy kom net by 'n situasie wat naastenby so is dan weet jy dit is wat ek moet doen en daai was goed.*

Breek moeiliker konsepte op in kleiner dele/gee inligting vir verwysing (vw 10, 227-231) Sy het dit baie prakties gedoen en dit is wat dit baie lekker gemaak het en bv. daar was altyd sketse en goed wat sy gegee het. Jy hoor dit nie net nie, maar jy kan dit sien ook en agterna kan jy teruggaan om weer daaroor te gaan. (vw 9, 188-194) en hulle het vir ons vooraf afgerolde blaaie gegee wat ons huistoe kon geneem het en weer kon deurgelees het so daar was niks negatiefs van hulle kant af nie en dit was nie net ek is 'n student en jy is 'n vrywillige werker en jy is onder my nie, hulle het ons so behandel agterna het ons soos vriende gevoel.

Verduidelik stap vir stap (vw 9, 183-188) Wat positief was, is dat as ons blaaie gekry het dan was daar altyd sulke grootse griekse woorde dan het ons altyd vir mekaar onderlangs dopgehou, want ons verstaan nie, maar die manier hoe hulle dit vir ons aangebied het, hoe hulle dit vir ons kleiner opgebreek het, dan het ons aan die einde van die dag dit altyd verstaan.

Die sterkpunte van die projek het vyf temas/patrone na vore laat kom. Hierdie vyf temas/patrone word skematies voorgestel in tabel 4.1.

Tabel 4.1: Skematiese voorstelling van die sterkpunte van die projek

Tema/Patrone	
1.	Ommeswaai in vrywillige werkers se lewens
2.	Bevordering van selfkennis
3.	Ontwikkeling van vaardighede <ul style="list-style-type: none"> • spansamewerking • konflikthantering • selfgeldig • beplanning • probleemoplossing • kommunikasie
4.	Werksbevrediging <ul style="list-style-type: none"> • erkenning van kinders • bydrae tot die gemeenskap • impak op probleme van die kind • sosiale verkeer met ander
5.	Leiding deur die studente <ul style="list-style-type: none"> • studente se hantering van vrywillige werkers • metode van onderrig

4.2.2 SWAKPUNTE VAN DIE PROJEK

Die swakpunte van die projek is geïdentifiseer deur die respons van die vrywillige werkers op die vraag: "Wat was in jou opinie die swakpunte van die projek". Die vrae omtrent die swakpunte van die projek het die volgende tema/patrone na vore laat kom:

1. **Skole** waar die stimulasieprogram aangebied word en die **fasiliteite** by die skole.
2. **Bestuur** van die projek.
3. Die **groep** vrywillige werkers self.

Elkeen van die drie temas/patrone word vervolgens bespreek:

1. **Skole waar die stimulasieprogram aangebied word en die fasiliteite by die skole.**

- **ongereelde bywoning van die kinders** (vw 2, 147-149) *ek het baie kwaad geraak as die kinders miskien nie kom nie en jy berei vir jou 'n les voor om vir hulle aan te bied, dan is daar net twee of drietjies.*
- elke dag 'n ander **klaskamer** (vw 3, 70-73) *soos in ons geval waar ons by die skool was, het ons nie 'n klaskamer gehad nie en elke keer moes ons na 'n ander klaskamer geskuif word, dit was nogal vir my nie goed nie.*

(vw 10, 148-155) laat ek nou sien, swakpunte, nie wat ek nou aan kan, ok, miskien nou net hoe sal ek nou sê, miskien by die skole swak is, is somtyds die lokale en so wat elke tyd in 'n ander lokaal is en somtyds is dit ook dit wat vir jou sommer van plak af maak en dat jy sommer nou kom by die plek en nou vind jy uit dat jy weer na 'n ander lokaal moet gaan, want jy word nou so gewoon aan iets en dan as dit nou wegval en so dan is dit nou wat vir jou mismoedig maak somtyds.
- **kan nie omgewing interessant maak nie** (vw 3, 73-76) *so, sê nou jy het jou eie klaskamer, kan jy die omgewing nou interessant maak vir die kind, maar ons het elke dag 'n ander kamer toe en dit was nie altyd skoon nie.*
- **afrolwerk** nie gereed nie (vw 12, 194-240) *is net nou dat ons so 'n probleem gehad het elke keer het daar het ek ook nou gevoel ek nie dat 'n mens op iemand neerkom of wat nie, maar toe het ek ook gesê vir (*) soos ons nou middae huis toe stap, dan sê ek, ai, vandag was daar nou weer 'n probleem van dat die blaaie weer nie afgerol nie, 'n mens voel so jy mors eintlik jou tyd om te kom. En dan sê ons nou vir, ek sal nou maar (*) se naam noem, vir haar (*) die werkblaaie was nou nie, die juffrou was nou so besig vandag dan sê ek (*) ek verstaan, want ek was ook 'n by 'n skool en daai mense het baie werk om te doen, hulle het die skool se admin werk wat hulle moet doen en almal die, nou kom ons die oggend hier dan is hier nie blaaie afgerol nie, dan sê die juffrou, nee, die student of (*) het*

nooit die voorbeelde nou vir haar gebring nie en dan sê sy nou nee, maar sy Maar dan lyk dit half of sy onseker is, het ek dit nou gegee of het ek nou nie toe het ek ook nou gesê 'n mens voel so jy mors jou tyd, want ons het ookal twee dae hier gekom dan is hier niks vir ons afgerol nie of so nie dan moet ek nou maar weer terug gaan na die ou blaaië toe dan moet ek nou maar kyk wat daar is wat nou naastenby is vir die, dan moet ek nou maar so vir drie of vier die oefening gee en vir 'n ander groepie 'n ander oefening gee net om vir hulle aan die gang te hou en dan sê ons ook , en dan sê ek altyd vir ()-hulle nee man hmmm...kyk soos (*) en (*) en (*) wat met ons saamgewerk het, ons kan vir hulle gesê het 'n ding dan maar dit lyk as 'n mens vir haar 'n ding sê dan sê sy ja, maar sy doen net die teenoorgestelde. Toe sê ek vir (*) nee, ek gaan nou niks mee sê nie, ons gaan nou maar stilbly, dan sê (*) ook nee, ek voel ook nie meer om te praat nie, ons los nou maar net so, toe dink ek ag, dan gaan 'n mens huis toe en jy dink nee 'n mens kan dit nie nou weer net so los nie, want dan gaan dinge ook nie regkom nie en toe het dit nou al al 'n paar maal hier so gegaan dan gee sy nou soos ons nou kom na die skool toe, dan gee sy nou vir ons die voorbeeld van die dag se lesse, nou is die juffrou miskien nou besig dan moet die, dan sê ek nou goed, ons sal maar aangaan met die les, dan sal ek nou maar vir haar kans gee om dit nou maar vir ons af te rol, nou dit is alles daai klein dingetjies wat 'n mens somtyds, goed 'n mens verstaan een of twee keer miskien, maar nou nie aanmekaar nie. Dan sê ons nou die sewentiende toe die skole begin het, was ons mos nou nie hier nie met die dat ons nou onder die indruk was ons begin die agtiende, toe het ek nou vir (*) gevra wat het hulle nou die vorige dag gedoen, toe sê sy dit was ook nou weer 'n probleem, want toe is daar nou ook nie goed afgerol nie, toe sê die juffrou hmmm... juffrou (*) nou vreeslik omgekrap gewees, want sy sê toe hulle moet nou sê die student of (*) moet nou die blaaië maar soos voorheen vir haar 'n dag of twee voor die tyd gee om vir haar tyd te gee om dit af te rol .*

- **te min lokale** (vw 16, 155-164)) *En ek voel ons is te veel in 'n klas ook, ek voel ons is al drie in 'n klas en omdat ons in een lokaal is, almal skree hard en dit veroorsaak ontwrigting, want (*) skree daar uit haar keel uit vir haar*

kinders en haar kinders kyk om terwyl ek vir my kinders praat en dit veroorsaak 'n hele ontwrigting, natuurlik kan ons nie drie lokale hê nie, ek verstaan dit, maar omdat ons die klas gedeel het, is dit nou wat dit veroorsaak het, so ek dink die feit dat ons meer mense gaan inneem, dit is nou te sê as ons nie gaan uitbrei nie, gaan ons te veel mense wees.

- **skooltye** (vw 15, 248-270) *Sal sê ons het in die oggende ingekom, vroeër ingekom in elke geval – 10:00 was ons al daar en soos hulle kan nou weer nie, 11:00 is nou weer 'n gepasde tyd vir hulle, want hulle moet van ver af kom en daai tipe van ding en ons het baie dinge gedoen. En as ons gevoel het ons wou in die agtermiddag, as ons terugkom van die skool af weer terugkom dan het ons weer terug gegaan en gaan gesels. SO WAT IS VIR JOU DIE GROOTSTE PROBLEEM MET DIE OORSKUIF SKOOL TOE? Die tyd, die skooltyd, alles moet volgens skooltyd gedoen word voordat hulle die hekke toesluit. Maar daar was mos nou nie so iets nie, as ons miskien plakkate en so moes gemaak het vir die skool miskien vir môre, dan het ons nie die volgende oggend gekom en dit kom doen nie, dan het ons van die skool af gekom en dit gaan doen daar. EN WAT HET JULLE DAARUIT GEKRY? Baie, dan het ons baie lekker met mekaar gesels, dan het jy ook tyd gehad om sosiaal met mekaar te verkeer. SO, JY MIS EINTLIK DAARDIE SOSIALE TYD WAT JULLE GEHAD HET NA SKOOL, WANT DIT IS NIE NOU MOONTLIK NIE. Nie net die socials nie, maar toe het 'n mens baie meer tyd om 'n ding te doen, kyk in 'n oggend is daar nie so baie tyd om jou goed agter mekaar te kry nie en anders moet jy dit huis toe neem en by die huis het jy ook 'n klomp dinge wat jy moet doen en dan kry jy nie tyd nie.*

2. **Bestuur van die projek**

- **oorkontrolering** (vw 5, 376-395) *Volgens my was daar net een keer iets wat net nie vir my moes gebeur het nie of kom laat ons sê (*) het sy was die hele een persoon wat die ding geïniated het in die begin in. Nou wat gebeur het is, toe gaan die projek al so het dit gegaan ek kon sê die mense was al afhanklik van (*) af. Sy het nie meer nodig gehad om te spoonfeed nie, wat toe gebeur het (*) het nog altyd geprobeer force om sy*

wou altyd by wees met alles en baie van die volonteers het gevoel: ek weet wat is my dag se werk ek weet wat ek moet gaan doen, maar (*) het gevoel sy wil up to date wees en partykeer het dit gevoel sy beginne pressure die mense en dan het dit gelyk amper die volonteers gaan na die skole toe en sit agteroor of dis die indruk wat ek toe gekry het. Wat ek daarby wil sê, is die persoon wat die hele ding coordinate, kan insit, no problem, kan feedback kry, no problem, maar nie daai elke dag so wat het julle vandag gedoen, het julle jul goed vir daai in en ek dink baie van die mense hou nie daarvan om so heeltemal gepress te word nie. Die volonteers moet weet ons weet julle kry nie betaling nie, maar ons trust julle met certain responsibilities, jy moet dit vat. Dit was daai en laat ek dink, niks anders.

- **leierskap** (vw 12, 362-374) wat ek nogal opgelet het nou nie by die student soseer nie, miskien by die laaste, hmm.. soos ek gesê het (*) was vir my 'n baie sterk persoon dan het ek agter gekom, selfs nou met (*) dat daar vir die vrywillige werkers nou goed ek voel ook elke een is individu, hy het sy eie persoonlikheid en so, maar dan voel ek ook 'n mens moet partykeer mense sê of jy moet soos 'n opdrag gee, want ek het nogal agtergekome dat toe ons begin het, kan ek onthou ons het lootjies getrek om te besluit, ek gaan nou na hierdie skool. Moenie vir nuwe mense vra waar hulle wil gaan werk nie sê hulle. Ek voel 'n mens moet eintlik so te sê daardie op jou punt kan staan jy moet vir mense kan sê, goed dit is nou die mense wat by daai skool is of jy doen dit of jy doen dat.

(vw 16, 124-155) En daar is altyd konflik, want hulle is die nuwe mense en ons is nou al natuurlik die oueres en hmm.. hulle soos die persoon wat nou voor ons is, sê nou die leier hmm.. kom hulle en ons is nou daar en nou sal sy nou vra vir hulle dalk, sy sal vir hulle vra, wil jy na die skool toe gaan, wil jy dit doen, wil jy dat doen natuurlik hulle gaan sê nee, dit het gebeur, hulle sê hulle is nou gevra na watter skool toe wil jy gaan, nou sê hulle, hulle wil hier wees en ek voel net ons was nie gevra nie, ons is 'n bakkie gegee en ons moes getrek het en ons moes dit vat. Ek voel aan die einde van die dag was ek gesê kyk hier, jy gaan (*) toe en ek het dit

aanvaar en nou kom hulle en hulle word nou net gevra waar wil hulle wees en hulle sê sommer reguit. Nou dink ek by myself, hoekom word hulle gevra en ek is nie gevra nie en hulle sê net reguit nee, en ek kan nie nee sê nie, as hulle vir my iets vra dan doen ek dit, want ek voel, dit is wat gekom het om te doen en daar is altyd 'n iets en daar's ook die ding van die vervoer. In die oggende vat ek die taxi nou van my huis af tot in Haltweg, dan vat ek die taxi, dan kom ek tot hieronder en dan loop ek verder, ek gee maar R2, 50 uit per dag en in die middag loop ek huis toe, so ek gee omtrent R10,00 uit per week. Ek voel nie dit is 'n probleem dat my dinges nie, maar soms en ek was mos nou by die hospitaal en my niereprobleem, dit veroorsaak dat my voet swel, net die regtervoet en as hy swel dan kan ek nie ver loop nie en dan die loperij tot by () elke dag, ek loop van die huis af tot by Haltweg en tot hier en dan loop ek weer op na (*) en weer terug tot hier en van hier tot by die huis, dit is baie loop ek kom oor drie by die huis van hier af. En in die winter dit reën verskriklik en ek voel net daar is die wat die keuse het en ek voel net dit is daar waar die probleem inkom. En ek voel die leier van ons moet eie inisiatief neem, ek voel nie, sy moet vra nie ek voel sy moet sê, reg jy en jy julle gaan daarna toe.*

(vw 16, 180-215) ek sê nie sy moet nie hulle opinie vra nie, ek voel net sy moet meer inisiatief aan die dag lê deur te sê, want aan die einde van die dag as sy vir hulle so gaan behandel en sy behandel vir ons so, dan voel ek net hoekom word hulle dan nou so behandel en ek so, nou ek verstaan sy voel natuurlik sy kan op ons staatmaak en goed sy kan op my staatmaak ek sal wat sy vir my nou vra, dan doen ek dit nou, maar ek weet nie of dit is omdat hulle miskien nuut is dat hulle nou om dalk vir hulle aan te haal nie, miskien is dit die rede, ek weet nie. Maar ek voel net ek moet dieselfde gebehandel word soos hulle, want hulle moet dieselfde behandel word soos ek. Want ek sit soms in die klas en dan kom die een in en dan begin hy sommer sy hare te kam en die ene beginne te lees 'n boek en ek voel dis nie reg nie, ek het eendag sommer vir een van hulle aangespreek, maar jy kan mos sien sy is besig hoe kan jy dan 'n boek lees en dit veroorsaak groot ontwrigting, want ek voel ek moes dit nie gesê

het nie, sy moes dit gesê het. En ons kom nou al vir 'n week, twee weke in elke oggend en niemand praat 'n woord nie en daar is so 'n tense, so ek weet nie wat dit is nie, daar is so stilte en ek kan voel daar is iets verkeerd, ek kan voel en ek voel nie baie hmm.. ek voel nie meer lekker, ek voel tot op die punt waar ek voel ek lus nie om te kom nie en dit was nooit voorheen so nie, ek het dit geniet om te kom maar nou begin dit voel dis nie vir my nie en dit was nie voorheen so nie. HET JULLE AL PROBEER PRAAT MET HAAR? Ons het, ons het, sy vra soms onse opinie en dan sê ons vir haar, maar ek dink voor sy vir ons vra, is haar mind al opgemaak al, dan het sy al besluit wat sy gaan doen en.. dit is nou al twee of drie kere al. Ons moet nou maar stil bly dit raak al swakker. MAAR DIE UITEINDE VAN STIL BLY, IS DAT JY RAAK AL MEER GEDEMOTIVEER EN OP DIE OU END VERLOOR DIE PROJEK AL DIE PAD. IETS SAL DAAR GEDOEN MOET WORD. Dit is amper, hoe sal ek nou sê of daar 'n faksie van twee kante is, een groep is nou aan die kant en die een groep is aan daai kant en ek hou nie daarvan nie.

(vw 16, 289-342) Die feit dat die leier nie 'n besluit kan maak nie, as ek haar nou vra sê sy ek weet nie, ek voel sy moet vir my kan sê, nee dit is so of ja, dit is so, ek voel net sy moet nie vir my sê ek weet nie en ek gaan nou iets sê, daai aand toe ons die ouervergadering gehad het, toe die feit dat sy nie wou hmm.. die leiding neem nie dat sy vir my gesê het ek moet die vergadering open, wil ek nie sê wat Volcano oor is nie en ek het nie gehou daarvan nie, want ek het gevoel sy is die arbeidsterapeut en dis wat ek eintlik kon onthou het (*) dit gedoen verlede maand en juf. (*) het dit gedoen, hoekom moet dit nou op ons val om te doen, ok en ek voel sy kan dit ook vir ons gee om te doen maar ek voel dit is haar eerste keer en sy moet haar mos self ook bekendstel en ek voel daar het sy al reeds vir my gewys dat haar leierskap is nie wat dit moet wees nie en toe wys sy al reeds nou al vir ons almal, want aan die einde van die dag het almal dit gesê. Aan die einde van die dag het sy vir my as persoon gewys haar leierskap is nie wat dit moet wees nie, want dit is 'n klomp mense en nou het sy gevoel o.. jene nou, miskien kan sy nie voor mense praat nie, maar om vir ons te wys sy is 'n leier, ek voel moes sy dit gedoen het, daar gaan

staan het en daar voor gesê het ek is ... en ek is die arbeidsterapeut en dit is waaroor Volcano gaan en so en daardie ding het nommer een al reeds vir my gewys sy gaan nie 'n baie goeie leier wees nie, want daar kan sy dan nie haar besluit maak nie. Ok ek weet sy moet eintlik deleger ook, verstaan dit, maar somtyds voel jy net hoekom moet ons dit doen en sy doen dit ook nie, miskien sien ons al die tyd die student het dit gedoen of ek onthou die studente, ek praat nou nie van een spesifiek nie, almal van hulle het in die oggende gesit met 'n boek en dan skryf hulle () en dan reg (*) het gesê daar is probleme met die vorms en wat gaan ons doen om dit aan te spreek, dit is wat ons gedoen het elke oggend as die student gekom het, dit is van 11:00 tot 12:00 dan het ons iets gedoen, dan het die student gesê, reg agterna gaan ons nou dit doen of dat doen en dit was vir my baie mooi georganiseerd gewees en ons het geweet wat om te doen, maar nou nie in die oggende doen ons niks nie en as kom by die vergaderings een keer 'n week ons se notule van onse vergadering is net so kort, nou ek weet nie of daar nie punte is vir die vergadering nie, maar ons het nog nooit 'n vergadering van tien minute gehou nie nie so ver ek weet nie en ek voel sy kan mos terugkom na die ander en mos kyk waaroor dit gegaan het al die tyd en hmm.. die gedagte van die week was nie meer op gewees nie, daar was nie meer die klas se skoonmaak nie, kyk al daai was mos vir ons uitgesit en verlede week toe ons begin, toe vra sy nou is daar enige iets vir die agenda, toe sê ek die gedagte van die week en die klas skoonmaak en dit was al wat op die agenda was en toe het ek nou gesê van die vrywaringsvorms en dis al.*

- **bemaking** (vw 12, 48-52) *ek was al die tyd in die omgewing, maar ek het nog nooit gehoor van Volcano nie, ek meen daar was nooit gesels daaroor alhoewel ons hmm.. met (*) se mense in aanraking was, veral wat die sport betref, maak ek het nooit gehoor van Volcano nie.*
- **beplanning** (vw 2, 130-132) *as daar miskien meer fondse is, want ek meen elke mens sal nie vandag 'n werk verniet doen nie om elke middag vir daai kinders te gaan leer.*

(vw 7, 106-116) *in die begin het groei my bietjie gepla, die feit dat ons nie mense kon werf nie en mense kon bly hou nie, die vrywillige werker en so, maar op die huidige oomblik is ek baie gelukkig met hoe die toestand nou is, want die klomp mense wat ons nou het nou moet ons net vertrou dat dit nou so sal gaan en dat ons sal verder groei, want dit is eintlik basies die ding, as daar nie vrywillige werkers is nie, is hierdie projek maar net niks werd nie – so ek dink daar moet definitief gesien word na die vrywillige werker en miskien die rede hoekom hulle miskien nie bly nie of wat 'n mens miskien iets kan doen daaraan om hulle meer pligsgetrou te maak of so.*

(vw 12, 179-193) *want baie oggende dink jy, ag wat, is dit nou die moeite werd om te gaan of ek kan maar net so goed los of laat hulle nou maar aangaan soos hulle nou op hulle manier voorheen, miskien voel hulle om nog altyd op daardie manier aan te gaan en maar soos ek sê, is daar ook nog die punt ek weet nou nie wanneer Volcano miskien nou gaan uitbrei of verder uitbrei na ander gebiede toe nie en miskien is dit die dat ons nou so moet ver reis, want dit is nou onkoste aan en nie net dit nie, dit vat baie van kyk, want, soos ons nou kom, moet ons soggens al vroeg uit die huis uit gaan, jy moet 'n bus vat, jy moet 'n taxi kry en almal die tipe dinge wat 'n mens het dan voel jy ook as dit miskien uitgebrei kan word, miskien na 'n skool na ons waar ons ook miskien een taxi of een bus kan vat tot daar of selfs kan stap tot daar dan sal dit 'n mens miskien ook meer aanspoor of so.*

(vw 15, 141-145) *Wel, Volcano moet eintlik nou al in die jaar 2000 al uitgebrei het al na ander skole toe, na ander gebiede toe, want dit is nog altyd net hier waar dit begin het, dit kom dan nou nie verder nie, so daar moet een groot probleem wees wat ons nou net hier hou.*

(vw 2, 185) *Vrydagoggende se vroeg opstaan.*

(vw 8, 132-143) *Op die oomblik is dit nou eintlik omdat ons ook natuurlik finansiële probleme het, is die vervoer eintlik 'n bietjie, dit is eintlik 'n bietjie afbreking, want om van punt A na punt B te gaan is 'n bietjie baie moeilik,*

alhoewel die hmm... hoe kan 'n mens nou sê, soos hulle sê die gees is gewillig, maar die vlees is teenstrydig met dit en dit is eintlik wat dit , wat dit 'n bietjie, nie dat dit 'n negatieweit is nie, maar dit is omdat ons graag hier wil wees, sal ons alles probeer al moet ons ook geld gaan leen. Dit is eintlik onse norm of onse... die belangrikheid net om hier te kan wees. JA. JULLE KOM VAN VER AF. Ja, ons kom van baie ver af en dis eintlik twee vervoer, tipe van vervoer wat ons moet gebruik om hier te kom en dan is daar nog 'n stapafstand ook.

(vw 9, 160-164) My ma verstaan, my oudste broer het gesê ek kan gaan werk soek, hoekom moet ek vrywillig werk, maar dit het my nie gepla nie, omdat ek dit uit my hart gedoen het. Ek het dit gedoen vir die kinders en ek het ook agterna my seëninge so ontvang.

3. Die groep vrywillige werkers self

- **aanpassing** (vw 2, 185-190) *ek sal sê ek sou verkies het dat daar miskien 'n student heeldag saam met ons moes wees. Amper net so jy vergeet net wat het jy geleer, maar as hulle net daar is dan is dit amper so dat hulle re-inforce wat jy geleer het. Hulle bring dit hoe sal 'n mens sê, jy leer vandag iets en dan kom hulle net weer in met verfrissing.*

(vw 10, 156-169) miskien sal ek ook sê dat somtyds soos die vrywilligers, 'n mens raak gewoon aan mekaar nou en nou is dit miskien nou daai persoon weggaan en dan hmm.. daar was nou 'n lekker verhouding met julle gewees en nou moet daar weer iemand anders kom of jy lei skade, want daai persoon kan nou nie alleen aangaan nie met die groep en so aan nie, maar as dit nou julle twee saamwerk, is dit oraaait. En veral ook self in die geval van die student ook, selfs wat jy kan sê 'n mens raak gewoon aan hulle en nou by die tyd dat jy nou te gewoon is, is dit tyd dat hulle moet weggaan en dan moet jy nou weer 'n nuwe student ontmoet en jy moet nou eers weer haar gewoontes gewoon raak en so aan.

(vw 11, 103-112) die oggende as ons so bymekaar gekom het, dan ek wil nou nie spesifiek name noem nie, dan het party en as ons nou so baie grappies maak en daai dan het party in die groep nou nie daarvan gehou

nie dat ons moet grappies maak nie en ek is 'n persoon ek hou van lag en gesels en grappies maak, maar nou is daar miskien persone in die groep wat nie daarvan hou nie en dan het dit, dan het ek ook nie party dae lekker gevoel nie, want nou sien ek die persoon hou nie van die dinge wat ons miskien nou oor grappies maak en so nie – dis maar al.

(vw 15, 95-112) Toe ek daar gekom het, was .. het ek ook uit gevoel, want die wat reeds daar gewees het, het so 'n ander attitude gehad, maar ... hulle was heeltemal anders amper hulle het alleen gekliek en die geldstorie, toe ons daar kom toe was dit maar 'n geldstorie en.. ek het my nou nie daaraan gesteur nie, want dit is nie hoekom ek gekom het nie, ek het gekom om met die kinders te werk, om iets vir die kinders te beteken en dit gaan mos nou nie om myself nie en as ek nou moet sê, sal ek sê dit is nou weer besig om te gebeur en dit lyk vir my elke jaar gebeur dit dat die mense wat die goed aan die gesit het, val uit, so ek kan nie nou eintlik 'n opinie gee van Volcano nie, want ek was nie die afgelope maande hier nie maar toe ek dit gelos het was dit nog heeltemal reg. Maar ek dink vir die nuweling is dit nie so lekker verduidelik waarom gaan Volcano nie vir ons is dit mos nou baie mooi verduidelik waarom gaan dit, dit was nie vir ons 'n geldstorie nie, ons het nie 'n klomp dinge kom verwag nie, ons het net gekom om te gee.

(vw 15, 209-213) ons het baie kere nie mekaar reg verstaan nie en dan was die een miskien te bang om vir die ander een te sê hoe hy voel. Dit het nogal baie voorgekom, want almal is mos nou verskillende mense, dit is nog altyd so, maar dit is seker maar so by enige werk.

(vw 12, 163-172) Is seker maar die manier hoe die mense, miskien het dit nou baie verbeter, maar in die begin soos hulle gekom en gegaan het, so daardie traak-my-nie-agtige houding en soos ek in die verlede ook gesê het, dit het altyd gelyk ek voel nie om my mening te lug nie, of te sê kan ons nie dit doen of daai nie, want soos ek gehoor het, was daar al mense wat gesê het hulle het nie nog lus om soos ekstra apparate te maak nie of hulle het nie nog lus om dit te doen nie nou waar ek nou weer daaraan

gewoond is en dit het 'n mens nogal 'n bietjie terug gesit in die begin en toe was ek bly

- **groepdruk** (vw 4, 193-208) *daar was 'n paar swakpunte, ek sal nie eintlik sê dit is swakpunte nie, dit is iets partykeer as jy hier aangekom het was jy nie lus om na die skole te gaan nie, omdat die mense wat altyd saam met jou is, party druk jou af en ander lig jou op, omdat kyk, die situasie waar ek was, ek was partykeer baie afgedruk maar partykeer lig hulle jou weer op. HOEKOM DINK JY HET HULLE VIR JOU AFGEDRUK? Ek dink omdat die situasie waarin ek was, want ek het nie geworry om by die huis te slaap nie en ek het dagga gerook. WAS DIT TERWYL JY DEEL VAN DIE PROJEK WAS? Ja, hulle het altyd gesien ek moet 'n skoon mens wees en toe ek besluit om deel te wees van die projek het baie gesê ek moet nie daai ding doen nie, want dit pas nie by my way, want ek moet daar gaan staan voor kinders en sê nou hulle praat miskien nou oor 'n sekere ding dan lyk dit nou amper ek gaan skuldig voel, omdat ek weet ek doen die ding, maar ek praat nou saam jy moet nie die ding doen nie.*

(vw 4, 275-288) Daar was ek sal nie sê probleme nie hm.. so ligte konflikkie so tussen groep members wat ontstaan het, daar is 'n paar probleme wat opgeduik het, byvoorbeeld as een laat kom hy voel nie altyd om sy beste te gee nie, hy wil voel nou down omdat hy vat dit so ek is nie op tyd nie, almal gaan nou check hy is laat, hy's laat hy is alewig laat of so, so daar was baie daai druk omtrent almal ek het ook baie keer mense 'n hard time gegee, omdat ek vat dit so as ek my beste gee en die een wat nou vir my wil toelaat om my beste te gee nie ek gaan kwaad raak vir hom, omdat hier staan ek op die drumpel, ek wil my beste gee maar daar die muur en die muur keer dat ek my beste kan gee, nou ek het vir myself gesê () loop dwarsdeur die muur en gee jou beste, maar verder aan sal ek nie sê daar was probleme nie*

- **subgroepe** (vw 7, 45-50) *Ek kan nou nie lekker dinges nie, ek wil nou nie van anner mense nou maak. Ek dink die mense wat daar was hulle het hoe sou ek sê nie sommer nuwe mense aanvaar nie. Dit was amper asof*

iets is waarvoor hulle bang voor is, amper asof jy hulle plek gaan kom oorneem of iets soos dit.

(vw 15, 114-135) Ek weet nie, die afsonderingheid, die kliekery dit is nou wat van lankal af aankom dit moet 'n gesamentlike groep wees dit moet nie 'n afbakening van sekere goed wees nie kyk ons was 'n klomp daar gewees, ons het daai socials elke Vrydag gehad en dan het almal bymekaar gekom, jonk en oud, dit maak nie saak of dit nou is dat ons moet sê auntie of oom, maar ons het almal lekker met mekaar gekliek en gesels en vergeet van die ouderdomsverskil en dit is wat hier ook is, kyk die jonges, die wat nou jonger as ek is hulle voel weer hulle hoort bymekaar, daai groepie voel weer hulle hoort bymekaar en nou kan 'n mens mos nie lekker saamwerk nie. HOEKOM DINK JY GEBEUR DIT DAT HULLE SULKE GROEPE MAAK? Dit is min of meer hoe sal 'n mens sê hoe hulle na die skole toe gaan, as die drie miskien vandag saam by 'n skool is en dan bly hulle die drie so bymekaar en dan is dit mos dat hulle mekaar mos nou baie beter verstaan as wat die res nou vir hulle verstaan. SO HULLE KEN MEKAAR BETER Ja, toe ek daar gekom het, was dit een jonge moes elke dag ingedeel by 'n verskillende grootmens, sodat ons met mekaar kon gesels. EN DINK JY DIT HET GOED GEWERK? Ja, dit het nogal goed gewerk, op daai manier het ons mekaar verstaan.

(vw 16, 116-124) Die swakpunte is dat op die huidige oomblik het ons baie jong mense in Volcano en hmm.. die jongmense vorm hulle groepie en natuurlik ons wat nou ouer is, ons vorm onse groep. Ons sit almal saam in 'n groep, maar ek weet nou nie of hulle sal fluister onder mekaar en dit pla eintlik vir my, want ek weet nie hoekom fluister hulle nie en dit pla vir my en dit veroorsaak, dit ontwrig eintlik vir jou, dit veroorsaak hoekom fluister hulle, hoekom lag hulle, is daar iets verkeerd, ek meen dit is nie mooi nie en ek dink nie dit is goeie maniere nie.

(vw 15, 145-157) As ek nou moet sê makeer ons mense wat rêrig vrywillige werk wil doen nie mense wat 'n werk soek en geld wil verdien nie, want as jy 'n werk wil hê moet jy gaan vir 'n gewone werk en as jy kom vir vrywillige diens dan kom jy nie vir geld nie. VERSTAAN EK JOU REG

AS EK NOU SOU SÊ ONS DOEN DIT SONDER ENIGE VERGOEDING, DINK JY DIT SAL WERK? Ja, ek dink so as die regte mense, daar is mense wat so voel kyk () voel dieselfde, ek voel die dieselfde, dit gaan nie oor die geld nie, want as ek 'n werk wil hê, ek is nog jonk, as ek 'n werk wil hê, sal ek gaan om vir my 'n werk te gaan soek, maar ek voel nie om te werk nie, daarom dink ek dit is nie so goed om die jongmense te vat nie.*

Die swakpunte van die projek het drie temas/patrone na vore laat kom. Hierdie drie temas/patrone word skematies voorgestel in tabel 4.2.

Tabel 4.2: Skematiese voorstelling van die swakpunte van die projek

Tema/Patrone	
1.	Skole waar die program aangebied word en die fasiliteite beskikbaar <ul style="list-style-type: none"> • bywoning • lokale • afrolwerk • skooltye
2.	Bestuur van die projek <ul style="list-style-type: none"> • oorkontrolering • leierskap • bemarking • beplanning
3.	Die groep vrywillige werkers <ul style="list-style-type: none"> • aanpassing • groepdruk • subgroepe • vervoer

4.2.3 VOORSTELLE TEN OPSIGTE VAN DIE PROJEK

"As jy die mag het om iets te verander aan die projek, wat sal dit wees?" Die respons op hierdie vraag het drie temas na vore laat kom naamlik:

1. **Aansporing**
2. **Bestuur**
3. **Ander logistieke**

Elkeen van die drie temas word vervolgens bespreek:

1. Aansporing

- **finansiële steun** (vw 2, 197-198) *miskien as ek die mag gehad het sou ek miskien finansiële steun wou hê.*

(vw 5, 417-429) *moeilik vir gesin om te aanvaar jy spandeer baie tyd uit maar bring niks huis toe nie. Ek het dit wel gesê geld is nie belangrik nie, maar anderste manier van incentive kon gee, daai was miskien nogal iets, ons het miskien ons het baie kere fleck gekry by die huis hoe kom jy, waarnatoe gaan jy, ek bedoel ek is al die oggend 8:00 weg van die huis af, partykeer voor 8:00 dan kom ek die aand watter tyd huis toe so dis altyd by ons ouers hulle het dit nie altyd gesien soos ons dit gesien het nie, hulle het beginne agterna besef wat dit regtig vir ons kan beteken, so vir hulle was dit baie meer belangrik van jy bring niks huis toe nie so al was dit, 'n mens kon dit begin agterna sien, dit is omdat jy niks huis toe bring nie. Veral met die oueraande dan was daar altyd iets voorgesit vir die ouers, maar dan was daar altyd genoeg oor wat dan gebeur het.*

(vw 7, 198-203) *miskien is dit die finansies ding, aan die finansies sal ek miskien die ding anderste werk. Ek weet nou nie hoeveel geld, watse geld daar is of so nie, maar ek voel nou nie hoeveel geld, watse geld daar is of so nie, maar ek voel dat ek sal wil hê dat met soos ek gesê het as ons miskien elke dag die graad ene kan sien en elke die graad 2 kan sien né en hmm.. hoe kan ek nou sê meer doen dalk, kan ons meer doen.*

- **werkskepping** (vw 7, 233-244) *ek nou dink, soos aan werkskepping, you know, kyk soos ek sit ook nou hier, maar ons het ook mos elkeen onse behoeftes wat in voorsien moet word en.... Dat daar miskien soos in poste geskep word miskien vir iemand. Ek sal dink miskien as daar 'n administratiewe pos dat ek dalk miskien nou voorkeur kan kry you know. Ek raak mos nou ouer, ek raak mos nou nie jonger nie wat gaan ek nou die heelyd doen, ek bedoel maar nou, maar soos ek nou vir myself voel, is daar nie ander weg nie, ek voel ek wil hier by Volcano wees, dit gaan ek nou maar doen tot ek nou nie meer iets kan doen of so nie, maar ongelukkig wat ek*

maar net kan sê is dit dat 'n mens maar gedurig uitkyk en uitluister, omdat jy mos ook maar jou menslike behoeftes het.

2. Bestuur

- **leierskap** (vw 12, 377-388) *kyk ons het mos nou besluit ons gaan elkeen van 11:00 tot 14:00 werk, kyk dit is ook miskien nou iets dat mense nou sommer eers half 12 aangestap kom of voor 12 wat ek nie voel wat reg is, want ek sê gewoonlik ons wat van ver af kom, is gewoonlik elke oggend betyds, ons is vroeg daar, maar somtyds sal 'n mens miskien 'n paar minute na 11 kom, maar nooit so laat dat die dag nou al so ver gevorder is. As 'n mens by 'n ander plek werk en jy begin 8:00 te werk dan moet jy mos 8:00 daar wees. 'n Mens moet beseef, jy het 'n plig daar ook, dit is nie net sommer iets wat hmm.. soos ek netnou gesê, jy kan dink jy kom en gaan soos jy wil nie. As jy dit gaan toelaat dan kom al meer mense laat.*

(vw 16, 395-403) ek sou die mense verander, ek sou die lede verander, ek voel dat miskien sou ek 'n bietjie meer volwasse mense en ek sou as ek die leier was, sou ek nou as ek gesien het hulle groepeer saam en hulle groepeer saam dan sal ek hulle uitskuif, ek sou hulle nie in 'n groepie saam sit nie, want dit is waar die kwaad borrel. Want een groepie sien ek is saam hier en daai is nou daar saam en nou hier borrel die kwaad en nou môreoggend is hulle bymekaar en dis waar die probleem lê.

- **opvoeding** (vw 12, 400-402) *miskien moet ons meer ouer betrokkenheid kry, want ons sien en hoor maar min van die ouers.*

(vw 15, 291-297) ek dink net die student – een iets moet ons nog bysit, sy het dit nou laaste gedoen en dit is om vir ons te vertel waaroor gaan arbeidsterapie rerig, want ons gaan gee daai les, want ons het nou al daai stukkies geleer al, maar om vir ons 'n groter insig te gee in wat ons eintlik doen, want ek het ook nie geweet wat is arbeidsterapie voordat ek hiernatoe gekom het nie.

(vw 15, 307-317) om liever dat die student dan vir ons 'n les voorberei vir ons en konflikhantering en daai tipe van ding eers 'n bietjie agtertoe te

skuiwe en vir ons altyd 'n lessie by te gee, hoe kan ek sê, 'n groter verduideliking oor dit wat ons miskien vir die week met die kind gaan doen en waaroor dit eintlik gaan en waarvoor jy eintlik moet kyk net om jou mid so 'n bietjie te verfris. En wat dit nou jou nou eintlik kan vertel as die kind dit nou op daai manier doen.

- **beplanning** (vw 7, 203-233) eie lokaal/minder mannekrag in projek/kleiner groepe kinders/meer gereeld, dalk daagliks die kinders sien. Soos *in soos ek nou sê kyk as ons nou elke kind elke dag kan sien, nê, dan moet ons nou natuurlik meer mense nodig het, of moet langer werk. Of ons kan nou ook nie sê 'n groter lokaal of miskien nou altwee groepe saam kan vat nie, maar ek sal nagals dink – definitief – ek weer ook nou nie dalk is ek nou laf, maar daai een dag tussenin wat jy nou nie die kind sien nie, ek dink daai dag breek alles weer af, ek is nou jammer, maar ek dink dit breek alles weer af, want volgens soos ek nou by die een kind wat ek nou mee werk, daai kind was hoeka by pre-school, maar hy kan nog nie eers sy naam skryf nie en ek het nou beginne werk om spesifiek net met hom sal ek nou maar sê, die ander kinders gaan nou aan en nou sit ek heeltyd by hom. Dan is die uur om né, dat het ons miskien basies net een blad gedoen waar hy net syfertjies geskryf het van 1 tot 5 en ek meen, kyk waar staan die jaar al en...en... nou voel ek so as ek dalk begin het van die begin van die jaar af, is ek seker ek sou daai kind voel einde van die jaar deurgekom het. Nou voel ek so, nou is dit 'n waste because nou is die kind die jaar is om, die kind het dit nou nie gemaak nie, hy bly nou agter in graad 1, hy kom miskien nou nie weer terug na Volcano toe nie, omdat daar mos nou ander kinders is, nuwe kinders kom met die behoefte wat nou weer moet aankom. So, ek voel amper die enduit storie, kan ek amper voel is ons nie heeltemal... heeltemal achieve wat 'n mens moet achieve nie, amper so maar ek voel dat kinders wat daar is in die klas wat miskien nie daai aandag nodig het nie soveel soos daai kind nie, daai kind gaan miskien nooit agterbly nie, hy is bietjie agter vir die ander, maar nie so ver agter soos hierdie ene nie. Hierdie een se kans om voort te gaan is baie min, maar die ander een sin is groter, nou ek voel ons moet nou meer doen om hom ook daar te kry.*

(vw 7, 287-295) *Daar's baie kinders wat in die klas insit, dan wonder ek hoekom het die juffrou dan nou vir hom hier gesit, want ek voel die kind het*

nie Volcano nodig nie, want ek weet wat ons nou die kind hier leer, gaan nou nie vir hom help nie, dan het die juffrou miskien die kind daar vir 'n ander rede, want dit is miskien iets waaraan ons kan werk om uit te gaan vinne individueel wat elke kind se swakpunt is. Dalk kan ons iets daaraan doen om hulle in groepe op te verdeel en vir hulle verskillende werke te gee en so.

(vw 15, 157-162) eerder mense wat alreeds gewerk het, miskien afbetaal is by die hulle werk, wat miskien 'n bietjie ouer is, maar nie te oud nie om dit te doen, want hulle sal dit doen vir sonder geld, hulle sal dit soen sonder om enige iets te verwag, jongmense wil mos nou altyd werk om geld te verdien en om vir hulle klomp klere te koop en al daai, hulle moet nog planne maak vir die toekoms.

(vw 16, 403-408) en natuurlik nou in die oggende as ons bymekaar kom weer soos dit voorheen was, ek voel ons moet iets doen van 11:00 tot 13:00 nie stil sit, ek verstaan dat jy 'n koppietjie tee drink, maar ek voel jy kan jou tee drink en besig wees met iets, dit is nie nodig dat jy net rondsit nie.

- **delegering** (vw 14, 147-152) *ek dink daar is nogals baie wat 'n mens kan verander in Volcano in, baie van die arbeidsterapeute of student het altyd as hulle nou die lessies vir ons uitsit, was daar 'n hele paar keer wat jy nie geweet het wat om te doen nie, al het hulle verduidelik, maar ek dink van hulle moet dit duideliker uitbeeld.*
- **bemaking** (vw 5, 429-436) *om ouers in te lig van die projek of oor wat aangaan – waaroor dit gaan (*) hulle het altyd gesê pak vir julle in dan kon jy huis toe gaan en sodra jy inkom en die mense sien jy bring at least iets in, toe beginne dit te verander. So wat ek miskien kan sê is as 'n mens miskien weer volunteers kry soos wat ons ouderdom was, sal ek sê dit is miskien baie belangrik om die ouers te kry op 'n manier, sodat hulle kan sien ok dis waarmee my kind besig is. al is dit per brief, maar verder is daar niks wat ek wil verander nie.*

(vw 8, 215-221) die norm wat die mense se indruk dat dit 'n hmm.. aanpassingsklas of dat die kinders kom vir aanpassingsklas dat daar

eintlik fout is met die kind hmm.. net om daai hmm.. stigma of so uit te skakel. Ek dink nie hulle moet die naam verander nie, maar net om te hoe kan 'n mens sê hmm ... wat ek eintlik wil sê is ons sal moet werk aan die beeld wat uitgedra word.

(vw 12, 402-410) as 'n mens miskien 'n bietjie meer sê soos publikasie aan die projek kan gee soos ek nou sê ek was in hierdie omgewing en ek self was nie eers bewus van die projek wat aan die gang is nie. En toe ons nou gesluit het die dag gaan ons Parow toe toe loop ek van my oud-kollegas raak en toe het ons nou so bietjie gesels, toe het hulle uitgevra wat doen ek en so en hulle weet ook nie eers van die projek nie. Miskien begin met briewe na die skole stuur.

3. **Ander logistieke**

- **toerusting** (vw 2, 199-200) *ons het destyds ons eie toerusting gemaak.*
- **uitbreiding** (vw 4, 311-319) *Ek sou graag my eie skole wou gehet het waar ek net Volcano projects kon doen, nie net vir die jongspan nie, maar vir mense soos die wat ongeletterd is, wat van die senior citizens, mense wat nie kan skryf nie, wil ek graag leer skryf, mense wat nie... daar's 'n klomp goed wat ek wil doen, my gedagtes staan oop vir alles, as daar 'n nuwe ding in my kop kom dan try ek om hom op wit en swart te sit dat ek nie kan vergeet van hom nie. As een mens net sê Volcano, die eerste ding wat in my kop kom is die kinders, ek is lief vir kinders.*

(vw 4, 400-405) Omdat ek weet ek het skills wat ek geleer het nou wil ek dit terugploeg in my gemeenskap. Ek wil die ou mense leer skryf, want ouma kan nie altyd vir kleinboet saambring vir die pensioen nie, kleinboet gaan vir ouma rob, want het weet ouma kan nie tel nie. Ek wil hê hulle moet self daar staan en hulle moet self kan skryf, sal net baie graag wil hê dat sy moet self kan sê: right my geld is reg.

(vw 12, 388-391) Net die uitbreiding ja, ek voel ons is nou al, die mense wat nou hier is of hulle dalk 'n tydjie saam met volcano sal wees, so ek voel nogal as ons miskien 'n bietjie kan skuif.

(vw 12, 271-275) *Maar ek voel nogal uitbrei, aangesien ons nou so 'n groot groep is, want ons is nou eintlik meer inmekaar se voete, want dit is nou somtyds sommer nou vier by een skool, ja, so ek voel nogal 'n mens moet daaraan dink om miskien 'n bietjie wyer te gaan.*

(vw 15, 282-285) *Ek sal net baie graag wil hê Volcano moet uitbrei, want daar's ander kinders wat dit ook nodig het, want dit bly nou net hier en dit gaan nêrens nie, dit is al wat ek wil hê moet gebeur.*

(vw 16, 408-409) *En dan sal ek as ek aan Volcano verander sal ek maak dat die skole 'n bietjie nader aan my huis is, dis maar al.*

Eie plek (vw 10, 241-257) *My droom vir Volcano sal miskien wees dat Volcano op sy eie in sy eie plekkie is. Ok soos nou is ons by die skool nou maar soos by Amica House was ons nou lekker op onse eie en dit was amper soos 'n huisie en miskien sal dit nou my vir my lekker wees as Volcano nou sy eie plekkie het want daar was nou baie kere dat ons nou miskien nou goed gehet het om te doen dan kom ons nou lekker buite in die sontjie gesit het om dit te doen, maar 'n mens kan dit nie nou eintlik hier doen nie want 'n skool is die kinders is mos daar. Ok soos miskien nou op die oomblik is dit oraait so, maar in die verlede het Volcano mos by die Civic dit sal miskien nou nie uitwerk nie maar soos dit vir my voel, dink ek dat dit ook miskien sou lekker gewees het weer op so manier, nou en nie uitgaan na die skole toe nie, maar die kinders kom Civic toe.*

(vw 11, 218-223) *Dit wat ek sou wou verander, is net dat ons 'n plekkie moet hê van ons eie soos nou hier by die skool, ek kan nou nie sê ons is 'n steuring of so nie, maar ek voel dat ons net op ons eie is, ons eie plekkie hê soos by Amica – daar was ons alleen en ons het lekker saamgewerk en so, maar ek voel nie ons moet by die skool wees nie.*

(vw 15, 287-291) *Ek dink so, die skool dit is ok. nou by die skool, maar dan moet 'n mens jou weer aanpas by die skool, terwyl Volcano mos 'n projek op sy eie is, 'n besigheid op sy eie en 'n mens kan mos nou nie meer die tye buig soos dit jou pas.*

- **vervoer** (vw 8, 221-223) *Ja, vervoer ja, dit is eintlik meer hulp in daai verband ook kan kry, want dit is eintlik nogal 'n probleem op die oomblik.*

(vw 10, 249-252) *En miskien nou ons loop nou en so aan miskien die kere as dit baie reën en so miskien dat Volcano op 'n latere stadium sy eie vervoer kan hê, sal dit ook lekker wees.*

(vw 11, 223-227) *Ek sal ook verander die dat ons na die skole toe moet loop, in die somer is dit nog oraaït, maar in die winter voel 'n mens nie om so te loop nie en jy reën nat en dit is koud en of hulle nie vir ons 'n vervoertjie kan reël nie.*

Die voorstelle ten opsigte van die projek het drie temas/patrone na vore laat kom. Hierdie drie temas/patrone word skematies voorgestel in tabel 4.3.

Tabel 4.3: Skematiese voorstelling van die voorstelle ten opsigte van die projek

Tema/Patrone	
1.	<p>Aansporing</p> <ul style="list-style-type: none"> • finansiële steun • werkskepping
2.	<p>Bestuur</p> <ul style="list-style-type: none"> • leierskap • opvoeding • beplanning • delegering • bemarking
3.	<p>Ander logistieke</p> <ul style="list-style-type: none"> • toerusting • uitbreiding • eie lokaal • vervoer

4.3 INTERPRETASIE VAN DIE DATA

Die voorafgaande analise soos beskryf vanaf 4.2.1 tot 4.2.3 is gedoen volgens drie hoofde en word skematies voorgestel in tabel 4.4.

Tabel 4.4: Skematiese voorstelling van die data-analise

Sterkpunte van die projek	Swakpunte van die projek	Voorstelle ten opsigte van die projek
Tema/Patrone	Tema/Patrone	Tema/Patrone
<ol style="list-style-type: none"> 1. Ommeswaai in vrywillige werkers se lewens 2. Bevordering van selfkennis 3. Ontwikkeling van vaardighede <ul style="list-style-type: none"> • spansamewerking • konflikthantering • selfgelding • beplanning • probleemoplossing • kommunikasie 4. Werksbevrediging <ul style="list-style-type: none"> • erkenning van kinders • bydrae tot die gemeenskap • impak op probleme van die kind • sosiale verkeer met ander 5. Leiding deur die studente <ul style="list-style-type: none"> • studente se hantering van vrywillige werkers • metode van onderrig 	<ol style="list-style-type: none"> 1. Skole waar die program aangebied word en die fasiliteite beskikbaar <ul style="list-style-type: none"> • bywoning • lokale • afrolwerk • skooltye 4. Bestuur van die projek <ul style="list-style-type: none"> • oorkontrolering • leierskap • bemarking • beplanning 5. Die groep vrywillige werkers <ul style="list-style-type: none"> • aanpassing • groepdruk • subgroepe • vervoer 	<ol style="list-style-type: none"> 4. Aansporing <ul style="list-style-type: none"> • finansiële steun • werkskepping 5. Bestuur <ul style="list-style-type: none"> • leierskap • opvoeding • beplanning • delegering • bemarking 6. Ander logistieke <ul style="list-style-type: none"> • toerusting • uitbreiding • eie lokaal • vervoer

Elkeen van die temas/patrone onder die drie hoofde moet geïnterpreteer word binne die konteks van die projek. Proses/impakmatrikse is vir dié doel opgestel. Vir die doel van hierdie navorsing word proses gesien as 'n manier om te kommunikeer oor 'n algemene aksie wat sny oor programaktiwiteite, waarnemings, interaksies en programinhoud. Die twee prosesse wat in hierdie navorsing geld, is gebaseer op die twee hoofaspekte waarop die Volcanoprojek gebaseer is, naamlik om die vrywillige werkers as groep te laat funksioneer en die aanbieding van die stimulasieprogram aan die graad een en twee leerders deur die vrywillige werkers.

Impak verwys na dit wat uit die data verkry is ten opsigte van sterk en swakpunte van die projek. Die impak kan op drie verskillende vlakke wees: effek op individuele vlak, effek op die groep en effek op die projek. 'n Proses/impakmatriks is opgestel vir beide die data wat die sterkpunte en data wat die swakpunte van die projek aandui. In elke matriks is die vraag gevra: "Hoe het die proses aanleiding gegee tot die impak." Die antwoord op hierdie vraag is in die data opgesluit. Die data is geplot as antwoord op die vraag. Interpretasies oor die aard en kwaliteit van die verband tussen die proses en die impak is gemaak.

4.3.1 IMPAK VAN DIE PROJEK IN TERME VAN STERKPUNTE

Die impak van die projek in terme van die sterkpunte het vyf temas na vore laat kom naamlik:

- ommeswaai in vrywillige werkers se lewens
- ontwikkeling van vaardighede
- bevordering van selfkennis
- werksbevrediging
- leiding deur die studente

Dit wil voorkom asof die impak soos verkry uit die sterkpunte van die projek hoofsaaklik op die individuele vlak plaasgevind het en kan moontlik verklaar word om die volgende redes:

- die doel met die opleidingsprogram was om die vrywillige werkers met kennis en vaardighede te bemagtig;
- die vaardighede soos konflikhantering, selfgeding, kommunikasie en beplanning is persoongerig; en
- die hele projek is so beplan dat in hul dagtaak die vrywillige werkers daagliks die geleentheid kry tot inoefening van die vaardighede in 'n beskermende omgewing.

Elkeen van die vyf temas/patrone is op die matriks aangedui as 'n blok. Blok 1 – 5 dui die vyf temas/patrone in verhouding tot die programproses, “om vrywillige werkers te leer om in 'n groep saam te werk”, aan. Blok 6 – 10 dui die vyf temas/patrone in verhouding tot die programproses, “om vrywillige werkers die aanbied en evaluering van die stimulasieprogram aan graad 1 en 2 leerders te laat ervaar”, aan.

Vervolgens word daar gekyk na die matriks van die proses en impak soos verkry uit die data ten opsigte van die sterkpunte van die projek soos voorgestel in tabel 4.5.

Tabel 4.5

IMPAK TEN OPSIGTE VAN STERKPUNTE VAN DIE PROJEK

Programproses	BLOK 1 Verandering in hulself	BLOK 2 Ontwikkeling van vaardighede	BLOK 3 Verbeter selfkennis	BLOK 4 Werksbevrediging	BLOK 5 Leiding deur studente
Om vrywillige werker te leer om in 'n groep saam te werk	<p>Wat is die verandering in die vrywillige werkers wat maak dat hulle in 'n groep kan saamwerk?</p> <ul style="list-style-type: none"> • Ervaar meer verantwoordelikhedsin as gevolg van hulle deelname aan die projek. Hulle word nou as rolmodelle gesien. • Mense kom nader aan persoon en leer mekaar op intieme vriendskapsvlak ken. • Om gevoelens uit te druk en dit nie op te krop nie. • Kan negatiewe gevoelens verbaliseer. • Aanmoediging van ander lei daartoe dat hulle ervaar dat hulle 'n mens in eie reg is. • Kan voor mense praat. • Ek is verantwoordelik vir eie lewe en dade. • Vorige foute moet jou nie keer om beter te raak nie. • Kan nie ander blameer vir jou foute nie. 	<p>Wat is die vaardighede wat vrywillige werkers kan leer as gevolg van groepblootstelling?</p> <ul style="list-style-type: none"> • Moet selfgeldend kan optree, sê as jy verskil, gee jou opinie. • Konflik kan hanteer. • Met ander vryelik en eerlik kommunikeer. • Moet gevoelens deel, want dit versterk 'n span. • Verantwoordelikheid, want al is jy nie lus nie, laat jy ander in die steek. • Om eerlik te wees met mekaar. • Verbaliseer as jy 'n probleem het, moenie stilbly nie. • Sê as jy verkeerd was. 	<p>Watter aspek van groepdeelname lei tot verhoging in selfkennis?</p> <ul style="list-style-type: none"> • Kan gevoelens verbaliseer teenoor ander. • Leer ander se optrede verstaan. • Projek gee struktuur, anders is ek net ledig. • Moenie reageer op emosies nie, dit lei nie noodwendig tot die oplos van 'n probleem nie. • Hoef nie aggressief op te tree en altyd die laaste woord in te kry nie - selfgeldende optrede bring jou verder. 	<p>Watter aspek van groep-samewerking lei tot werksbevrediging?</p> <ul style="list-style-type: none"> • Die feit dat almal betrokke is. • Spanbousessies. • Sosiale geleenthede. • Ontwikkel van 'n sosiale netwerk waarop jy kan steun, vriendskappe mee kan sluit. • Betrek by die kies van 'n naam vir die projek. 	<p>Hoe moet leiding van studente (bestuur) wees sodat vrywillige werkers as 'n groep kan werk?</p> <ul style="list-style-type: none"> • Betrek alle vrywillige werkers by die groep. • Hanteer vrywillige werkers as gelyke en nie as ondergeskikte nie. • Wees eerlik in kommunikasie. • Wees bereid om te luister. • Rolmodel ten opsigte van pligsgetrouheid, respek vir ander, menswaardige hanteling. • Maak moeite om die persoon te leer ken.

Tabel 4.5 (vervolg)

IMPAK TEN OPSIGTE VAN STERKPUNTE VAN DIE PROJEK

Programproses	BLOK 6 Verandering in hulself	BLOK 7 Ontwikkeling van vaardighede	BLOK 8 Verbeter selfkennis	BLOK 9 Werksbevrediging	BLOK 10 Leiding deur studente
<p>Om vrywillige werkers die aanbied en evaluering van die stimulasie-program aan Graad 1 en 2 leerders te laat ervaar.</p>	<p>Wat in die aanbieding en evaluering van die stimulasielesse lei daartoe dat vrywillige werkers verandering in hulself sien?</p> <ul style="list-style-type: none"> • Kinders gee erkenning vir sy rol in gemeenskap en dit motiveer. • Die lesse is iets konstruktiefs in plaas van afbrekende aktiwiteite. • Beplanning van daaglikse werk. • Stel nou grense en is ferm in plaas van fisiese dissiplinerings. • Ontwikkel selfvertroue • Selfvertroue om mense te konfronteer. 	<p>Wat is die vaardighede wat kan ontwikkel as gevolg van die aanbied en evaluering van die stimulasielesse?</p> <ul style="list-style-type: none"> • Fyn motoriese ontwikkeling. • Potloodgreep • Dissiplinerings van die kind sonder om te skel. • Skêrhantering • Weet nou wat oorsaak van probleem by kind is. • Kan groot groep kinders hanteer. • Tydbeplanning • Geduld geleer, reageer nie op emosies nie. • Kan probleem by kind identifiseer en aanpas. • Kan vryelik opinie gee vir ander. 	<p>Watter aspekte van les-aanbieding en evaluering kan lei tot verhoging in selfkennis?</p> <ul style="list-style-type: none"> • Ek is 'n rolmodel, wat voorbeeld moet stel. • Voel bevoeg om raad aan ouers te gee oor probleme van kind. • Deur werk kry ek agting van ander. • Meer positief ingestel, dit wat swaar lyk, kan verander. • Leer administrasie is 'n probleem. 	<p>Watter aspek van die aanbieding en evaluering van 'n les lei tot werksbevrediging?</p> <ul style="list-style-type: none"> • Erkenning van kinders. • Opvolg (gradering en vaslegging wat gedurig plaasvind). • Daaglikse evaluering en uitklaar van probleme. • Kan ook voorstelle gee vir die inhoud van die les vanuit hul verwysing en ervaring. 	<p>Hoe moet die leiding van die student wees, sodat die vrywillige werker die aanbieding kan doen?</p> <ul style="list-style-type: none"> • Moet inligting herhaal. • Met sketse/visueel aanbied. • Onduidelikhede uitklaar. • Stap vir stap, taak in kleiner dele opbreek. • Terugvoere vra om leerders te toets. • Metode: prakties doen; inligtingstukke vir verwysing. • Vra vrywillige werkers se mening oor die les.

Elke blok in die matriks word bespreek ten einde 'n verklaring en/of moontlike verklaring te gee vir die data.

BLOK 1: Die hoofaspekte wat hier na vore kom is die ondersteuning wat groeplede van mekaar kry en die groepdruk wat maak dat hulle die verantwoordelikhede wat die projek aan hulle stel moet neem, want ander is van hulle afhanklik in die groep om die groeptake te kan uitvoer. Omdat die vrywillige werkers groeptake moet doen leer hulle mekaar daardeur beter ken en dit kan bydra tot die skep van 'n veilige omgewing waarbinne hulle veilig genoeg voel om nuwe vaardighede te oefen. Take is so opgedeel dat elke vrywillige werker 'n aspek moet hanteer wat hom of haar dan dwing om rekenskap te gee aan die ander omtrent die uitvoering daarvan al dan nie.

BLOK 2: Die vaardighede wat uitstaan is die van konflikhantering, selfgeldig, effektiewe kommunikasie en probleemoplossing. Die vaardighede waarop daar herhaaldelik klem op gelê word in die program is beplanning en tydgebruik. Elkeen van die take wat die vrywillige werkers moet doen is op hierdie vaardighede gefokus, tog noem die vrywillige werkers dit nie as 'n vaardigheid wat ontwikkel het nie. Die rede mag wees dat hulle dit as onbelangrik sien of dat die vaardigheid al op 'n outomatiese vlak van vaardigheid is en hulle nie meer bewustelik daaraan dink nie. 'n Ander verklaring mag wees dat al die take rondom beplanning en tydgebruik ekstern gekontroleer word en die vrywillige werkers dit as 'n groep moet gebruik om die take uit te voer, waar die ander vaardighede persoon gerig is en dus meer vir hulle uitstaan as 'n persoonlike suksesse. Kommunikasie, selfgeldig en konflikhantering is deur almal uitgesonder as vaardighede wat ontwikkel het en/of 'n ommeswaai of selfkennis tot gevolg gehad het en dit word gestel teenoor inperk of opkrop van emosies en aggressiewe optrede wat dalk 'n refleksie mag wees van die persone se lewensomstandighede en rolmodelle in hul lewens. Dit het verskeie kere geblyk dat die gewone manier van konflik oplos is om aggressief op te tree en dit kan of verbaal of fisies wees. Hierdie is ook oordraagbare vaardighede en word dan ook deur vrywillige werkers uitgesonder as die vaardighede waarmee hulle suksesvol was in die toepassing daarvan in hulle werk of tuisomgewing.

BLOK 3: Die groep bied aan die vrywillige werkers die geleentheid om binne 'n veilige omgewing nuwe vaardighede te oefen en omdat die studente as rolmodelle vir gedrag optree sien die vrywillige werkers die effek van oneffektiewe gedrag. Groeplede leer ook bymekaar en meer leer vind plaas deur middel van mekaar as wanneer dit net deur die groepleier oorgedra word.

BLOK 4: Dit kom in die data uit dat sosiale interaksie 'n belangrike rol speel ten opsigte van werksbevrediging. Dit kan moontlik verklaar word aan die hand van die behoeftes vir vorming van vriendskappe wat uitgespreek is as rede vir toetrede tot die projek. Met die aktiwiteite soos weeklikse sosiale byeenkomste en spanbou-sessies is die behoefte bevredig, want lede leer mekaar en die bestuur van die projek op 'n informele basis ken. Die behoefte om iets te beteken word ook aangespreek deur take soos bv. die kies van 'n naam vir die projek. Lede voel hulle opinie is van waarde en dat die projek hulle eie is en egobehoeftes word aangespreek wat gesien kan word as ware motiveerders.

BLOK 5: Hierdie is dan ook die enigste tema waar die effek van die bestuur duidelik weerpieël word in die leiding deur die studente. Dit maak sin dat hulle juis die groep uitsonder, want dit was die mense met wie hulle elke dag saamgeleef het, wie aan hulle die opleiding verskaf het en wat die projek onder toesig bestuur het.

Die hoofaspekte wat hier na vore gekom het, is:

- Die behoefte om as individue erken, aanvaar en waardeer te word.
- Om eerlike en regverdige optrede teenoor almal te handhaaf.
- 'n Rolmodel te wees ten opsigte van dit wat jy van die vrywillige werkers verwag en vra.

BLOK 6: Die hoofaspek wat hier na vore kom, is die erkenning wat die vrywillige werkers kry van die leerders, wat die behoefte om iets te beteken positief versterk. As gevolg van die erkenning moet hulle nou as rolmodelle optree en dit dwing hulle om op te staan en leiding te neem.

BLOK 7: Die hoofvaardighede is spesifieke vaardighede rakende ontwikkeling van perseptueel/motoriese vaardighede en hantering van die leerder op sy/haar

ouderdomsvlak. Dit wil voorkom asof die vrywillige werkers die probleme waarmee die leerders presenteer, kan herken by die leerders en eenvoudige regstellings kan maak op grond van hul agtergrondkennis van die probleem. Hulle voel dan ook vaardig om hul opinie te lewer en dit word deur die program versterk deur die daaglikse evaluasiesessie na afloop van die stimulasieprogram en die kontak met die onderwysers en die ouers waar hulle terugvoere moet gee omtrent die vordering al dan nie van die leerders aan wie hulle die stimulasieprogram aanbied.

BLOK 8: Die hoofeienskap wat hier na vore kom, is die besef dat as jy jou werk doen, dit lei dat ander mense jou positief ervaar vir dit wat jy doen, wat weer lei tot die besef dat jy as individu sekere verantwoordelikhede het, want ander kyk na jou vir leiding en raad. Terugvoer wat vrywillige werkers kry na afloop van elke taak in die vorm van evaluering van hul uitvoering van die betrokke taak, gee insig oor wat die leemtes is by die vrywillige werker en wat verhinder het dat die taak korrek uitgevoer is, bv. dat administratiewe werk 'n probleem is, want as een persoon nie sy/haar administratiewe take doen nie, beteken dit dat 'n ander persoon ook nie sy/haar werk kan doen nie.

BLOK 9: Werksbevrediging is hier opgesluit in die bevrediging van die vrywillige werkers se behoefte om as individu erkenning te kry. Dit word in die projek aan hulle gegee deur die studente se terugvoere omtrent die aanbieding van die stimulasielesse en uitvoering van groeptake en deur die leerders aan wie hulle die stimulasieprogram aanbied. Dit is nogal opmerklik dat al die vrywillige werkers werksbevrediging koppel aan 'n eksterne faktor, geeneen noem dat bloot deur die take uit te voer vir hulle bevrediging gee nie, maar dit kan dalk verklaar word aan die hand daarvan dat selfkennis ten opsigte van hul rol as vrywillige werker nog besig is om te ontwikkel en dus is hulle meer afhanklik van eksterne faktore om hulle te help om daardie waarde te bevestig.

BLOK 10: Die leiding wat die vrywillige werkers as positief ervaar het, kom eintlik neer op die toepassing van volwasse onderrig en leerbeginsels waar veral gefokus word op die behoud van die individu se outonomie, erkenning vir vorige leer en verwysingsraamwerk en die gebruik van multi-onderrigmetodes en -tegnieke om kennis oor te dra.

4.3.2 IMPAK VAN DIE PROJEK IN TERME VAN DIE SWAKPUNTE

Die impak van die projek in terme van die swakpunte het drie temas na vore laat kom, naamlik:

- Die skole waar die stimulasieprogram aangebied word en die fasiliteite by die skole.
- Bestuur van die projek.
- Die groep vrywillige werkers self.

Ten einde die swakpunte van die projek te interpreteer moet daar gekyk word na die proses/impakmatriks van die swakpunte soos verkry uit die data. Elkeen van die drie temas/patrone is op die matriks aangedui as 'n blok. Blok 11 – 13 dui die drie temas/patrone in verhouding tot die programproses, “om vrywillige werkers te leer om in 'n groep saam te werk”, aan. Blok 14 – 16 dui die drie temas/patrone in verhouding tot die programproses, “om vrywillige werkers te leer om die stimulasielesse aan te bied en te evalueer”, aan.

Die matriks word in tabel 4.6 weergegee.

Tabel 4.6

IMPAK TEN OPSIGTE VAN SWAKPUNTE VAN DIE PROJEK

Programproses	BLOK 11 Skool en fasiliteite	BLOK 12 Bestuur van die projek	BLOK 13 Die groep vrywillige werkers self
<p>Om vrywillige werker te <u>leer</u> om in 'n <u>groep</u> saam te werk</p>	<p>Watter aspekte ten opsigte van die skool en fasiliteite het gemaak dat lede nie as 'n groep kon saamwerk nie?</p> <ul style="list-style-type: none"> • Beperk in aktiwiteite wat in middag gedoen kon word, moet werk volgens skoolure. • Te min tyd vir sosialisering. 	<p>Watter aspek van bestuur het gemaak dat dit negatief inwerk op die groep?</p> <ul style="list-style-type: none"> • Leierskap - wil leier sien as leier, benodig definitiewe struktuur, bewus van hulle behoeftes wees. • Bemaking - ervaar dat mense nie weet nie. • Beplanning ten opsigte van uitbreiding, kontrole oor vrywillige werkers en vergoeding. • Vervoer en gebrek aan finansies. • Opvoeding - familie verstaan nie vrywillige werker nie. 	<p>Wat binne die groep self was negatief vir die groep?</p> <ul style="list-style-type: none"> • Gedurige wisseling in leierskap en bestuurstyl. • Aan te pas by ander. • Nie georiënteer tot program en doel nie. • Druk van ander om te konformeer tot groepname. • Probleme met kommunikasie en konflik.
Programproses	BLOK 14	BLOK 15	BLOK 16
<p>Om vrywillige werkers te leer om die <u>stimulasielesse</u> aan te bied en te <u>evalueer</u></p>	<p>Watter aspekte ten opsigte van die skool en fasiliteite het gemaak dat vrywillige werkers probleme ervaar in die aanbieding en evaluering van die lesse?</p> <ul style="list-style-type: none"> • Ongereelde bywoning van die leerders. • Klaskamer wissel elke dag, kan nie omgewing interessant maak nie, lokaal nie skoon nie. • Afolwerk nie gereeld nie. • Te veel leerders in een klas. 	<p>Watter aspek van bestuur het gemaak dat dit negatief inwerk op lesaanbieding en evaluering?</p> <ul style="list-style-type: none"> • Oorkontrolering, voel hulle word nie vertrou met verantwoordelikheid nie. 	<p>Wat binne die groep self was negatief vir die aanbieding en evaluering van die stimulasieprogram?</p> <ul style="list-style-type: none"> • Vorming van subgroepe deur lede wat saamwerk in 'n groep.

Elke blok in die matriks word bespreek ten einde 'n verklaring en/of moontlike verklaring te gee vir die data.

BLOK 11: Een van die hoofredes hoekom vrywillige werkers deel geword het van die projek is om sosiale netwerke op te bou. Die feit dat die projek by die skole aangebied word en vanaf een skool bestuur word plaas 'n beperking op die sosiale tyd van die vrywillige werkers aangesien hulle vandat hulle in die oggende aanmeld totdat die skool sluit, besig is. In die beginjare van die projek by die burgersentrum kon hulle bly solank hulle wou en dit is veral lede wat ook toe betrokke was, wat die leemte ervaar. Dit is egter 'n belangrike aspek, want baie het die sosiale verkeer en spanbousessies as sterkpunt ervaar. Die ander aspekte rondom skool en fasiliteite is 'n wesenlike probleem.

BLOK 12: Die swakpunte van bestuur kan verklaar word as gevolg van inkonsekwente hantering van studente. Studente is self in die proses om te leer en te ontwikkel en dit kan nie vooraf bepaal word of die student altyd volgens die regte beginsels gaan optree nie. Kontinuiteit van bestuur is 'n probleem en word ervaar in die sin dat alles nie altyd op dieselfde manier gedoen word nie.

Weens beperkte mannekrag en fondse is die diens beperk in omvang. Vrywillige werkers wat al vaardighede ontwikkel het, het 'n behoefte om meer te weet en te doen en dit veroorsaak ongelukkigheid, want hulle ervaar dat die projek nie vinnig genoeg groei en ontwikkel nie.

Die oorspronklike werwing van vrywillige werkers het geskied vanuit die een gemeenskap. 'n Tekort aan vrywillige werkers het dit egter genoodsaak dat daar eenmalig vrywillige werkers vanuit die Elsiesriviergemeenskap gewerf is. Hierdie drie persone het dit moeilik gevind om aan te pas binne die groep en moontlik om die volgende redes:

- hulle het al drie 'n hoër opvoedkundige kwalifikasie as die res gehad;
- hulle was ouer as die ander lede; en
- hulle was van 'n gemiddelde sosio-ekonomiese status en dus finansieël onafhanklik.

Hulle spreek ook herhaaldelik die behoefte uit om eerder nader aan hul eie omgewing te werk. Alhoewel mense weet hulle doen vrywillige werk, is daar maar altyd die verwagting dat hulle erkenning op 'n basiese vlak sal kry en die feit dat dit nie gebeur nie, word negatief ervaar, veral ook deur families wat glo dat as jy werk, jy betaal moet word.

BLOK 13: Die groep vrywillige werkers is elke 6 tot 7 weke blootgestel aan 'n nuwe student wat haar kliniese blok in die gemeenskap moet doen. Dit lei daartoe dat die groep gedurig moet aanpas by 'n nuwe leier en leierskapstyl wat negatief inwerk op groeipontwikkeling. Alhoewel daar oorkoepelend gekyk word na die kontinuïteit van die program, verskil studente in hul leierskapstyl en vrywillige werkers moet dus gedurig aanpas wat negatief inwerk op groeipontwikkeling. Die groep vrywillige werkers is nie 'n konstante groep vir 'n periode van tyd nie, want indien hulle 'n permanente werk bekom, word hulle aangemoedig om dit te neem, met die gevolg dat daar nuwe lede inkom wat nie altyd op dieselfde vlak van kennis en vaardighede is nie en dit lei tot probleme binne die groep. 'n Verdere probleem is dat vrywillige werkers wissel in ouderdom en dit lei tot botsende behoeftes wat mag bydra tot vorming van subgroepe en konflik binne die groep. Omdat die groepaktiwiteit beperk is, is dit moeilik vir 'n vrywillige werker om as 'n leier na vore te tree, want daar is nog agterdog teenoor motiewe, met die gevolg dat die groep baie afhanklik is van die leier, want dit skep sekuriteit.

BLOK 14: Die skole het nie altyd die fasiliteite om aan te bied nie en as gevolg van inbrake wat gereeld plaasvind, moet lokale dikwels geskuif word en voldag skool verkry voorkeur bo die twee maal per week projek met die gevolg dat lokale nie optimaal ingerig kan word nie, alhoewel die vrywillige werkers die kennis het en dit graag wil toepas. Dit mag ook lei tot 'n gevoel by die vrywillige werkers dat hulle diens nie na waarde geag word deur die skool nie.

BLOK 15: Oorkontrolering, volgens die vrywillige werkers is gedoen deur die persoon wat verantwoordelik was vir die koördinering van jeugprogramme in die Ravensmeadarea. Omrede sommige van die vrywillige werkers by meer as een projek betrokke was, het die persoon van hulle verwag om elke dag rekenskap te gee van wat hulle doen, dit was vir hulle negatief, maar geeneen het probleme

genoem met die daaglikse evaluering van die aanbod van die stimulasielesse nie; intendeel dit was as een van die sterkpunte van die projek genoem.

BLOK 16: Vrywillige werkers is verdeel in groepe om by drie skole in die gemeenskap die stimulasieprogram te gaan aanbied en uit die aard van die saak leer die vrywillige werkers wat saam by 'n skool werk mekaar beter ken en is hulle ook geneig om op 'n sosiale vlak eerder met mekaar te sosialiseer as met van die ander groeplede. Dit maak dit moeilik vir nuwe lede om in te pas en hulle ervaar dit as negatief.

4.3.3 VOORSTELLE TER VERBETERING VAN DIE PROJEK

Die voorstelle ter verbetering van die projek is onderverdeel in drie hoofemas naamlik bestuur, aansporing en logistieke. Wat aansporing betref, stel hulle voor dat die projek gebruik word as 'n werkskeppingsgeleentheid waaraan daar dan finansiële steun gekoppel kan word. Die voorstel steun hul behoefte aan materiële erkenning, maar kan die projek beperk aangesien die doel juis is om persone met vaardighede te bemagtig om 'n beter bedingingsmag te kry vir werk. Die oorsaak van die probleem lê dalk daarin dat daar wegbeweeg is van die oorspronklike program om werklose jeugdiges te teiken as vrywillige werkers en dat ouer persone ingeneem is wat al afhanklikes het. Geld speel dus 'n baie prominente rol in hul lewe.

Wat die logistieke betref, spreek hulle die behoefte uit vir eie lokale, toerusting, kinders wat opgevolg moet word in hoër grade en 'n sentrum weg van die skole. Dit is haalbare voorstelle, want jou omgewing speel tog 'n rol in of jou werk vir jou aangenaam is of nie. Elke skool waar Volcano betrokke is, kan gevra word om 'n lokaal beskikbaar te stel vir gebruik deur die vrywillige werkers. Dit sal dan vir die vrywillige werkers die geleentheid gee vir die inrig van die lokale en toerusting wat hulle benodig kan ook daar geberg word. Die moontlikheid om klasse aan te bied in skeepsvragehouers moet oorweeg word, want dit verminder die las op die skole om lokale te voorsien en inbrake kan beperk word, want die skeepsvragehouers het nie vensters wat kan toegang verleen nie. Die voorstel om te werk met die ouer leerders mag moontlik spruit uit die behoeftes van die vrywillige werkers om te sien of hul insette op 'n jong ouderdom wel vir die leerders van nut was. Dit skep 'n moontlikheid van verdere navorsing om die leerders wat betrokke was by die projek

op te volg en hulle vordering te monitor. Die voorstel ten opsigte van 'n eie sentrum spruit daaruit dat weens die skoolure daar nie genoegsame tyd is vir sosiale verkeer nie, want die program moet binne sekere ure geskied. 'n Sentrum is dalk nie die oplossing nie, maar eerder gereelde spanbou en sosiale geleenthede wat die behoefte aan kontak sal bevredig.

Die bestuursprobleme kan in terme van leierskap aangespreek word deur die skep van 'n permanente arbeidsterapiepos wat konstantheid sal verseker. Generiese administratiewe prosesse en hulpprosesse en hulpmiddels kan in plek geplaas word om basiese probleme soos werkgewoontes, taakverdeling en toesighouding aan te spreek. Die voorstelle rondom opvoeding is tipies van die behoefte van persone wat al meer ontwikkel het. Voortgesette opleiding gegrond op behoeftes behoort hier aandag te geniet. Die voorstelle ten opsigte van die aanbod van die stimulasielesse is interessant en dui op 'n goeie begrip van waaroor dit in die projek gaan. Vrywillige werkers ervaar self ook die tekortkoming indien elke leerder nie volledig bepaal en probleme geïdentifiseer is nie. Die siftingsprosedure is 'n growwe sifting en kan nie al die probleemareas dek nie. Dit is sinvolle voorstelle in terme van kleiner groepe op dieselfde vlak.

Die vrywillige werkers se besorgdheid oor die beeld na buite kan geïnterpreteer word dat hulle die projek as waardevol sien en dit graag positief wil uitdra. Mediadekking en kommunikasie met betrokkenes mag bydra tot die verhoogde beeld van die projek.

Die voorstelle wat mag bydra tot die verbetering van die projek is gefokus op die bestuur van die projek en dit is dus nodig om na die werkomgewing in sy totaliteit te gaan kyk, want binne die raamwerk van die administratiewe model is al die aandag gefokus op die funksionele werkprosesse, met ander woorde op die aard van die werk wat eie is aan die take om die doelstelling te bereik. Die generiese administratiewe prosesse wat die administratiewe strukture skep waarbinne die bestuur hul bestuursfunksies en vaardighede kan uitvoer, benodig aandag. Die hulpprosesse en hulpmiddels wat gebruik moet word wanneer die funksionele hulpprosesse of generiese administratiewe prosesse toegepas word, moet nog in plek geplaas word.

In hierdie hoofstuk is die data geanaliseer volgens die sterkpunte van die projek, swakpunte van die projek en voorstelle ten opsigte van die projek. Die interpretasie van die data is gedoen aan die hand van proses/impakmatrikse. In **hoofstuk 5** word die faktore wat geïdentifiseer is deur die navorser vanuit die interpretasie van die data bespreek en aanbevelings gegrond op die voorstelle van die vrywillige werkers gemaak. Beperkinge van die navorsing en voorstelle vir verdere moontlike navorsing word bespreek nadat hierdie navorsing in 'n breë konteks geplaas is.


HOOFSTUK 5

SAMEVATTING, GEVOLGTREKKINGS EN AANBEVELINGS

5.1 SAMEVATTING

Die Volcano gemeenskapsprojek in die Ravensmeadarea word sedert 1994 by drie primêre skole in die area aangebied. Die projek behels die aanbied van 'n stimulasieprogram, deur vrywillige werkers vanuit die gemeenskap, aan graad een en twee leerders wat agterstande toon as gevolg van gebrekkige stimulasie. Omrede die program nog steeds aangebied word, het die behoefte ontstaan om die opleidingsprogram wat aan die vrywillige werkers gebied word te evalueer. Die doel van die evaluasie is om vas te stel wat die opinie is van die vrywillige werkers omtrent die projek se sterk- en swakpunte en watter voorstelle hulle het om die projek te verbeter. Terugvoere verkry vanuit die vrywillige werkers se perspektief word dan gebruik om die projek te verbeter.

Die skematiese voorstelling in figuur 5.1 dui die proses aan wat gevolg is om hierdie navorsing uit te voer:



Figuur 5.1

**SKEMATIESE VOORSTELLING VAN DIE PROSES VAN NAVORSING
TOEGEPAS IN HIERDIE NAVORSING**

Die proses het soos volg verloop:

- Onderhoude is gevoer met dertien vrywillige werkers betrokke by die Volcanoprojek ten einde hulle opinie te kry ten opsigte van die volgende drie vrae:
 - (i) wat, volgens hulle is die sterkpunte van die projek;
 - (ii) wat is die swakpunte van die projek; en
 - (iii) watter voorstelle het hulle om die projek te verbeter.

Die dertien vrywillige werkers was almal betrokke by die projek tussen 1995 en 2000 en het almal ten minste vir een kwartaal ingeskakel by die projek.

- Uit die drie vrae wat aan die vrywillige werkers gestel is, het die volgende hoofemas na vore gekom:

Tabel 5.1: Skematiese voorstelling van die hoofemas uit die data verkry

Sterkpunte van die projek	Swakpunte van die projek	Voorstelle ten opsigte van die projek
Tema/Patrone	Tema/Patrone	Tema/Patrone
1. Ommeswaai in vrywillige werkers se lewens 2. Bevordering van selfkennis 3. Ontwikkeling van vaardighede 4. Werksbevrediging 5. Leiding deur die studente	1. Skole waar die program aangebied word en die fasiliteite beskikbaar by die skole 2. Bestuur van die projek 3. Die groep vrywillige werkers	1. Aansporing 2. Bestuur 3. Ander logistieke

Die navorser het elk van hierdie hoofemas geneem en met behulp van proses/impakmatrikse is die data geïnterpreteer.

5.2 FAKTORE WAT GEÏDENTIFISEER IS EN AANBEVELINGS WAT MAG BYDRA TOT DIE VERBETERING VAN DIE PROJEK

Uit die interpretasies van die data is die volgende faktore geïdentifiseer wat moontlik bydraend kan wees tot die verbetering van die projek:

- Vrywillige werkers as 'n groep, dien as ondersteuning vir mekaar.
- Erkenning deur die leerders, maar ook deur bestuur vir die vrywillige werkers se bydrae en opinie dra by tot die feit dat hulle verbonde voel tot die projek. Dit stem ooreen met Rifkin *et al.* (1988) se vlak II en III deelname. Vrywillige werkers is nie net betrokke by die aktiwiteite nie, hulle kan ook hul opinie lug omtrent die aktiwiteite.
- Bestuur of die leier van die projek moet daarop let om elke vrywillige werker as individu te erken, aanvaar en waardeer, altyd regverdig op te tree en moet 'n rolmodel wees vir die gedrag en optrede wat hulle verwag van die vrywillige werkers.
- Voortgesette opleiding van vrywillige werkers, soos wat hulle behoeftes verander en hulle ontwikkel en groei, moet deurlopend aandag geniet.

Die bogenoemde faktore is dieselfde faktore wat Graham (1998) en Gagnon (1991) vasgestel het in hul onderskeie navorsing.

- Groepdruk deur die ander vrywillige werkers maak dat individue verantwoordelikheid neem vir sy/haar deel van die taak, hulle is dus interafhanklik van mekaar en dit is een van die kernaspekte wat nodig is vir die ontwikkeling van samewerking binne 'n groep. Hierdie ontwikkeling van gemeenskaplikheid is een van die drie elemente wat Peat (1997) as essensieel sien vir gemeenskapsdeelname.
- Die groep bied aan die vrywillige werkers 'n veilige omgewing waarbinne hulle die nuwe kennis en vaardighede wat verkry is kan oefen. Vrywillige werkers word dus met vaardighede bemagtig wat een van die kategorieë vir deelname is, soos voorgestel deur die WGO (1991).

- Oordraagbare vaardighede soos bv. selfgelding, konflikhantering en effektiewe kommunikasie word deur die vrywillige werkers as positief ervaar.
- Die leier is 'n aktiewe lid van die groep en dien as rolmodel en vrywillige werkers leer van mekaar en van die optrede van die leier.
- Sosiale interaksie en spanbousessies word as 'n hoë prioriteit aangeslaan.
- Begrip en insig omtrent die inhoud van die stimulasieprogram stel die vrywillige werkers instaat om die inligting met ander betrokkenes soos die onderwysers en die ouers te deel. Dit is dus belangrik om tydens die opleiding ook te verduidelik wat die probleem is wat aangespreek word deur die stimulasieprogram en nie net wat hulle moet doen om die probleem op te los nie.
- Terugvoer na afloop van die uitvoering van take is belangrik en moet spesifiek en individueel gerig wees.
- Konsekwente toepassing van onderrig-en leerbeginsels deur die leier.
- Konsekwentheid in die optrede van die bestuur en die leier, sowel as die leierskapstyl is belangrik vir die groep se ontwikkeling.
- Vrywillige werkers moet beperk word tot die Ravensmead gemeenskap, want die persone deel dieselfde waardes en die omgewing en sy fasiliteite is aan hulle bekend. Die drie persone in die navorsing wat vanuit 'n ander gemeenskap gekom het, het 'n subgroep gevorm en het moeilik ingepas by die groot groep. Dit onderstreep wat Rifkin *et al.* (1988) gevind het naamlik dat 'n gemeenskap 'n groep persone is wat saamleef in dieselfde afgebakende area, en wat dieselfde waardes en belangstellings deel.
- In die werwing van vrywillige werkers moet daar verkieslik gefokus word op een ouderdomsgroep. 'n Groep met persone van verskillende ouderdomme lei tot verskillende behoeftes wat aangespreek moet word binne 'n program. Dit was ook die navorser se ervaring dat ouer persone in die groep gesien word as die leiers en dat jonger persone nie 'n ouer persoon sal teengaan al stem hulle nie noodwendig saam nie. Dit mag moontlik wees as gevolg van waardes wat geld in die spesifieke gemeenskap, maar die stelling is nie bevestig nie.

- Kommunikasie met ouers en familie van veral die jonger vrywillige werkers is nodig sodat hulle kan verstaan wat die persoon kan baat deur betrokke te raak as vrywillige werker, alhoewel dit nie finansiële gewin is nie.
- Nuwe vrywillige werkers moet deur 'n proses van oriëntering en induksie gaan sodat hulle duidelik weet wat van hulle verwag word en wat die projek aan hulle kan bied.
- Dit is verkieslik dat die projek by die skole waar die stimulasieprogram aangebied word sy eie lokaal en fasiliteite het, sodat vrywillige werkers nie nodig het om elke dag al die toerusting heen en weer te dra nie.
- Dit is die leier se plig om toe te sien dat die groep as 'n eenheid funksioneer en dat subgroepering so ver as moontlik vermy word.
- Die bestuur van die projek benodig aandag.
- Die projek se funksionele hulpprosesse is in plek wat impliseer dat die doelstellings van die projek duidelik is vir al die betrokkenes. Die generiese administratiewe prosesse benodig aandag, soos dit ook uitgekome het in die vrywillige werkers se opinies omtrent die swakpunte van die projek en voorstelle wat hulle het ter verbetering. Aspekte wat hier van belang is, is onder andere die daarstel van: 'n beleid vir die projek, pligtestate vir die vrywillige werkers, oriëntering- en induksieprogramme en prosedurebeskrywings, want al die swakpunte rakende die bestuur kan terug geneem word na een van hierdie aspekte.

5.3 WYER TOEPASSING VAN DIE BEVINDINGE

- Hierdie projek behoort met die nuwe benadering van erkenning van vorige leer, poog om deur middel van uittredingskriteria vir die vrywillige werkers geleenthede te skep vir verdere opleiding.
- Opleiding behoort meer spesifiek beplan word ten opsigte van die insluit van oordraagbare vaardighede, sodat die vrywillige werkers hierdie vaardighede wat bemeester is verder kan neem na 'n nuwe werkplek.

- Dit sal ook van waarde wees om vir hierdie projek 'n basislyn van deelname te ontwikkel gegrond op die vyf faktore wat Rifkin *et al.* (1988) beskryf het, sodat gemeenskapsdeelname geëvalueer kan word, want dit vorm tog die basis van enige gemeenskapsprogram. Peat (1997) stel dit dat, deelname van kardinale belang is vir enige program ten einde effektief te kan funksioneer.

5.4 VOORSTELLE VIR VERDERE NAVORSING

Voorstelle ter verbetering van die program moet geïmplementeer word en dan behoort die projek blootgestel te word aan evaluasienavorsing waar die fokus is op:

- Die bepaling van die effektiwiteit van die program ten einde vas te stel of die oorkoepelende doelstellings van die projek bereik is. Dit mag navorsing insluit om:
 - (i) die mate van vordering by graad een en twee leerders betrokke by die projek te bepaal;
 - (ii) die mate van deelname deur alle rolspelers by die projek te bepaal; en/of
 - (iii) die spesifieke opleiding en onderrigmetode te evalueer en vrae te beantwoord soos: wat is die uitkomst van die projek, wie het deelgeneem en op watter wyse en wat was die koste?
- Opvolg van die program oor die langtermyn ten einde vrae te beantwoord soos: wat is die impak van die program en wat was sinvol vir die betrokkenes.

5.5 TEKORTKOMINGE VAN DIE NAVORSING

Verskeie tekortkominge is in die navorsing geïdentifiseer. Elke tekortkoming word bespreek in terme van die moontlike effek wat dit mag hê op die uitkoms van die navorsing.

- Die gebruik van die algemene riglynbenadering tydens die voer van die onderhoude mag daartoe gelei het dat nie alle belangrike onderwerpe van die projek genoegsaam gedek is nie, bv. die spesifieke take wat vrywillige werkers moes doen as deel van hulle daaglikse werk en wat hulle opinie daarvoor is nie.

- In die gedetailleerde beskrywing van die navorsingsproses, die data en die begrensing van die navorsing mag die anonimiteit van die vrywillige werkers bedreig wees, want die identiteit van die program is bekend gemaak.
- Vrywillige werkers het aan die begin van die onderhoud ingeligte toestemming gegee om deel te neem aan die navorsing, maar as gevolg van die eksploratiewe aard van die navorsing is dit nie eintlik moontlik om hulle vooraf heeltemal in te lig omtrent die omvang en diepte van die vrae nie.
- Die vrywillige werkers was voor die navorsing, almal bekend aan die navorser en dit mag hulle in 'n moeilike posisie geplaas het, want juis omdat hulle die navorser ken mag hulle verplig gevoel het om deel te neem, alhoewel hulle nie noodwendig wou nie. Indien dit die geval was, mag dit 'n invloed gehad het op hulle opinie van die projek.
- Die navorser is bekend met die projek en dit mag wees dat aannames en afleidings gemaak is vanuit hierdie kennis en nie noodwendig deur dit wat na vore gekom het vanuit die data nie.
- Die vrywillige werkers met wie die onderhoude gevoer is, moes hul persepsies van die program weergee en hierdie persepsies is selektief en mag verwing word as gevolg van persoonlike sydigthede en gevoelens jeens die program.
- 'n Beperking in die navorsing is die gebruik van een tipe bron as data-insamelingsmetode. Dit het 'n negatiewe effek op die interpretasie van die data, want daar is nie ander data om dit mee te vergelyk of in verband mee te bring nie.
- Data wat verkry word deur middel van onderhoude is onderwerp aan die betrokkenes se herroepvermoë, verhouding of reaksie teenoor die onderhoudvoerder en eie agendas, en dit kan lei tot vermindering van geldigheid en betroubaarheid van bevindinge.
- Die impak evaluasienavorsing soos toegepas in hierdie navorsing het die verdere beperking dat die vlak van veralgemening verkry uit die navorsing beperk is tot slegs hierdie spesifieke program.

- Hierdie navorsing is beperk tot die persepsies van die vrywillige werkers wat deel was van die program en het nie verder gaan kyk na die uitkomstes van die program op die gemeenskap en betrokkenes by die projek nie.

5.6 TEN SLOTTE

Die navorsing het gepoog om inligting te genereer vanuit die perspektiewe van persone wat deel is/of was van die program, met die doel om hierdie inligting te gebruik om die projek te verbeter. Dit is slegs 'n klein deel van die totale evaluasieproses wat nodig is ten einde uitsprake te kan maak oor die effektiwiteit en haalbaarheid van sodanige projek vir die bepaalde gemeenskap.

Deur die bevindinge van hierdie navorsing te inkorporeer by die bestaande program hoop die navorser dat dit mag bydra tot die ontwikkeling van 'n effektiewe en haalbare diens wat die gemeenskap van Ravensmead verdien. Op hierdie wyse word die akroniem waarvoor VOLCANO staan dan regtig waar:

"Volunteers of Love, Care and Neverending Objectives"

BIBLIOGRAFIE

- ANC. 1994. *A National Health Plan for South Africa*. Johannesburg: African National Congress.
- ANC. 1994. *The Reconstruction and Development Plan*. Johannesburg: African National Congress.
- Babbie, E & Mouton J. 2001. *The Practice of Social Research*. Cape Town, South Africa: Oxford University Press.
- Boone, EJ. 1995. *Developing Programmes in Adult Education*. New Jersey: Prentice Hall Inc.
- Boyatzis, RE. 1998. *Transforming Qualitative Information: Thematic Analysis and Code Development*. Thousand Oaks: Sage Publications.
- Brownlea, A. 1987. Participation: myths, realities, prognosis. *Social Science Medicine*, 25: 605-614.
- Burnard, P. 1991. A Method of Analysing Interview Transcripts in Qualitative Research. *Nurse Education Today*, 11: 461-466.
- Burns, N & Grove, SK. 1993. *The Practice of Nursing Research Conduct, Critique and Utilization*. USA: WB Saunders Company.
- Carr, D. 1981. On mastering a skill. *Journal of Philosophy of Education*, 15(1): 87-96.
- Creswell, JW. 1998. *Qualitative Inquiry and Research Design - Choosing among 5 Traditions*. Thousand Oaks: Sage Publications.
- Creswell, JW. 1994. *Research Design: Qualitative and Quantitative Approaches*. Thousand Oaks: Sage Publications.
- Denzin, N & Lincoln, Y. 1994. *Handbook on Qualitative Research*. Thousand Oaks: Sage Publications.

- De Poy, E & Gitlin LW. 1994. *Introduction to Research*. St. Louis: Mosby.
- Feuerstein, MT. 1986. *Partners in Evaluation: Evaluating Development and Community Programmes with Participants*. London: MacMillan Education Ltd.
- Fraenkel, JR & Wallen, NE. 1996. *How to Design and Evaluate Research in Education*. New York: McGraw-Hill Inc.
- Gagnon, AJ. 1991. The Training and Integration of Village Health Workers. *Bulletin of PAHO* 25, 2: 127-138.
- Gerber PD, Nel PS & Van Dyk, PS. 1998. *Menslike Hulpbronbestuur - 4^{de} Uitgawe*. Suid-Afrika: International Thomson Publishing Ltd.
- Gliner, JA. 1994. Reviewing Qualitative Research: Proposed Criteria for Fairness and Rigor. *The Occupational Therapy Journal of Research*, 14(2): 78-89.
- Godwin, P. 1983. Training Health Workers: What needs to be taught and who should teach it. *Social Science and Medicine*, 17(22): 1819-1825.
- Graham, MS. 1998. *The Evaluation of a training programme for volunteers in community-based rehabilitation for children with disabilities*. M.OT. thesis. Pretoria.
- Hasselkus, BR. 1995. Beyond Ethnography: Expanding our understanding and criteria for qualitative research. *The Occupational Therapy Journal of Research*, 15(2).
- Holloway, I & Wheeler, S. 1996. *Qualitative Research for Nurses*. London: Blackwell Science Ltd.
- Krefting, L. 1991. Rigor in Qualitative Research. The Assessment of Trustworthiness. *American Journal of Occupational Therapy*, 45(3): 214-222.
- Labuschagne, FJ & Eksteen, LC. 1993. *Verklarende Afrikaanse Woordeboek, agste uitgawe*. Pretoria: JL van Schaik.
- Laithwaite, H, Burns, M & White A. *A Profile of Volunteers who currently work for Glasgow Associates for Mental Health*. [GAMH@colloquium.co.uk].

- Lautenschlager, J. 1994. *A Springboard to Tomorrow: Creating Volunteer Programs for Young People that Encourage the Development of Skills*. [<http://www.pch.gc.ca/cp-pc/ComPartnE/Springb1.html>].
- Lysack, C & Krefting, L. 1991. Community-based Rehabilitation Cadres: Their Motivation for Volunteerism. *International Journal of Rehabilitation Research* , 16: 133-141.
- Madan, TN. 1987. Community involvement in health policy: socio-structural and dynamic aspects of health beliefs. *Social Science Medicine*, 25: 615-620.
- Marshall, C, & Rossman, GB. 1989. *Designing Qualitative Research*. London: Sage Publications.
- Miles, MB, & Huberman, AM. 1994. *Qualitative Data Analysis*. 2nd Edition. London: Sage Publications.
- Mouton, J. 1999. *A Practical Guide to Programme Evaluation*. Stellenbosch: Centre for Interdisciplinary Studies.
- Patton, MQ. 1990. *Qualitative Evaluation and Research Methods*. London: Sage Publications.
- Patton, MQ. 1994. Developmental Evaluation. *Evaluation Practice*, 15(3): 313-319.
- Peat M. 1997. *Community Based Rehabilitation*. London: WB Saunders Company Ltd.
- Posavac, EJ & Carey, RG. 1992. *Programme Evaluation: Methods and Case Studies*. Englewood Cliffs: Prentice Hall.
- Rifkin, SB, Muller, F & Bichmann, W. 1988. Primary Health Care: An Measuring Participation. *Social Science and Medicine*, 26(9): 931-940.
- Rossi, PH & Freeman, HE. 1993. *Evaluation: A systematic approach*. Newbury Park, CA: Sage.
- Scriven, M. 1980. *The Logic of Evaluation*. Inverness CA: Edgepress.

- Slater, DA & Cohn, ES. 1991. Staff development through analysis of practice. *American Journal of Occupational Therapy*, 45(11).
- Stone, L. 1992. Cultural Influences in Community Participation in Health. *Social Science and Medicine*, 35(4): 409-417.
- Suvedi, M, Heinze, K & Ruonavaara, D. 1999. *How to Conduct Evaluation of Extension Programs*. ANRECS Center for evaluative studies. Department of ANR education and communications systems, Michigan State University, East Lansing.
- Tesch, R. 1990. *Qualitative Research: Analysis Types and Research Tools*. New York: Falmer Press.
- Weiss, CH. 1999. *New Approaches to Evaluating Community Initiatives*. [<http://www.aspenroundtable.org/vol 1/weiss.html>].
- Wholey, JS, Harty, HP & Newcomer, KE. 1994. *Handbook of practical program evaluation*. San Francisco: Jossey-Bass Publishers.
- Wickham, S. 1998. Programme Evaluation Workbook (unpublished).
- World Health Organization. 1988. *From Alma-Ata to the Year 2000 - Reflections at the midpoint*. Geneva.
- World Health Organization Technical Report. 1991. *Study Report on Community Involvement in Health*. Geneva. 809:1-56.

BYLAE A
VOORBEELD VAN DIE VRYWARINGSVORM

VRYWARINGSVORM

TITEL VAN DIE STUDIE: _____

NAVORSER SE NAAM: _____

DOEL VAN DIE STUDIE:

Onderhoude wat met die deelnemers gevoer word sal op band geneem word. Die bande sal met niemand gedeel word behalwe die studieleier van die projek en een kollega wat gaan help met die verwerking van die inligting, maar dit en aanhalings sal anoniem geskied omdat die bande slegs genommer sal word en dit dus onmoontlik maak om die deelnemers te identifiseer. Deelnemers hoef geen vraag te antwoord as hulle nie wil nie en is vry om enige tyd die onderhoud te stop en hulself van die studie te onttrek.

Die navorser sal die bande na een jaar na afhandeling van die studie vernietig.

Hiermee gee ek _____ my toestemming om deel te neem aan die studie. Ek verstaan dat ek op enige tyd kan onttrek van die studie en dat ek nie identifiseer sal word in die navorsingsverslag nie.

Handtekening van die deelnemer: _____

Handtekening van die navorser: _____

Datum: _____

BYLAE B**REKORD VAN AFSPRAKE GEMAAK VIR DIE ONDERHOUDE**

VRYWILLIGE WERKER	DATUM AFSPRAAK GEMAAK	DATUM VAN ONDERHOUD	PLEK	TYD	RESULTAAT/KOMMENTAAR
1.	22 Junie 00	28 Junie 00	K2034	10:00	Vrywillige werker daag nie op by die ooreengekome plek nie, ek wag vir 45 minute en skakel haar huis. Sy het blykbaar probleme met die taxi ondervind volgens haar suster en dié sou vir haar die boodskap gee om my terug te skakel, sodat ons 'n ander afspraak kan maak.
	6 Julie 00	10 Julie 00	K2034	9:00	Vrywillige werker kontak my uit haar eie en maak 'n afspraak vir die onderhoud.

VRYWILLIGE WERKER	DATUM AFSpraak GEMAAK	DATUM VAN ONDERHOUD	PLEK	TYD	RESULTAAT/KOMMENTAAR
2.	4 Julie 00	10 Julie 00	K2034	11:00	Afspraak verloop sonder enige probleme. Die onderhoud het plaasgevind in my kantoor by die departement omrede dit vakansie was en die lokaal by die skool nie beskikbaar was nie en die vrywillige werker nie gemaklik gevoel het met die idee dat ons dit by hom aan huis doen nie. Die rede wat hy aangevoer het, was dat daar nie 'n plek was waar ons ongesteurd die onderhoud kon voer nie. Ek het hom gaan oplaai, want dit het die dag gereën en dit is ongeveer 5 km wat hy sou moes stap. Ons was alleen in die lokaal en het by die tafel gesit sodat ons albei naby genoeg aan die bandopnemer kan wees. Ek het aan hom verduidelik wat die doel van die onderhoud is asook hoekom ek die bandopnemer moet gebruik. Hy het die vrywaringsvorm geteken en het geen vrae op daardie tydstip gehad nie. Die lokaal en ek is aan hom goed bekend, omdat hulle soms lesings hier ontvang het en hy was dus gemaklik met my en die situasie. Na die tyd het ek hom weer gaan aflaai by die huis en hy het aangebied om vir my van die vrywilligers wat ek nie kon opspoor nie te probeer kontak.
3.	10 Julie 00	14 Julie 00	K2034	13:30	Afspraak verloop sonder enige probleme

VRYWILLIGE WERKER	DATUM AFSPRAAK GEMAAK	DATUM VAN ONDERHOUD	PLEK	TYD	RESULTAAT/KOMMENTAAR
4.	10 Julie 00	14 Julie 00	Amica huis	15:00	Afspraak verloop sonder enige probleme.
5.	10 Julie 00	12 Julie 00	Ravensmead gemeenskaps-sentrum	13:00	My bandopnemer breek en ek moet herskeduleer.
	12 Julie 00	17 Julie 00	Ravensmead gemeenskaps-sentrum	10:00	Afspraak vind plaas sonder probleme
6.	10 Julie 00	12 Julie 00	Ravensmead gemeenskaps-sentrum	14:30	My bandopnemer breek en ek moet herskeduleer.
	12 Julie 00	17 Julie 00	Ravensmead gemeenskaps-sentrum	11:00	Hy daag nie op nie as gevolg van werkverpligtinge.
7.	17 Julie 00	18 Julie 00	Webnerstraat Primêr	11:30	Afspraak verloop sonder enige probleme.

VRYWILLIGE WERKER	DATUM AFSPRAAK GEMAAK	DATUM VAN ONDERHOUD	PLEK	TYD	RESULTAAT/KOMMENTAAR
8.	18 Julie 00	18 Julie 00	Webnerstraat Primêr	12:30	Afspraak verloop sonder enige probleme.
9.	18 Julie 00	18 Julie 00	Webnerstraat Primêr	13:30	Afspraak verloop sonder enige probleme.
10.	18 Julie 00	19 Julie 00	Webnerstraat Primêr	11:00	Afspraak verloop sonder enige probleme. Vrywillige werker kontak my die vorige dag om te vra of sy weer mag aansluit en ek kan die afspraak met haar maak.
11.	18 Julie 00	19 Julie 00	Webnerstraat Primêr	12:00	Afspraak verloop sonder enige probleme. Vrywillige werker kontak my die vorige dag om te vra of sy weer mag aansluit en ek kan die afspraak met haar maak.
12.	10 Julie 00	19 Julie 00	Webnerstraat Primêr	13:30	Afspraak verloop sonder enige probleme.
13.	10 Julie 00	17 Julie 00	Marian singel 18	12:30	Sy is nie tuis nie en volgens haar buurvrou het sy gaan "casual". Ek laat 'n boodskap by die buurvrou dat sy my moet kontak via een van die ander vrywillige werker.
14.	21 Julie 00	24 Julie 00	Webnerstraat Primêr		Afspraak verloop sonder enige probleme
15.	21 Julie 00	27 Julie 00	Webnerstraat Primêr	11:30	Afspraak verloop sonder enige probleme
16.	21 Julie 00	27 Julie 00	Webnerstraat Primêr	13:00	Afspraak verloop sonder enige probleme

BYLAE C

**1 TRANSKRIPSIE VAN ONDERHOUD MET VRYWILLIGE
2 WERKER NOMMER 2 VAN 1995 SE GROEP.**

3
4

5 WATTER WERK DOEN JY TANS? Ek is besig met
6 sekuriteitswerk by Nampak Corrugated. EN HOE LANK IS JY
7 AL DAAR? Die afgelope drie jaar. EN WAT BEHELDS DIE
8 WERK, WAT MOET JY DOEN, WAT IS JOU TAKE? Ek
9 monitor kamaras, access control, sowel as veiligheid van die
10 personeel self en uitvoer en invoer van bokse, daai is alles wat
11 gekontroleer word, dit is basies wat ek doen. NOU SÊ VIR MY
12 WATTER SKILLS HET JY ALLES NODIG OM DAARDIE WERK
13 TE KAN DOEN? Ek het 'n sekuriteits course/kursus gedoen
14 maar baie van die kursusse wat deur die Arbeidsterapie vir my
15 aangebied het soos die selfgeldingsgedrag het baie vir my
16 gehelp en leierseienskappe, veral, die rede ek sê so, hulle het
17 my skoons ingesit by assistant supervisor course. SO JY HET
18 AL BEVORDERING GEKRY IN DIE DRIE JAAR, SO JY DOEN
19 VIR JOUSELF GOED. Ja.

20

21 DIE VOLGENDE PAAR VRAE IS OMTRENT JOU EIE
22 AGTERGROND EN ERVARINGS. DIE DOEL MET DIE VRAE
23 IS OM MY TE HELP OM UIT TE VIND WAT JY VAN DIE
24 PROJEK DINK. EK GAAN VIR JOU TERUGVAT, AS EK REG
25 HET, HET JY IN 1995 BEGIN Nê? HOEVEEL JARE WAS JY
26 BETROKKE? Nee, 1993. WAS JY NOG VAN DIE KLOMP
27 WAT BETROKKE WAS BY DIE NASKOOLSENTRUM? Ja

28

29 HOE OUD WAS JY TOE JY BY VOLCANO AANGESLUIT
30 HET? Joe! – ek het daai jaar matriek klaar gemaak – 19 jaar.
31 HET JY IN 1993 MATHRIEK KLAAR GEMAAK . Nou moet ek
32 gou somme maak – ek is nou 26 jaar – ja, 7 jaar gelede – ja, 19
33 jaar

34

35 HOE HET JY VAN VOLCANO TE HORE GEKOM? mm... Ons
36 jeug was eenkeer geinvite na die Fountain Christian Centre
37 waar (*) die storie gepraat het van die nasorgsentrum en toe het
38 ons, toe het ek maar besluit ek doen nou by the way niks nie en
39 ek weet nie wat ek na matriek gaan doen nie en toe het ek maar
40 aangesluit by die naskoolsentrum. So is eintlik as (*) nou nie so
41 amper soos 'n lesing wat sy daar gegee het by die Fountain
42 Christian Centre dan het ek nooit geweet nie. SO JY HET DIT
43 SO VIA DIE JEUGGROEP VAN DIE KERK GEHOOR? Ja

44 WAT ONTHOU JY VAN DIE PROJEK, WAT HET JULLE
45 GEDOEN?

46 Wat ons eintlik probeer het vir die kinders – gehelp met hand-
47 oog koördinasie – ok – agterstande, kinders met agterstande,
48 kinders wat miskien probleme het by die huis, soos kinder
49 abuse en so, die het ons ook gehelp – toe het ons die klasse kry
50 kon ons die kinders meer help, want ons het fisies saam met
51 hulle op skool. Was eers die naskoolsentrum en toe het ons na
52 die skole gegaan. Kinders het toe daar geleer en hmm.. en die
53 Arbeidsterapiestudente het lesings gegee, kursusse aangebied
54 oor selfstudie, nie selfstudie nie – selfgeldende gedrag,
55 leierseienskappe, konflikhantering, kinderhantering, beplanning.
56 AS JY NOU SÊ JULLE HET KINDERS GEHELP, WAT HET
57 JULLE GEDOEN? Ons het ok, die kinders geleer inkleur,
58 hmm.. so lank terug. Groentetuin – ons het die kinders die
59 verskil tussen groente geleer, die meisies het die kinders leer
60 naaldwerk doen hmm. . speletjies het ons saam met hulle
61 gespeel om hulle besig te hou weg van gangsterism, drugs en
62 so, abuse, family violence en van die strate af. Ons het ook vir
63 hulle sopkombuise aangebied, gesponsor deur die Lions Club.
64 BAIE VAN DIT WAT JY NOU NOEM WAS NOG DEEL VAN DIE
65 NASKOOLSENTRUM. IN DIE SKOLE WAT HET JULLE DAAR
66 GEDOEN? By die skool het ons meer gewerk met die sub a's
67 of soos hulle nou sê graad 1 en graad 2 , 3 en 4 leerlinge en
68 ons het hulle soos die inkleur self, met hulle games gespeel,
69 geleer miskien die alfabet skryf die b en d wat hulle verkeerd
70 skryf en ook vir hulle ouervergaderinge gehad om te sien of die
71 kind miskien presteer het, sodat die ma ook weet waar hy is in
72 die agtermiddag, want as die kind nog nie half drie by die huis
73 is nie dan gaan worry die ma. So ook dat die ma's die
74 volonteers self ken, wie hulle is wat miskien hulle agtergronde is
75 – baie is eintlik soos 'n juffrou ons gaan net diepere in, net
76 diepere in soos die huis en so. WIE WAS NOG BETROKKE
77 BEHALWE DIE VW? Arbeidsterapeut , hmm.. Fakulteit
78 Geneeskunde, Lions Club en skole self.

79
80 WAT HET JOU AANGETREK NA DIE PROJEK? Ek wou nie
81 eintlik by die naskoolsentrum self gewees het nie. (*) het meer
82 gepraat oor drama en dans en toe het ek besluit – ek het altyd
83 by die Sondagskool het ek altyd drama gedoen, toe besluit ek
84 miskien kan ek woeker in die dramastorie en ok later besluit ek,
85 ek het hoeka niks te doen deur die dag nie as ek uit die skool
86 kom het ek niks om te doen nie – ek gaan kyk hoe werk die
87 naskoolsentrum.

88

89 HET JY ENIGE VORIGE WERK GEDOEN VOORDAT JY BY
90 VOLCANO AANGESLUIT HET? Ek het geen werk gedoen nie.

91
92 WATTER STANDERD HET JY OP SKOOL BEHAAL? Matriek
93 GEBASEER OP JOU ERVARING, WAT SAL JY Sê IS DIE
94 STERKPUNTE VAN DIE PROJEK? Hmm.. sterkpunte van
95 Volcano. Ok dit sal natuurlik wees studies, die lesings wat die
96 arbeidsterapeut vir ons aangebied het, want ek voel self sonder
97 die Arbeidsterapiestudente sou ons nie so ver gekom het. Ek
98 myself het nie geweet hoe om 'n kind te hanteer nie hmm.. so
99 nou vandag weet ek hoe is dit om my eie seuntjie te hanteer.

100
101 WAT HET JY GELEER? Hmm.. vir my staan uit
102 leiereienskappe baie sterk uit, hmm selfgeldende gedrag baie
103 goed – ek was altyd bang hoe sal 'n mens sê bang om te praat,
104 senuagtig nou het mens daai selfvertroue om mense te kan
105 konfronteer, van al die konfliktsituasies wat ons so gedoen het,
106 het baie gehelp, vir myself sowel as vir die groep. Hmm...
107 arbeidsterapeut het vir ons amper soos huiswerk gegee, hulle het
108 gesê right sê nou maar soos konflikhantering, dan moet ons nou
109 in die middag 'n onse eie situasie miskien ek en (*) het miskien
110 nou 'n stryery en dan moet ook nou miskien daai woorde wat ek
111 sou gebruik op 'n blaaie neerskryf en dan miskien nou, sê daai
112 stryery gebeur nou en dan later dit is amper asof dit die hele tyd
113 op my conscience bly, sodat ek teruggaan en either
114 konfronteer die probleem so , dit het my baie gehelp. PAS JY
115 DIT NOU NOG TOE? Ek pas dit nou nog toe. JY HET
116 NETNOU GEPRAAT VAN KINDERHANTERING, WAT VAN
117 DIE KINDERHANTERING PAS JY TOE OP JOU EIE KIND?
118 Soos hy is nog 'n bietjie klein om te lees of te skryf of daai ek
119 kan nie nou dink nie. Dit is nie dat ek van kinders hou nie. DINK
120 JY , JY IS DALK MEER GEDULDIG MET HOM? Ek is nou baie
121 meer geduldig. JY WAS DIE ENIGSTE KIND Nê? Ek was die
122 enigste kind, omdat ek nou nie maatjies gehad het nie, was ek
123 baie by die huis gewees en hoe kan ek sê ... ek het eintlik in my
124 dop gekruip, maar toe ek nou die projek doen, het ek nou meer
125 van my, ek was baie stil gewees, nou praat ek baie. Ja, ek sal
126 sê die projek het my baie gehelp om myself op te bou.

127
128 GEBASEER OP JOU ERVARING, WAT SAL JY Sê IS DIE
129 SWAKPUNTE VAN DIE PROJEK? Swakpunte..... een sal
130 natuurlik wees ok as daar miskien meer fondse is, want ek
131 meen elke mens sal nie vandag 'n werk verniet doen nie om
132 elke middag vir daai kinders te gaan leer. Nee, daar is nie
133 eintlik swakpunte nie, dit is net eintlik die omstandighede waar

134 die kinders self is, miskien is hy bietjie skrikkerig vir pa wat
135 slaan, dit is al wat ek kan dink.

136
137 LAAT EK JOU VRA OMTRENT JOU GEVOELENS OMTRENT
138 DIE PROJEK. WAT IS VAN DIE ASPEKTE WAT JY BAIE
139 GENIET? Die speletjies wat ons saam met die kinders gespeel
140 het, soos ek netnou ok gesê die lesings, dit het my baie
141 opgebou, ek het nooit geweet ek sal so saam met kinders kan
142 praat nie. SO DIT WAS VIR JOU 'N NUWE ERVARING? Dit
143 was amper vir my uit hierdie wêreld uit so ek het nooit geweet
144 ek sal 'n kind so kan hanteer nie.

145
146 WAT WAS VAN DIE ASPEKTE WAT JY REGTIG NIE VAN
147 GEHOU HET NIE? Ek het baie kwaad geraak as die kinders
148 miskien nie kom nie en jy berei vir jou 'n les voor om vir hulle
149 aan te bied, dan is daar net twee, drietjies. EN OM SAAM MET
150 DIE GROEP TE WERK? Hmm... ons het 'n paar probleempies
151 gehad, maar dit is sommer daarso uitgesort.

152
153 WAT HET VOLCANO VIR JOU BETEKEN? Volcano het my
154 baie geleer WAT HET JY GELEER? Hmm... ja ek het myself
155 verbaas, want ek het nie geweet wat om met 'n kind aan te vang
156 nie, ok. Daai, ek het geleer tuinmaak wat nog. By die werk
157 probeer ek van daai wat ek geleer het soos die
158 groepehantering, want ek is by die werk 'n groepleier, nou
159 probeer ek daai bietjie kennis toepas in die werk. WAT VAN
160 KONFLIKHANTERING? Konflikhantering speel 'n baie groot rol
161 by jou werk self, want as ek nie daai geduld kon gehad het nie
162 miskien daai drie of vier mense wat saam met , dan sou ek
163 seker al lankal na 'n laer pos, na 'n gewone wag toe gegaan het.
164 EN IN JOU HUWELIK? Hmm... somtyds raak ek sommer
165 kwaad vir enige dingetjie maar dan redeneer ek myself, dan
166 gaan ek na vroujie toe en sê nee man, ek is jammer – wat ek
167 nooit kon gedoen het nie. As ek kwaad is nou vir iemand, dan
168 sou ek twee dae, drie dae kwaad bly

169
170 GEBASEER OP JOU ERVARING WAT SAL JY Sê WAS DIE
171 STERKPUNTE VAN DIE OPLEIDING WAT JY ONTVANG
172 HET? In die eerste plek dit wat vir my lekker gewees het. As ek
173 sien daai kind presteer, dan voel jy amper soos ek het vir jou
174 daar gebring. Jy is miskien 'n rolmodel vir daai kind, baie
175 kinders dan kom hulle uit die huis, dan is hulle vuil. Dan kom
176 hulle by ons, dan help ons hulle aan – dit was lekker – hulle het
177 altyd gedink ons is nou die juffroue of menere en het altyd
178 uitgesien om ons te sien. MET DIE OPLEIDING VAN DIE

179 STUDENTE? Ja, die manier hoe hulle dit gedoen het, ok. Om
180 'n span te wees, groepwerk, hulle het meer gekonsentreer op
181 groepwerk.

182
183 GEBASEER OP JOU ERVARING WAT SAL JY Sê WAS DIE
184 SWAKPUNTE VAN DIE OPLEIDING WAT JY ONTVANG HET?
185 Vrydagoggende se vroeg opstaan. Ek sal sê ek sou verkies het
186 dat daar miskien 'n student heeldag saam met ons moes wees
187 HOEKOM? Amper net so jy vergeet net wat het jy geleer, maar
188 as hulle net daar is dan is dit amper so dat hulle re-inforce wat jy
189 geleer het. Hulle bring dit hoe sal 'n mens sê, jy leer vandag
190 iets en dan kom hulle net weer in met verfrissing. Ek beplan so
191 my daaglikse werk nou, want ek het nooit eers 'n dagboek
192 gebruik nie.

193
194 AS JY DIE MAG KON Hê OM IETS TE VERANDER AAN DIE
195 PROJEK, WAT SAL JY ANDERS WOU DOEN? Ek sou
196 miskien, kyk ons was mos nou vrywillige werkers gewees
197 hmm... miskien net as ek die mag gehad het sou ek miskien
198 finansiële steun aan VIR DIE MENSE WAT BETROKKE IS ja.
199 NOG IETS? Toerusting – ons het destyds ons eie toerusting
200 gemaak.

201
202 HOEKOM HET JY OPGEHOU MET VRYWILLIGE WERK?
203 Hoekom het ek opgehou...hmm... ek sal nou maar sê die rede
204 hoekom ek opgehou het, is omdat my ma mos afgesterf het en
205 my pa is nou alleen by die huis, toe besluit ek ek gaan nou maar
206 vir my 'n werk soek om aan te help by die huis.

207
208 DINK JY VOLCANO MOET VOORTGAAN? Ja, ek dink
209 Volcano moet voortgaan, want ek sien dan nou as ek by die
210 huis kom dan sit miskien net heelyd of loop in die rondte en so,
211 of as ek by die huis kom dan slaap ek miskien, want ek het nie
212 eers meer vir... toe ek klaargemaak het by Volcano,
213 daarvandaan af het ek nie meer vriende nie. MIS JY DUS
214 VOLCANO? Ek mis dit baie, net vir daai saamwees HOEKOM
215 NOG? Soos...soos selfkennis doen jy op en die hele ding is,
216 sal ek sê, eintlik 'n leerproses hmmm... DINK JY DIT IS IETS
217 VIR DIE GEMEENSKAP? Dit is baie opbouend vir die
218 gemeenskap, daai kind hy kan miskien 'n dokter wees, die
219 volgende president of so. ENIGE IETS WAT JY NOG WIL Sê,
220 WAT JY DINK EK MOET WEET VAN VOLCANO? Hmm... nee
221 niks verder nie.

BYLAE D

**1 TRANSKRIPSIE VAN ONDERHOUD MET VRYWILLIGE
2 WERKER NOMMER 3 VAN 1996 SE GROEP.**

3
4
5 WATTER WERK DOEN JY TANS? Ek doen Radiografie hier by
6 die hospitaal. HOEVEELSTE JAAR? My tweede jaar en dit is 'n
7 drie jaar kursus. WAT BEHELS DIE WERK? Dit is maar net die
8 neem van X-strale om te kyk wat gaan in die liggaam aan.
9 ENIGE ANDER VAARDIGHEDE WAT JY NODIG HET OM DIE
10 WERK TE KAN DOEN? Ag, jy moet nou maar net met die
11 pasiënte kan werk, moet in 'n groep kan werk, met ander
12 personeel kan werk, konflik kan hanteer en sulke goed.

13
14 HOE OUD WAS JY TOE JY BY VOLCANO AANGESLUIT
15 HET? Hmm... ek was 20. WAT HET JY GEDOEN VOOR JY
16 AANGESLUIT HET? Dit was 'n jaar na ek uit die skool gekom
17 het wat ek by Volcano aangesluit het. WAT HET JY IN DIE
18 JAAR GEDOEN? Ek was eintlik op Stellenbosch, dit was net vir
19 'n jaar, maar ek het nie aangegaan met my kursus nie en toe het
20 ek vrywillige werk kom doen. WATTER KURSUS HET JY
21 GEDOEN? B.Sc.

22
23 HOE HET JY VAN VOLCANO TE HORE GEKOM? Wel, (*)
24 was betrokke by die groep en sy het my daarvan vertel en een
25 keer het ek saam met haar gegaan, (*) het met my gepraat en
26 dis soos ek betrokke geraak het.

27
28 WAT ONTHOU JY VAN DIE PROJEK BYVOORBEELD WIE
29 WAS BETROKKE, VIR WIE WAS DIT, WAARUIT HET DIE
30 PROJEK BESTAAN? Wel, ek weet ons het gehelp met
31 ontwikkelingsagterstande met die kinders soos sub A, hmm...
32 wat 'n bietjie agter geraak het en wat nie die werk kon baasraak
33 nie en die onderwysers het nie die tyd gekry om by hulle uit te
34 kom nie en dis waar ons in die prentjie gekom het.

35
36 WAT HET JOU AANGETREK NA DIE PROJEK? Wel, dat ek
37 met kinders kon werk en dat ek iets vir die gemeenskap kon
38 beteken.

39
40 HET JY ENIGE VORIGE WERK GEDOEN VOORDAT JY BY
41 VOLCANO AANGESLUIT HET? Nee, net tydelike werk maar
42 nie soos vaste werk nie. WAAR WAS DIT? By Shoprite, 'n
43 kassier. EN OP SKOOL WAS JY DEEL VAN ENIGE
44 VERENIGINGS OF LEERLINGRAAD OF SO IETS? Nee, ek
45 het net in die koor gesing.

47 AS EK ELKE DAG DEEL WAS VAN DIE PROJEK WAT SOU
48 EK GESIEN HET WAT JY DOEN? Wel, daar's dae wat ons nou
49 moet gekyk het, soos Vrydae, wat ons voorbereiding gedoen het
50 vir die volgende week se lesse en dan op twee dae het ons
51 gegaan na die middag na die skool toe waar ons met die
52 kinders gewerk het. WATTER TIPE GOED HET JULLE MET
53 DIE HULLE GEDOEN? Ons het hulle vorms geleer en
54 wiskundige berekenings en ja dis basies dit. WIE WAS NOG
55 BETROKKE? Dis (*), (*) was betrokke BEHALWE JULLE
56 VRYWILLIGE WERKERS? O, Arbeidsterapiestudente en (*).

57
58 GEBASEER OP JOU ERVARING WAT SAL JY Sê IS DIE
59 STERKPUNTE VAN DIE PROJEK? Wel, dat ons daar was
60 soos op 'n gereelde basis, dat ons skole toe gegaan het en dat
61 ons elke Maandag en Woensdag die kinders kan gesien het en
62 dat ons kon gesien het waarin hulle agter is en so en dan die
63 program wat ons vooraf moes uitgewerk het wat om te doen met
64 hulle, speletjies wat ons met hulle gespeel het. ENIGE IETS
65 ANDERS? En dat ons oueraande gehad het en ons die ouers
66 betrokke gekry het dat hulle ook geweet het wat om te doen,
67 wat gehelp het.

68
69 GEBASEER OP JOU ERVARING, WAT SAL JY Sê IS DIE
70 SWAKPUNTE VAN DIE PROJEK? Soos in ons geval waar ons
71 by die skool was, het ons nie 'n klaskamer gehad nie en elke
72 keer moes ons na 'n ander klaskamer geskuif word, dit was
73 nogal vir my nie goed nie. HOEKOM NIE? So, sê nou jy het jou
74 eie klaskamer, kan jy die omgewing nou interessant maak vir
75 die kind, maar ons het elke dag na 'n ander kamer toe en dit
76 was nie altyd skoon nie.

77
78 LAAT EK JOU VRA OMTRENT JOU GEVOELENS OMTRENT
79 DIE PROJEK. WAT IS VAN DIE ASPEKTE WAT JY BAIE
80 GENIET HET OMTRENT DIE PROJEK? Wel, om met die
81 kinders self te werk, hulle was partykeers baie stout en om in
82 groep te werk, ons vrywillige werkers het ook altyd 'n
83 spanbousessie gehad waar ons mekaar beter leer ken het en dit
84 was ook nogal vir my goed. WAT HET JULLE BY DIE
85 SPANBOU GEDOEN? Ja, ons het byvoorbeeld so 'n muur en
86 dan moes ons geklim het met 'n tou byvoorbeeld dit en dan
87 moes ons so op 'n sement blok gestaan het en dan jou oë
88 toegemaak het en dan geval het en dan moes hulle jou gevang
89 het – die res van die groep. Ons het deur 'n tunnel ook beweeg
90 dan is een van die vrywillige werkers beseer en dan moes ons
91 vir hom so stut of so iets maak dat hy kan gedra word daarop en

92 so het ons geleer om met mekaar oor die weg te kom en in 'n
93 span te werk – dit was nogal vir my goed.

94
95 WAT IS VAN DIE ASPEKTE WAT JY REGTIG NIE VAN
96 GEHOU HET IN DIE PROJEK NIE? Ek kan nou regtig nie aan
97 iets dink wat my omgekrap het nie. GOED, JULLE WAS 'N
98 KLOMP WAT SAAM IN DIE SPAN GEWERK HET, WAS DAAR
99 NOOIT PROBLEME NIE? Ja, partykeers het ons probleme met
100 mekaar ondervind, maar ons het dit uitgewerk. DIT IS NIE
101 IETS WAT VIR JOU UITSTAAN AS IETS WAT NOOIT
102 OPGELOS IS NIE . Nee, alles was opgelos.

103
104 WAT HET VOLCANO VIR JOU BETEKEN? Wel, dit het vir my
105 baie beteken deurdat ek moes met kinders werk en ek het baie
106 daaruit geleer en hoe om met die res van die groep te werk en
107 selfs met die kindertjies ook . WAT VAN SPESIFIEK MET DIE
108 KINDERS WERK , WATTER SKILLS HET JY BYGEKRY? Ek
109 dink 'n mens moet geduldig wees met hulle, probeer om nie jou
110 humeur te verloor nie, want hulle is maar net kinders en ja, ek
111 sal sê om geduld te gebruik met hulle. SOU JY Sê DIT WAS
112 VOOR JY BY VOLCANO AANGESLUIT HET 'N PROBLEEM?
113 Nee, nie eintlik nie.

114
115 DIE VOLGENDE PAAR VRAE WAT EK GAAN VRA IS MEER
116 DAAROP GEMIK OM TE GAAN KYK NA DIE OPLEIDING WAT
117 JULLE GEKRY HET. ONS HET NETNOU GEPRAAT OOR DIE
118 ARBEIDSTERAPIESTUDENTE AS EK REG KAN ONTHOU
119 HET HULLE, DINK EK 1 KEER 'N WEEK, MET JULLE SULKE
120 OPLEIDINGSESSIES GEDOEN, KAN JY NOG ENIGSINS IETS
121 ONTHOU VAN DAAI OPLEIDINGSESSIES? Ja, hulle het mos
122 gepraat van konflikhantering, spanwerk ja, GOED EK GAAN
123 DAN VIR JOU SO BIETJIE DAAR RONDON VRA, WAT EK
124 WIL WEET IS, WAT JOU OPINIE OMTRENT DIE TIPE VAN
125 OPLEIDING IS OF HOE HULLE DIE OPLEIDING GEDOEN
126 HET, OF DAAR ENIGE PROBLEME WAS. SO AS JY NOU
127 MOET Sê GEBASEER OP JOU ERVARING, WAT WAS DIE
128 STERKPUNTE VAN DIE OPLEIDING GEWEES? Ja, dat ons
129 met mekaar moes praat en dat hulle ons betrokke gekry het,
130 want ons het almal gepraat, nie net sy het nie alleen gepraat nie
131 ons het almal deel gehet daaraan. ENIGE IETS ANDERS WAT
132 VIR JOU UITGESTAAN HET, WAT JY WEER LATER KON
133 GEBRUIK OF WAS DAAR NIKS VIR JOU NIE?
134 Konflikhantering sou ek sê en om selfhandhawend te wees.
135 HOE PAS JY DIT NOU TOE, PAS JY DIT TOE? Ja, ek pas dit
136 toe in 'n mens moet eintlik selfhandhawend wees, 'n mens kan
137 nie net altyd ja sê vir iemand nie en om konflik te hanteer 'n

138 mens kry daaglik daarmee te doen, dan moet jy weet hoe om
139 op te tree.

140
141 EN DIE MANIER HOE HULLE VIR JULLE DIE OPLEIDING
142 GEGEE HET, KAN JY NOG ONTHOU HOE HULLE DIT
143 GEGEE HET? Ja, ek onthou hulle het byvoorbeeld goed
144 neergeskryf en dan het hulle daarvoor gepraat en dan het ons
145 ook ons insette gelewer, almal het deelgeneem.

146
147 ENIGE IETS IN TERME VAN SWAKPUNTE VAN DAAI
148 OPLEIDING ? Ek sou nie sê daar's swakpunte nie, want dit was
149 altyd mooi uiteengesit , hulle was altyd goed voorberei.

150 AS JY DIE MAG SOU Hê OM IETS TE KON VERANDER AAN
151 DIE PROJEK, WAT SAL JY ANDERS WOU DOEN? Daar's nie
152 eintlik iets wat ek anders sou wou hê nie, ek sou dit dieselfde
153 wou hou. ENIGE VOORSTELLE WAT JY AAN KAN DINK HOE
154 'N MENS DIT NOG BETER KON MAAK? Nie regtig nie. ENIGE
155 IETS WAT JY DALK BY DIE ANDER OPGETEL HET WAT DIT
156 VIR HULLE MOEILIK GEMAAK HET OM BETROKKE TE BLY
157 DIE PROJEK? Nee wat, niks nie.

158
159 HOEKOM HET JY OPGEHOU MET DIE VRYWILLIGE WERK?
160 Want ek kan nie altyd vrywillige werk doen nie, ek moet iets
161 anders ook doen, dit is hoekom ek opgehou het. TOE HET JY
162 DUS OPGEHOU DIE EINDE VAN 1996. WAT HET JY TOE IN
163 DAAI VOLGENDE JAAR GEMAAK Ek het eintlik begin met die
164 Radiografie, maar aangesien ek nou net hierdie jaar 'n vak
165 herhaal, is ek nog steeds besig met my kursus. IS JY NOG
166 ENIGSINS BETROKKE BY JOU GEMEENSKAP OP 'N
167 VRYWILLIGE BASIS? Nie op die oomblik nie.

168
169 DINK JY VOLCANO MOET VOORTGAAN? Ek sal so dink ja,
170 definitief, ja, want die onderwysers kry nie tyd vir die kinders wat
171 agter raak nie en daar is mense wat vir hulle moet help, so ek
172 dink dit moet definitief aangaan. ENIGE IETS ANDERS WAT JY
173 NOG GRAAG MET MY WIL DEEL? Nee.

174
175 HET DEELNAME AAN VOLCANO ENIGE IETS AAN JOU
176 VERANDER? Ja, soos ek reeds gesê het selfgeldendheid en
177 om konflik te hanteer, om in 'n groep te werk, veral ek wat nou in
178 die hospitaal werk, is dit belangrik nou om met ander mense te
179 werk en met hulle te kommunikeer. DINK JY DIT IS IETS WAT
180 JY NOODWENDIG BY VOLCANO GELEER HET? Ek sou sê
181 Volcano het deel daarvan bygedra. WAAR HET JY NOG
182 ANDERSINS BLOOTSTELLING GEKRY? Wel, op die oomblik
183 doen ek 'n tydelike werk by die gym, ek werk met kinders, so ek

184 sou ook sê daar. DINK JY DAT JY BEGIN WERK HET BY DIE
185 GYM OMDAT JY ERVARING GEHAD HET VAN WERK MET
186 KINDERS? Ja, ek sou so dink. EN AS JY NOU SELF
187 KINDERS MOET Hê, SAL JY VAN DAAI GOED TOEPAS?
188 Hopelik sal ek.

BYLAE E

**1 TRANSKRIPSIE VAN ONDERHOUD MET VRYWILLIGE
2 WERKER NOMMER 4 VAN 1995 SE GROEP.**

3
4
5 WATTER WERK DOEN JY TANS? Ek is op die huidige
6 oomblik besig met breakdance klasse nog steeds by Peace Inc.
7 ek is ook Peace Inc se marketing assistant, ek doen al die
8 bemarkingswerk vir Peace Inc self, dit is basies wat ek nou
9 doen. Alles wat ek doen is nog vrywillig en ek geniet dit nog so
10 ver. DAAR IS DUS NIEMAND WAT VIR JULLE BEFONDSING
11 DOEN NIE? Op die huidige oomblik het ons nie befondsing nie
12 h.. soos die dame wat nou hier was, (*), sy is van CWD,
13 Catholic Wealth Department, ons het nou saam met hulle
14 gekamp en hulle wil graag hê ons moet affilieer met CWD, dit is
15 basies. NOU AS JULLE AFFILIEER BETEKEN DIT DAT
16 JULLE SAL FONDSE KRY? Hopelik, hopelik . O.K., SO JY IS
17 NOU AL HOEVEEL JAAR BESIG MET VRYWILLIGE DIENS?
18 Hmm... vanaf 1992 '93. SJOE, JY IS AL LANK IN DIENS VAN
19 RAVENSMEAD, WAT BEHELDS DIE WERK WAT JY MOET
20 DOEN HIER? Hmm.. ekke moet die dansgroepe koördineer, ek
21 gee vir hulle styles om te oefen, daars breakdance, b-boy styles
22 hmm.. ek moet ook sorg dat al my papierwerk van my groep
23 SIF in orde is WAT IS SIF? Dit is my dansgroep se naam:
24 Small Individual Formats, hmm.. onse jonge b-boy groep
25 bestaan min of meer uit 23, 24 lede, dit is die junior en senior
26 groep. Dan het ek ook 'n sanggroep waarby ek betrokke is,
27 Versatile, hulle is ook by Peace Inc., dis ook vrywillig, dan het ek
28 ook onse bemarkingsgroep, The Creak, ons noem ons so, as
29 byvoorbeeld na 'n roadshow toe gaan dan gaan ons na die
30 parkies toe en dan speel ons saam met die kinders en so leer
31 ons hulle hoe om 'n instrument te bespeel en hmm..hoe om jou
32 stem reg te maak om te sing, hoe om breakdance te doen op
33 verskillende maniere, styles, en daai is basies al en dan moet ek
34 ook hmm.. hoe sal 'n mens sê bemarking, alles met bemarking,
35 sponsors kry vir my dansgroep en vir Peace Inc. en dan doen ek
36 die werk saam met my PRO, van Peace, dis nou (*). IS JY NOG
37 AL EEN VAN DIE OU KLOMP VAN PEACE? Sê maar ek is die
38 oudste een hierso dan is dit nou net (*) wat nou
39 projekkoördineerder is. WATTER SKILLS HET JY NODIG OM
40 AL DAAI KLOMP TAKE TE KAN DOEN? Hmm.. ek sal nie
41 eintlik sê jy benodig skills om dit te doen nie, as jy jouself is dan
42 gebeur alles maar vanself, soos ek, ek het myself gesê as kyk
43 soos dans hmm.. jy hoef nie goed te wees om 'n ding te doen
44 nie, ek geniet dit omdat dit is lekker vir my om seer te kry, veral
45 die moves wat ek doen dit is eintlik, maar ek is so gewoond aan
46 die pyn hmm.. ek dink dit al sonder om te voel, al kap my kop

47 teen die grond, ek sal opstaan, ek sal lag daaroor en dan gaan
 48 ek maar net verder, so ek sal nie sê jy benodig skills nie.
 49 EN OM DIE BEMARKING TE DOEN HET JY NIE DAAR
 50 SKILLS NODIG NIE? Vir bemarking het jy 'n paar skills
 51 nodig soos jy moet weet hoe om saam met mense te
 52 kommunikeer, jy moet kan weet om sê maar iemand vra vir jou
 53 iets, hoe om hulle te antwoord, hoe om hulle te hmm.. om nie
 54 jou respek so vinnig te verloor teenoor iemand nie, as iemand
 55 nou wil praat saam met jou, moet jy weet hoe om daai persoon
 56 weer af te bring tot op 'n sekere level. so ek sal nie sê jy het
 57 eintlik baie skills nodig nie, man, as jy jousef is dan kom alles
 58 vanself.

59
 60 GOED KOM ONS PRAAT 'N BIETJIE OOR VOLCANO, HOE
 61 OUD WAS JY TOE JY BY VOLCANO AANGESLUIT HET?
 62 Soe, ek sal nou mooi moet onthou, 23. Dit was 1994 SO JY
 63 WAS NOG BETROKKE BY DIE NASKOOLSENTRUM. Ja.

64
 65 HOE HET JY VAN VOLCANO TE HORE GEKOM? Die eerste
 66 keer toe ek in die Kaap gekom het toe het ek gehoor van Peace
 67 Inc. self, toe was hulle nou nog nie betrokke met Volcano nie.
 68 O.K. Volcano was toe al aan die gang, maar ek nie geworry
 69 daarmee nie hmm.. maar soos die tyd aangegaan het, het ek
 70 baie hier gekom en die mense het my baie meer ingelig omtrent
 71 die verskillende programme wat hulle aanbied, toe het ek
 72 gehoor van Volcano en Tag Team en toe het ek gesien ok, ek
 73 wil by Tag Team involve wees maar dieselfde tyd ook by
 74 Volcano aangesien ons nou met kinders werk. Toe het die
 75 maatskaplike werkster, (*), toe het sy vir my gesê, nee, ek is
 76 welkom en toe het ek maar my insette begin lewer. EN HOE
 77 LANK WAS JY BETROKKE BY VOLCANO, KAN JY ONTHOU?
 78 Hmm... ek sal nie kan onthou nie, dit was nie te lank nie. WAS
 79 JY NOG DAAR TOE HULLE BY DIE SKOLE BEGIN WERK
 80 HET? Ja, SO DIT MOET SO '95 WEES.

81
 82 WAT ONTHOU JY, WAT HET JULLE GEDOEN BY
 83 VOLCANO? Wat het ons gedoen by Volcano, hmm.. ons gaan
 84 uit na die skole toe hmm... by die skole gekom dan is daar 'n
 85 sekere klas leerlinge of sekere van die klaste dan moet ons vir
 86 hulle gaan probeer help skryf, en om hulle self te vind, want die
 87 kinders wat ons by die klasse gehad het, was agterstand, dis
 88 kinders wat byvoorbeeld hulle doen sekere goed wat hulle nie
 89 moet doen nie, maar omdat hulle dink dit is reg wat hulle doen,
 90 doen hulle dit maar net, maar ons moet probeer vir hulle
 91 wegtrek van daai wat hulle doen en vir hulle probeer leer
 92 sistematies by die projek self betrokke kry, soos leer hulle skryf,

93 teken, ons leer hulle self vind en daai is basies wat ons gedoen
94 het . KAN JY ONTHOU WIE WAS ALMAL BETROKKE
95 BEHALWE VRYWILLIGE WERKERS? Hmm.. daar was 'n
96 student, (*), sy het vir ons gehelp hoe om konflikhantering te
97 doen en hmm.. jouself, selfmotivering iets soos dit ja en
98 verskillende dinges, hoe om iemand te evalueer as jy nou kom
99 by hom, hoe om te praat saam met die persoon, sê maar jy voel
100 sleg , moenie skaam wees om te praat saam met iemand
101 daaroor nie, as jy iets slegs gedoen het, moet nie skaam wees
102 om daaroor te praat nie of as iemand na jou toe kom en jy sien
103 die persoon het 'n probleem hoe om daai probleem vir daai ou
104 so maklik te maak so dan hoef jy nie uit jou way uit te gaan om
105 hom te help nie, hy is eintlik daar om homself te help, jy probeer
106 hom nou net help om daai sekere punt te kom.

107
108 WAT HET JOU AANGETREK NA VOLCANO? Die liefde vir die
109 kinders, ek is baie lief vir kinders, dis net vandat ek nou van my
110 bendebedrywighede weggekome het, het 'n jong boy, een van die
111 skoolkinders wat ek by was, hy het vir die eerste keer omdat ek
112 in die bendebedrywighede was, het ek altyd opgelet mense is
113 nie lief vir 'n persoon soos ek nie, as jy 'n gangster is dan sê die
114 mense jy is 'n gemors, so nou, ek het altyd vir myself gesê as
115 iemand vir my sê ek is daai persoon, ek gaan dit maar aanvaar
116 ek is daai persoon, maar toe het een van die studentjies hier
117 een van die kinders hier vir my gesê ek is lief vir jou en daai het
118 baie diep in my hart ingeklim en ek het 'n bietjie sleg gevoel ook
119 omdat wat ek doen, ek het geweet wat ek doen, is verkeerd,
120 maar net omdat die kind vir my gesê het hy is lief vir my het ek
121 vir hom ook gesê ek is lief vir hom en van daai tyd af as die
122 kinders hier na my toe kom dan sê hulle altyd haai (*), dan groet
123 ek hulle en dan gee ek hulle 'n druk. WAS DIT EEN VAN DIE
124 VOLCANO KINDERS WAT VIR JOU GESÊ HET HY IS LIEF
125 VIR JOU? Ja, dit was een van hulle en toe besluit ek, ek gaan
126 maar aan. TOE JY BY VOLCANO AANGESLUIT HET WAS JY
127 NOG STEEDS BETROKKE BY DIE BENDES? Hmm.. toe ek
128 begin daarmee, toe ek begin het by Volcano het ek begin
129 basically onttrek daarvan, omdat ek het gesien ek het meer iets
130 konstruktiefs gehad om te doen, maar van my vrinne wat nog in
131 die bende was, het vir my gesê daai wat jy doen, is gemors
132 man, jy word nie eers betaal daarvoor nie, kom ons gaan rob
133 iemand vir geld of so , dan sê ek naai man julle ouens julle weet
134 nou ek het nou baie meer responsibility en as ek in die pad
135 loop dan vind, dan sien die mense my as 'n rolmodel en nie as
136 'n roadmodel nie, want as ek in die pad in loop die mense sien
137 nou net jy is daai ou, maar van ek by Volcano betrokke geraak
138 het, het dan sien mense my dan sê die kinders: "Mammie,

139 daar's (*), (*) gee vir my daai klas en hy leer my dit". Dan kom
 140 die ouers self na my toe, maar as die ouers self dan sien, nee,
 141 maar kyk hoe lyk die ou dan hy lyk nie vir my reg nie, dan sê ek
 142 nee, dit was ek maar ek wil graag nou wegkom van daai af en
 143 ek wil graag hê die gemeenskap moet my help om daar te kom.
 144 So ek sal maar sê ja dit is meerder die kinders vandat ek
 145 beginne lief raak het vir die kinders toe het ek my dinge beginne
 146 stop. DIT MOES NOGAL 'N GROOT OMMEKEER GEWEES
 147 HET, WAS DIT NIE VIR JOU BAIE MOEILIK NIE? Vir 'n tyd
 148 was dit vir my moeilik hmmm... ek het nooit geworry om by die
 149 huis te slaap nie, ek het by ander mense geslaap, ek het teen
 150 die mure geskryf, ek het lelik gevloek en ek het mense sommer
 151 getrap in die pad en so en gedreig, so ek sal sê dis vir my 'n
 152 groot stap, maar vandag soos ek nou hier sit, voel ek nee maar
 153 die stap was vir my die moeite werd. HET JY NOG KONTAK
 154 MET VAN JOU OU BENDELEDE, IS DAAR NOG VAN HULLE
 155 WAT 'N OMMEKEER GEMAAK HET? Daar's een ja, hy bly
 156 nou daar in Belhar, hy het my eintlik baie geïnspire om weg te
 157 kom van die bende af en vandag is hy 'n pastoor. Ek gaan sit
 158 baie by hom as ek 'n paar probleme het dan gesels ek saam
 159 met hom en so. Vandat ek en (*) ook bymekaar gekom het, o.k.
 160 vir my voel dit alles wat ons basies saam gedoen het, was goed
 161 omdat toe ek vir hom ontmoet het, het ek my gangstervrinne
 162 begin los, want ek het geglo hy is my vrind, want hy was die
 163 skouer om op te huil, hy het altyd vir my gesê kyk hier daai wat
 164 jy doen is verkeerd, jy moet nie daai doen nie.

165
 166 HET JY ENIGE VORIGE WERK GEDOEN VOORDAT JY BY
 167 VOLCANO AANGESLUIT HET? In die tyd wat ek nou met die
 168 bendebedrywighede besig was, was ek 'n sekuriteitswag en het
 169 ek my werk sommer so verloor deur middel van die goed wat
 170 ek gedoen het, want as 'n mens soos wat hulle vir my gesê het
 171 as jy iemand vang, moet jy nie eerste die persoon aanrand en
 172 so nie. Vir my was dit lekker om iemand aan te rand en ek wil
 173 nie terugkyk daarna nie, daai wat ek gedoen het, daai was nie
 174 die (*) wat die mense vandag ken nie.

175
 176 WATTER STANDERD HET JY OP SKOOL BEHAAL? Ek het
 177 gegaan tot standerd agt, toe het my pa en ma destyds geskei en
 178 toe het ek nou daai tyd uit Johannesburg uit gekom om hier te
 179 kom klaar maak, maar toe ek sien my ma kry swaar toe het ek
 180 sommer besluit om die skool te los en eerder 'n werk te vat. IS
 181 JOU MA DUS OOK HIER IN RAVENSMEAD? My ma bly nou
 182 al vier jaar hier DIT MOET SEKER VIR HAAR OOK
 183 WONDERLIK WEES OM DIE NUWE (*) TE SIEN? Ja, dit is.

184

185 GEBASEER OP JOU ERVARING WAT SAL JY SÊ WAS DIE
186 STERK PUNTE VAN DIE PROJEK? Hmm.. om te sien hoe die
187 kinders respond as hulle sien hier kom (*) aan, ek wonder wat
188 gaan hy vandag met ons doen, dit is altyd net om hulle
189 gesigsuitdrukking te sien en hier kom die mense alweer en ek
190 moet my regmaak vir nog 'n nuwe ding, want hulle weet elke
191 keer dat ons na die skool toe kom is dit iets nuuts.

192 WAT SAL JY SÊ WAT WAS DIE SWAKPUNTE? Hmm.. daar
193 was 'n paar swakpunte, ek sal nie eintlik sê dit is swakpunte nie,
194 dit is iets, partykeer as jy hier aangekom het was jy nie lus om
195 na die skole te gaan nie, omdat die mense wat altyd saam met
196 jou is, party druk jou af en ander lig jou op, omdat kyk, die
197 situasie waar ek was, ek was partykeer baie afgedruk maar
198 partykeer lig hulle jou weer op. HOEKOM DINK JY HET HULLE
199 VIR JOU AFGEDRUK? Ek dink omdat die situasie waarin ek
200 was, want ek het nie geworry om by die huis te slaap nie en ek
201 het dagga gerook WAS DIT TERWYL JY DEEL VAN DIE
202 PROJEK WAS? Ja, hulle het altyd gesien ek moet 'n skoon
203 mens wees en toe ek besluit om deel te wees van die projek het
204 baie gesê ek moet nie daai ding doen nie, want dit pas nie by
205 my way, want ek moet daar gaan staan voor kinders en sê nou
206 hulle praat miskien nou oor 'n sekere ding dan lyk dit nou amper
207 ek gaan skuldig voel, omdat ek weet ek doen die ding, maar ek
208 praat nou saam jy moet nie die ding doen nie. SO DIE
209 OORGANG MOES NOGAL MOEILIK GEWEES HET VIR JOU.
210 Ja, om te sê van worse af weer 'n bietjie beter en beter te raak
211 dat ek nou vandag hier op my beste is.

212
213 WAT HET VOLCANO VIR JOU BETEKEN? Ek sal sê deur
214 middel van Volcano is dit eintlik dat ek vandag hier sit, want
215 vandat ek by Volcano betrokke gewees het, het ek betrokke
216 geraak by Tag Team en ek het betrokke geraak by die drama en
217 ek het so te sê my eie groep gehad en hulle het my meer
218 leierskap, hoe kan 'n mens sê meer leiereienskappe gegee, hoe
219 om myself te bewys as jy in 'n situasie is, hoe om saam met
220 iemand te praat, hoe om vir iemand nee te sê, hoe om vir
221 iemand ja te sê, hoe om jouself te bewys. Toe ek by Volcano
222 kom, het ek vir myself gesê dit is waar ek my gaan begin en dit
223 is waar ek gaan eindig, so ek gaan hier by Peace wees tot en
224 met ek eendag getroud is.

225
226 EK WIL SO 'N BIETJIE PRAAT OOR DIE MANIER HOE DIE
227 STUDENT DIE SESSIES, WAARVAN JY NETNOU GEPRAAT
228 HET, VIR JULLE AANGEBIED HET, WAT IS JOU OPINIE? My
229 opinie, laat ek terug dink, as ek hier kom, laat sy my altyd lekker
230 voel, omdat ek weet daar is altyd iemand wat na my sal luister,

231 omdat ek toe ek betrokke was by die bende was daar nooit
232 mense regtig wat sal luister na 'n bendelid en so nie en vir my
233 was dit altyd lekker om saam met haar te gesels, want een ding
234 sy is straight forward met my. Sy het vir my gesê wat op haar
235 mind is, en dan sal ek altyd so ge hmm.. ja.. het nou ek weet
236 waar ek staan. Nou so as die klas aangaan en so en dan party
237 dae sit en kyk ek so dan kyk ek die klas so deur en dan wonder
238 ek so by self is, ek op die regte plek, want almal die mense om
239 elkeen het iets different in homself soos kyk soos byvoorbeeld
240 (*), sy was altyd op haar eie en daai laat nou weer vir my
241 inspire, want ek wil soos sy wees, dan is daar iemand anders
242 weer dan voel jy weer hoekom kan ek nie soos daai een wees
243 nie en soos die ene ek wil graag soos hy wees, maar elkeen is
244 iemand different op sy eie en ek het myself gevat , ok, ek is nou
245 klaar daai persoon ek is iemand different, maar ek sal graag wil
246 streef om soos elkeen individually te wees en ek dink die meisie
247 wat hier was wat vir ons dit aangebied het, het my baie meer
248 daai indruk gegee ek is nie so sleg soos ek myself dink nie, ek
249 is die persoon wat regtig die difference kan maak daar buite, dit
250 is net ek moet myself 'n kans gee, omdat ek nie myself 'n kans
251 gee nie, ek het gesê man (*) jy is flop en klaar man , almal gaan
252 jou sien as 'n flop, maar as ek myself so kyk vandag dan sal ek
253 nie sê ek so 'n flop nie dan sou ek vir haar graag in die hande
254 wou kry om vir haar dankie te sê, omdat sy vir my daai kans
255 gegee het, sy het gemeen (*) jy kan 'n different mens wees jy
256 hoef nie daai mens te wees wat jy nou is nie, jy kan jousef
257 uitskiet en jy kan jousef bewys teenoor almal, so ek sal sê die
258 way sy die klasse aangebied het vir my gewerk. DIT KLINK VIR
259 MY ASOF DIT WAT VIR JOU UITGESTAAN HET WAS DIE
260 FEIT DAT SY VIR JOU AS MENS RAAKGESIEN HET. Ja. SY
261 HET MOEITE GEMAAK OM VIR JOU TE LEER KEN. Die way
262 sy die les aangebied amper sy evalueer nie die hele groep
263 saam nie elke een word individually ge-evalueer, so sy wil graag
264 elkeen spesifiek op sy eie leer ken as sy praat saam met een
265 dan praat saam met almal, maar as sy saam met jou alleen
266 praat dan praat sy saam met sekere goed wat op jou pas, sy sal
267 nie saam met praat as sy weet ek hou nie van koffie nie dan sal
268 sy nie vir my vra of ek koffie wil hê nie, sien as sy weet ek hou
269 van tee dan sal sy vir my dit vra , sy sal nie iets saam met jou
270 praat waarvan jy nie hou nie, nou dit is wat vir my op my
271 gemaklikste gevoel, dit is hoekom ek voel ek vir haar wil dankie
272 sê, omdat sy vir my gedra het tot waar ek is.

273
274 ENIGE IETS WAT VIR JOU LAAGTEPUNTE WAS IN DIE
275 OPLEIDING? Daar was ek sal nie sê probleme nie hm.. so ligte
276 konflikies so tussen groepmembers wat ontstaan het, daar is 'n

277 paar probleme wat opgeduik het, byvoorbeeld as een laat kom
278 hy voel nie altyd om sy beste te gee nie, hy wil voel nou down
279 omdat hy vat dit so ek is nie op tyd nie, almal gaan nou check
280 hy is laat, hy's laat, hy is alewig laat of so, so daar was baie daai
281 druk omtrent almal, ek het ook baie keer mense 'n hard time
282 gegee, omdat ek vat dit so as ek my beste gee en die een wat
283 nou vir my wil toelaat om my beste te gee nie ek gaan kwaad
284 raak vir hom, omdat hier staan ek op die drumpel, ek wil my
285 beste gee maar daars die muur en die muur keer dat ek my
286 beste kan gee, nou ek het vir myself gesê (*) loop dwarsdeur die
287 muur en gee jou beste, maar verder aan sal ek nie sê daar was
288 probleme nie. WAS JY EEN WAT 'N PROBLEEM GEHAD HET
289 MET LAAT KOM EN OM VOOR TE BEREI VIR DIE
290 PROGRAM? Daar was partykeer ja, dan is jy nie lus vir dit en
291 so nie, nou kom die mense en sê (*) kom ons het 'n program en
292 jy het iets anders wat jy graag wil doen, maar nou daai
293 spesifieke tyd wat jy nou daai ding wil doen wat jy wil doen kan
294 jy dit nie doen nie dan is daar nou altyd iemand anders wat vir
295 jou sê kom jy weet mos jy moet doen, hoekom is jy so, jy weet
296 mos jy moet nie so hardegat wees en so nie, dan sê kyk nou
297 asseblief moet nie op my bors ry nie of dan raak ek kwaad,
298 maar na daai kwaadheit as ons klaar gestry het dan is daar
299 altyd ene in die groep wat sê onthou (*) ons het gister gepraat
300 van konflikhantering of ons het gepraat oor daai en daai
301 asseblief probeer, dan moet jy sê ok, ek is jammer man ek het
302 gemeen om vandag graag dit te gedoen het, maar ek gaan nou
303 nie kans kry om dit te doen nie, o.k dan sê hulle miskien kom
304 ons gee vir jou die kans om daai nou eers te doen, maar jy gaan
305 nog steeds saam na daai skool toe. SO JULLE HET MAAR 'N
306 BIETJIE AAN MEKAAR GESKAWE? Ja, baie.

307
308 AS JY DIE MAG SOU Hê OM IETS AAN VOLCANO TE
309 VERANDER, WAT SAL DIT WEES WAT JY VERANDER?
310 Hmm.. ek sal nou nie eintlik sê ja nie, ek sal ook nou nie sê nee
311 nie. Ek sou graag my eie skole wou gehet het waar ek net
312 Volcano projects kon doen, nie net vir die jongspan nie, maar vir
313 mense soos die wat ongeletterd is, wat van die senior citizens,
314 mense wat nie kan skryf nie, wil ek graag leer skryf, mense wat
315 nie ... daars 'n klomp goed wat ek wil doen, my gedagtes staan
316 oop vir alles, as daar 'n nuwe ding in my kop kom dan try ek om
317 hom op wit en swart te sit dat ek nie kan vergeet van hom nie.
318 As een mens net sê Volcano, die eerste ding wat in my kop kom
319 is kinders, ek is lief vir kinders.

320
321 DIT IS LEKKER OM TE HOOR JY IS OPGEWONDE, HOEKOM
322 HET JY OPGEHOU BY VOLCANO? Hmm.. ek het 'n paar

323 huislike probleme gehad destyds en ek het net gevoel ek sal nie
324 die ding enduit maak nie, want vir my was dit baie deurmekaar,
325 cause why my pa het altyd vir my afgebring, omdat ek is die
326 oudste, maar ek is die ene wat al die probleme het, en ek het
327 altyd vir myself gesê kyk (*) as jy 'n problem het jou ouers is die
328 mense wat jou moet kan help en as jy nie 'n ouer het om na toe
329 te gaan nie, is daar iemand daar buite wat vir jou kan help met
330 daai problem en as jy daai iemand kry, sal jyself sien daai
331 persoon sal vir jou help. So daar was 'n paar family problems
332 wat ek vandag nog het soos my pa het vir my weggegooi, hy het
333 nie geworry oor my nie, nou nog hy worry nie oor my nie hmm..
334 ek was nou drie jaar was ek in Johannesburg toe het hy weer 'n
335 probleem gehad met my en so ek neem hom nie kwalik nie hy is
336 nou wel my ouer, maar omdat ek nou vandag my eie grootman
337 is, dink ek vir myself, ek moet vir myself 'n lewe bou, het ek vir
338 myself gesê jy moet aangaan ek kan nie my ouer blameer vir
339 die mens wat ek was nie ek, moet dit vir myself beter maak,
340 want ek het dit vir myself geskep. Ek het altyd vir my pa gesê:
341 "Daddy, moet nie worry nie, een van die dae dan gaan ek
342 change en die dag as ek gechange het, sal jy die eerste
343 persoon wees vir wie ek sal kom sê, al hou jy nie van my nie, al
344 like jy nie my style nie." My pa het ook die way gehad van
345 bendes en vroue, maar ek praat elke dag saam met my broers
346 en daai laat my nou soos 'n ouer voel, ek is nou die pa in die
347 huis, want my oupa is nou nie meer daar nie, nou almal in die
348 huis kyk op na my toe as ek iets verkeerds doen, hulle gaan nie
349 na my broers toe nie hulle gaan na my toe so ek is nou die
350 ouerfiguur in die huis, ek moet nou kyk dat alles reg loop. DIT
351 IS WONDERLIK, EK WEET NIE OF JY KINDERS HET NIE?
352 Ek het 'n seuntjie ja, maar hy op die oomblik, ek sal nie sê ek
353 het nie tyd vir hom of so nie, is nog altyd my bloed, ek is lief vir
354 hom, al het ek hom nog nooit gesien nie, want die meisie sy wil
355 nie hê ek moet die kind sien nie, omdat vir wat ek was en in die
356 tyd wat ek nou betrokke was by die bende het dit nou gebeur en
357 die ouers hou nie van my, omdat dit nou gebeur het en so, hulle
358 wil altyd sê, ja, maar vir die kind veral, ek het die kind een maal
359 gesien daai tyd toe ek hom gesien het toe sê die ma vir die kind
360 sommar jou pa is 'n gemors en klaar. SO HULLE KEN NOG
361 NIE DIE NUWE (*) NIE. Ek wil aan hulle net graag bewys ek is
362 nie meer daai persoon nie ek wil hê die mense in die
363 gemeenskap se oë moet oopgaan, en hulle moet my punt ook
364 raaksien, destyds ek vat my skuld wat ek destyds gedoen het,
365 ek het mense seergemaak, ek het mense se harte gebreek, ek
366 het mense beroof en ek val diep in my skuld, ek het al myself,
367 ek het al vir God om verskoning gevra en so, maar daar is nog
368 baie van die mense in Ravensmead self wat my nie kan

369 vergewe nie, dit is hoekom ek so baie terugploeg in die
370 gemeenskap. Ek gaan dan doen ek roadshows, ek praat saam
371 met kinders ek doen talks saam met mense in verband met
372 gangster bedrywighede, hoe dit is in die tronk, wat dit is om 'n
373 gangster te wees, glo my dit is nie lekker nie, ek wil hê die
374 mense daar buitekant moet regtig sien watter pyn ek moes
375 deurgegaan het en watter fight ek vir myself opgesit het om van
376 myself 'n beter mens te maak, want daar is nog baie mense in
377 die gemeenskap wat my nog kritiseer, maar ek neem nie die
378 mense kwalik nie, want ek weet vir 'n feit ek was daai so ek
379 worry nie, ek is nie meer daai nie en ek wil kyk in die future, dis
380 daai waar ek wil gaan. Ek het 'n klomp nuwe gedagtes in my en
381 ek wil daai gedagtes nie vir myself hou nie, ek wil dit ook met
382 die gemeenskap gee en ek hoop hulle gee vir my 'n kans.

383

384 MY LAASTE VRAAG, DINK JY VOLCANO MOET
385 VOORTGAAN? Most definitely. AS JY MOET MOTIVEER,
386 HOEKOM, WAT DINK JY MAAK VOLCANO SO GOED DAT HY
387 MOET VOORTGAAN? Hmm.. ek sal nie sê Volcano is goed
388 nie, ek sal nie sê Volcano is die beste nie, vir my was Volcano
389 excellent, want dit het vir my 'n kans gegee om myself te bewys.
390 Ek dink Volcano sal moet meer kyk na die jongmense, want hier
391 is baie kinders wat nie meer wil skool gaan nie. Nou op die
392 kamp was daar 'n kind en ek vra hom om vir my iets te lees en
393 hy kan nie en dit het my seer gemaak, want ek kan lees, al die
394 mense kan lees, maar hy kan lees nie, hy behoort seker uit te
395 voel. Ek sou kon help ek het standerd agt en ek het daai merit
396 diploma vir werk met straatkinders en ek wil dit graag doen,
397 omdat ek weet vir 'n feit ek was 'n bendelid en as een van die
398 ander mense sien daai ou was dan 'n gangster en kyk wat doen
399 hy vandag, ek wil my eie after school program wil ek beginne,
400 omdat ek weet ek het skills wat ek geleer het nou wil ek dit
401 terugploeg in my gemeenskap. Ek wil die ou mense leer skryf,
402 want ouma kan nie altyd vir kleinboet saambring vir die
403 pensioen nie, kleinboet gaan vir ouma rob, want hy weet ouma
404 kan nie tel nie. Ek wil hê hulle moet self daar staan en hulle
405 moet self kan skryf en sy moet self kan sê,
406 right my geld is reg.

BYLAE F

1 TRANSKRIPSIE VAN ONDERHOUD MET VRYWILLIGE
2 WERKER NOMMER 5 VAN 1994 SE GROEP.

3

4 KOM ONS BEGIN BY WAT JY TANS DOEN EN HOEKOM JY

5 BETROKKE IS BY DIT WAT JY TANS DOEN. Op die huidige

6 oomblik, tans is ek besig by die stad Tygerberg se departement

7 sport en rekreasie waar ek hmm.. besig is met hmm. waar ek

8 tans aangestel is as assistant rekreasie officer hmm.. Wat ek ,

9 my werk behels op die oomblik hmm.. dat ek baie werk met

10 mense in die sense dat ek baie met klein kinders, met jeug en

11 met bejaardes. En hmm.. wat ek ook daar by kan sê is hmm..

12 wat ek nou doen en wat ek in die verlede gedoen, het is vir my

13 baie soort van dieselfde soos in hmm.. wat ek amper kan

14 presies kan sê, is dat wat ek voorheen gedoen het soos bv. by

15 Volcano en wat ek nou doen Volcano het soort van net vir my

16 sekere riglyne gesit en wat ek nou doen is, ek gaan maar net

17 voort op wat ek destyds gedoen het. WAT DOEN JULLE MET

18 DIE KINDERS, JY HET NETNOU GENOEM JULLE WERK

19 MET DIE JEUG. Op die oomblik ons doen baie rekreasie goed

20 saam met hulle soos in ons doen baie puppet shows en dan

21 baie tye wat ons net gewone prettigerige tipe goeters met hulle

22 moet aanbied, maar nog altyd in die sense van ons moet iets vir

23 hulle gee om te kan huis toe vat aan die einde van die dag, nie

24 net dat hulle kom en dit was net fun al die tyd nie, so hulle kom

25 en het pret, maar op dieselfde wyse moet ons vir hulle iets kan

26 gee waarmee hulle kan huis toe gaan, so dit is wat ons en wat

27 vir my altyd snaaks is, ons kom by sekere plekke veral ons doen

28 baie arts en crafts tipe goed, tipe rigting wat ons nou ingaan en

29 dan kan ons altyd sien hoe dat die kind se problem dit, hy kan

30 nie lekker dit doen of hy knip nie lekker nie en dan is dit altyd

31 iets wat jy kan terug val tot Volcano het ons altyd dit gedoen. So

32 dan is daar nog altyd 'n manier wat die kind gehelp kan word en

33 as hy huis toe gaan dan kan 'n mens sien daai kind het iets

34 gekry aan die einde van die dag en dit was vir my belangrik. EN

35 HOE WERK DIT , IS DIT OP 'N DAAGLIKSE BASIS , HOE

36 WERK DIE PROGRAM? Ons program op die oomblik het

37 gegaan, gehandel nou die afgelope tyd was vakansietye dan het

38 ons twee weekliks uitgegaan na sekere plekke, na

39 gemeenskapsale toe, ons het gegaan na, na creches toe, na

40 sulke tipe plekke en dan het ons op so 'n manier gegaan bv. vir

41 'n hele maand het ons uitgesit, ok dit is ons mobile program.

42 Dan wat ons op daai mobile program doen vir daai heel maand

43 dan doen ons twee programme 'n week, in daai week gaan ons

44 bv. na twee creches toe, of na twee gemeenskapsentrums toe

45 of so aan en dan het ons baie gekonsentreer op kinders, baie

46 kinders dan werk ons net op kinders en dan praat ek van

47 kinders van 'n hm.. maak nie saak van watter tipe
48 omstandighede hy kom nie, maar aan die einde van die dag
49 praat ons van 700 –800 kinders wat ons in een saal moet besig
50 hou. EN HOEVEEL VAN JULLE IS DIT WAT BETROKKE IS?
51 Ons was dan , dit was ekke, dit was (*), dan het ons so twee,
52 drie volunteers wat ons help. JOE, JY MOET NOGAL WEET
53 WAT JY DOEN. HOE LANK IS JY NOU AL BETROKKE BY DIE
54 SPORT EN REKREASIE? Hierdie jaar is dit my sesde jaar wat
55 ek saam met hulle is. SO, AS EK NOU MOOI MY SOMME
56 MAAK IS DIT VAN OMTRENT DAT JY KLAARGEMAAK HET
57 BY VOLCANO. Ja. OK AS JY NOU KORTLIKS MOET Sê,
58 WATTER SKILLS HET JY NODIG OM HIERDIE HUIDIGE
59 WERK VAN JOU TE DOEN ? Die skills wat 'n mens nodig het
60 sal ek sê en ek sal miskien alle krediet in alle eerlikheid aan
61 Volcano gee, as dit nie vir hulle was nie, dink ek nie ek sou dit
62 gemaak het nie, ek sou miskien ingekom het by rekreasie, maar
63 ek dink nie ek sou so lank kon uitgehou het nie, want dit kos
64 nogal baie van 'n mens veral omdat die kind uit verskillende
65 agtergronde kom, die een kom uit 'n gebroke huis uit, daai een
66 het miskien 'n single parent, daai een hy bly by 'n voog of iets
67 soos dit en dit is dan baie belangrik om te kan daal op daai kind
68 se level en om hom dan regtig te laat special voel op 'n sekere
69 manier sonder dat hy voel maar ek word al weer voorgetrek op
70 'n manier, ek het nie dit nie of sulke tipe goeters. Dit kos nogals
71 baie van 'n mens af om daai kind reg op te som en soos ek sê
72 Volcano was regtig een van die goeters wat my in die tipe rigting
73 kon gesit het. Dan as ek moet teruggaan na fermheid toe, as ek
74 nie firm was in die eerste plek nie, sou ek dit glad nie eers kon
75 gemaak het nie, want dan ek weet nie my baas het partykeer 'n
76 probleem gehad met die manier hoe die dissipline toegepas is,
77 as ek vir die kind gesê het ek is jammer, ek gaan jou uitsit en
78 ons mag dit nie eintlik doen nie en ek sê ek gaan vir jou uitsit en
79 ek het dit die eerste keer gesê en ek sê dit die tweede keer, dan
80 loop jy. Ek gee nie om wie wat dink nie, ek het al sover gegaan
81 dat ek 'n hele program gestop het en dan het ek net vir die
82 mense gesê jammer kom ons pak op en dan sit daai kinders
83 daar en ek gee nie om wat hulle dink of wie wat van dink nie,
84 dan kom ons by die derde, vierde keer terug en as ek "julle wil
85 nie hoor nie, ek pak op" dan kan jy sien – daarsy – dit is wat
86 hulle soek . Hulle wil weet bedoel jy dit of bedoel jy dit nie. Was
87 dit nie vir Volcano nie wat eintlik die probleem was wat ek altyd
88 gehad het, was as ons iets nou geleer het miskien by 'n les of
89 iets soos dit, dit was vir my nooit regtig belangrik om dit die
90 volgende week toe te pas, dit was altyd vir my ok, met die tyd
91 sal dit kom, maar nooit ek het gesê dit sal met tyd kom nie,
92 maar as jy sien as jy in die situasie geplaas is wat gaan jy nou

93 maak dan kom al daai goeters terug. Maar die snaakste van
94 alles is baie van die goed wat ons destyds gedoen het, het ek al
95 beginne toepas by die werk in situasies al en dit werk. Dit het
96 nog altyd vir my gewerk en dit is hoekom baie mense sê vir my
97 jy of jy hou vir jou slim of jy het iets waarvan niemand weet nie.

98
99 HOE OUD WAS JY TOE JY BY VOLCANO AANGSLUIT HET?
100 Hmm.. ek moes 21 geraak het . EN DIT WAS AL , JY HET AL
101 VAN 1993 BY DIE NASKOOL BEGIN EN JY WAS TOT 1995
102 BETROKKE. Ja , dit is reg. EK GAAN NOU 'N BIETJIE
103 PERSOONLIK RAAK, MAAR VERTEL MY 'N BIETJIE WIE EN
104 WAT WAS (*) VOOR VOLCANO? Ek as (*) tot voor ek gekom
105 het by Volcano, by die naskoolsentrum sou ek sê was ek 'n baie
106 teruggetrokke persoon. Ek was baie, baie teruggetrek,
107 kompetisie was ek het glad nie eers gehou van kompetisie nie,
108 vir my was dit net ek was 'n persoon, ek het geweet ek sou dit
109 nooit kon maak nie. Ek was 'n dropout gewees, ek het ook
110 geweet dit is iets wat teen my tel . HOEKOM HET JY GEDINK
111 JY IS DROPOUT? Hmm.. omdat ek nie my skoolloopbaan
112 voltooi het nie en ek geweet het dit is iets wat altyd vir my 'n
113 struikelblok gaan wees in die lewe. Soos meestal al die mense
114 wat saam met my gewees het, was matrikulante en ek het maar
115 so by the way het ek ingekom en ek weet nie, maar daar was
116 iets wat dit vir my baie meer ek sou miskien sê moeiliker
117 gemaak het, maar in 'n mate ook was dit miskien ook die
118 challenge gewees ek gaan my nie laat klop deur enige iemand
119 nie en ek dink dit was my sterkpunt, ek het bly glo in myself.
120 Sekere tye het dit gevoel ok ek het alweer dit nie gemaak nie,
121 ek kan baie mooi onthou ek was altyd, ek wou altyd die een in
122 charge gewees het en ek dink die dag het ek hmm.. dinges was
123 nog by ons gewees, (*) en toe sien ek - (*) jy stap nie eers in (*)
124 se skoene nie en toe het ek amper beginne rebels raak, want
125 daar was so stadium toe van ons boys so beginne rebels raak
126 het en ek het geweet , aan die einde van die dag maak jy nie (*)
127 seer nie jy maak nie soos in vir (*) seer nie, aan die einde van
128 die dag gaan dit meer oor die projek en ek dink ons het meer
129 beginne, omdat ons die projek baie meer beginne respekteer
130 het, was dit baie meer makliker om te beginne sien het ok, die
131 projek ly hieronder en ons sal ons sokkies moet optrek en ek
132 dink na dit het ek meer en meer begin glo, meer serious deur
133 sekere goeters gaan soos assertiveness en veral watter tipe
134 persoon jy as sulks is en toe ons onself moet begin revisit vir
135 wie is jy regtig, toe het ek gesien die (*) wat ek hier sien op die
136 oomblik is 'n smokescreen alhoewel ons met die drama miskien
137 beginne gebruik het om meer uit te bring van jouself meer om te
138 overact, miskien baie makliker gegaan toe, maar met Volcano

139 was die ding wat baie goed vir my begin het soos hoekom moes
 140 ek in die eerste plek vere gevoel het teenoor (*) of teen enige
 141 van die ander mense, hulle was wel matriek maar op 'n manier
 142 het baie van leiereenskappe beginne baie meer ontwikkel toe
 143 en ek het baie sterker geraak in so 'n mate dink ek toe ek
 144 beginne besef dat (*) daai mense het matriek en hulle het
 145 gegaan vir dit, jy het nie gegaan vir dit nie, dit was jou mistake
 146 gewees, daar is baie maniere om op te maak daarvoor. En ek
 147 dink in 'n mate het ek baie, baie goete het begin opkom en
 148 hmmm.. behalwe dat ek baie terugetrokke is, is ek 'n persoon
 149 wat baie gou kon gehuil het, daar was tye wat ek gevoel het ok
 150 tot hiertoe en nie verder nie dan het die trane nou maar weer
 151 geloop en die emotional side sou ek sê is nog altyd daar, ek kan
 152 dit baie beter kontroleer. En die ander probleem wat ek gehad
 153 het toe ek begin het met die projek was ek baie emotional binne
 154 in enige situasie in, as ek gesien het nee, maar dit is die
 155 probleem met die kind het dan het ek die mistake partykeer
 156 gemaak om daai kind eerste te stel en dan het ek vergeet dat
 157 daar nog ander kinders in die groep en ek dink daai het begin
 158 probleme maak en ek dink iemand het dit begin raaksien, een
 159 van die studente en gesê, ok jy kan emotional raak in so 'n
 160 situasie, maar gaan kry jou limits en ek dink in elke proses en in
 161 elke wat gebeur het, het ek beginne leer ok nie so nie, probeer
 162 dit so. Daar was tye waar ek baie foute gemaak het en as ek my
 163 fout gemaak het dan het ek gevoel ok maar hoe langer ek in
 164 Volcano was, kon ek die personal growth beginne sien en
 165 beginne voel en baie ander mense kon dit ook sien, want waar
 166 ek was, want ek kon bv. sit vir my voor twee, drie mense om te
 167 praat – ek kon nie, dit was net 'n onmoontlike saak en soos ek
 168 sê sit my voor 700 - 800 kinders of hoeveel mense ek glo as
 169 sulks ek het miskien nie die skill gaan aanleer of so nie, maar ek
 170 vat 'n bet niemand sal my beat met public speaking nie. As die
 171 mense opsoek hmmm.. master of ceremonies, hulle weet
 172 waarnatoe om te gaan, (*)!

173
 174 **HOE HET JY VAN VOLCANO TE HORE GEKOM?**

175 Van ledig kan wees by die huis en niks nie werk nie, (*) het
 176 beginne hier by Peace met die dansery en so aan en toe het ek
 177 besluit ok, gaan kyk maar eers wat doen hulle. Toe kom ek hier
 178 aan toe sien ek maar die dans is nie regtig vir my nie, maar (*)
 179 het gesê, nee maar ek moet een middag, ek dink dit was 'n
 180 Dinsdag moet ek afkom tot hier en kom kyk wat, toe sien ek
 181 hier is die mense besig toe is dit die Ravensmead
 182 Naskoolsentrum. Toe dink ek ok wat gaan hier aan, ok hier is
 183 kinders, hulle speel buite toe, is dit nog nie heeltemal, 'n mens
 184 kon sien daar is structure, maar dit is nog nie heeltemal 'n

185 structured ding nie. Toe dink ek ok kom maar, ek het die eerste
186 dag gekom , dit was toe net Dinsdae en Donderdae, toe kom ek
187 maar die Donderdag weer en ek dink ek kan nogal gewoon
188 raak hieraan, toe het ek soos hulle sê heeltemal 'n, hoe sal 'n
189 mens sê die projek het my heeltemal begin insluk. Ek weet nie
190 of dit miskien, dit is jy kom hier, jy kry jou groepie kinders ons
191 beginne speel, ons beginne speel sokker, krieket, kyk ons hoef
192 nie heeltemal in die kant gegaan van ok dis die kind se
193 probleem ons beginne gaan meer in na nie, dit is net meer ek
194 was weg van die huis af en het begin dink aan en so gegaan en
195 agterna toe het ek baie dinges, baie beginne betrokke raak. En
196 toe het ons begin oorgaan na Volcano toe en toe het ons nog
197 baie lank gesukkel met die naam, ek kan met trots sê ek was
198 een van die mense wat die naam gevestig het. Ja, toe het ons
199 daar deurgedaan die naam is gevestig, ek glo nogal stellig baie
200 van die mense het beginne, omdat ons miskien deel was van
201 die kies van die naam , ek onthou dit was nog (*) se idee
202 gewees tussen Volcano en Rescue, dit was een van twee. Toe
203 ons kom by Volcano het ons besluit ok, dit is baie meer nie net
204 omdat dit op die projek as sulks nie, maar dit is baie meer op
205 ons ook gewees op volonteers en toe het ons gedink, ok dis die
206 eenne. Daarvandaan het ons maar gegaan elke dag, toe het
207 ons elke dag beginne bymekaar kom en daarvandaan kon 'n
208 mens sien kyk dit is groep, daar het baie mense gekom en baie
209 mense gegaan, maar die mense wat altyd gekom en gegaan het
210 , mens kon altyd sien al was hulle nie lank daar nie, het hulle
211 ietsie gekry. En daai iets wat hulle gekry het, al was dit miskien
212 net iets wat hulle op hulle CV. kon geplaas het, maar dit wat
213 hulle gekry het, was vir hulle dan genoeg en dan kon mens altyd
214 agterkom nou wie is die mense wat nog nie satisfied is met wat
215 hulle gekry het nie en kon 'n mens sê mense soos ekke, (*), (*),
216 (*), was ook nog deel van die kon jy sien daai's die mense wat
217 ok ons is nog nie satisfied nie miskien, omdat die
218 werkloosheidsyfer daai tyd ook miskien 'n probleem was, en dat
219 ons geweet het as ons hier weg gaan , gaan ons huis toe en wat
220 gaan ons dan doen?

221

222 WAT ONTHOU JY VAN DIE PROJEK?

223 Daar is so baie goed ek kan baie goed onthou ons heel eerste
224 student wat ons gehad het, (*) en wat vir my baie goed was,
225 was met die tipe studente wat ons gekry het, daai was vir my
226 van die highlights gewees, wat ek miskien altyd kan onthou elke
227 student wat ons gekry het, daar was altyd iets anders wat ons
228 by daai persoon gekry het. (*) was, miskien was sy die regte
229 persoon waarmee die projek moes beginne, want sy was baie
230 vriendelik, sy was partykeer het gelyk oorvriendelik en ek het

231 amper beginne dink o... dis my eerste love. Dan was daar weer
232 mense soos (*) dan kan jy weer sien o... die een is ferm, die
233 een is weer 'n, to the book person, die een is baie admin
234 orientated, ok ek is nie 'n persoon vir admin nie, maar dis my
235 ideas. Dan is die een student wat ons gekry het weer altyd die
236 opportunity gegee ok. Ek wil hê die program moet so gaan,
237 maar gee vir my ideas dan het ons gevoel ok ons eien self die
238 projek as sulks kom ons dit hier in al is dit 'n song wat ons
239 ingesit het of 'n game wat ons ingewerk het, daai was vir my in
240 effek smart gewees hoe ons altyd iets anders by 'n student
241 geleer het en as daai student weg gaan, kon jy altyd sien, ok die
242 mense is taamlik op hulle beplanning en daai was nogal vir my
243 smart gewees. Ok ek was nog nie 100% up to standards dat ek
244 admin orientated sal wees nie, maar die belangrikste is ek het
245 beginne besef dit is my probleem, dit is 'n leemte by my en was
246 dit nie vir die mense wat, vir die studente wat daar deelyds was
247 nie en daai follow-ups wat daar was, want daai was smart, want
248 ek weet vir 'n feit eens op 'n tyd het ons gevoel daars nie eintlik
249 'n follow-up nie en dus hoekom die mense begin wegsak of daar
250 het iets beginne doodgaan in die projek en toe die follow-ups
251 beginne, kon 'n mens beginne sien ok die persoon weet wat hy
252 gekry het en daarvolgens het ons verder gegaan . AS JY
253 PRAAT VAN DIE FOLLOW-UPS, WAT BEDOEL JY
254 DAARMEE? Follow-ups, kyk soos wat gebeur het, is die een
255 student het altyd, sê ons het gedoen kleure, die volgende
256 student het ingekom en vorms gedoen, maar dan het ons
257 geweet gaan die regtig al daai kleure onthou en dan het die
258 vorms terug gegaan soontoe en dan het jy gekry jou rooi sirkel
259 of jou geel driehoek en dan het die kinders dit onmiddelik
260 geweet en dan voel jy nou beginne maak jy impak, en dan werk
261 dit, maar as jy nou gekry die volgende persoon kom net in ok,
262 ons doen iets anders en dan dis totally dan different of dis iets,
263 die kind gaan iets op die ou einde daaruit, kry maar wat dan
264 gebeur, is wat gebeur dan met die vorige lesse? Infact, my laai
265 is nou nog vol van vorige lesse en notas omdat ek voel nie dit
266 gaan vir my iets wees sit dit in 'n file en sit dit weg nie soos ek
267 weet vir 'n feit ek werk nog altyd met kinders, ek het twee van
268 my eie kinders en ek weet een of ander tyd moet ek vir my kind
269 gaan sê daai's rooi en ek moet dit op 'n baie makliker manier vir
270 hom kan sê of ek moet vir hom 'n vorm kan verduidelik en dit is
271 hoekom ek gevoel het, ek gaan al my goed vir my net so hou.
272 Vriendskap, daai is maklik een van ons grootste goed wat ons
273 kon gekry het, ons het nie geld gekry nie baie van ons wil dalk
274 nie regtig daai geld gehet het nie, maar die tipe goed wat ons
275 gekry het, daai vriendskap was as ek moet sê van my kant af
276 baie belangrik. Ek gaan jok as ek sê ons het mekaar goed

277 geken ons was dalk saam by een skool miskien, maar ons het
 278 nooit regtig mekaar gesien of geken nie, ons het verby mekaar
 279 gestap op skool totdat ons hier by Volcano beginne praat en
 280 dan sou ons agterkom was jy by (*) ja, ek was in mnr. Dit se
 281 klas en dan het 'n mens beginne besef, maar ons is so verby
 282 mekaar en dan het ons regtig beginne kliek. Dit was toe nie
 283 agterna 'n projek vriendskap nie ons, was naweke was ons
 284 saam, ons het probeer om elke oomblik van die dag wat ons
 285 kon gekry het in 'n naweek was ons saam as ons Sondae na
 286 een van die mense se huise toe kon gaan, het ons dit gedoen,
 287 daai was ook een van die baie belangrike goeters en ek dink dit
 288 het ons daai tipe team gemaak wat baie goed saam kon gewerk
 289 het, want ons het presies geweet ok as ek miskien ingekom het
 290 dan kon mense soos (*) gesien het o... (*) het nie 'n lekker dag
 291 of hy het nie 'n lekker tyd gehad by die huis nie, wat is dit? Dan
 292 kon ons met mekaar gedinges het, ons was baie open met
 293 mekaar as een 'n probleem met dit gehad het, kon een altyd
 294 gehelp het. EN HET JY NOU NOG KONTAK MET VAN DIE
 295 MENSE? Jip, ons het nog baie soos (*) se situasie is nou net 'n
 296 bietjie anderste hy werk nog baie keer nag dan kan ons nie by
 297 hom uitkom nie, maar elke oomblik wat ons kry maak ons maar
 298 dinges soos daar was 'n tyd wat ons kontak verloor het en ek
 299 dink toe (*) getrou het die aand het ons vir sy aanstaande gesê
 300 ons gaan vir (*) wegsteel, ons het hom weggevat vir hom 'n
 301 bachelors georganise alles. As ons nou mekaar sien by 'n dans
 302 of so is dit nog altyd dieselfde van hoe gaan dit met jou, hoe
 303 gaan dit met daai , die communications caps is nog altyd oop en
 304 daai is nogal vir my belangrik

305
 306 VOORDAT JY BY VOLCANO AANGESLUIT HET, HET JY
 307 ENIGE VORIGE WERK GEDOEN? Ja, sekuriteit. HOE LANK
 308 WAS DIT? Laat ek nou mooi dink, ek dink agt maande, en toe
 309 gooi hulle my met 'n baksteen en my knieskyf gebreek en toe
 310 besluit ek, ek is nie 'n target nie, ek bly maar by die huis. VIR
 311 HOE LANK WAS JY DUS BY DIE HUIS VOORDAT JY BY
 312 VOLCANO AANGESLUIT HET? Kom ons maak dit omtrent so
 313 ses na sewe maande. DIE TIPE WERK IN SEKURITEIT,
 314 WATTER VAARDIGHEDE HET JY DAAR GEKRY? Ek het
 315 gegaan vir hmm.. 'n opleidingskursus in Epping dis aangebied
 316 deur Manpower weet ek hmm... die vaardighede daarso is maar
 317 net om iemand te fisenteer en sulke tipe goeters, hoe om 'n OB
 318 boek in te vul , dit was meer 'n admin tipe ,maar dit was nie vir
 319 my nie. Dit was net nie (*) nie, glad nie.
 320 JY HET NET ST 8, KAN JY MISKIEN VIR MY UITBREI WAT
 321 WAS JOU REDES HOEKOM WOU JY NIE VERDER GAAN
 322 NIE? Hmm.. volgens my te gou groot geraak, ek het hmm...die

323 onderwyserleerling kwessie daai was eintlik die probleem, wat
324 gebeur het ek en my onderwysers het begin op dieselfde level
325 raak ons het saam begin socialize en dan kom ons in die klas
326 en ek weet ons was gisteraand laat saam uit , en dan my sport ,
327 want ek het klubrugby gespeel en skoolrugby en as ek nie vir
328 die skool speel nie dan is dit probleme en toe het ek besluit nee
329 ok los maar daai, dis nie vir my nie.

330

331 GEBASEER OP JOU ERVARING, WAT SAL JY SÊ IS DIE
332 STERKPUNTE VAN VOLCANO? Die vriendskappe en dan die
333 follow-ups wat gedoen was. Wat vir my ook iets goeds was ons
334 was nooit soort van bv. sê ons moes universiteit toe gegaan het
335 vir seker goeters ons moes daar 'n les of 'n ding gaan doen het,
336 dan die opleiding wat ons as sulks gekry het, was nie soos ek
337 gesê het die van ferm wees dan was daar iets soos
338 assertiveness, daar is so baie soos ok my beplanning's goed,
339 soos ek gesê, het ek is nie 'n admin iemand nie, maar ek weet
340 vir 'n feit wat om alles te doen so wat vir my belangrik was is die
341 skills wat ons aangeleer het is nie iets wat net vir die projek was
342 nie, dit was vir my 'n lifetime skill. Dit is goed wat jy vir altyd sal
343 onthou as jy dit wil onthou of as jy dit wil gebruik. En dit is
344 hoekom al daai goed het ek op my CV neergesit, want ek voel
345 daai iets wat mense sien dit en dan wil hulle weet het jy regtig
346 daai gedoen. Almal soek diplomas, maar dis iets wat ek nie kan
347 produce nie, maar ek weet vir 'n feit ek het dit, ek het die skill..
348 die opleiding as sulks was vir my baie meer en ek het dit daai
349 tyd ookal gesê vir my gaan dit nie oor geld nie, want ons was al
350 so lankal in die projek daar was tye wat ons oppurtunities gekry
351 het om iewers te gaan werk, maar ons wou nie, want dit wat ons
352 gekry het was vir ons te belangrik. Hmm..as ek nou by 'n
353 sekere punt of iets kan kom wat gebeur het daai tyd was met die
354 skill wat ons gekry het was wat vir ons belangrik was jy stap op
355 'n Saterdag en jy sien een van daai klonkies wat in jou groep is
356 kom aan met sy ma en hulle hello (*) , en daar gaat my meneer
357 of die ma kom na jou toe en sy sê vir jou dankie vir wat jy
358 gedoen het. Ons het nooit regtig recognition gekry nie, ok daar
359 was van die groepe wat 'n foto in die koerant gehad het ons is
360 bly vir hulle gewees dit wys, maar net waar hoe was hulle al
361 gevorder gewees dat hulle geweet ok ons gebruik die media,
362 wat ons nie gedoen het nie, ons het gevoel ons gaan die impak
363 op skool maak en klaar en dan met die oueraand ontmoet jy
364 kind se ouer en daai's ook belangrik, want jy kom in kontak en jy
365 hoor ok daai wat jy geobserve het, was dit heeltemal of was
366 daar nog iets diepers aan die gaan. Daardie iemand wat kom en
367 sê dankie vir wat jy gedoen het, daai was al genoeg gewees.
368 HOE HET DIT JOU LAAT VOEL? Dat hmm ek maak wel 'n

369 difference, daai was vir my belangrik, ek het wel 'n difference
370 gemaak in 'n kind se lewe al is dit een al is dit twee, glo my, baie
371 van die kinders wat op die oomblik onder rekreasie program
372 bywoon, is die kinders vir wie ek klas gegee het by of (*) of by
373 (*) en hulle almal kom soontoe en almal onthou my. (*) is een
374 van ons favourites hierso en hy was by Volcano.

375
376 GEBASEER OP JOU ERVARING WAT SAL JY SÊ IS DIE
377 SWAKPUNTE? Volgens my was daar net een keer iets wat net
378 nie vir my moes gebeur het nie of kom laat ons sê (*) het, sy
379 was die hele een persoon wat die ding geïnitieer het in die begin
380 in. Nou wat gebeur het, is toe gaan die projek al so het dit
381 gegaan ek kon sê die mense was al afhanklik van (*) af, sy het
382 nie meer nodig gehad om te spoonfeed nie, wat toe gebeur het
383 (*) het nog altyd geprobeer force om sy wou altyd by wees met
384 alles en baie van die volunteers het gevoel: ek weet wat is my
385 dag se werk ek weet wat ek moet gaan doen, maar (*) het
386 gevoel sy wil up to date wees en partykeer het dit gevoel sy
387 beginne pressure die mense en dan het dit gelyk amper die
388 volunteers gaan na die skole toe en sit agteroor of dis die
389 indruk wat ek toe gekry het. Wat ek daarby wil sê, is die
390 persoon wat die hele ding coördineer, kan insit, no problem, kan
391 feedback kry, no problem, maar nie daai elke dag so wat het
392 julle vandag gedoen, het julle julle goed vir daai in en ek dink baie
393 van die mense hou nie daarvan om so heeltemal gepress te
394 word nie. Die volunteers moet weet, ons weet julle kry die
395 betaling nie, maar ons trust julle met certain responsibilities jy
396 moet dit vat. Dit was daai en laat ek dink, niks anders.

397
398 KOM ONS KOM TERUG NA DIE OPLEIDING. GEBASEER OP
399 JOU ERVARING WAT SAL SÊ WAS DIE STERKPUNTE VAN
400 DIE OPLEIDING WAT JY ONTVANG HET? Ek gaan weereens
401 sê die roleplay is iets wat vir almal gewerk het en ek glo stellig
402 almal het dit regtig waar geniet. Want ek weet vir 'n feit moenie
403 vir my gaan sit en dan moet ek skryf nie, ek gaan sekere van die
404 goed gaan ek onthou, maar baie moontlik gaan ek die goed wat
405 ek moes ge-onthou het glad nie onthou nie, so wat die roleplay
406 gemaak het, was dit het jou so deel gemaak van die hele
407 situasie, want jy kom net by 'n situasie wat naastenby so is dan
408 weet jy dit is wat ek moet doen en daai was goed. EN VAN DIE
409 ONDERWERPE, WATTER SPRING DADELIK IN JOU KOP?
410 Die dag ek dink dit was met assertiveness en dan moet jy vir jou
411 'n diertjie kies watter dier dink jy is jy en dan moet jy sê hoekom
412 OK, WAT SAL JY SÊ WAS DIE SWAKPUNTE VAN DIE
413 OPLEIDING WAT DIE STUDENTE VIR JULLE GEGEE HET?

414 In alle eerlikheid die opleiding as sulks ek het glad nie 'n
415 probleem gehad nie.

416
417 AS JY DIE MAG KON HÊ WAT SOU JY VERANDER AAN
418 VOLCANO? Ok ek het dit wel gesê geld is nie belangrik nie
419 maar anderste manier van incentive kon gee, daai was miskien
420 nogal iets, ons het miskien ons het baie kere fleck gekry by die
421 huis hoe kom jy, waarnatoe gaan jy, ek bedoel ek is al die
422 oggend 8:00 weg van die huis af, partykeer voor 8:00 dan kom
423 ek die aand watter tyd huis toe, so dis altyd by ons ouers hulle
424 het dit nie altyd gesien soos ons dit gesien het nie, hulle het
425 beginne agterna besef wat dit regtig vir ons kan beteken, so vir
426 hulle was dit baie meer belangrik van jy bring niks huis toe nie
427 so al was dit, 'n mens kon dit begin agterna sien, dit is omdat jy
428 niks huis toe bring nie. Veral met die oueraande dan was daar
429 altyd iets voorgesit vir die ouers, maar dan was daar altyd
430 genoeg oor. Wat dan gebeur het, (*) hulle het altyd gesê pak vir
431 julle in dan kon jy huis toe gaan en sodra jy inkom en die mense
432 sien jy bring at least iets in, toe beginne dit te verander. So wat
433 ek miskien kan sê is as 'n mens miskien weer volunteers kry
434 soos wat ons ouderdom was, sal ek sê dit is miskien baie
435 belangrik om die ouers te kry op 'n manier, sodat hulle kan sien
436 ok dis waarmee my kind besig is, al is dit per brief, maar verder
437 is daar niks wat ek wil verander nie.

438
439 HOEKOM HET JY OPGEHOU MET VRYWILLIGE WERK?
440 Hmm.. ek sal nie sê dis omdat, vir my was dit meer 'n moet
441 saak, omdat ek het beginne besef daar is iets in die lewe om te
442 bereik en ek het geweet dit gaan vir my 'n harde pad wees
443 verder vorentoe as ek moet weggaan van Volcano af en om te
444 achieve wat ek wou geachieve het en ek is weg na rekreasie.
445 Die rede vir rekreasie is ek werk weer met kinders en ek weet
446 ek werk nie met kinders van die Tyger Hills en die tipe nie en ek
447 het besef dit is nie omdat ek baie van kinders hou nie, maar
448 omdat ek 'n community orientated persoon. Ek het bereik wat
449 ek wou bereik het, maar nog nie heeltemal nie, die werk moet
450 nou net permanent raak.

451
452 DINK JY VOLCANO MOET VOORTGAAN? Definitely, rede: 'n
453 mens kan sien dat die kinders van vandag raak is op 'n heel
454 ander level as wat toe ek bv. 'n kind was, want toe ek 'n kind
455 was die manier hoe ek sien die kinders vorder as bv. 'n
456 inkleurkompetisie hou vir verskillende ouderdomsgroepe dan
457 kan 'n mens sien die kind van 8 –9 jaar en toe ons destyds daai
458 ouderdom was, kan jy sien die tipe kwaliteit wat hulle gee is
459 sekere kere as jy in 'n area kom dan kan jy sien die kinders is up

460 to standard, maar in sekere areas kan jy sien o.. hiers
461 problems, want hulle kleur heeltemal oor lyne in, kan nie eers
462 ordentlik 'n skêr hanteer nie, al die tipe goed en dan is dit goed
463 wat ek weet waarvoor om te kyk. Ek weet wat om dop te hou en
464 dan weet jy ok gee vir hom iets groter om in te kleur dat hy nie
465 voel ek doen dit lelik nie, wat jy eintlik maak, is jy probeer daai
466 van hom toedruk, ok jy het nie eintlik 'n probleem nie man, dit is
467 maar net omdat dit iets klein is, vat iets groter. Ons sien die
468 problem, maar ons kan niks maak aan die problem nie, dit is
469 hoekom ek sal sê Volcano ja, maar dit moet aangaan.

BYLAE G

**1 TRANSKRIPSIE VAN ONDERHOUD MET VRYWILLIGE
2 WERKER NOMMER 7 VAN 1998 SE GROEP.**

3
4
5 WATTER WERK HET JY GEDOEN VOORDAT JY BY
6 VOLCANO AANGESLUIT HET? Ek het eintlik administratiewe
7 werk, klerk, ek het hmm.. stock control en reception, basies
8 sekretarieël oor die jare en verskillende poste bekleë. Dit het ek
9 vir 20 jaar of meer gedoen. WAT WAS JOU LAASTE WERK?

10 Laaste werk was ek so 'n jaar en 'n half en die een voor dit omtrent
11 8 jaar. Die rede hoekom ek opgehou het werk, is omdat daar
12 eintlik nie meer werk was nie, plekke waar ek gewerk het, het
13 toegemaak en hmmm.. toe is dit nou maar die situasie dat die
14 ouderdom wat jy is kry jy nie meer sulke tipe werk nie en
15 werksgeleenthede was maar baie swak. HOE LANK WAS JY BY
16 DIE HUIS VOOR JY BY VOLCANO BEGIN HET? Amper seker 'n
17 jaar. Ek was net by die huis – geen ander werk gedoen nie.

18
19 HOE OUD WAS JY TOE JY BY VOLCANO AANGESLUIT HET?
20 Hoe oud was ek dan toe, seker 45 – 46 jaar.

21
22 HOE HET JY VAN VOLCANO TE HORE GEKOM?
23 Ek het eintlik 'n advertensie gekry by iemand. Ek het 'n pakkie slap
24 chips gekoop en toe het hulle nou my chips in die pakkie
25 advertensieblaaitjie toegedraai. Toe ek nou by die huis kom, toe
26 sal ek sien, wag hier is nou vir my 'n werkie. WAS DIE
27 ADVERTENSIE IN DIE METRO BURGER? Nee, dit was 'n
28 pamflet wat hulle self gelaat maak het wat hulle soos by die
29 winkels gelos, dan as mense inkom, kan jy net ene neem vir jou.

30
31 WAT HET JOU AANGETREK NA DIE PROJEK? Hmm.. die feit is
32 eintlik ek het op 'n stadium deur 'n baie finansiële krisis gegaan
33 eintlik en ek moes werk kry en hmm.. die beste plek is maar op jou
34 knieë en toe het ek met die Here gepraat en gesê, Here ek gaan
35 vrywillige werk doen, so as U nou net vir die kinders kan voorsien
36 van 'n werk, sodat daar darem iets in die huis inkom en snaaks
37 genoeg toe kry ek dit mos nou, toe voel ek nou hier is my werk
38 nou, wat die Here my gestuur het nou en ek het toe gegaan en
39 hmm.. dit het nie vir my in die begin lekker gelyk of was nie lekker
40 daar nie. Ek het nie lekker aangepas en so nie, maar omdat ek
41 geweet het ek moet uithou toe het ek uitgehou. Die Maandag het
42 ek begin by Volcano en die Dinsdag het die Here werk gegee vir
43 die kinders you know en ek moet toe mos nou my kant toe nou vol
44 staan, dit is eintlik waarom ek nog vandag hier is. WAT HET JOU
45 GEPLA TOE JY AANGESLUIT HET? Ek kan nou nie lekker
46 dinges nie, ek wil nou nie van anner mense nou maak. Ek dink die
47 mense wat daar was, hulle het hoe sou ek sê nie sommer nuwe

48 mense aanvaar nie. Dit was amper asof iets is waarvoor hulle
49 bang voor is, amper asof jy hulle plek gaan kom oorneem of iets
50 soos dit. WAS DIT JONGER MENSE OF MENSE VAN JOU
51 OUDERDOM? Daar was jonger mense en mense van my
52 ouderdomsgroep ook.

53
54 AS EK ELKE DAG DEEL WAS VAN DIE PROJEK, WAT SOU EK
55 GESIEN HET WAT JY DOEN? Hmm.. wel ons doen mos nou 'n
56 vrywillige diens, maar ons gee, help eintlik die skoolkind graad 1 en
57 2-kind met ekstra skoolles om die kind aan te help, want die juffrou
58 identifiseer die kind wat probleme het in die klas wat nou bietjie
59 stadiger is as die ander groep en dan werk ons per skool met so 20
60 tot 21 kinders in groepe en ons kry opleiding van die Universiteit
61 van Stellenbosch wat 'n arbeidsterapiestudent vir ons die opleiding
62 gee hoe om met die kind te werk en wat om met die kind te doen.
63 Alles word basies vir ons gegee, ons moet dit net gaan oorgee aan
64 die kind en dit is nie dat ons sukkel nie, die enigste rede hoekom
65 ons miskien sukkel, is omdat ons nie genoeg mannekrag het nie,
66 maar dit is eintlik vir my iets goed en die kinders aanvaar dit goed
67 en ek dink dit is iets wat regtig waar gehou moet word.

68
69 WATTER STANDERD HET JY OP SKOOL BEHAAL? Ek het
70 standaard 8 behaal.

71
72 GEBASEER OP JOU ERVARING, WAT SAL JY Sê IS DIE
73 STERKPUNTE VAN DIE PROJEK? Ek kan eintlik dink ek dit
74 gaan seker basies daarom die – die top management - dink ek is
75 nogals hmm.. ek moet dit nou vir juffrou sê, maar ek moet dink,
76 ek erken as dit ook nie vir juffrou is nie, was nie, die dryfkrag ek
77 dink dit is basies waar die sterkpunt is. HOEKOM? Want u is die
78 mense wat die program aan die gang hou en ek moet sê die
79 manier waarop u met ons handle né, en die studente ook – dit is
80 goed, dit doen jou in jouself goed, jy voel jy is 'n mens, jy voel jy
81 sluit iewers in en ... die omgee – dit voel ek. Ek voel ook dat as
82 hmm.. want kyk as 'n mens nou besig is met 'n ding, ek sou sê dat
83 die mense van bo gee nie om nie en jy sien hulle is nou maar net
84 daar jy moet maar net die ding doen en dan kry jy ook later daai
85 gevoel van ag te duiwel met hierdie mense man, jy weet dan sal 'n
86 mens nie so pligsgetrou wees nie, maar as jy sien dat die mense
87 wat agter die storie sit die pligsgetroue mense is, dan steek dit jou
88 eintlik aan. Dit wat ons ook fisies met die kinders doen is 'n goeie
89 ding, ek sou nogals dink amper die tyd is 'n bietjie te min wat ons
90 met hulle het, want ek voel as 'n mens nou vir vier dae nou maar
91 net die een kind kan sien – you know – dan sal dit baie beter
92 gaan, maar nou omdat ons hom 2 dae van die week sien, nou is
93 daai speling tussenin en dit gee nou nogals so dat as jy begin werk
94 het aan iets. nou kom die kind nou net om daai begrip te kry nou
95 sien ons hom nou weer nie môre nie nou voel dit sommer so jy wil

96 hom sommer saam met my vat, want nou kom die volgende dag,
97 nou sien ons hom eers die dag daarna nou moet hy basies baie
98 kere weer van oor af begin om daai begrip weer vas te lê en die tyd
99 is net eenvoudig baie min. SIEN JY VORDERING? Hmm in
100 party van die kinders sien ek vordering ja, maar dan is daar die
101 probleemkind, daar is kinders wat werklik waar die probleem het en
102 vir daai kinders is hierdie uur hopeloos te min.

103
104 GEBASEER OP JOU ERVARING, WAT SAL JY Sê IS DIE
105 SWAKPUNTE VAN DIE PROJEK? In die begin het groei my
106 bietjie gepla, die feit dat ons nie mense kon werf nie en mense kon
107 bly hou nie, die vrywillige werkers en so, maar op die huidige
108 oomblik is ek baie gelukkig met hoe die toestand nou is, want die
109 klomp mense wat ons nou het, nou moet ons net vertrou dat dit
110 nou so sal gaan en dat ons sal verder groei, want dit is eintlik
111 basies die ding, as daar nie vrywillige werkers is nie, is hierdie
112 projek maar net niks werd nie – so ek dink daar moet definitief
113 gesien word na die vrywillige werker en miskien die rede hoekom
114 hulle miskien nie bly nie of wat 'n mens miskien iets kan doen
115 daaraan om hulle meer pligsgetrou te maak of so. HOEKOM BLY
116 JY? Myne is mos 'n gebedsaak en tot dusver het die Here my
117 wonderlik deurgedra hier in Volcano, ek moet sê ek voel dan nou
118 so goed ek het dan nou my dogter wat nie meer wil skoolgaan nie,
119 sy is nou standerd 8 gedruip, toe wil sy nie meer skoolgaan nie en
120 sy is vreeslik rebels en ... ek het toe gebid ook en ek sien dat die
121 Here my gewys Volcano toe met daai kind, vat vir haar saam met
122 jou, onder jou vlerk en trek vir haar daarin en sy het wonderlik
123 verander. Sy is heeltemal 'n ander kind, baie pligsgetrou in die
124 huis en gehoorsaam en die tipe van goed, want soos ek sê hier
125 doen ons sessies saam met die student. Die student leer vir ons
126 baie en ons leer baie aan onself soos selfkonsep en
127 konflikhantering en die tipe van goed en dit help vir jou in jou
128 persoonlike lewe, help dit vir jou verskriklik baie, want 'n ding wat jy
129 gister nie geweet het nie, weet jy nou vandag sommer nou om dit
130 beter te hanteer. WAT STAAN VIR JOU UIT, WAT PAS JY TOE?
131 Feitlik alles, want soos hmm.. die arbeidsterapeut het vanoggend
132 net weer vir ons gesê dat sy is besig om aan iets te werk om vir
133 ons amper soos 'n kursus te gee van hoe om met die kind te werk
134 en tipe van goed nou so, toe gaan my hart weer so oop, want ek is
135 so lus vir leer ek weet nie ek het so 'n lus, ek wil nog weet en ek wil
136 nog leer toe voel ek, ai jene dit is nou net wat ons nou nodig ook
137 het dit, sal baie goed wees nou. Eintlik in die jare kry jy nou – kyk
138 nou soos konflikhantering het ek seker nou al 5 keer gedoen, maar
139 elke keer as ek hom doen dan geniet ek dit weer van oor af – you
140 know – dit issie iets wat nie sommer net by jou vassit nie, jy 'n
141 mens vergeet mos maar die dinge, maar somtyds kan jy, kan jy,
142 darem terugdink, o ja, dit het ons mos so gemaak daar. ENIGE
143 IETS VAN DIT WAT JY TOEPAS? Definitief. Soos ek gesê het

144 saam met selfkonsep – ek was nie 'n mens wat kon gepraat het
 145 nie, en kyk hoe praat ek nou aanmekaar, ek was skaam in myself
 146 ingetrokke, ek het ook nie maklik aangesluit in 'n groep of so nie of
 147 met ander mense gedeel en so nie, maar dit het alles so te sê
 148 verbeter en soos konflikhantering, ek kan ook erken ek is verkeerd,
 149 jammer ek is verkeerd en ek kan myself beheer en ek kan
 150 probleme beter oplos en ek weet nou hoe om 'n situasie te hanteer
 151 as daar nou 'n situasie is dat ek nie sommer net iemand gaan
 152 invlieg en die tipe van goed nie. Ja, ek het baie geleer, ek het baie
 153 toegepas, even in my persoonlike lewe by jou kinders, kan jy ook ,
 154 dat jy nie sommer net 'n kind klap gaan gee of somtyds het jy mos
 155 daai aggressiewe houding en nou dit het ek regtig afgeleer. Ek
 156 kan mooi met my kinders gaan praat of ek kan hom net vat aan die
 157 hand, net styf hou en vir hom met kyk in die oë en net vir hom sê,
 158 gaan jy luister, streng optree en klaar en nie aggressief nie – die
 159 tipe van ding. HET JOU KINDERS ENIGE KOMMENTAAR OP
 160 JOU VERANDERING? In die eerste jaar, o het hulle verskriklik
 161 gesien die verandering in hul ma, want as hulle hoor nou as ons
 162 die oueraande of so het nou, nou vra hulle mos nou uit – elkeen
 163 kry mos nou 'n taak om te doen – nou vra hulle wat moet Mammie
 164 doen, toe sê ek nee, ek moet die bedankings doen – o! Mammie
 165 nou hoe gaan Mammie dit doen en dan sê ek nee, my kind, ek is
 166 mos nou 'n anner mens.

167
 168 GEBASEER OP JOU ERVARING WAT SAL JY Sê WAS DIE
 169 STERKPUNTE VAN DIE OPLEIDING WAT JY ONTVANG HET?
 170 Die sterkpunte van hoe hulle dit doen hmm.. eitlik kan 'n mens sien
 171 dat hulle opgeleide persone is, dat hulle ook opgelei was of opgelei
 172 is om dit te kan doen, dis nie sommer enige een wat dit vir jou kom
 173 gee nie, aanbied nie, dit kan 'n mens sien en hulle sit verskriklik
 174 baie moeite daarin om dit vir ons te laat dat ons dit kan goed
 175 ontvang en dat ons dit kan verstaan.

176
 177 GEBASEER OP JOU ERVARING WAT SAL JY Sê WAS DIE
 178 SWAKPUNTE VAN DIE OPLEIDING WAT JY ONTVANG HET?
 179 Eintlik, eintlik kan ek nie sê van swak punte nie, want alles gaan
 180 maar net om groei – you know – as daar swak punte is dan word
 181 hy sommer aangespreek en dan maak ons iets daarvan om dit uit
 182 die weg te ruim. JULLE MOET BAIE KEER ANTWOORDE GEE,
 183 PRAAT IN DIE GROEP, HOE VOEL JY DAAROO? As 'n mens
 184 begin dan en jy is nie gewoond aan die tipe van goed nie, kyk baie
 185 mens dan, dan pla dit vir jou. Kyk jy is mos nou nie gewoond om
 186 miskien nou sommer so voor almal te praat nie en dit nie en (*)
 187 ondervind dit ook nou dat sy nou hou nie van daai nie of hou nie
 188 van daai nie en tog omdat daar nou die vorige, ek sal nou sê
 189 omdat 2 of 3 is wat aangaan met dit, nou word jy gemotiveer om
 190 ook maar net aan te gaan – you know – en dit, die enigste somtyds
 191 ek weet nie is dat jy miskien nie goed gou genoeg kan dink wat

192 nou nie of so nou nie, maar ek meen dit gebeur maar oral en ek
193 dink dit is goed, want dit help jou om te groei.

194
195 AS JY DIE MAG SOU KON HÊ OM IETS TE VERANDER AAN DIE
196 PROJEK, WAT SAL JY ANDERS WOU DOEN? Ek kan regtig nie
197 nou daar sê nie, miskien is dit die finansies ding, aan die finansies
198 sal ek miskien die ding anderste werk. Ek weet nou nie hoeveel
199 geld, watse geld daar is of so nie, maar ek voel dat ek sal wil hê
200 dat met soos ek gesê het as ons miskien elke dag die graad ene
201 kan sien en elke die graad 2 kan sien en hmm.. hoe kan ek nou sê
202 meer doen dalk, kan ons meer doen. IN WATTER SIN? Soos in
203 soos ek nou sê kyk as ons nou elke kind elke dag kan sien, nè,
204 dan moet ons nou natuurlik meer mense nodig het, of moet langer
205 werk. Of ons kan nou ook nie sê 'n groter lokaal of miskien nou
206 altwee groepe saam kan vat nie, maar ek sal nogals dink –
207 definitief – ek weer ook nou nie dalk is ek nou laf, maar daai een
208 dag tussenin wat jy nou nie die kind sien nie, ek dink daai dag
209 breek alles weer af, ek is nou jammer, maar ek dink dit breek alles
210 weer af, want volgens soos ek nou by die een kind wat ek nou mee
211 werk, daai kind was hoeka by pre-school, maar hy kan nog nie
212 eers sy naam skryf nie en ek het nou beginne werk om spesifiek
213 net met hom sal ek nou maar sê, die ander kinders gaan nou aan
214 en nou sit ek heelyd by hom. Dan is die uur om nè, dat het ons
215 miskien basies net een blad gedoen waar hy net syfertjies geskryf
216 het van 1 tot 5 en ek meen, kyk waar staan die jaar al en...en...
217 nou voel ek so as ek dalk begin het van die begin van die jaar af, is
218 ek seker ek sou daai kind voor einde van die jaar deurgekom het.
219 Verstaan u? Daai tipe van ding. Nou voel ek so, nou is dit 'n
220 waste because nou is die kind, die jaar is om, die kind het dit nou
221 nie gemaak nie, hy bly nou agter in graad 1, hy kom miskien nou
222 nie weer terug na Volcano toe nie, omdat daar mos nou ander
223 kinders is, nuwe kinders kom met die behoefte wat nou weer moet
224 aankom. So, ek voel amper die enduit storie, kan ek amper voel is
225 ons nie heeltemal...heeltemal achieve wat 'n mens moet achieve
226 nie, amper so maar ek voel dat kinders wat daar is in die klas wat
227 miskien nie daai aandag nodig het nie soveel soos daai kind nie,
228 daai kind gaan miskien nooit agterbly nie, hy is bietjie agter vir die
229 ander, maar nie so ver agter soos hierdie ene nie. Hierdie een se
230 kans om voort te gaan is baie min, maar die ander een sin is
231 groter, nou ek voel ons moet nou meer doen om hom ook daar te
232 kry. NOG IETS? Soos ek nou dink soos aan werkskepping, you
233 know, kyk soos ek sit ook nou hier, maar ons het ook mos elkeen
234 onse behoeftes wat in voorsien moet word en.... Dat daar miskien
235 soos in poste geskep word miskien vir iemand. Ek sal dink miskien
236 as daar 'n administratiewe pos dat ek dalk miskien nou voorkeur
237 kan kry, you know. Ek raak mos nou ouer, ek raak mos nou nie
238 jonger nie, wat gaan ek nou die heelyd doen, ek bedoel maar nou,
239 maar soos ek nou vir myself voel, is daar nie ander weg nie, ek

240 voel ek wil hier by Volcano wees, dit gaan ek nou maar doen tot ek
241 nou nie meer iets kan doen of so nie, maar ongelukkig wat ek maar
242 net kan sê, is dit dat 'n mens maar gedurig uitkyk en uitluister,
243 omdat jy mos ook maar jou menslike behoeftes het.
244 DINK JY VOLCANO MOET VOORTGAAN? Most definitely moet
245 hy voortgaan – definitief moet hy voortgaan – dit is die ding wat ek
246 vir u sê daar is baie kinders wat warmte nodig het, wat liefde nodig
247 het, wat dit nie eintlik kry somtyds nie en meeste van die mense
248 hier by Volcano kom met ek wil nie myself nou voorpraat nie –
249 maar is 'n mens wat baie lief is vir kinders en veral as jy nou sien 'n
250 kind het 'n bietjie dan voel jy sommer om hom te druk of so, want
251 dit is ook wat gebeur en 'n mens vind dat die kinders sommer na
252 jou toe gehardloop kom, hulle kan partykeers nie eers wag vir jou
253 nie. Van hulle sê sommer vir jou Mammie, you know en dit voel so
254 lekker, jy voel so jy het iets gedoen darem vandag. ENIGE IETS
255 WAT JY NOG WIL SÊ? Ek sal dink Volcano is iets goede en dat
256 dit kan voortgaan en dat ons kan uitbrei soos na ander skole toe
257 en soos die behoefte aangaan, want kyk soos as hulle nou die pre-
258 schools het by die skole sal dit miskien later van tyd... hoe sal ek
259 sê dat die kind dit nie meer gaan nodig het om vir Volcano nie,
260 want baie kinders kan dit bekostig om in die pre-school te wees,
261 maar dan kom dit nou weer daarop neer dat die behoeftige kind
262 wat eintlik dit kan altyd nodig het en daarom dat ek voel dat
263 Volcano se voortbestaan eintlik aanhou, want daar's baie kinders
264 wat regtig – hier's van die kinders wat nou al gevorder het na graad
265 3 toe you know, maar dit is mos nou die kind wat een jaar druipe en
266 die volgende jaar oorgeplaas word, so daai kind het nog miskien
267 nog nooit werklik geslaag nie, you know, hy sukkel dwarsdeur.
268 Dus hoekom ek voel ons miskien as ons nou soos in van groei
269 praat dat ons miskien verder kan gaan met daai kind, you know, tot
270 in graad 3 toe kan kyk, ons kan miskien met minder kinders werk
271 en die wat nou die kans het dat hy nou goed vorentoe gaan, want
272 kyk onderwysers het nie die kans om individueel met 'n kind te
273 werk nie, die onderwysers skryf daardie kind af. Ek het dit al ge-
274 ondervind al, ek het al vir 'n onderwyser gesê, ja, omdat my kind
275 nou nie verstaan nie, nou kan jy nie vir haar wys nie, want jy kan
276 nie die hele klas laat wag op haar nie so nevermind haar nou en dit
277 is die klas van antwoorde wat die onderwyser nou vir jou gee, die
278 klas is te groot en hy kan nie sy tyd mors op kinders wat , hy kan
279 nie sy tyd spandeer op daardie kind soos vroeër nie. En dit is waar
280 Volcano inkom om daardie kind daai ekstra tyd te gee. Wat ek
281 vind, is dat kinders op verskillende vlakke swak is en as nou die
282 lesse aanbied en dan bied ons miskien nou vir 'n kind 'n les aan
283 vandag en dit is waarom ek ook nou voel, nou bied ons vandag vir
284 die kind 'n les aan wat hy, wat sy sterkpunt is, nou bied ons weer
285 môre iets aan wat weer sy sterkpunt is, nou kom ons nooit basies
286 by sy swakpunt uit nie. Daars baie kinders wat in die klas insit, dan
287 wonder ek hoekom het die juffrou dan nou vir hom hier gesit, want

288 ek voel die kind het nie Volcano nodig nie, want ek weet wat ons
289 nou die kind hier leer, gaan nou nie vir hom help nie, dan het die
290 juffrou miskien die kind daar vir 'n ander rede, want dit is miskien
291 iets waaraan ons kan werk om uit te gaan vinne individueel wat
292 elke kind se swakpunt is. Dalk kan ons iets daaraan doen om hulle
293 in groepe op te verdeel en vir hulle verskillende werke te gee en
294 so.

BYLAE H

**1 TRANSKRIPSIE VAN ONDERHOUD MET VRYWILLIGE
2 WERKER NOMMER 8 VAN 1999 SE GROEP.**

3
4
5 WATTER WERK HET JY GEDOEN VOORDAT JY BY VOLCANO
6 AANGESLUIT HET? Ek was voorheen maar meestal
7 administratiewe werk wat natuurlik gepaard gaan met die
8 liasering, faks hmm... uitstuur en ontvang van fakse en dit was
9 meestal maar administratief gepaard en HOEVEEL JAAR? Dit
10 was vir om en by 4 tot 5 jaar en dan het ek so in die
11 gemeenskap bietjie gehelp en dan het ek na dit was dit maar
12 nou soos wat hulle sê die hmm.. , waar hulle die 3 tot 6 maande
13 projekte aan die gang het, dan het ek maar altyd daar ook
14 uitgehelp – dit is ook administratief gepaard en nou vir die
15 afgelope jaar en half voor ek nou, ek nou by Volcano betrek het,
16 het ek in 'n klerefabriek, was ek 'n examiner. Ek weet nie wat
17 die Afrikaanse woord daar is nie en dit het ons gedoen daar, dit
18 is soos hulle nou sê Jack of all trades. WAT WAS DIE
19 GEMEENSKAPSWERK WAT JY GEDOEN HET? Die
20 gemeenskap was soos daar by die oues van dae wat ons die
21 bejaarde het waar hulle soos hmm.. kosvoorsienig vir hulle en
22 miskien pakkies opmaak, watter funksie hulle ookal het. En dan
23 soos die voorbereiding van die kos vir die volgende dag wat ons
24 nou natuurlik voorberei het en dit is basies al. HET JY DIT
25 GEDOEN SAAM MET JOU ANDER VOLDAG WERK? Nee, dit
26 was na dit in die af tye. HOEKOM HET JY BY JOU LAASTE
27 WERK WEGGEGAAN? Ja, dit was eintlik hmm.. die fabriek het
28 gelikwedeer en toe moes ons ook nou maar oppak en ons kon
29 toe nou niks anders doen nie, maar sedertdien het ons nog niks
30 eintlik van hulle gehoor nie of hoe ver hulle nou gekom het met
31 die likwidasie, want ons het onse geld gekry, maar net 'n
32 gedeelte daarvan – die res moet ons nog kry, maar ons het
33 mannekragvoordele gehad, dat ons kan die
34 werkloosheidsversekering kry daar is voorsiening gemaak vir
35 ons.

36
37 HOE OUD WAS JY TOE JY BY VOLCANO AANGESLUIT HET?
38 O, ek was 33.

39
40 HOE HET JY VAN VOLCANO TE HORE GEKOM? Dit was ook
41 maar net deur die koerant, deur die nuusblad wat ons natuurlik
42 Donderdae, die Metro Burger en dit het my eintlik so om en by 'n
43 week gevat, want ek moes nou, ek sê toe nou vir my suster: "Jong,
44 dit is iets wat ek wil doen." Sy sê toe vir my: "Het jy die advertensie
45 gesien?" en ek sê: "Ja, ek het die advertensie deurgegaan." Maar
46 dit is al, nogal wat ek wil doen en sy vra vir my wat is dit en ek sê

47 nee, meer in die gemeenskap en dan wil ek altyd maatskap
48 gedoen het, maar ons was nie eintlik bevoorreg om onse studies
49 nou in daai rigting te kan gaan neem nie. En toe sê ek vir haar
50 wag, man, ek gaan net gou bel. Toe het ek nou vir juffrou (*) in die
51 hande gekry, eerste vir juffrou (*) gebel, maar die lyn was toe
52 heelyd beset, maar toe ek nou vir juffrou (*) in die hande kry toe
53 het ek nou net vir haar so sy het nou vir my breed so – kort inligting
54 gegee en vir my nou gesê watter tyd ek nou die volgende dag daar
55 wees. Toe sê ek, ek sal probeer, maar dit het by my gebly, by my
56 gespook ek kon net nie afskeid neem van die feit dat ek nou
57 gehoor het en hoe kan 'n mens sê ek was so, ek het net gevoel,
58 nee man, ek moet die plek moet ek uitkom en toe het sy vir my
59 gesê om en by waar dit is. En juffrou (*) sal nou die spesifieke dag
60 hier wees by die skool en dit is nou hoe ek hier beland het, deur
61 nuuskierigheid en deur die feit dat dit eintlik vir my, dit het sommer
62 vir my die oomblik wat ek dit gelees het, het dit sommer vir my
63 getref, want dit is eintlik wat ek wou gehad het, net om met kinders,
64 sy het nou vir my so bietjie inligting gegee dat dit nou vir kinders
65 gaan en net vir 'n sekere uur en dat, want ek het nog vir haar
66 gevra of daar miskien enige inkomste of so is gepaard gaan. Toe
67 het sy nou vir my gesê, ja, daar is 'n vergoedinkie wat hulle
68 natuurlik vir ons gee, toe sê ek goed, maar dit is in die haak, ek sal
69 dan hier wees, want sy het toe nou vir my gesê ek moet deurkom,
70 maar ek het toe nou nie, ek was nie in daai dag wat ek nou toe
71 moes gegaan het diakonale dienste toe, was ek nou die voorbereid
72 nou vir dit nie. Toe dink ek goed man, maak dit liever dan vir die
73 skool, want almal gaan mos nou hier bymekaar kom. Toe sê sy vir
74 my, nee, ek toe bel ek vir haar die dag weer na dit toe vra sy vir my
75 maar was ek dan nou nie gister, die vorige dag daar nie. Toe sê
76 ek vir haar nee, toe sê sy vir my nee goed dan, gaan dan liewers
77 by die skool, want sy het al 'n paar van die spanne ge-onderhoud
78 en die beste is maar dat ek maar hier by (*) moet, sy het nou vir
79 my die adres gegee. Toe sê ek nee, ek weet min of meer waar die
80 plek is en hoe ek nou hier gaan uitkom en dit is eintlik hoe ek nou
81 hier gekom het.

82
83 WAT HET JOU AANGETREK NA DIE PROJEK ? Dit was eintlik 'n
84 soort van wegkom hoe kan 'n mens nou sê hmm..., omdat ek so 'n
85 private mens was hmm.. wou ek nou hoe kan 'n mens sê eintlik
86 amper asof ek nou half in my dop gekruip was en ek het daai
87 spesifieke tyd, het ek deur 'n moeilike krisis gegaan in my lewe en
88 ek wou net uitkom, miskien dit was wat my so opkikker in die
89 toestand waarin ek was en dit het my sommer onmiddelik toe ek
90 die advertensie lees, toe is dit nou net my idee om 'n bietjie uit te
91 kom en dan te meng met miskien kinders, miskien dit sal my van
92 my negatiwiteit sal dit miskien aflê. Dit wat ek nou gevoel het en
93 net om miskien vir iemand iets te kan beteken, dit was eintlik my
94 doel wat ek nou eintlik hier is.

95
96 WATTER STANDERD HET JY OP SKOOL BEHAAL? Ek het my
97 matriek die laaste. ENIGE ANDER NA-SKOOLSE OPLEIDING?
98 Dit was meeste net deur hmm... deur die mannekrag het vir ons
99 rekenaaropleiding verskaf daai tyd toe het ek ook deel geneem
100 aan die kursus wat hulle aangebied het. Dit was nog hier in
101 Boston House in Bellville, daar het hulle vir ons voorsiening
102 gemaak om vir ons meer inligting in verband met die rekenaar.
103 Daar was 'n iemand wat toesig gehou het en een wat die program
104 aangebied het.

105
106 GEBASEER OP JOU ERVARING, WAT SAL JY Sê IS DIE
107 STERKPUNTE VAN DIE PROJEK? Ek sou sê die spanpoging, dit
108 is vir my die En natuurlik die programme wat uitgewerk word vir
109 die kinders, die aktiwiteite dit is eintlik die belangrikste ,
110 daarvolgens kan ons nou sien wat is die kind se tekortkominge en
111 hoe ons daarmee kan werk om dit te bevorder. So in die geval
112 waar hy dan swak is dat ons miskien vir hom kan help met die
113 probleem adresseer, maar dit is die kind se probleem – die kind het
114 'n probleem met syfers, probleem met die identifiseer van sekere
115 items of aktiwiteite of so aan en ja dit is basies maar net die
116 programme wat ons aanbied, die aktiwiteite wat ons vir hulle
117 aanbied en...VIR JOU AS PERSOON? Ja, as persoon sal ek sê
118 dit gee my meer positiwiteit, hoe kan ek sê positief hmm..
119 benadering tot die saak dat so in die geval waar iemand hmm...
120 miskien buitekant die publiek miskien, vir my moet raadpleeg en vir
121 my vra maar hoe is die situasie daar dan kan ek miskien meer
122 inligting vir die persoon verskaf en hmm.. in die geval waar die
123 persoon miskien kom met 'n probleem as sulks wat die kind betref
124 hmm... dink ek, ek is in staat om dan vir hierdie persoon dan te
125 kan help of om vir hom meer inligting te kan gee hoe om die saak
126 te benader wat die kind natuurlik aan betref. So as hy byvoorbeeld
127 sê goed ek ondervind dit by my kind , dit is eintlik 'n probleem dan
128 dink ek enige een sal dan bevoeg wees om daardie persoon reg te
129 help en vir hom te kan sê hoe kan hy hmm.. die regte metode wat
130 hy kan gebruik om die kind aan te help.

131
132 GEBASEER OP JOU ERVARING, WAT SAL JY Sê IS DIE
133 SWAKPUNTE VAN DIE PROJEK? Op die oomblik is dit nou eintlik
134 omdat ons ook natuurlik finansiële probleme het, is die vervoer
135 eintlik 'n bietjie , dit is eintlik 'n bietjie afbreking, want om van punt
136 A na punt B te gaan is 'n bietjie baie moeilik, alhoewel die hmm...
137 hoe kan 'n mens nou sê, soos hulle sê die gees is gewillig maar die
138 vlees is teenstrydig met dit en dit is eintlik wat dit , wat dit 'n bietjie ,
139 nie dat dit 'n negatiwiteit is nie, maar dit is omdat ons graag hier wil
140 wees sal ons alles probeer al moet ons ook geld gaan leen. Dit is
141 eintlik onse norm of onse... die belangrikheid net om hier te kan
142 wees. JA. JULLE KOM VAN VER AF. Ja, ons kom van baie ver af

143 en dis eintlik twee vervoer, tipe van vervoer wat ons moet gebruik
 144 om hier te kom en dan is daar nog 'n stapafstand ook. WAT LAAT
 145 VIR JOU ELKE OGGEND OPSTAAN OM HIERNATOE TE KOM?
 146 Seker maar die kinders se gesig, dit spook by 'n mens en om eerlik
 147 waar te sê ek het vanoggend opgestaan toe dink ek, o, ek voel nou
 148 so swak, maar dit is net iets wat 'n mens net nie kan af, dit is net
 149 daai om iets vir iemand te kan beteken, dit is eintlik die
 150 belangrikste wat nou vir my nou aanhelp, want hmm... as ek kyk
 151 na my hmm... finansiële situasie dan dink ek: ag, wat al moet ek
 152 ook nou maar stap om tot hier te kom, of al moet ek nou vroeër
 153 stap om nou hier te kom, ek gaan hier kom.

154
 155 GEBASEER OP JOU ERVARING WAT SAL JY SÊ WAS DIE
 156 STERKPUNTE VAN DIE OPLEIDING WAT JY ONTVANG HET?
 157 Ja, want dit is eintlik soos hulle nou sê 'n sideline iets nè, wat 'n
 158 mens dan self by die huis kan toepas deur miskien
 159 fondsinsameling of enige iets wat daar benodig word in die huis en
 160 dit help dit eintlik baie aan, want kyk soos die materiaalverf wat ons
 161 gedoen het, ons het nog nie so ver gekom met die glasverf nie,
 162 maar dit is 'n groot hulp ook vir ons. Want deur die
 163 kreatiwiteitsprogram wat aangebied word, kan ons as te ware , ons
 164 leer baie daaruit, want dit kan dan vir ons in die loop van die
 165 toekoms miskien meer kan ons dan as ons dan miskien van werk
 166 verander of enige iets wat dan inkom dan kan ons dit dan nou net
 167 toepas, miskien as 'n tuisnywerheid of so iets en ek dink dit het
 168 opslae gewek by ons. EN DIE GROEPE OP 'N WOENSDAG, DIE
 169 VERRYKINGSGROEPE? Ja, die verrykingsgroepe was baie... dit
 170 het basies nou net gegaan oor ons as persoon en hoe ons konflik
 171 kon hanteer en dit was eintlik baie.....baie interessant vir myself,
 172 want hmm... dit is somtyds moeilik om 'n mens self te... hoe kan 'n
 173 mens sê te express né en daar kan jy nou sê wat nou, hoe jou
 174 gevoel is en wat, hoe jy wil hê mense moet vir jou aankyk of
 175 miskien nou deur die, maar die belangrikste wat ek nou gesien het
 176 uit, uit die groep wat ons geleer het, is eintlik die eerlikheid wat 'n
 177 mens moet het teenoor die groep self, want dit is alleenlik om eerlik
 178 te wees dat die ander kan sien, nee maar hierdie vroutjie is op haar
 179 kop of so iets. Maar nee dit was baie interessant, juffrou (*). JULLE
 180 HET BAIE INLIGTING GEKRY BY DIE STUDENTE. WAS ALLES
 181 OU NUUS OF WAS DAAR GOED WAT NUUT BYGEKOM HET?
 182 Nee, daar was baie goed wat nuut was, want kyk ons het dit nou
 183 maar net so gevat dat dit 'n gewone les is wat aangebied word ons
 184 het nie die arbeidsterapie kant, hoe kan 'n mens sê die
 185 arbeidsontwikkeling van die... ons het nie daai hmm.. geken nie en
 186 nou weet ons dat ons moet ook kyk hoe die kind miskien die
 187 potlood hanteer, hoe die kind sy lyne trek, al daai fyn motoriese
 188 aktiwiteite wat ons, wat ons nou gedinges het wat ons nou eintlik
 189 opgelet het. Kyk, want vir ons was dit nou maar net ons het
 190 aanvaar, nee, maar ons gaan nou net les gee en dit is nou alles

191 waarom dalk afhaal, maar toe het ons nou uitgevind, nee, maar dit
 192 gaan nou eintlik in meer in detail die kinders deur op te let hoe
 193 hulle skryf en hoe hulle natuurlik vorder. IS DAAR ENIGE IETS
 194 WAT JY VIR MY WIL SÊ OMTRENT DIE MANIER HOE DIE
 195 VERRYKINGSGROEPE VIR JULLE AANGEBIED IS? Ek dink
 196 hmm... hulle het dit goed van hulle taak gekwyt om vir ons oor te
 197 dra, want dit is amper ek kry net die gevoel hulle is vertrou met dit
 198 wat hulle doen. So dit was nie eintlik iets wat hulle probeer aan...
 199 hoe kan ek nou sê aansit in die sin dat dit is iets wat hulle nie van
 200 ken nie, hulle het kennis van dit, want as ek nou kan luister dan is
 201 dit seker maar deel van hulle opleiding ook. Maar ek moet sê hulle
 202 het goed van hulle taak gekwyt, want ek het nogal baie geleer,
 203 want gewoonlik as 'n mens 'n , kyk na 'n artikel of selfs 'n mooi rok
 204 wat jy gekoop het en as 'n mens mooi kyk na die rok dan is hy nie
 205 eintlik so hoe kan 'n mens sê sy verwerk self, as 'n mens kyk na
 206 die materiaal self, daar is altyd 'n dingetjie wat uit is. Toe ek nou
 207 hier by die fabriek gewerk het, toe het hulle die lap die rokke die
 208 met amper die verf so op en toe sien ek nee, maar hier het iemand
 209 per ongeluk 'n stukkie van die verf laat val, nou seker met die , kyk
 210 hy is mos natuurlik nou op die tafel getape en dan word dit
 211 vasgebind en so en dan word geteken wat die motief ookal mag
 212 wees. So dit was nogal interessant.

213
 214 AS JY DIE MAG SOU KON HÊ OM IETS TE VERANDER AAN DIE
 215 PROJEK, WAT SAL JY ANDERS WOU DOEN? Hmm..ek sou sê
 216 net om die hmm...die norm wat die mense se indruk dat dit 'n
 217 hmmm...aanpassingsklas of dat die kinders kom vir
 218 aanpassingsklas dat daar eintlik fout is met die kind hmmm... net
 219 om daai hmm.. stigma of so uit te skakel. hmm... ek dink nie hulle
 220 moet die naam verander nie maar net om te , hoe kan 'n mens sê
 221 hmm..wat ek eintlik wil sê is ons sal moet werk aan die beeld wat
 222 uitgedra word. IS DIT AL WAT JY SOU WOU VERANDER? Ja,
 223 vervoer ja, dit is eintlik meer hulp in daai verband ook kan kry, want
 224 dit is eintlik nogal 'n probleem op die oomblik.

225
 226 DINK JY VOLCANO MOET VOORTGAAN? Ja, Volcano kan nog
 227 voortgaan sommer nog vir tien, twintig jaar. HOEKOM DINK JY
 228 SO? As ek kyk na die hmmm...ek sal nogals voorstel dat hulle
 229 nogal 'n bietjie meer moet uitbrei, want selfs in die omgewing waar
 230 ons ook is, want ek dink daai kinders het Volcano eintlik baie
 231 dringend nodig en hmm.. die kinders raak later so stout dat hulle, jy
 232 weet nie eintlik nou hoe om vir hulle adresseer nie. Baie van hulle
 233 is spelerig of hulle weet nie waarheen hulle oppad is nie en ek
 234 nogals as nogal kan uitbrei na verskillende areas kan dit nogal baie
 235 help miskien is dit ook deel van Volcano se vooruitgang

236
 237 NOG ENIGE IETS WAT JY WIL HÊ EK MOET WEET OMTRENT
 238 JOU OPINIE VAN VOLCANO? My persoonlike opinie is ,Volcano

239 hmm...hmmm.. is eintlik soort van 'n stap wat ek moet , die feit dat
240 ek , ek het nou meer selfversekerdheid, ek is nou meer positief hoe
241 kan 'n mens nou sê meer positief hmm.. ek sien nou baie meer
242 goed in 'n positiewe lig en Volcano het eintlik vir my, was eintlik vir
243 my like 'n , hoe kan 'n mens nou sê 'n soort van 'n toevlug. Nie
244 toevlug in die sin dat ek sou wegkruip en so nie, maar Volcano het
245 eintlik vir my baie beteken, want in die tyd van lewe waar dit so
246 donker was, het ek altyd hier gekom dan het ek gehuil , dan kom
247 ek hier sommer met 'n positiewe uitkyk, ek altyd vir myself gesê
248 hier's nog iets wat vir my belangrik is, hier's nog kinders wat ek nog
249 kan iets voor beteken en hmm.. dit was eintlik wat my vasgehou
250 het , nie die feit dat ek my geloof 'n bietjie moes laat wankel of so
251 nie, maar ek het meer begin te glo dat enige iets is moontlik, want
252 as ons kyk die Here spesialiseer uitsluitlik op die onmoontlike en dit
253 is wat ek geleer het by Volcano en kyk ons het nou al baie goeters
254 wat nou al in die vooruitgaan is of wat nou nog op ons wag en dit is
255 nou iets wat ek nou kan sê, ek sal altyd met die gedagte sit, al vra
256 hulle ook nou vir my by die huis wat doen jy nou eintlik, dan sê ek,
257 nee, daai is my bietjie, hoe kan ek sê, my plekkie in die son.

BYLAE I

1 TRANSKRIPSIE VAN ONDERHOUD MET VRYWILLIGE
2 WERKER NOMMER 9 VAN 1995 SE GROEP.

3
4
5 VYF JAAR TERUG WIL EK DAREM EERS HOOR WAT DOEN
6 JY TANS? Ons is nou tans besig by die skool, ons is besig met
7 pre-primêre onderwys nadat ek in 1996 begin het by
8 Volcanoprojek self en uit die projek het dit gegroei dat ons begin
9 het met die pre-primêre klasse. SO JY IS MET ANDER
10 WOORDE VANAF 1996 NOU AL HIER? Ja.

11
12 JOE, DIT IS 'N LANG TYD NOGAL Nê, WAT BEHELNS JOU
13 TAKE AS JY NOU Sê JULLE IS BESIG MET PRE-PRIMÊR,
14 WAT BEHELNS DIT? Dit is om die kinders voor te berei vir graad
15 een, om vir hulle daai ekstra woema vir skool te gee en vir hulle
16 die basis te leer van pre-primêr. GOED WAT IS DIE TIPE VAN
17 GOED WAT JULLE VIR HULLE LEER? HMM... vorms
18 herkenning, getalle – om te tel, kleure, liggaamsdele te herken,
19 te verf en te knip en te plak , om hulle spiere sterker te maak vir
20 graad een. GOED EN WIE HELP VIR JULLE MET DIE KLAS
21 SE UITWERK ? Die skool self met dit wat ons nodig kry, word
22 ons gehelp deur die skool en ... IS DAAR 'N GRAAD EEN
23 JUFFROU WAT VIR JULLE DIE KLASSE UITWERK OF
24 BESLUIT JULLE SELF? In die begin toe ons hier begin het,
25 was hier 'n mev. (*) wat hier vir ons uitgehelp het, maar sy is al
26 van 1998 af weg van die skool af en van daai tyd af is ons nou
27 al op ons eie. DIT IS SEKER OOK 'N PROGRAM WAT
28 AANGAAN EN JULLE HET NOU AL DIE ONDERVINDING OM
29 TE WEET WAT WERK EN WAT WERK NIE Ja.

30
31 HOE OUD WAS JY TOE JY BY VOLCANO BEGIN HET? Ek
32 was agtien jaar oud toe ek klaar gematrikuleer het en (*) vir my
33 gekontak het. DIT WAS IN 1994 JA, WANT JY HET DIE
34 VOLGANDE JAAR BEGIN. In 1995, die eerste week van die
35 jaar het (*) vir my gekontak en vir my gevra of ek belangstel om
36 met kinders te werk .

37
38 GOED, SO JY HET GEEN VORIGE WERK GEDOEN
39 VOORDAT JY BY VOLCANO BEGIN HET NIE. Nee, so vars
40 van die skoolbanke af. HET JULLE SKOOL VIR JULLE
41 GELEENTHEDE GESKEP SOOS BYVOORBEELD DEBAT OF
42 SPORT OF KULTUUR, DAAI TIPE VAN AKTIWITEITE. Sport
43 ja, HET JY DAARAAN DEELGENEEM? Nee, op laerskool het
44 ek netbal gespeel, op hoërskool net een keer deelgeneem aan
45 die skoolatletiek EN GOED SOOS LEERLINGRAAD EN
46 SULKE KLAS VAN GOED? Nee.

47 GOED, HOE HET JY VAN VOLCANO TE HORE GEKOM ? (*)
48 het vir my gekontak en sy het vir my gevra of ek sal belangstel
49 om met kinders te werk , kinders wat agterstande het om vir
50 hulle te stimuleer en om die waarheid te sê was ek van kleinstyd
51 af lief vir kinders. En ek het maar net probeer en miskien sal ek
52 inpas in die program, maar ek moet nogals sê ek was stil en
53 teruggetrokke, maar hulle het dit uit my uitgebring.

54
55 WAT ONTHOU JY NOG VAN DIE PROJEK, WAT HET JULLE
56 GEDOEN. Ons het baie gedoen, as 'n groepie die eerste week
57 was ons nog onbekend vir mekaar gewees en dit het snaaks
58 gevoel en maar, veral die seuns van hulle kant af het hulle ons
59 meer tuis laat voel in Amicahuis self en (*) het baie gedoen om
60 ons, om vir ons 'n goeie spanbouwerk te doen en sy het ons op
61 baie uitstappies geneem, ek kan onthou sy het ons eendag
62 geneem, ek dink dit was in Bellville het sy ons geneem, om jou
63 trust in jou span op te bou. EN WAT HET JULLE MET DIE
64 KINDERS GEDOEN? Ons het uitgegaan na die skole toe veral
65 na (*) en (*) en (*) dan het ons in die middag so vir 'n uur met
66 die kinders gewerk wat die onderwysers self uitgekies het wat 'n
67 agterstand het en wat sukkel om by te pas by die res van die
68 klas en ons het aktiwiteite gedoen wat vir die kinders gelyk het
69 of dit 'n speletjie was, maar op die ou end weet ons ons het vir
70 hulle iets geleer. WAT DINK JY HET JY VIR HULLE GELEER?
71 Deur die aktiwiteite het ons vir hulle geleer vorms, om te tel, jou
72 kleure uit te ken, jou liggaamsdele te herken. Maar op die einde
73 van die dag het die onderwysers wel saamgestem dat die projek
74 was 'n sukses, want teen die einde van die jaar het die ouentjies
75 wat ons gehad het bygepas al by die res van die klas en kon
76 hulle die volgende standerd aanpak, ok

77
78 Sê GOU VIR MY WAT HET JOU AANGETREK NA DIE
79 PROJEK TOE? Meer die kinders, my hart het baie getrek na die
80 kinders, omdat ek hulle graag wou gehelp het en ek kon gesien
81 het daar was baie van die ouentjies, hulle was minder
82 bevoorreg, hulle het uit swaar huisomstandighede gekom en as
83 ons in die middag by die skool aangekom het dan kon 'n mens
84 sien die glimlaggie die is daar, hulle wil vir ons daar hê, hulle
85 wag eintlik vir ons om te kom en dit het my meer getrek na die
86 projek toe om die kindertjies uit te help, want mens kon sien
87 hulle kom uit baie slegte situasies uit.

88
89 GOED AS EK REG HET , JY MOET MY NOU REG HELP , JY
90 HET Matriek OP SKOOL GEMAAK. Ja. EN HET JY ENIGE
91 NASKOOL OPLEIDING GEKRY, BEHALWE DIT WAT JY BY
92 VOLCANO GEKRY HET? Nee, ons het mos amper iets soos

93 die binnehuiskursus met die juffrou gedoen om die pre-primêre
94 kursus aan te pak DIT WAS VOOR JULLE NOU HIER BY DIE
95 PRE-PRIMÊR BEGIN HET NÉ, GOED HOE LANK WAS DAAI
96 KURSUS? Januarie het ons hier gekom en Aprilmaand het ons
97 begin met ons eie klas EN HOE HET JULLE TE HORE
98 GEKOM VAN DIE WERK, HOE HET DIT GEKOM DAT JULLE
99 NOU PRE-PRIMÊR DOEN. Ek het vir (*), (*) het een dag in die
100 vergadering gesê dat elkeen van ons moet sit en dink om
101 onself 'n werkseleentheid te skep en die volgende dag het ek
102 na (*) toe gegaan en ek het vir haar gevra, dink sy nie ek, hoe
103 voel sy daarvoor as ek met speelgroepies kan begin in die
104 parkies en ek en (*) het by die woonstelle en by die lane
105 opgegaan huis tot huis navorsing gedoen vir ouentjies wat die
106 spesifieke ouderdom was wat by die huis sit, wat die ouers niks
107 het om met die kinders te doen nie, dan kan ons 'n halfuur met
108 die kinders by die parkie gewerk het. Maar toe het ons hier by
109 die skool briewe kom aanvra wat die prinsipale dink van die
110 projek wat ons nou vir 'n jaar hier aangehou het, toe het mnr. (*)
111 wat onse vorige skoolhoof was, toe het hy voorgestel dat hmm..
112 hulle het net een pre-primêre klas en destyds was dit eintlik 'n
113 vereiste dat hulle twee moes gehad het en toe het hy vir my
114 gevra ek moes teruggaan na (*) toe en ons moet oorweeg of
115 ons kan dink of ons nie kan begin met 'n pre-primêre klas by die
116 skool, hulle sal vir ons klasse aanbied om die pre-primêre
117 klasse aan te pak. WAS VAN DIE OPLEIDING
118 OOREENSTEMMEND VAN DIT WAT JULLE BY VOLCANO
119 GEDOEN HET OF GLAD NIE? Nee, dit was meer hoe om met
120 'n groter groep te werk .

121
122 GOED, GEBASEER OP JOU ERVARING WAT SAL JY SÊ
123 WAS DIE STERKPUNTE VAN VOLCANO? Ek was 'n baie stil,
124 nie te baie teruggetrokke nie, maar ek was daai tipe meisie wat
125 as jy met my kom praat, sal ek maar so skramsweg terug
126 antwoord gee, maar Volcano die het regtig waar, die projek self,
127 dit wat (*) aangebied het vir ons, die arbeidsterapeute wat
128 uitgekom het, hulle het vir ons geleer van om selfgeldend te
129 wees, om jou sê te sê as dit moet sê, nie om dinge te aanvaar
130 as mense dit vir jou sê nie, maar om te voel as jy verskil en die
131 verskil uit te bring, jou opinie moet jy op die tafel lê, jy moet
132 nooit toelaat dat mense bo-op jou trap nie en daar het baie
133 dinge gebeur met Volcano soos konflik tussen mekaar en baie
134 van die arbeidsterapeute het vir ons gesê ons moet sê wat op
135 onse hart lê. Soms het dit seer gemaak om dit uit te bring, want
136 soms het dit kras uitgekom, maar dit het ook die span sterker
137 gemaak, want ons het dan vir mekaar gesê hoe ons voel of ons
138 gelukkig is daarvoor of nie. En tydbeplanning. GEBRUIK JY

139 NOG STEEDS VAN DAAI GOED WAT JULLE GELEER HET?
140 Ja.. ek moet, en een ding waarvan ek ook gehou het, (*) het
141 baie vir ons gedoen, (*) het vir ons 'n noodhulpkursus gereël, vir
142 ons 'n Xhosa kursus gereël en sy het vir ons vir (*) gereël, die
143 sielkundige. EN WAT HET (*) MET JULLE GEDOEN? Hy het
144 altyd in die middag as stressed-up van die skole gekom het, as
145 ons daar uit die kamer gestap het dan, as ek van Amica house
146 af gestap het dan het, dan kon ek gevoel het, maar dit wat ek
147 nou op my skouers gehad het: het ek nogals so bietjie afgepak,
148 ek voel ligter, ek voel beter. Ek wou altyd gehad het hy moet vir
149 my hipnotize, maar hy wou nie.

150
151 GOED, GEBASEER OP JOU ERVARING WAT SAL JY Sê
152 WAS DIE SWAKPUNTE VAN DIE PROJEK? Daar was nie.
153 Nee, ek weet nie ons het genoeg hulpmiddels gehad , ons het
154 genoeg opleiding gekry , ons het als verniet gekry en dit was
155 oorgenoeg gewees daar's geen kommentaar te lewer oor iets
156 wat vir my gehinder het nie, want als wat ons gekry het, was uit
157 goeie hande uit . Dit het my nie eers gepla dat dit wat ek doen
158 vrywillig is en dat ek nie 'n salaris ontvang het destyds nie,
159 alhoewel daar was konflik by onse huis ja, my ma verstaan my
160 oudste broer het gesê ek kan gaan werk soek, hoekom moet ek
161 vrywillig werk, maar dit het my nie gepla nie, omdat ek dit uit my
162 hart gedoen het. Ek het dit gedoen vir die kinders en ek het ook
163 agterna my seëninge so ontvang, so ek was glad nie gepla dat
164 ek moes 8:00 by Amica house moes gewees het tot die middag
165 3:00 – 4:00 en om te werk en uit te gaan na die kinders sonder
166 om 'n salaris aan die einde van die maand te ontvang nie, dit het
167 my glad nie gepla nie. Die hele ervaring het vir my 'n sterker
168 mens gemaak en vandag kan ons, ons het destyds gewerk met
169 'n groepie van vyf tot tien kinders, vandag kan ek met veertig
170 kinders werk en aan die einde van die dag voel ek goed, want
171 ek kan almal hanteer. En wanneer my hart so spring, is
172 wanneer ek vir hulle op die mat het en ek vra hulle nou 'n klomp
173 vrae en ek kan sien wat ek vir jou geleer het , het daar
174 vasgesteek daar is ietsie wat agtergebly het wat jy onthou het.
175 Wat vir my oorweldigend goed laat voel, net om te dink ek kan
176 die kindertjies help.

177
178 EK WIL JOU NOU SPESIFIEK VRA OOR DIE OPLEIDING
179 WAT JULLE GEKRY HET BY DIE
180 ARBEIDSTERAPIESTUDENTE. WAS DAAR ENIGE IETS
181 WAT VIR JOU UITSTAAN IN DIE WYSE HOE HULLE VIR
182 JULLE DIE KLASSE AANGEBIED HET? Wat positief was, is
183 dat as ons blaai gekry het dan was daar altyd sulke grootse
184 griekse woorde dan het ons altyd vir mekaar onderlangs

185 dopgehou, want ons verstaan nie, maar die manier hoe hulle dit
186 vir ons aangebied het, hoe hulle dit vir ons kleiner opgebreek
187 het, dan het ons aan die einde van die dag dit altyd verstaan. En
188 hulle het vir ons vooraf afgerolde blaaië gegee wat ons huis toe
189 kon geneem het en weer kon deurgelees het, so daar was niks
190 negatiefs van hulle kant af nie en dit was nie net: ek is 'n
191 arbeidsterapeutstudent en jy is 'n vrywillige werker en jy is onder
192 my nie, hulle het ons so behandel, agterna het ons soos vriende
193 gevoel.

194 EN SWAK PUNTE IN DIE OPLEIDING? Glad nie, ons het altyd
195 trane gestort as die studente moes teruggaan.

196
197 AS EK VIR JOU Sê JY HET DIE MAG OM ENIGE IETS TE
198 VERANDER AAN VOLCANO SOOS WAT JY DIT ONTHOU,
199 WAT SAL JY VERANDER? Om die waarheid te sê is daar niks
200 wat ek anders sou wou gehad het destyds nie.

201
202 HOEKOM HET JY OPGEHOU MET VRYWILLIGE WERK? Toe
203 het ons mos in 1996 begin met die pre-primêre klasse, maar
204 ons was nog steeds deel van die globale groep, Peace Inc., en
205 dit het net so geraak dat ons op eie kon aangaan en (*) het ook
206 gegaan en nou staan ons op ons eie voete en dit wat ons geleer
207 het, kan ons aanpas.

208
209 DINK JY VOLCANO MOET VOORTGAAN? Definitief, definitief,
210 want ek ondervind dit self ek het ook ouentjies in my klas wat 'n
211 mens kan sien die kinders kom uit 'n huisomstandigheid waar dit
212 lyk asof hulle frustrasies tussen die maatjies nou uithaal, jy kan
213 self sien wanneer 'n kind inkleur en hy swart gebruik en ek vra 'n
214 bietjie vrae, kan ek sien hy kom uit 'n baie rowwe area uit en
215 hier was twee ouentjies wat ek opgestuur het na Volcano toe en
216 ek kan sien daar is 'n groot verbetering.

BYLAE J

**1 TRANSKRIPSIE VAN ONDERHOUD MET VRYWILLIGE
2 WERKER NOMMER 10 VAN 1996 SE GROEP.**

3
4
5 EK WIL HÊ ONS MOET BEGIN GESELS OOR WAT JY TANS
6 DOEN. Op die oomblik is ek maar net nou by die huis besig om
7 my kleintjie op te pas en so aan en ledig te sit by die huis. EN
8 VIR HOE LANK IS DIT NOU AL? Van die end van verlede jaar
9 af. HOE OUD IS JOU KLEINTJIE NOU? Sy is nou vyf maande.
10 SO SY IS EERS AAN DIE BEGIN VAN DIE JAAR GEBORE. Ja,
11 Januariemaand.

12
13 GOED AS ONS NOU TERUG DINK, HET JY IN 1996 BEGIN
14 BY VOLCANO, HOE OUD WAS JY TOE JY BY VOLCANO
15 BEGIN HET? Laat ek gou dink, ek was omtrent 21.

16
17 HOE HET JY VAN VOLCANO TE HORE GEKOM? Ek was een
18 keer by 'n ouervergadering wat Volcano gehou het en toe het ek
19 gesien waarmee hulle besig is, een van die ouers daar in die
20 plek wat ons saam genooi het en toe het ek gesien waarmee is
21 hulle besig. En toe agterna het ek iemand wat toe nou ook
22 betrokke is by Volcano gevra waaroor dit nou gaan en so aan
23 en hulle het vir my verduidelik en wat ek gehoor het, het ek van
24 gehou.

25
26 AS JY NOU TERUG DINK NA 1996, JY WAS NOU VAN '96
27 TOT '99 BETROKKE. WAT ONTHOU JY VAN VOLCANO,
28 WAT HET JULLE GEDOEN, WIE WAS DIE MENSE WAT
29 BETROKKE WAS? Wat ek nou kan onthou, was dit nou die tyd
30 van (*) hulle, (*), (*) hulle groepie en vir my was dit, vir my was
31 Volcano daardie tyd baie anders gewees as nou, want seker
32 omdat baie van die spanne wat daar gewees het meestal jonk
33 gewees het, so jonk van gees en hoe kan ek nou sê hmm..
34 almal wat ons gedoen het, was almal was vir dit en so en
35 niemand het uitgesit en so nie. Volcano was vir my hoe kan ek
36 nou sê, lewendiger gewees seker omdat dit nou jong mense
37 gewees het. WAT ONTHOU JY DAARVAN, WAT WAS VIR
38 JOU LEKKER? Alles was vir my lekker gewees, soos in die
39 socials wat ons gedoen het, aangesien dit nou vrywillig wat ons
40 dit gedoen het, maar dit wat ons uit dit uitgekry het dit was baie
41 lekker gewees, dit wat ons geleer het, maar veral die socials,
42 want ons het niks uitgegee nou, want 'n mens het nie eintlik
43 gevoel dat jy vrywillige werk doen nie, want ons het iets
44 uitgeleer daaruit en ons het vir ons geniet . HET JY ENIGSINS
45 MENSE GEKEN VOOR JY BY DIE PROJEK BEGIN HET? Vir
46 (*) het ek mos nou geken en ons het nou so te sê van kleins af

47 het ons saam groot geword en so aan. SO JY WAS DAREM
48 NIE HEELTEMAL VREEMD NIE. Hmm.. WAS JY VINNIG
49 DEEL VAN DIE GROEP? Ek sal nie sê te vinnig nie, want ek
50 was 'n baie stillerige persoon gewees en hmm.. ja, maar
51 agterna het ek die lede wat daar gewees het, hulle het hoe kan
52 ek nou sê, gou gekommunikeer en so aan so, ek het gou geleer

53
54 WAT HET JOU BY DAARDIE OUERAAND TOE JY NOU
55 GEHOOR HET VAN DIE PROJEK, AANGETREK NA DIE
56 PROJEK? Hmm.. net vir die feit dat iets kon gedoen het vir die
57 kind wat hulp nodig gehet het, ek het nou gesien hoe hulle die
58 kind geniet, hom in dit wat hy doen en so aan en dit het vir my
59 baie uitgestaan is, as 'n mens vir iemand iets doen dan moet jy
60 sien daai persoon waardeer dit en dan voel dit vir jou na iets
61 goeds.

62
63 VOOR JY NOU BY VOLCANO BEGIN WERK HET, HET JY
64 ENIGE VORIGE WERK GEDOEN? Nee, net mos vir 'n tyd het
65 ek mos gewerk by 'n plek wat ons ook so te sê vrywillige gewerk
66 gedoen het, omdat ek mos nou geld kry en toe het hulle vir my
67 gesê ek moet daar gaan werk om 'n mens moet besig wees,
68 hulle wil nie hê 'n mens moet so ledig by die huis sit nie en toe
69 het ek daar gaan werk vir 'n tydjie, maar dit was nie eintlik vir my
70 gewees nie. WAAR WAS DIT? Dit was by Chris Steytler in
71 Stikland daar gewees en want die mense wat daar gewees het,
72 is ook nou gestremde mense en so aan, maar vir my het dit nie
73 eintlik gevoel ek pas in nie, want baie van hulle het miskien
74 epileptiese aanvalle gekry en so aan en vir my was dit nie lekker
75 nie. WATSE TIPE WERK MOES JY DAAR DOEN? Ons het
76 soos verpakkings gedoen en soos goed wat uitgegaan het na
77 fabrieke toe en winkels toe en dan moes ons dit verpak het in
78 pakkies in en miskien in 'n pak van ses of so of ons moes
79 goeters soos die gordynhakies afgeweeg het en dit wat ons
80 gedoen het, daar is ook 'n produksielyn, want 'n sekere bedrag
81 moes ons uitgedoen het op 'n dag. So dit was redelik die werk
82 wat ons daar gedoen het, kan ek sê was vir 'n normale persoon,
83 want vir daai werk ek dink jy moet salaris verdien en so, maar
84 omdat ons nou die ongeskiktheid gekry het, was dit nou amper
85 so dan moet jy dit nou maar net gedoen het. EN VIR HOE
86 LANK WAS JY DAAR? Ek was nie te lank daar nie, ek was
87 seker net vir 'n maand of twee maande daar gewees en toe voel
88 ek, ek sal dit nie hou daar nie. SO HOE OUD WAS JY TOE ?
89 ek was so 20, 21 EN VOOR DIT, WANT WATTER STANDERD
90 HET JY OP SKOOL BEHAAL? Ek het standerd ses
91 klaargemaak EN DIT WAS OMTRENT IN WATTER JAAR,
92 WANT JY HET DIE ONGELUK GEHAD IN STANDERD 4. Ek

93 was 12 toe ek die ongeluk gehad het . OK, SO JY HET
94 STANDERD SES, SO IN WATTER JAAR WAS DIT
95 OMTRENT? Dit was seker hier as ek nie verkeerd is nie '94. EK
96 WIL EINTLIK UITVIND HOE LANK JY BY DIE HUIS WAS
97 VANDAT JY KLAAR GEMAAK HET MET DIE SKOOL TOTDAT
98 JY BY CSI BEGIN HET Dit was omtrent twee jaar. ENIGE
99 ANDER WERKE WAT JY GEDOEN HET? Nee, niks nie. EN
100 BY DIE HUIS, ENIGE TAKE BY DIE HUIS? Hmm.. ag, net
101 skottelgoed was en skoon te maak en so EN BETROKKE IN
102 DIE GEMEESKAP OF WAS JY MAAR NET BY JOU HUIS? Ek
103 was maar net by die huis en dan nou Sondags het ek nou
104 Sondagskool gehou. WAS JY EEN VAN DIE SONDAGSKOOL
105 JUFFROUENS OF WAS JY 'N HULP? Ek was een van die
106 juffrouens. SO WATTER SKILLS HET JY DAAR OPGETEL?
107 Ek sal sê dit gaan basies ook meer oor die kind en so hoe om
108 die kind te hanteer en so aan, EN HOE GROOT WAS DIE
109 GROEPIE WAT JY MEE BETROKKE WAS? Dit was eintlik 'n
110 veld Sondagskool, ons het nie presies elke Sondag dieselfde
111 bedrag kinders gehet nie, hulle het gekom en gegaan soos dit
112 hulle, maar kan maar sê 'n groep van 20.

113
114 AS EK NOU NIKS GEWEET HET VAN VOLCANO NIE EN EK
115 VRA VIR JOU AS EK NOU EEN DAG SAAM MET JOU KOM,
116 WAT SOU EK GESIEN HET, WAT DOEN JULLE? Ok dat ons
117 mos nou met die kind werk en dat ons, dat ons die kind wat 'n
118 bietjie agter is, help met sy lesse en so aan. Ja, basies. WAT
119 HET JULLE MET HULLE SPESIFIEK GEDOEN? Ons het
120 meestal met hulle lesse wat die student mos nou opgestel het
121 en dan het ons met hulle gedoen om vir hulle te leer – die goed
122 wat ons meestal moes oorgegaan het, was oor kleure en getalle
123 en hmm.. ja, kleure en getalle en dan nou vorms ja. NOG IETS
124 WAT JULLE DEUR DIE DAG MOES DOEN, WATTER ANDER
125 TAKE HET JULLE GEHAD? Ons het soos Woensdae het ons
126 mos nou die verrykingsgroepe gehad, daar het ons nou eintlik
127 geleer oor self en dan het ons onse lesse voorberei en wat ons
128 moet doen vir die next dag.

129
130 GOED, GEBASEER OP JOU ERVARING, WAT SAL JY Sê IS
131 DIE STERKPUNTE VAN DIE PROJEK? Soos vir my was dit
132 nou in die begin, was ek 'n baie stil persoon gewees, ek het nie
133 sommer gepraat nie en so aan nie, maar toe ek by Volcano kom
134 aansluit het, het dit nou net van my 'n sterker mens gemaak en
135 ek kon ook as ek ontevrede gewees het oor iets, kon ek ook
136 gepraat het en so aan en dit het van my hoe kan ek nou sê
137 meer, wat ek nou nie geweet het wat in my skuil nie het
138 vorendag gekom. So, ek sal sê hmm.. Volcano is nie net goed

139 vir die kind nie, maar self ook goed vir die persoon wat vrywillige
140 werk doen. NOG ANDER, AS EK JOU REG VERSTAAN, VOEL
141 JY DAAR HET BY JOU GROEI PLAASGEVIND, HOE SIEN DIE
142 MENSE BY JOU HUIS DIT, BYVOORBEELD JOU AUNTIE?
143 Sy sal nie eintlik voor my praat nie, maar soos sy die laaste keer
144 met (*) gepraat het by die oueraand, toe het sy ook genoem vir
145 (*) hmm... soos ek ook nou gesê het dat ek baie stil gewees het
146 en ek sou nie sommer gemeng het mense nie, maar dit het nou
147 uitgekom van my en ek praat nou baie sê sy.

148 WAT ERVAAR JY AS DIE SWAKPUNTE VAN DIE PROJEK?
149 Hmm.. laat ek nou sien, swakpunte, nie wat ek nou aan kan, ok
150 miskien nou net hoe sal ek nou sê, miskien by die skole swak is,
151 is somtyds die lokale en so wat elke tyd in 'n ander lokaal is en
152 somtyds is dit ook dit wat vir jou sommer van plek af maak en
153 dat jy sommer nou kom by die plek en nou vind jy uit dat jy weer
154 na 'n ander lokaal moet gaan, want jy word nou so gewoond aan
155 iets en dan as dit nou wegval en so, dan is dit nou wat vir jou
156 mismoedig maak somtyds. NOG ENIGE IETS ANDERSTE.
157 Miskien sal ek ook sê dat somtyds soos die vrywilliges, 'n mens
158 raak gewoond aan mekaar nou en nou is dit miskien nou dat
159 daai persoon weggaan of julle twee het nou lekker saam gewerk
160 en nou moet die persoon miskien weggaan en dan hmm.. daar
161 was nou 'n lekker verhouding met julle gewees en nou moet
162 daar weer iemand anders kom of jy ly skade, want daai persoon
163 kan nou nie alleen aangaan nie met die groep en so aan nie,
164 maar as dit nou julle twee saamwerk, is dit orait. En veral ook
165 self in die geval van die student ook selfs wat jy kan sê 'n mens
166 raak gewoond aan hulle en nou by die tyd dat jy nou te
167 gewoond is, is dit tyd dat hulle moet weggaan en dan moet jy
168 nou weer 'n nuwe student ontmoet en jy moet nou eers weer
169 haar gewoontes gewoond raak en so aan.

170
171 AS EK JOU VRA OMTRENT JOU GEVOELENS OMTRENT
172 DIE PROJEK, WAT WAS VIR JOU REGTIG LEKKER? Om nou
173 met die kind te werk, om elke dag die kind se gesig te sien is net
174 hoe kan ek nou sê, somtyds en dan voel 'n mens nou as jy van
175 die huis af kom jy het 'n probleempie gehad by die huis, maar as
176 jy nou kom of jy kom mos nou eers by Volcano nou aan, nou
177 kom jy by die volunteers en so aan daai gevoel dat hulle wat
178 daar is, die spanbou is lekker en dan vergeet jy al weer van jou
179 probleem en as jy nou na die skool toe gaan en met die kinders
180 werk, is ook 'n baie lekker gevoel.

181
182 WAS DAAR IETS WAT NIE VIR JOU LEKKER WAS NIE? Van
183 die take nou ENIGE IETS BY VOLCANO O.. miskien die
184 donasiesvraery, dit was nie vir my so of wat miskien is dit nog

185 iets wat ek moet leer nou, 'n punt wat ek nog moet aanleer
186 hmm... wat nog moet groei, want ek is nie 'n persoon wat hou
187 van sommer nie, miskien sal ek nou sien ek sukkel, dan sal ek
188 either probeer om dit op my eie uit of so aan, nou daai was nou
189 vir my nie so baie lekker takie gewees nie. NOG ENIGE IETS?
190 Ek sal nie eintlik sê daar was nog goed wat soos wat take betref
191 wat nou nie lekker was nie, alles was vir my oriaat.

192
193 GOED, HET VOLCANO VIR JOU IETS BETEKEN? Soos ek
194 gesê het, het Volcano vir my baie beteken hmm.. want soos die
195 dinge wat ek geleer het en so aan en hmm.. omdat somtyds
196 was ek maar net ledig by die huis gewees en dit het vir my rereg
197 iets baie beteken soos somtyds nou as ek by die huis maar net
198 sit en dan, soos die huistake as dit klaar is dan sit 'n mens nou
199 maar net en dan sal ek sê dit het vir my baie beteken. KAN JY
200 MISKIEN SO BIETJIE UITBREI, JY HET NOU GESÊ DIT HET
201 VIR JOU BETEKEN IN DIE SIN DAT JY MEER BEGIN PRAAT
202 HET, JY HET ANDER MENSE LEER KEN, JY WAS DEEL VAN
203 'N GROEP, JY HET LEKKER MET DIE KINDERS GEWERK ,
204 NOG IETS ? Wat ook vir my uitstaan, is kyk nou die feit dat die
205 student wat altyd kom, of soos juf. (*) ook nou, daars somtyds
206 probleme soos nou wat ek het en so aan en dan jy sal sommer
207 nou voel om te praat en so aan wat ek nou nie sommer by die
208 huis as ek 'n probleem het sommer met hulle praat nie, maar
209 soos ek nou sê met die student en juf. (*), ek sal altyd gevoel
210 het om as ek nou iets gehad het soos 'n geraamte in die kas om
211 daaroor te praat, want ek weet dit sal nou nie uitgaan, uitlek en
212 so aan nie. SO JY VOEL JY HET SO 'N BIETJIE
213 ONDERSTEUNING OOK GEKRY? Ja

214
215 GOED EK WIL NOG 'N PAAR VRAE VRA, WANT DIE EEN
216 BELANGRIKE DING WAAROP EK NOU WIL FOKUS IS DIE
217 OPLEIDING WAT JULLE GEKRY HET, EK WIL SPESIFIEK
218 WEET OOR WAT JOU OPINIE IS OMTRENT DIE MANIER
219 WAAROP DIE STUDENT DIE OPLEIDING MET JULLE
220 GEDOEN HET. Die student het dit baie duidelik, hoe kan ek
221 nou sê gedoen en so aan, sy het dit stap vir stap gedoen en aan
222 die einde van die dag het jy verstaan waaroor dit gaan en mens
223 kan dit dan gaan toepas en so dit was baie duidelik gewees.
224 WAT HET JY GEHOU VAN HAAR MANIER AS JY SÊ STAP
225 VIR STAP EN DUIDELIK, WAS DAAR SEKERE MANIERE VAN
226 HOE HULLE DIT OORGEDRA HET? Ja, sy het byvoorbeeld
227 baie prakties gedoen, nie net dit afgepraat en so aan nie, sy het
228 dit baie prakties gedoen en dit is wat dit baie lekker gemaak het
229 en byvoorbeeld daar was altyd sketse en goed wat sy gegee

230 het. Jy hoor dit nie net nie, maar jy kan dit sien ook en agterna
231 kan jy teruggaan om weer daaroor te gaan.

232
233 ENIGE IETS WAT VIR JOU SWAK WAS OMTRENT DIE
234 OPLEIDING? Nie wat ek nou aan kan dink nie, daar was nie
235 eintlik iets wat jy nou kan sê wat swak was nie, want alles was
236 altyd goed georganiseerd en so aan.

237
238 AS EK NOU VIR JOU SÊ JY HET DIE MAG OM IETS AAN
239 VOLCANO TE VERANDER, WAT SAL JY GRAAG WIL
240 VERANDER? ENIGE IETS, WAT IS JOU DROOM VIR
241 VOLCANO? My droom vir Volcano sal miskien wees dat
242 Volcano op sy eie in sy eie plekkie is, ok soos nou is ons by die
243 skool nou maar soos by Amica house was ons nou lekker op
244 onse eie en dit was amper soos 'n huisie en miskien sal dit nou
245 my, vir my lekker wees as Volcano nou sy eie plekkie het, want
246 daar was nou baie kere dat ons nou miskien nou goed gehet het
247 om te doen dan kon ons nou lekker buite in die sontjie gesit het
248 om dit te doen, maar 'n mens kan dit nie nou eintlik hier doen
249 nie, want 'n skool is die kinders is mos daar. En miskien nou
250 ons loop nou en so aan miskien die kere as dit baie reën en so
251 miskien dat Volcano op 'n later stadium sy eie vervoer kan hê,
252 sal dit ook lekker wees. NOG IETS? Ok soos miskien nou op
253 die oomblik is dit oraait so, maar in die verlede het Volcano mos
254 by die Civic dit sal miskien nou nie uitwerk nie, maar soos dit vir
255 my voel, dink ek dat dit ook miskien sou lekker gewees het weer
256 op so manier nou en nie uitgaan na die skole toe nie, maar die
257 kinders kom Civic toe. Dis basies al waaraan ek kan dink.

258
259 HOEKOM HET JY OPGEHOU MET VRYWILLIGE WERK? Dit
260 was mos nou toe ek die babatjie gekry het dat ek mos nou
261 opgehou en moontlik sou ek al terug gekom het, maar daar was
262 nou niemand waar ek nou die kind gehet nie, my auntie is nou
263 daar, maar sy het ook maar haar besige dae en so, so ek kan
264 nou nie vir haar opsaal met haar nie. HOEKOM WIL JY
265 TERUGKOM? O, daars so baie, die eerste is dat ek nou baie
266 net ledig by die huis is en somtyds wat vir my terugtrek as ek
267 somtyds die kindertjies langs die pad kry wat by Volcano
268 gewees het en as ek nou "hallo, Juffrou", en so aan en dan voel
269 ek net daai begeerte kom weer terug na my toe en hmm.. so vir
270 my is dit net ek soos ek sê daai kindertjies jy raak later so lief vir
271 hulle, omdat jy vir hulle iets doen en so aan iets beteken of dit is
272 wat nou eintlik vir my nou terugroep.

273
274 DINK JY VOLCANO MOET VOORTGAAN? Ek dink Volcano
275 moet voortgaan, want dit beteken dit is iets goeds, dis nie dat dit

276 nou iets is wat nou nie werk nie, so ek dink dit moet voortgaan
277 net ter wille van die kind en so wat nou bietjie sukkel en so.

BYLAE K

**1 TRANSKRIPSIE VAN ONDERHOUD MET VRYWILLIGE
2 WERKER NOMMER 11 VAN 1998 SE GROEP.**

3
4
5 EK WIL EERS WEET VOOR ONS PRAAT OOR VOLCANO
6 WATTER WERK JY TANS DOEN? Ek is tans by die huis hmm.
7 Ek het nie nou eintlik iets wat ek doen by die huis nie en ek is
8 maar ledig by die huis, net die kinders wat ek na omsien. EN
9 HOEVEEL KINDERS HET JY NOU? Ek het nou drie kinders.
10 HULLE IS SEKER OOK AL 'N HANDVOL, WANT HOE OUD IS
11 HULLE NOU AL? Een is tien jaar oud en die enetjie is ses en
12 die ander enetjie is nou 'n jaar en vyf maande oud. HULLE IS
13 DAREM LEKKER UITMEKAAR UIT. DIE OUDSTE TWEE IS
14 DAREM VAN DIE HAND AF AL. Ja. IS HULLE NOU IN DIE
15 SKOOL? Ja. IN WATTER SKOOL IS HULLE? Hulle gaan by
16 (*) skool. WATTER SKILLS HET JY NODIG OM 'N MA TE
17 WEES, WAT DOEN JY MET JOU KINDERS? Ek moet vir hulle
18 skoon hou, wasgoed was, kos gee, bad en huis skoonmaak.
19 So. bedags is ek alleen by die huis dan moet ek huis
20 skoonmaak, dan moet ek die enetjie by die skool gaan haal
21 eenuur en as sy huis toe kom dan moet ek nou na omsien, dan
22 gaan ek en die klein enetjie nou vir haar haal en as hulle by die
23 huis kom, dan is my dag ook vol. JA-NEE, EK GLO JOU GOED.

24
25 HOE OUD WAS JY TOE JY BY VOLCANO AANGESLUIT
26 HET? Ek was25, nee 26 .

27
28 HOE HET JY VAN VOLCANO GEHOOR? Ek het.. was dit nou
29 in die koerant, nee, dit was nie die koerant nie – ek het by die
30 biblioteek , die dag toe gaan ek om by die biblioteek, toe was dit
31 daar opgeplak, toe het ek gelees van, toe het ek besluit ek gaan
32 nou maar, want ek doen tog niks by die huis nie en die kinders,
33 toe het ek nog net die twee kinders gehad en die kinders gaan
34 skool toe en ek sit maar ledig elke dag by die huis. EN TOE
35 HET JY BESLUIT. Ja SO JY HET EEN VAN DAAI
36 PAMFLETTE WAT ONS UITGEGEE HET GESIEN. Ja.

37
38 AS JY NOU TERUGDINK NA 1998, WAT ONTHOU JY VAN
39 DIE PROJEK? Ek onthou van die tyd dat ek die kinders by die
40 skool was, dit vir lekker gewees om met die kindertjies te werk
41 en ek het uitgesien elke dag daarna om skool toe te gaan om
42 met die kinders te werk. SO DIE WERK MET DIE KINDERS
43 STAAN VIR JOU UIT.

44
45 TOE JY NOU DAARDIE PAMFLET TEEN DIE BORD GELEES
46 HET, WAT HET JOU LAAT BESLUIT DIT IS IETS WAT JY KAN

47 DOEN, WANT DAAR IS TOG BAIE ANDER VRYWILLIGE
48 WERK WAT 'N MENS OOK KAN DOEN, WAT HET JOU LAAT
49 DINK DIT IS IETS WAT JY OOK KAN DOEN? Ek het gedink dit
50 iets wat ek kan doen, omdat ek baie lief is vir kinders, ek hou
51 van kinders en ek het daarna uitgesien om met kinders te werk,
52 toe hulle nou vir my verduidelik daar waaroor dit gaan, toe dink
53 ek, ek sal dit kan doen, want ek is lief vir kinders SO DIT WAS
54 HOOFSAAKLIK DIE FEIT DAT JULLE MET KINDERS WERK
55 WAT VIR JOU BELANGRIK WAS.

56
57 VOORDAT JY NOU MA GEWORD HET, HET JY ENIGE
58 VORIGE WERK GEDOEN VANDAT JY DIE SKOOL VERLAAT
59 HET? Ja, WAAR WAS DIT? Ek het in 'n fabriek gewerk, met
60 die hangers gewerk, daar het ek gewerk . EN WAT WAS JOU
61 WERK DAAR, WAT MOES JY DOEN? Ons het hangers
62 gemaak, die hooks ingesit en dan het ons die hangers getrim en
63 so en dan in bokse gepak en dan het dit weggegaan na ander
64 fabrieke toe IS DIT NOU DIE HOUTHANGERS? Nee, dit is
65 plastiek EN VIR HOE LANK WAS JY DAAR? Ek het vir drie
66 jaar daar gewerk. EN HOEKOM HET JY OPGEHOU? Toe ek
67 die dag getrou het, toe wil my man nou nie dat ek nou verder
68 daar werk nie en toe was ek nou vir die tyd by die huis.

69
70 WATTER STANDERD HET JY OP SKOOL BEHAAL? Ek is
71 standerd nege uit die skool uit EN HET JY TOE DIREK
72 DAARNA BY DIE FABRIEK BEGIN WERK? Ja.

73
74 AS EK NOU NIKS GEWEET HET VAN DIE PROGRAM NIE EN
75 EK VRA VIR JOU WAT DOEN JULLE HEELDAG BY DIE
76 PROJEK, WAT SAL JY VIR MY Sê? Eerste het ons bymekaar
77 gekom en daar het ons bespreek wat ons vir die dag gaan doen
78 en die take wat ons by die skool gedoen het, was om die
79 kinders te leer kleure uitken, en syfers uitken, want baie van die
80 kinders ken dit nie. En vorms uitken – dus wat ons die kinders
81 mee gehelp het. NOG IETS WAT JULLE GEDOEN HET OP
82 DIE DAG? Die lesse wat ons by die Volcano student gekry, het
83 dit is ook iets om na uit te gesien
84 het .

85
86 GEBASEER OP JOU ERVARING, WAT SAL Sê, IS DIE
87 STERKPUNTE VAN DIE PROJEK? Die sterkpunte is om die
88 kinders te help, om met kinders te werk en hulle te help en om
89 iets vir die gemeenskap te beteken. EN VIR JOUSELF, WAT
90 VIR JOUSELF? Ek het baie daaruit geleer, want in die eerste
91 plek was ek 'n bietjie skaam toe ek daar gekom het om te praat
92 en so, maar toe ek nou vir (*) hulle leer ken het toe voel ek

93 sommer tuis en die eerste keer toe ek daar kom, het hulle my
 94 baie laat tuis voel en na daai het ek ook toe maar, want ek hou
 95 van gesels en praat, maar ek kan nie sommer die eerste keer,
 96 as jy nie 'n persoon ken dan voel 'n mens maar jy kan nie lekker
 97 kommunikeer nie, maar na daai die tweede, derde dag toe voel
 98 ek sommer tuis en ek het gepraat en gesels en tot vandag toe.
 99 JULLE HET MEKAAR GLAD NIE GEKEN VOOR DIE TYD NIE
 100 EN DIT LYK VIR MY JULLE HET HOU NOG KONTAK. Ja

101
 102 GOED, WAT WAS VIR JOU SWAK PUNTE VAN DIE PROJEK?
 103 Swak punte hmm.. die oggende as ons so bymekaar gekom
 104 het, dan ek wil nou nie spesifiek name noem nie, dan het party
 105 en as ons nou so baie grappies maak en daai, dan het party in
 106 die groep nou nie daarvan gehou nie dat ons moet grappies
 107 maak nie en ek is 'n persoon ek hou van lag en gesels en
 108 grappies maak, maar nou is daar miskien persone in die groep
 109 wat nie daarvan hou nie en dan het dit, dan het ek ook nie party
 110 dae lekker gevoel nie, want nou sien ek die persoon hou nie van
 111 die dinge wat ons miskien nou oor grappies maak en so nie –
 112 dis maar al. SO DAAR WAS MAAR SO BIETJIE WRYWING?
 113 Ja HOE HET DIT JOU GEPLA? Ja, dit het my nie lekker laat
 114 voel nie maar ok ek het my nou so aangepas by hulle en HET
 115 JY PARTYKEER MISKIEN GEVOEL OM NIE TE KOM NIE?
 116 Nee, ek het elke dag uitgesien om te kom, ek sal ook nie, ok
 117 elke persoon is maar 'n persoon op sy eie en 'n mens kan nie as
 118 net deur dit by die huis bly nie, want ek het gevoel dat ek is deel
 119 van die groep, so ek sal my deel sal ek moet bydra.

120
 121 WAT WAS VIR JOU BAIE LEKKER BY DIE PROJEK? Hmm..
 122 dit was lekker vir my om met die kinders te werk, lekker vir my
 123 om elke oggend te kom en dan met (*) hulle te gesels en te
 124 kommunikeer en as ek 'n probleempie of iets wat by die huis
 125 gebeur, dan hoef ek nie te kom kwaad sit nie, want hulle het
 126 sommer vir my die dag lekker gemaak en as ek dink aan die
 127 kinders dan dink ek die probleem is alles vergete. Sê GOU VIR
 128 MY, EK GAAN NOU TERUG TOE JY BY DIE HUIS WAS
 129 VANDAT JY NOU WEG IS VAN DIE PLEK WAAR JULLE
 130 HANGERS GEMAAK HET, WAS JY ENIGSINS BETROKKE IN
 131 DIE GEMEENSKAP OF WAS JY NET BY DIE HUIS? Ek was
 132 net by die huis gewees. NIE BEHOORT AAN GROEPE OF
 133 SONDAGSKOOL GEGEE OF SO IETS NIE Nee, ek het vir 'n
 134 jaar kinderbond gehou by die kerk, nou dit is elke Dinsdag kom
 135 die kinders bymekaar dan het ons elkeen, ons was 'n hele paar
 136 dan het ons groepies, dan het ons elkeen 'n groepie kinders
 137 gevat en dan het ons gewerk met die kinders, Bybelwerk gegee
 138 Dinsdae , ek het dit net so vir drie maande gedoen. EN

139 VRIENDE HET JY 'N GROOT VRIENDEKRING GEHAD? Ja,
140 HET VRIENDE BY JOU KOM KUIER OF HET JY HULLE
141 MAAR NET BY DIE KERK GESIEN? Nee, ek het gaan kuier by
142 hulle en hulle by my.

143 WAT IS DIT WAT VIR JOU GLAD NIE LEKKER WAS BY DIE
144 PROJEK NIE? Iets wat nou vir my uitstaan as glad nie lekker
145 nie is dan, is dit nou in die vergaderings as ons moet praat, want
146 ek het nooit gehou om in 'n vergadering te praat nie, maar ek
147 het ook maar hier kom leer om wat dit is om in 'n vergadering
148 jou opinie te lug en ek het nooit daarvan gehou nie, maar nou
149 kan ek dit darem al doen. HOEKOM HET JY NIE DAARVAN
150 GEHOU NIE? Omdat ek het nie ek het gevoel dat ek , ek het
151 altyd so gevoel dit wat ek wil sê, sal ek maar vir myself hou,
152 maar hier het ek baie geleer as jy 'n probleem het miskien in die
153 groep en so, dan moet jy daarvoor praat en jy moet dit nie net vir
154 jouself hou nie. WAS JY MAAR VAN NATURE SO 'N MENS
155 GEWEES AS JY BY DIE HUIS, JY EN JOU MAN NOU
156 VASGESIT HET DAN HET JY OOK MAAR STIL GEBLY? Baie
157 kere het jy maar gevoel jy moet ook, maar jou mond hou maar
158 nou is ek nie meer so nie, as ek 'n probleempie het, dan praat
159 ek daarvoor. EN HOE VAT HY DIT? Hy is 'n baie, hoe kan ek
160 nou sê, as ek nou 'n probleem het en ek praat met hom, sal hy
161 luister maar sommige tye praat ons daarvoor en sommige tye
162 dan worry hy nie daarvoor nie, dan sê hy net vir my ja en so.

163
164 WAT HET VOLCANO VIR JOU BETEKEN? HET DIT VIR JOU
165 IETS BETEKEN? Ja, dit het vir my baie beteken, ek het geleer
166 hoe om te kommunikeer, en hoe om, hoe sal ek nou sê, dit het
167 vir my geleer dat ek ook iets vir die gemeenskap beteken, want
168 soos ek voorheen het ek mos nie sulke werk gedoen nie en dit
169 was altyd vir my lekker om te hoor die kinders sê vir my hallo
170 mev. En so toe voel ek so geëerd en ek het baie geleer.
171 PERSOONLIK NOG IETS, WAT IS DIE BAIE? Vir my
172 persoonlik soos ek gesê het, ek kon nie gekommunikeer het nie
173 met ander mense nie, nou soos ek nou voel vandag het dit vir
174 my eintlik gehelp om te kommunikeer met mense en as ek 'n
175 probleempie het dan kan ek vrylik praat daarvoor, want dit word
176 nie na die een na die ander vertel nie. Daai persoon hou dit net
177 vir homself en so aan. DIT KLINK VIR MY OF DIE GROOT
178 DING GEGAAN HET DAT JY MEER VERTROUE IN JOUSELF
179 HET EN DAT JY NOU KAN PRAAT. Ja.

180
181 KOM ONS GAAN KYK GOU NA DIE OPLEIDING WAT JULLE
182 ONTVANG HET BY DIE STUDENT, KAN JY NOG VAN DIE
183 ONDERWERPE ONTHOU? Ja, soos konflikhantering en al wat
184 ons nou baie oor gepraat het, was die konflik ding wat sy vrae

185 gevra het en dan moes ons die vrae beantwoord en so aan.
186 JULLE HET OOK , JY MOET MY REG HELP, GEPRAAT OOR
187 BEPLANNING. Ja, EN SELFGELDENDE GEDRAG? NOU IS
188 ONS BY. AS JY NOU VIR MY MOET SÊ WAT HET VIR JOU
189 UITGESTAAN IN DIE MANIER HOE HULLE DIE KLASSE VIR
190 JULLE AANGEBIED HET? Ja, die hmm.. die manier hoe hulle
191 dit nou vir ons aangebied het , hulle het dit altyd, hoe kan ek
192 nou sê, op sketse vir ons aangebied en vir ons vrae gevra dan
193 het ons die vrae beantwoord en dit wat ons nou nie geweet het
194 nie, hulle vir ons weer oor verduidelik, so ons het eintlik baie
195 daaruit geleer en jy kon dit in jou huis self gaan toepas dit wat jy
196 daar geleer het of met jou kinders kan jy dit ook doen, so ek het
197 baie daaruit geleer. KAN JY AAN IETS SPESIFIEKS DINK
198 WAT JY TOEGEPAS HET? Ja, veral die konflik as daar, ek het
199 geleer as iemand vir jou iets sê wat miskien vir jou seer maak
200 en so dan moet jy nie, of jy wil vir 'n persoon iets sê dan kan jy
201 dit either op 'n mooi manier vir daai persoon sê, partykeers is dit
202 so dan sê party mense hulle gee nie eintlik om hulle vir jou sê
203 nie wat al maak die ding jou seer, maar hulle gee nie om nie.
204 Maar hier het ek nou weer geleer as jy vir 'n persoon iets wil sê
205 dan kan jy dit op 'n mooi manier sê, nie so op 'n rowwe manier
206 sê nie, want baie keer dink die persoon nie dat hy jou kan seer
207 maak nie.

208
209 WAS DAAR ENIGE IETS IN DIE OPLEIDING WAT DIE
210 STUDENTE VIR JULLE GEGEE HET WAT VIR JOU NIE SO
211 GOED GELOOP HET NIE? Nee, dit wat hulle vir ons geleer
212 het, het hulle altyd baie mooi uitgebeeld dat ons dit kan verstaan
213 en ons het dit altyd op skrif opgeneem dat as jy dit miskien
214 vergeet, kan jy altyd weer daarna kyk.

215
216 AS JY DIE MAG SOU KON HÊ OM IETS TE VERANDER AAN
217 DIE PROJEK, WAT SAL JY ANDERS WOU DOEN? Hmm.. dit
218 wat ek sou wou verander, is net dat ons 'n plekkie moet hê van
219 ons eie soos nou hier by die skool, ek kan nou nie sê ons is 'n
220 steuring of so nie, maar ek voel dat ons net op ons eie is, ons
221 eie plekkie hê soos daar by Amica – daar was ons alleen en ons
222 het lekker saamgewerk en so, maar ek voel nie ons moet by die
223 skool wees nie. WAT SAL JY NOG WIL VERANDER? Ek sal
224 ook verander die dat ons na die skole toe moet loop, in die
225 somer is dit nog orait, maar in die winter voel 'n mens nie om
226 so te loop nie en jy reën nat en dit is koud en of hulle nie vir ons
227 'n vervoertjie kan reël nie.

228
229 HOEKOM HET JY OPGEHOU MET VRYWILLIGE WERK BY
230 DIE PROJEK? Want ek was swanger, maar ek het toe gevoel

231 om nie meer te werk toe ek uitvind ek is swanger. HOEKOM
232 WIL JY NOU WEER TERUGKOM? Omdat ek ledig is by die
233 huis en omdat ek daarna uitsien om met die kinders te werk en
234 ek voel net nie meer om by die huis te sit nie, want elke dag
235 moet jy net dieselfde tipe dinge doen by die huis en ek voel om
236 'n bietjie uit die huis te kom en ook my deel weer te gee aan die
237 gemeenskap.

238
239 DINK JY VOLCANO MOET VOORTGAAN? Ja, dit moet
240 voortgaan ja , want dit is 'n goeie doel vir die mense en vir ons
241 wat niks doen nie om 'n bietjie te werk met die kinders en ek
242 voel net dit moet voortgaan.

BYLAE L

**1 TRANSKRIPSIE VAN ONDERHOUD MET VRYWILLIGE
2 WERKER NOMMER 12 VAN 1999 SE GROEP.**

3
4
5 WATTER WERK HET JY GEDOEN VOOR JY BY VOLCANO
6 BEGIN HET? Wel, voor ek by Volcano gekom het , het ek nou
7 hmm... was ek eintlik een en twintig jaar in die onderwys
8 gewees. Dit was nou eintlik my eerste werk en dit het ek nou
9 gedoen tot sê September 1996, was ek nou voltyds in die
10 onderwys gewees. VIR WATTER STANDERD HET JY
11 ONDERWYS GEGEE? Dit was hmm graad twee het ek sê
12 plus minus negentien jaar van die een en twintig jaar gehad en
13 dan het ek nou 'n jaar graad een gehad, dit was nou 'n juffrou
14 wat op bevallingsverlof was en toe kon hulle nou nie 'n geskikte
15 persoon vir haar pos kry nie, toe was ek nou vir die jaar nou in
16 haar betrekking gewees. En dan het ek nou so 'n bietjie die
17 ander jaar, het ek nou sê graad vier gehad, maar die meeste
18 van my tyd, die tyd by die skool het ek nou graad twee onderrig.
19 JY HET IN SEPTEMBER 1996 KLAARGEMAAK BY DIE
20 SKOOL EN IN SEPTEMBER 1999 BY VOLCANO BEGIN, WAT
21 HET JY IN DIE TUSSENTYD GEDOEN? Ek het eintlik niks
22 veel in die tussentyd gedoen nie, maar net so by die huis
23 gewees , dit was die tyd dat ons by ma kom bly het, juis wat
24 haar gesondheid nie so goed was nie en wat sy gevoel het nou
25 iemand moet nou daar by haar wees en toe het ons, ons het op
26 daardie stadium in Kraaifontein gebly, maar toe het ons nou
27 onse huis verkoop en toe het ons nou by haar kom bly . So, ek
28 het eintlik niks in die tussentyd gedoen , ek meen wat werk
29 betref nou nie. HET JY AL DIE JARE BY DIESELFDE SKOOL
30 GEWERK? Ja, ons het begin as 'n skool, dit was eers hm.. ook
31 net so 'n opslaan soos hierdie gebou en die asbes gebou eintlik
32 en ek het daar begin en ons was seker so plus minus vyf, ses
33 jaar daar, toe het hulle nou die nuwe skool op dieselfde perseel
34 gebou en toe het ons nou maar net oorgegaan , so ek was nou
35 basies vir die een en twintig jaar by dieselfde skool betrokke.
36 HET HULLE NOG NOOIT VIR JOU GENADER OM TE KOM
37 AFLOS? Hulle het al so vir my gevra waar is ek, hulle het
38 verlede keer maar toe op daardie stadium, ek kon 'n betrekking
39 gekry het by 'n skool in Belhar ook, dit was nou 'n
40 Engelsmedium skool toe was ek nou al op daardie stadium by
41 Volcano betrokke en maar dit was eintlik maar net vir 'n kwartaal
42 gewees, toe sê ek vir hulle nee, ek sal maar nie, ek sal maar
43 aanbly by Volcano.

44
45 HOE OUD WAS JY TOE JY BY VOLCANO AANGESLUIT
46 HET? Seker so drie en veertig.

47 HOE HET JY VAN VOLCANO TE HORE GEKOM? Dit is juis
48 die ding, ek het nooit, ek was al die tyd in die omgewing, maar
49 ek het nog nooit gehoor van Vocano nie, ek meen daar was
50 nooit gesels daaroor alhoewel ons hmm.. met (*) se mense in
51 aanraking was, veral wat die sport betref, maar ek het nooit
52 gehoor van Volcano nie, dit was maar in die strooikoerantjie
53 wat ons gekry het wat ek nou die advertensie gesien het vir die
54 vrywilligers, in die Metro Burger. En dit was eintlik nou maar
55 daardeur dat ek van Volcano te hore gekom het, maar ek het
56 nog nooit voorheen gehoor mense praat daarvan of alhoewel ek
57 nou in die omgewing gewerk het, ja.

58
59 WAT HET JOU AANGETREK NA DIE PROJEK TOE JY NOU
60 DIE ADVERTENSIE IN DIE KOERANT GELEES HET? Seker
61 maar nog altyd die kinders. Daai voeling wat 'n mens by die
62 onderwys gehad het, dit is seker maar die hoofdoel gewees. Ek
63 was op daardie stadium baie vervelig gewees by die huis. Ek
64 was gewoon soggens opstaan en klaarmaak en skool toe
65 gaan en die helfte van my dag het ek maar met kinders
66 deurgebring by die skool en so dit was seker maar nog altyd die
67 daai trek na die skoolkinders, die skool toe.

68
69 EK NEEM AAN DAT JY Matriek GEMAAK HET, ENIGE
70 NASKOOLSE OPLEIDING VERDER? Ja, ons het destyds toe
71 ons begin het, moes ons eintlik net twee jaar doen en dan het
72 ek toe ek al in die onderwys was, het ek nou my derde jaar
73 verder, terwyl ek nou al onderwys gegee het, het ek nou die
74 derde jaar gaan doen. Dit was eintlik buitemuurse kursus wat
75 ek gedoen het. DEUR WATTER KOLLEGE? Dit was by
76 Bellville Opleidingskollege ENIGE PLANNE VIR DIE
77 TOEKOMS OM NOG VERDER TE SWOT? Ek het nou nie so
78 daaraan gedink nie, miskien sal ek nog dink daaroor, want ek
79 voel ook nog ek is nog redelik jonk ek kan nog iets doen, maar
80 ek het hmm... al so gedagte daaraan gegee, maar nog nie
81 finaal besluit nie.

82
83 AS EK ELKE DAG DEEL IS VAN DIE PROJEK, WAT SAL EK
84 SIEN DAT JY DOEN? Is dit nou van ons die oggend kom of,
85 ons program sê nou vir daaglikse program begin nou gewoonlik
86 so 11:00, somtyds 'n paar minute oor elf en gewoonlik op 'n
87 Maandag het ons nou adminvergadering waar die sake miskien
88 van die week bespreek word, as daar probleme is word dit
89 bespreek. En dan het ons nou elke dag waar ons dan kom ons
90 nou natuurlik van Maandag tot Donderdag kom ons nou elke
91 dag elfuur in en hmm... en dan is daar tye wat ons miskien,
92 waar ons miskien voorbereiding doen, want kyk ons is besig met

93 die stimulasielesse vir die leerlinge en met die probleme nou en
94 dan sal ons nou die lesse bespreek, daar word insette gegee,
95 vrae word gevra en somtyds is daar sekere apparaat wat ons
96 nou moet maak om by die lesse aangepas te word en hmm...
97 en dan sê so half een vertrek ons nou van die skool af, want
98 ons is by drie skole betrokke (*), (*), (*), vertrek ons nou na die
99 verskillende skole toe waar ons nou, ekself is nou by (*)
100 betrokke en hmm.. waar ons nou hierdie stimulasielesse kom
101 aanbied, dit is nou van een uur tot twee uur en dit is basies nou
102 maar soos onse dag verloop. As ons nou die volgende oggend
103 weer inkom dan word die vorige dag se lesse nou bespreek, dit
104 word geëvalueer en elkeen gee nou weer sy idees en dan werk
105 ons nou weer rondom almal se probleme as daar nou enige
106 probleme is en so nou.

107
108 **GEBASEER OP JOU ERVARING, WAT SAL JY SÊ IS DIE**
109 **STERKPUNTE VAN DIE PROJEK?** Ek sal vir eerstens sê is die
110 hulp wat die program aan die minderbevoorregte kinders bring,
111 want ek meen met my ervaring wat ek nou al vir sê vir een en
112 twintig jaar in die onderwys, was dit altyd vir ons 'n probleem
113 gewees die kinders wat daardie probleme het, daai agterstand
114 het, daar ek meen baie se ouers kan nie bekostig om vir hulle
115 daai ekstra hulp te kry nie. Ons klasse was so oorvol ons kon
116 self as onderwysers kon nie vir daai kinders, behalwe as ons
117 bereid is om miskien na middag 'n halfuur of so aan 'n kind te
118 bestee en ek sal nogal sê baie van die kinders gaan swaar deur
119 'n laerskool, die primêre skoolloopbaan, daar is nie daardie
120 ekstra hulp nie en ek vind nogal die program is nogals iets goed,
121 want ek dink dit gaan die kinders beter voorberei vir hulle, ek
122 meen vir hulle, jare vorentoe. Eintlik gaan dit vir hulle, al gaan
123 dit nie op die stadium miskien, want nou al die jaar is nou al
124 blykbaar gaan nou al na driekwart van die jaar toe, miskien nou
125 vir hulle iets, maar miskien volgende jaar of die jaar daarna
126 gaan dit vir hulle definitief iets beteken, want daar is regtig baie
127 probleme, die onderwysers nie tyd het voor om aan te spreek
128 nie. Ek self het ondervind, want kyk ek het self met graad
129 twee's gewerk, dan was daar van hulle wat probleme gehad het
130 dan het ek baie keer nie geweet wat die oorsaak daarvan is nie
131 en weet ook die kind begin aan die verkeerde kant van die boek
132 te skrywe, jy raas met daai kind, want jy weet self nie. Want self
133 soos ek het nou al soveel jare onderwys gewees, maar daar is
134 ook baie probleme wat ek nou eers ontdek wat die oorsaak
135 eintlik, dan dink 'n mens jene, as jy dit nou daai tyd geweet het
136 dan sou jy nou beter die kind kan benader het, maar ons weet
137 nie hoekom doen die kind dit so of so nie, maar daar is tog ek
138 meen 'n rede daarvoor, wat ons nou nie die opleiding voor

139 gehad het nie, hoekom dit is nie en ek dink nogal dis iets goed,
140 want nou kan ek ook sien hoekom doen die kind dit, hoekom
141 skryf hy so , hoekom draai hy sy blaai as hy skryf en so wat ek
142 nooit geweet het nie. Daar is ook dinge wat ek nou agter gekom
143 het, wat ek eers nou ontdek en as ek moontlik soos by 'n skool
144 kom dan sal ek beter miskien nou daai kinders kan benader,
145 want ek sal nou of miskien nou vir daai onderwysers miskien
146 raad kan gee en sê probeer dit of dat en so, waar ek dit nou
147 miskien nie die verlede nou kon gedoen het nie. NOG ENIGE
148 IETS WAT VIR JOU STERKPUNTE IS? Wat ek nog kan sê is
149 hmm... is sterkpunte, is eintlik waar die kind nou hier is die kind
150 nou eintlik maar in 'n klein groepie, so hy kan nou eintlik meer
151 aandag kry, dit is ook iets goeds en dit is mos nou waar 'n mens
152 eintlik praat van die individuele aandag en dan soos die lesse
153 wat aangebied word. Goed, daar was vir ons van die student se
154 kant af gevra om insette te gee en so, maar ek dink self soos
155 die lesse wat voorberei word dat dit nogal baie goed is, vir die
156 kind van 'n groot hulp is die stimulasielesse wat nou voorberei
157 word en self soos die studente sit verskriklik baie in, ek het dit
158 agtergekom wat nogal vir my en hulle luister na raad, hulle sal
159 nie net aanvaar dit wat hulle doen is reg of wat hulle sê is reg
160 nie. Hulle neem nogal elkeen se opinie in ag, neem hulle.

161
162 GEBASEER OP JOU ERVARING, WAT SAL JY SÊ IS DIE
163 SWAKPUNTE VAN DIE PROJEK? Is seker maar die manier
164 hoe die mense, miskien het dit nou baie verbeter, maar in die
165 begin soos hulle gekom en gegaan het, so daardie traak-my-
166 nie-agtige houding en soos ek in die verlede ook gesê het, dit
167 het altyd gelyk ek voel nie om my mening te lug nie, of te sê kan
168 ons nie dit doen of daai nie, want soos ek gehoor het was daar
169 al mense wat gesê het hulle het nie nog lus om soos ekstra
170 apparate te maak nie of hulle het nie nog lus om dit te doen nie,
171 nou waar ek nou weer daaraan gewoond is en dit het 'n mens
172 nogal 'n bietjie terug gesit in die begin en toe was ek bly soos
173 toe wat die studente nou met ons die verrykingsprogramme
174 gehou het, toe het ek gevoel , toe lyk dit die mense begin ook te
175 besef dit is nie dat 'n mens nou probeer om snaaks te wees of
176 om vir hulle ekstra werk te wil gee of so nie, dat dit tog in belang
177 van die kind is en toe het ek nou bietjie, ek het altyd gepraat
178 daarvoor dan sê ek dan laat dit jou eintlik so negatief voel so
179 ontmoedig voel, want baie oggende dink jy, ag wat, is dit nou
180 die moeite werd om te gaan of ek kan maar net so goed los of
181 laat hulle nou maar aangaan soos hulle nou op hulle manier
182 voorheen, miskien voel hulle om nog altyd op daardie manier
183 aan te gaan en maar soos ek sê, is daar ook nog die punt ek
184 weet nou nie wanneer Volcano miskien nou gaan uitbrei of

185 verder uitbrei na ander gebiede toe nie en miskien is dit die dat
186 ons nou so moet ver reis, want dit is nou onkostas aan en nie
187 net dit nie, dit vat baie van kyk, want soos ons nou kom, moet
188 ons soggens al vroeg uit die huis uit gaan, jy moet 'n bus vat , jy
189 moet 'n taxi kry en almal die tipe dinge wat 'n mens het dan voel
190 jy ook as dit miskien uitgebrei kan word, miskien na 'n skool na
191 ons waar ons ook miskien een taxi of een bus kan vat tot daar of
192 selfs kan stap tot daar dan sal dit 'n mens miskien ook meer
193 aanspoor of so. Maar eintlik is daar nie veel negatiewe punte
194 wat ek nou al so ver opgemerk het nie , is net nou dat ons so 'n
195 probleem gehad het elke keer het daar het ek ook nou gevoel
196 ek nie dat 'n mens op iemand neerkom of wat nie, maar toe het
197 ek ook gesê vir (*) soos ons nou middag huis toe stap, dan sê
198 ek, ai, vandag was daar nou weer 'n probleem van dat die
199 blaaië weer nie afgerol nie, 'n mens voel so jy mors eintlik jou
200 tyd om te kom. En dan sê ons nou vir, ek sal nou maar (*) se
201 naam noem, vir haar (*) die werkblaaië was nou nie, die juffrou
202 was nou so besig vandag dan sê ek, (*) ek verstaan, want ek
203 was ook by 'n skool en daai mense het baie werk om te doen,
204 hulle het die skool se admin werk wat hulle moet doen en almal
205 die, nou kom ons die oggend hier dan is hier nie blaaië afgerol
206 nie , dan sê die juffrou, nee, die student of (*) het nooit die
207 voorbeelde nou vir haar gebring nie en dan sê sy nou nee, maar
208 sy Maar dan lyk dit half of sy onseker is, het ek dit nou
209 gegee of het ek nou nie, toe het ek ook nou gesê 'n mens voel
210 so jy mors jou tyd, want ons het ookal twee dae hier gekom dan
211 is hier niks vir ons afgerol nie of so nie dan moet ek nou maar
212 weer terug gaan na die ou blaaië toe dan moet ek nou maar kyk
213 wat daar is wat nou naastenby is vir die, dan moet ek nou maar
214 so vir drie of vier die oefening gee en vir 'n ander groepie 'n
215 ander oefening gee net om vir hulle aan die gang te hou en dan
216 sê ons ook, en dan sê ek altyd vir (*) – hulle, nee man
217 hmmm...kyk soos (*) en (*) en (*) wat met ons saamgewerk het,
218 ons kan vir hulle gesê het 'n ding dan maar, dit lyk as 'n mens
219 vir haar 'n ding sê dan sê sy ja maar sy doen net die
220 teenoorgestelde. Toe sê ek vir (*) nee, ek gaan nou niks mee
221 sê nie, ons gaan nou maar stilbly dan sê (*) ook nee, ek voel
222 ook nie meer om te praat nie, ons los nou maar net so, toe dink
223 ek ag, dan gaan 'n mens huis toe en jy dink nee 'n mens kan dit
224 nie nou weer net so los nie ,want dan gaan dinge ook nie
225 regkom nie en toe het dit nou al al 'n paar maal hier so gegaan
226 dan gee sy nou soos ons nou kom na die skool toe , dan gee sy
227 nou vir ons die voorbeeld van die dag se lesse, nou is die juffrou
228 miskien nou besig dan moet die, dan sê ek nou goed ons sal
229 maar aangaan met die les dan sal ek nou maar vir haar kans
230 gee om dit nou maar vir ons af te rol, nou dit is alles daai klein

231 dingetjies wat 'n mens somtyds, goed 'n mens verstaan een of
 232 twee keer miskien, maar nou nie aanmekaar nie. Dan sê ons
 233 nou die sewentiende toe die skole begin het, was ons mos nou
 234 nie hier nie met die dat ons nou onder die indruk was ons begin
 235 die agtiende, toe het ek nou vir (*) gevra wat het hulle nou die
 236 vorige dag gedoen, toe sê sy dit was ook nou weer 'n probleem,
 237 want toe is daar nou ook nie goed afgerol nie, toe sê die juffrou
 238 hmmm... juffrou (*) nou vreeslik omgekrap gewees want sy sê
 239 toe hulle moet nou sê die student of (*) moet nou die blaaië
 240 maar soos voorheen vir haar 'n dag of twee voor die tyd gee
 241 om vir haar tyd te gee om dit af te rol. Toe ek nou die Dinsdag
 242 toe nou kom, toe gaan ek nou na haar om verskoning te vra en
 243 so en gesê ons gaan nou maar probeer dat (*) nou vir haar die
 244 goed nou voor die tyd gee, toe het sy darem nou Donderdag
 245 nou vir ons nou vandag se werk gegee om af te laat rol. Nou
 246 sien nou Donderdag het ons dit gebring en toe het sy kans om
 247 Donderdag dit klaar af te rol, nou is dit klaar vir vandag. Toe sê
 248 ek vir (*) 'n mens voel so dan kom jy hier, soos (*) ook sê toe
 249 hulle verlede week Donderdag toe hulle daar kom, toe is daar
 250 ook nie afrolwerk vir hulle nie, sy sê en toe het die hoof of die
 251 onderhoof ook maar nou afgerol en tien voor twee kom hulle
 252 daar aan met die blaaië, toe kon hulle mos nou eintlik niks uitrig
 253 nie.

254
 255 LAAT EK JOU VRA OMTRENT JOU GEVOELENS OMTRENT
 256 DIE PROJEK. WAT IS VAN DIE ASPEKTE WAT JY BAIE
 257 GENIET OMTRENT DIE PROJEK, WAT IS VIR JOU LEKKER?
 258 Vir my is dit lekker om ek meen die mense waarmee jy
 259 saamwerk en almal is nou bereid om hulle samewerking te gee ,
 260 ek praat nou spesifiek van die vrywillige werkers , hulle is almal
 261 behulpzaam en ek nogal agtergekom soos die tyd nou daar was
 262 miskien in die begin 'n bietjie waar die een miskien nou kyk wat
 263 jou houding is, hoe tree jy op en daai tipe ding, maar soos die
 264 tyd aangegaan het , het ek nogal gevoel dat hmm... almal begin
 265 nou hulle houding te verander, hulle raak meer spontaan en
 266 hulle is vra makliker vrae en so, want kyk ek het op 'n stadium
 267 self vir hulle gesê, kyk dit is nie 'n probleem kyk soos (*) en die
 268 wat nou laaste bygekom het, toe sê kyk, soos ons het nou al die
 269 ondervinding en so en dit is nie 'n probleem nie en sy sal vir my
 270 enige tyd kom vra hoe doen 'n mens dit, het ek dit reg gedoen of
 271 wat die geval ook al is? Maar ek vind dit nogal lekker net die
 272 samewerking, ja. Die gees wat onder die span is. Maar ek voel
 273 nogal ons kan nogal uitbrei, aangesien ons nou so 'n groot
 274 groep is, want ons is nou eintlik meer in mekaar se voete, want
 275 dit is nou somtyds sommer nou vier by een skool, ja, so ek voel

276 nogal 'n mens moet daaraan dink om miskien 'n bietjie wyer te
277 gaan.

278
279 WAT IS VAN DIE ASPEKTE WAT JY REGTIG NIKS VAN HOU
280 NIE? Ek weet nie of daar iets is wat nie vir my lekker is nie.
281 Miskien is dit net die vroeg opstaan of die ver stap soggens, ek
282 gee nie om vir middag nie, kyk, want dan gee jy mos nie om hoe
283 laat jy by die huis kom nie, maar soos ek sê nou middag ook dit
284 is nou vir ons nou regtigwaar plus minus 'n halfuur wat ons moet
285 stap vir 'n bus of so. NOU AS JULLE IN DIE OGGEND
286 ELFUUR HIER MOET WEES, HOE LAAT MOET JULLE BY
287 DIE HUIS WEGTREK? Ek gaan partykeer so twintig voor tien
288 gaan ek al uit die huis uit al. Jy moet omtrent so uur, uur en half
289 voor elf uur weggaan. EN AS DIT Reën SEKER NOG
290 VROEËR? Ja, dan moet ons vroeër stap. Die busse is almal 'n
291 uur uitmekaar uit en as jy die een bus mis dan beteken dit jy
292 moet 'n hele uur weer wag vir 'n volgende bus of so nie moet ek
293 nou weer stap hmm... seker ook omtrent twintig, vyf en twintig
294 minute vanwaar ek 'n taxi kan kry. Die taxi's kom glad nie daar
295 by ons verby nie.

296
297 HET VOLCANO VIR JOU IETS BETEKEN? OF WAT DOEN JY
298 NOU WAT JY NIE VOOR JOU DEELNAME AAN DIE PROJEK
299 GEDOEN OF VAN GEWEET HET NIE? Seker die feit, daar is
300 baie, soos ek sê 'n mens het nogal baie geleer en selfs daar in
301 jou onmiddelijke omgewing daar waar jy woon dink ek nogal is
302 daar baie keer mense wat kom kla oor hulle kinders of mense
303 wat kom kla oor dit of dat, dink ek behalwe vir die feit dat ons
304 met die kind werk, is daar ook miskien iets wat ek aan 'n groot
305 mens wat 'n probleem het, kan oordra en veral soos ons nou
306 leer gewerk het met konflikhantering en daardie tipe dinge.
307 Soos baie mense wat na jou toe kom, ek praat nou van
308 volwasse mense nou vir hulle van my kant af sê probeer dit of
309 doen dit of moenie dit doen nie of so, so ek dink nogal daar is
310 iets wat 'n mens saam jou huis toe ook neem, behalwe die feit
311 dat jy nou hier met die kind werk.

312
313 GEBASEER OP JOU ERVARING, WAT SAL JY Sê WAS DIE
314 STERKPUNTE VAN DIE OPLEIDING WAT JY ONTVANG
315 HET? Ek het nou die dag toe gesels ons onder mekaar, toe sê
316 ek vir (*), dit is nogal vir my nou so treffend want daar is altyd
317 van elke student wat nou gekom het, het daar nou regtig iets
318 agter gebly, want ek sê daar is altyd iets waarnatoe ons terug
319 kan verwys. Wat vir my nogal uitgestaan het, is die feit dat (*)
320 was baie jonk, maar sy het altyd op haar punt gestaan, sy het,
321 sy het haar punt gemaak, haar merk gemaak as sy gevoel het al

322 is ek soveel ouer as sy, sy het daardie respek gehad maar sy
323 het daardie probleem aangespreek, want sy was nie bang om te
324 sê, dan sal sy miskien ook sê (*) of (*) verskoon my, as ek nou
325 verkeerd is, maar ek voel so en so. En sy het altyd vir my, dit
326 was nogal treffend vir so 'n jong persoon dat sy so op haar punt
327 gestaan het, as sy gevoel het sy moes jou aanspreek oor iets,
328 het sy dit gedoen, sy het dit nie maar net laat verby gaan nie, dit
329 was nogal iets wat ek nou by haar geadmireer het. En dan ook
330 die feit dat sy ook nooit sommer iets net uit haar eie sou doen
331 nie, sy sal altyd kom vra het, onse opinie dink julle dit is reg wat
332 ek doen of dink julle, of sy sal nou vir my gebruik het wat
333 miskien nou ouer is of so dan sal sy nou sê soos sy en (*) het
334 bv. baie vasgesit en verskil eintlik en dan sal nou vir my vra of
335 ek voel sy moet haar nou aanspreek. Daarom sê ek altyd, sy dit
336 is by haar waar die mense beginne daai respek kry het dat ons
337 kom hier nie, net om ons eie ding te doen nie, ek meen hier is
338 ook dissipline , daar is sekere reëls waar ons by moet hou en
339 so, dit is nie maar net 'n plek waar ons by kan kom en gaan
340 soos ons wil nie of maak soos ons wil nie, bv. as ek nou vandag
341 sê ek het nie lus om klas te gee nie dan moet dit maar net so
342 aanvaar word en dan as ons oorgaan na die verrykingsklasse
343 het (*) nou weer 'n hele ander persoonlikheid, maar soos ek (*)
344 altyd gesels as ons nou die lang pad so afstap dan gesels ons
345 maar so, dan sê ons sy haarself is so 'n nederige mens en sy
346 het ook nou vir ons baie kom leer om miskien nou eerlik oor ons
347 gevoelens te wees en so, want ek sê dit is gewoonlik die dinge
348 wat die probleme veroorsaak. So ek dink ons het nogal
349 verskriklik baie by hulle geleer, alhoewel hulle jonger as ons
350 was, maar hulle sê mos mens is nooit oud om te leer nie, jy kan
351 weer iets anders, hulle het dalk weer iets by ons geleer. MET
352 DIE MANIER HOE HULLE DIE GROEPE AANGEBIED HET,
353 WAS DAAR ENIGE PROBLEME? Nee, daar was mense wat
354 gevoel het dit het so gelyk sy herhaal elke keer van dit en dit,
355 maar as so verder jy gaan, dan besef 'n mens ook jy gaan altyd
356 maar weer terug na die een toe, want die een vloei mos maar uit
357 die ander een uit en so. ENIGE IETS WAT JY TOEPAS VAN
358 DIT WAT JY GELEER HET? In jou eie lewe kan dit toepas, ek
359 verstaan eintlik nou mekaar beter soos sekere optredes van
360 miskien my kind se kant af, of van die man se kant af, nee ek
361 dink nogal jy kan dit in jou eie lewe toepas.

362
363 GEBASEER OP JOU ERVARING, WAT SAL Sê WAS DIE
364 SWAKPUNTE VAN DIE OPLEIDING GEWEES? Wat ek nogal
365 opgelet het nou nie by die student soseer nie, miskien by die
366 laaste, hmm.. soos ek gesê het (*) was vir my 'n baie sterk
367 persoon dan het ek agter gekom, selfs nou met (*) dat daar vir

368 die ww's, nou goed ek voel ook elke een is individu, hy het sy eie
369 persoonlikheid en so, maar dan voel ek ook 'n mens moet
370 partykeer mense sê of jy moet soos 'n opdrag gee, want ek het
371 nogal agtergekom dat toe ons begin het, kan ek onthou ons het
372 looitjies getrek om te besluit, ek gaan nou na hierdie skool.
373 Moenie vir nuwe mense vra waar hulle wil gaan werk nie sê
374 hulle. Ek voel 'n mens moet eintlik so te sê daardie op jou punt
375 kan staan, jy moet vir mense kan sê, goed dit is nou die mense
376 wat by daai skool is of jy doen dit of jy doen dat.

377
378 AS JY DIE MAG HET HET OM IETS TE KAN VERANDER AAN
379 DIE PROJEK, WAT SAL JY ANDERS DOEN? Kyk ons het mos
380 nou besluit ons gaan elkeen van 11:00 tot 14:00 werk, kyk dit is
381 ook miskien nou iets dat mense nou sommer eers half twaalf
382 aangestap kom of voor twaalf wat ek nie voel wat reg is , want
383 ek sê gewoonlik ons wat van ver af kom, is gewoonlik elke
384 oggend betyds, ons is vroeg daar, maar somtyds sal 'n mens
385 miskien 'n paar minute na elf kom, maar nooit so laat dat die
386 dag nou al so ver gevorder is. As 'n mens by 'n ander plek werk
387 en jy begin 8:00 te werk dan moet jy mos 8:00 daar wees. 'n
388 Mens moet beseft, jy het 'n plig daar ook, dit is nie net sommer
389 iets wat hmm...soos ek netnou gesê, jy kan dink jy kom en gaan
390 soos jy wil nie. As jy dit gaan toelaat dan kom al meer mense
391 laat. Net die uitbreiding ja, ek voel ons is nou al, die mense wat
392 nou hier is of hulle dalk 'n tydjie saam met Volcano sal wees, so
393 ek voel nogal as ons miskien 'n bietjie kan skuif.

394
395 HOE LANK SIEN JY NOG JOUSELF BY DIE PROJEK? Sjoue,
396 dit is 'n moeilike vraag, maar laat ek dit so stel soos dit nou
397 staan, sal ek dit nie in die nabye toekoms los nie.

398
399 DINK JY VOLCANO MOET AANGAAN? Ja, ek dink so, want
400 dit is nogal iets, want soos ek sê, ek het nogal baie ondervinding
401 in die onderwys en ek kan regtig sien dat wat hulle doen die
402 kind kan net baat daarby. Miskien moet ons meer
403 ouerbetrokkenheid kry, want ons sien en hoor maar min van die
404 ouers. As 'n mens miskien 'n bietjie meer sê soos publikasie
405 aan die projek kan gee soos ek nou sê ek was in hierdie
406 omgewing en ek self was nie eers bewus van die projek wat aan
407 die gang is nie. En toe ons nou gesluit het die dag gaan ons
408 Parow toe, toe loop ek van my oudkollegas raak en toe het ons
409 nou so bietjie gesels, toe het hulle uitgevra wat doen ek en so
410 en hulle weet ook nie eers van die projek nie. HOE SAL JY DIE
411 MENSE BEWUS MAAK? Miskien begin met briewe na die
412 skole stuur.

BYLAE M

**1 TRANSKRIPSIE VAN ONDERHOUD MET VRYWILLIGE
2 WERKER NOMMER 14 VAN 1995 SE GROEP.**

3
4
5 WAT DOEN JY HUIDIGLIK? Ek is mos nou huidiglik hier by (*)
6 besig met pre-primêre klasse waarvoor ek twee jaar opleiding
7 gekry het van 'n kwalifiseerde juffrou, so ek is van 8:00 tot
8 13:00 hier besig. WANNEER HET JY DUS HIER BEGIN
9 WERK? 1996. SO, AS EK DIT DAN REG HET, IS DIT NET
10 NADAT JY KLAARGEMAAK HET BY VOLCANO. Ja. NOU
11 HOE HET JY DIE WERK, VAN DIE WERK GEHOOR OF HIER
12 BETROKKE GERAAK? Ek was mos eintlik 'n volunteeer gewees
13 toe het ek en (*) oorspronklik 'n speelklassie sou kom aanbied
14 by die skool, toe het die hoof, dit was nog mnr. (*) daai tyd, toe
15 het hy eintlik vir ons gesê hoekom begin ons nie met pre-
16 primêre klasse nie. Toe het ons sommer dadelik ingespring. SO
17 DIT WAS EINTLIK 'N WONDERLIKE GELEENTHEID WAT HY
18 VIR JULLE GEGEE HET EN JY IS NOG HEEL GELUKKIG IN
19 DIT WAT JY DOEN? Hmm.. nie 100% nie, maar ja. SO AS JY
20 NOU IETS ANDERSTE KAN DOEN, WAT SAL DIT WEES? Ek
21 wil mos nog altyd by SAL ingekom het en ek was mos soos ek
22 gesê laas aanvaar, maar omdat hulle my so onkant betrap het
23 en dit het my nog nie daai tyd geslaan dat ek is nou aanvaar
24 nie, eintlik nie aanvaar nie, hulle het my gebel vir 'n interview in
25 Johburg in en hmm.. in daai tyd in was ek mos nou besig hier en
26 ek het vir my ma gesê en Ma het gesê, nee, jy gaan nie, toe het
27 ek dit nou maar gelos en die man het my 'n hele week gebel en
28 toe vra ek hom, is ek nou aanvaar of hoe werk dit nou, toe sê hy
29 mos nou nee, ek moet nou eers gaan vir die interview in
30 Johannesburg en van daar af, maar my kans is goed. Ek kan
31 myself nou nog skop dat ek nee gesê. JY WIL DEFINITIEF IN
32 SAL INGAAN, JY HET NIE DALK DIE BEHOEFTE OM JOU IN
33 DIE ONDERWYS TE BEKWAAM NIE? Ek het laas met die
34 hoof gepraat, omdat ons mos nou die professionele opleiding
35 het nie, ons het wel opleiding gekry deur 'n gekwalifiseerde
36 juffrou, maar dit is mos nou nie soos wat jy sou gaan studeer
37 nie. En toe sê hy vir my daar word 'n klas aangebied, hy het die
38 plek en alles nog genoem, maar daar is glo 'n groep wat klaar
39 begin het en so ek en (*) hoop om in die loop van die jaar nog te
40 beginne. Jy kry jou diploma en alles daai nou. JA, DIT SAL
41 EINTLIK GOED WEES, WANT AS JY VAN WERK VERANDER,
42 KAN HIERDIE TYDPERK EINTLIK VIR JOU VERLORE WEES,
43 WANT JY HET NIE DIE KWALIFIKASIE NIE. Dis waar, ja.

44
45 GOED, KOM ONS DINK 'N BIETJIE TERUG AAN DIE
46 VOLCANODAE, HOE OUD WAS JY TOE JY BY VOLCANO

47 AANGESLUIT HET? Ek was 18 – 19 AS EK NOU VIR JOU
48 REG HET , HET JY Matriek KLAARGEMAAK IN 1994. Ja
49 HOE HET JY VAN VOLCANO GEHOOR? Ek dink (*) het vir
50 ons briewe gepos, sy het natuurlik name gekry by die skool van
51 matrikulante wat by die huis is en so. Ek het 'n brief deur die
52 pos gekry en toe het ek mos nou, ek het nie dadelik gegaan nie,
53 ek het nou maar gehoor en so en ek dink dit was by onse huis
54 sy het gebel of iets soos dit en toe gaan loer ek maar en dit wat
55 ek gesien het, het ek van gehou.

56
57 WAT HET JOU AANGETREK NA DIE PROJEK? Ek is mos
58 baie oor kinders, ek is verskriklik lief vir kinders, toe dink ek
59 wag, dit is my eerste jaar na matriek en ek weet nog nie wat ek
60 wil doen nie, so ek gaan nou die jaar rus en dan gaan ek nou dit
61 'n probeerslag gee. Maar dit was mainly die kinders gewees.

62
63 WAT ONTHOU JY VAN DIE PROJEK, WAT HET JULLE
64 GEDOEN? Ons het mos baie klasse, lesse sal ek nou maar sê
65 hmm.. groepsessies het ons baie gehou en konflikhantering,
66 daai is basies wat ek die meeste kan onthou. HOEKOM STAAN
67 DIT VIR JOU UIT? Vandat ek en (*) saamwerk in soort van
68 groep in, was daar al baie tye waar daar tussen ons twee so
69 bietjie wrywing was en dan het ek maar net gerewind en gedink
70 wat het ek daai jare gedoen en geleer hoe om dit te hanteer en
71 omdat sy dit ook mos gedoen het, het dit ons 'n baie gehelp. EN
72 WAT HET JULLE MET DIE KINDERS GEDOEN? Ons was 'n
73 stuk van 8 dink ek dan was ons opverdeel tussen twee of drie
74 skole en ek was hier by (*) gewees en dan het daar 'n
75 arbeidsterapiestudent ingekom en dan het sy mos nou vir ons
76 lesse gegee. Ek weet nie hoe werk dit nou nie, maar daai tyd
77 was dit deur middel van speel en dan het ons gedoen soos
78 byvoorbeeld vorms. Ons het die kinders eintlik gereed gemaak,
79 dit was die kinders wat agterstande gehad het .

80
81 HET JY ENIGE ANDER WERK GEDOEN VOORDAT JY BY
82 VOLCANO BEGIN HET? Ek het baie casual werk gedoen, ek
83 casual al vandat ek standerd 8 is, ek hou nie daarvan om by die
84 huis te sit nie. Ek veral waitressing gedoen en gewerk by
85 Shoprite, maar ek het nie daarvan gehou, dit is nie vir my nie en
86 om op 'n till te sit – nee dankie! Daar kom baie mense, maar dit
87 is mos nou nie dieselfde as waitresseing nie, want daar het jy
88 lekker gemingle, want ek hou van met mense werk.

89
90 GEBASEER OP JOU ERVARING, WAT SAL JY Sê IS DIE
91 STERKPUNTE VAN VOLCANO? Ek dink die groepsessies was
92 vir my baie iets wat ons almal nogals baie by geleer het. En die

93 feit dat dit voluntary work was eintlik, het my ma eerste gesê
94 voluntary work? Kyk daai tyd wil jy mos geld verdien en so,
95 maar dit het nie in my pad gestaan nie, ek het nog altyd gegaan
96 en dit was vir my lekker gewees. Dit was eintlik lekker om in die
97 oggend op te staan en jy weet jy gaan nou 'n groep mense sien
98 wat jy nou van hou en jy gaan lekker praat en so aan. Dit was
99 seker maar wat vir my uitgestaan het.

100
101 WAT WAS VIR JOU SWAKPUNTE? Ek dink nie daar was
102 eintlik gewees nie NIKS WAT VIR JOU OOI GEPLA HET
103 NIE? As daar goed was, was dit seker maar net tussen ons
104 gewees wat daardie tyd al opgelos is. Die ander volonteers het
105 baie keer gekla oor die skool wat nie hulle deel doen nie, maar
106 ek kan nie kla van die skool waar ek was nie, die goed was altyd
107 afgerol en die klas reg.

108
109 AS EK VIR JOU VRA OMTRENT JOU GEVOELENS
110 OMTRENT DIE PROJEK, WAT IS DIE ASPEKTE WAT JY
111 REGTIG GENIET HET OMTRENT DIE PROJEK? Afgesien van
112 die kinders se groepsessies. Ek is maar iemand, ek hou van
113 praat, ek hou van kommunikeer en gesels in 'n groep, dit is nou
114 afgesien van die kinders. Ja, dit was baie lekker gewees, daar
115 was mos tye wat ons baie uit ook gegaan het , ek weet nou nie
116 watse sessies dit was nie, maar ons het gegaan, dit is 'n plek in
117 Bellville weet ek en dan is ons in verskillende groepe in gewees
118 en dan is verskillende tipe goed gedoen, hulle stuur jou af in 'n
119 tonnel, en... O.K. DAAI SPANBOU spanbou sessies! Daar's dit,
120 sulke goed was baie lekker gewees.

121
122 AS JY NOU TERUG DINK, WAT WAS VIR JOU SLEG? Ek kan
123 regtig niks sê nie.

124
125 ONS HET NETNOU GEPRAAT OOR DIE SESSIES WAT DIE
126 STUDENT MET JULLE GEDOEN HET OOR BYVOORBEELD
127 KONFLIKHANTERING, SO EK WIL Hê ONS MOET 'N BIETJIE
128 DAAROO DINK EN KYK, DINK 'N BIETJIE TERUG OOR DIE
129 MANIER HOE HULLE DAARDIE OPLEIDING GEDOEN HET.
130 IS DAAR ENIGE IETS IN DIE MANIER HOE HULLE DIT
131 AANGEBIED HET WAT VIR JOU GOED WAS? Ek dink hulle
132 het dit redelik goed aangebied, ek... dit is 'n bietjie baie lank
133 terug, daar is niks wat hulle nou nie, hulle het elke dag
134 interessant gemaak en ons het altyd geweet as ons by die skole
135 kom, wat ons moet doen.

136
137 EN ENIGE IETS WAT JOU OPGEVAL HET WAT NIE VIR JOU
138 LEKKER WAS WAT HULLE VIR JULLE LAAT DOEN HET? AS

139 EK VIR JOU SO BIETJIE KAN HELP, HULLE HET BAIE
140 GEBRUIK GEMAAK VAN ROLSPEL WAT JULLE SITUASIES
141 MOES UITBEELD OF HULLE HET DIT MET MINDMAPS
142 GEDOEN, DIE ONDERWERP EN DAN MOES JULLE SELF
143 DIE MINDMAPS TREK. Ek kan nie nou lekker onthou nie.
144 NEE, DIT IS ALLES REG.

145 AS EK NOU VIR JOU Sê, JY HET DIE MAG OM IETS TE
146 VERANDER AAN DIE PROJEK SOOS HY GELOOP HET IN
147 1995, WAT SAL JY ANDERS DOEN? Ek dink daar is nogals
148 baie wat 'n mens kan verander in Volcano in. Baie van die
149 arbeidsterapeute of studente het altyd as hulle nou die lessies
150 vir ons uitsit, was daar 'n hele paar keer wat jy nie geweet het
151 wat om te doen nie, al het hulle verduidelik, maar ek dink van
152 hulle moet dit duideliker uitbeeld. NOG IETS WAT JY WOU
153 VERANDER? Nee

154
155 HOEKOM HET JY OPGEHOU MET VRYWILLIGE WERK? Ek
156 het mos nie net opgehou nie, ek sou aangegaan het, maar toe
157 word ek mos nou die werk by die skool aangebied en as dit van
158 my afgehang het, sou ek nie aangegaan het nie 'n jaar was
159 genoeg vir my. In die toekoms sal ek enige tyd weer voluntary
160 werk doen, maar miskien vir 'n korter tydperk.

161
162 DINK JY VOLCANO MOET VOORTGAAN? Definitief, dit help
163 baie vir ons, dit help baie vir die ander onderwysers IN
164 WATTER OPSIG? Hier is baie kinders in die klasse wat jy nou
165 kan sien wat agterstande het en hulle het mos nou al twee uit
166 my klas uit en twee uit (*) se klas uit en jy kan nogals sien daai
167 kinders vorder, so ek dink dit moet definitief aangaan, nie net
168 vir nou, nie maar vir altyd.

169
170 ENIGE IETS WAT JY DALK WIL Sê, OF VIR MY WIL VRA?
171 Nee, dit is al wat ek wil sê.

172

BYLAE N

1 TRANSKRIPSIE VAN ONDERHOUD MET VRYWILLIGE
2 WERKER NOMMER 15 VAN 1998 SE GROEP.

3
4
5 EK WIL EERS BEGIN DEUR TE VRA, VANDAT JY Matriek
6 GESKRYF HET TOTDAT JY BY VOLCANO BEGIN HET, WAT
7 HET IN JOU LEWE GEBEUR?

8 Ek het my regsmatriek deur N Tech gedoen en ek wou regte
9 gaan studeer, maar ongelukkig het ek 'n seuntjie gekry en ek
10 het, toe het dit heeltemal my planne deurmekaar gegooi en ek
11 moes toe maar nou wag tot hy nou maar min of meer groot
12 genoeg is om aan te gaan om te kyk wat ek in toekoms gaan
13 doen en.... Toe het ek vir (*) ge-ontmoet. Toe ons Ravensmead
14 toe kom, toe ontmoet ek vir (*), want ek kom eintlik van
15 Kraaifontein af en sy het my vertel van Volcano van die
16 vrywillige diens en dit is hoe ek die een oggend, die volgende
17 oggend saam met haar Volcano toe gekom het.

18
19 AS ONS NET GOU IN TERME VAN JARE PRAAT, WATTER
20 JAAR HET JY JOU REGSMATRIEK VOLTOOI? 1995. TOE
21 WAS JOU KIND NOU KLEIN EN WANNEER HET JULLE NOU
22 RAVENSMEAD TOE GETREK ? Ons was, dink ek , hy was
23 drie toe ons Ravensmead toe getrek het , ja, want dit is nou my
24 tweede jaar dat ek in Ravensmead is nou. SO DIT IS 1998 EN
25 JA DIT IS NET MOOI TOE JY OOK BEGIN HET BY VOLCANO,
26 WANNEER HET JY SKOOL VERLAAT? Ek het die skool gelos
27 toe ek standerd nege klaarmaak, want toe was ek alreeds
28 swanger en ek het nie gevoel om op die skoolbanke te sit nie en
29 dit was goedkoper om deur die pos te swot.

30
31 SO AS EK REG HET , HET JY NOOIT ANDER FORMELE
32 WERK GEDOEN NIE Nè. Nee. TOE JY BY VOLCANO
33 AANGESLUIT HET, WAS JY OMTRENT DUS SO 22 JAAR
34 OUD. JY HET NETNOU GESê (*) HET VIR JOU VERTEL VAN
35 VOLCANO, NOU WAT HET SY VIR JOU VERTEL? Sy het nie
36 baie gesê nie, sy het net gekom een middag en vir my gevra,
37 stel ek nie belang om vrywillige diens te doen nie en ek het nie
38 eers twee keer gedink of gevra in terme van geld nie, want
39 vrywillige diens is mos maar jy doen dit uit liefde uit en toe het
40 ek nou maar net begin en gaan luister die volgende dag
41 waaroor gaan dit.

42
43 EN WAT HET VIR JOU AANGETREK NA DIE PROJEK TOE JY
44 NOU KOM LUISTER HET. Daai is nou iets anders, ek het
45 belanggestel in regte, ek wou regte gaan studeer as my seuntjie
46 sê nou maar vyf of ses is, soos wat hy nou volgende jaar skool

47 toe gaan dan wou ek gaan studeer het, maar nou het die
48 vrywillige diens my heel iets anders gewys, dit het my gewys
49 hoe lekker dit is om met kinders te werk, nou voel ek nie meer
50 dieselfde soos wat ek gevoel het om regte te gaan studeer nie,
51 ek voel eerder om sulke tipe werk te doen, want daaruit kry 'n
52 mens baie meer. WAT KRY JY DAARUIT? Wel, dit laat my,
53 nee, ek sal nie sê dit laat my goed voel ,mand iets te gaan
54 beteken. SO DAAI ERKENNIG VAN DIE KINDERS IS NOGAL
55 VIR JOU BELANGRIK. Ja, om dit vir hulle te kan doen, want
56 hulle het dit baie nodig, kyk ek het dit mos al baie gesien baie
57 van hulle se huislike omstandighede en goed veroorsaak dat
58 hulle nie daai, hoe kan ek sê, nie daai aandag kry vir hulle
59 skoolwerk of daai stimulering kry vir hulle skoolwerk nie en wat
60 ons nou vir hulle gee nie.

61
62 AS EK NOU VIR JOU Sê EK IS NIE ELKE DAG DEEL VAN DIE
63 PROJEK NIE EN EK WEET NIKS VAN VOLCANO AF NIE EN
64 EK Sê VERDUIDELIK GOU VIR MY WAT DOEN JULLE, WAT
65 SAL JY VIR MY ANTWOORD? Ek sal sê ons doen wat die
66 ma's nie by die huis met die kinders doen nie, ons kyk eintlik na
67 die probleme, nie net op skoolvlak van hulle nie, maar sal maar
68 sê hulle geestelike probleme, hulle probleme wat hulle by die
69 huis het, kom dan uit in die skool en dan kan 'n mens sien daar
70 is miskien 'n drankprobleem of sulke dinge, die kind is
71 senuweeagtig, hy kan nie lekker konsentreer op sy werk nie en
72 ons help hulle om... nie so bang te wees nie en dis hoekom ons
73 hulle nie slaan of verskree of daai tipe ding doen nie. Jy moet
74 mooi met hulle werk, want die omstandighede waaruit hulle
75 kom, is nogal nie so wonderlik nie. En dan is daar ook nou weer
76 kinders wat by Volcano is wat meer, wat nie sulke groot
77 probleme het nie, hulle probleme gaan meer daarom dat hulle 'n
78 bietjies te veel speel dat hulle nie daai dissipline het om stil te sit
79 en daai tipe van ding maar ons help hulle weer daarmee ook,
80 maar dit vat nogal baie om dit te doen, maar dit is wat ons doen
81 by Volcano om vir hulle mooi te leer, sodat hulle hul gewone
82 skoolwerk ook kan doen. Dit is die stil sit, die dissipline om
83 mooi vir hulle te verduidelik waaroor gaan dit, hoekom moet
84 hulle skrywe, want sommige tye dan sê hulle sommer hulle het
85 nie lus nie, ons wil nie skrywe nie, juffrou, of hulle kruip op die
86 grond rond, hulle wil nie hulle aandag gee nie, dan moet jy hulle,
87 hoe kan ek sê, hulle aandag so trek met die speletjie, sodat
88 hulle kan stil sit wat die onderwyser nie gewoonlik doen nie,
89 want sy skel of skree vir hulle sit stil en daai tipe van ding en dit
90 doen ons nie.

91

92 GEBASEER OP JOU ERVARING, WAT IS DIE STERK PUNTE
93 VAN DIE PROJEK? Daar is nie vir my eintlik, Volcano het
94 heeltemal verander. Toe ek daar gekom het, was .. het ek ook
95 uit gevoel, want die wat reeds daar gewees het, het so 'n ander
96 attitute gehad, maar ... hulle was heeltemal anders amper,
97 hulle het alleen gekliek en die geldstorie , toe ons daar kom, toe
98 was dit maar 'n geldstorie en.. ek het my nou nie daaraan
99 gesteur nie, want dit is nie hoekom ek gekom het nie, ek het
100 gekom om met die kinders te werk, om iets vir die kinders te
101 beteken en dit gaan mos nou nie om myself nie en as ek nou
102 moet sê, sal ek sê dit is nou weer besig om te gebeur en dit lyk
103 vir my elke jaar gebeur dit dat die mense wat die goed aan die
104 gesit het, val uit, so ek kan nie nou eintlik 'n opinie gee van
105 Volcano nie, want ek was nie die afgelope maande hier nie,
106 maar toe ek dit gelos het, was dit nog heeltemal reg. Maar ek
107 dink vir die nuweling is dit nie so lekker verduidelik waaroor
108 gaan Volcano nie, vir ons is dit mos nou baie mooi verduidelik
109 waaroor gaan dit, dit was nie vir ons 'n geldstorie nie ons het
110 nie, 'n klomp dinge kom verwag nie ons het net gekom om te
111 gee. SO JY DINK DIE GELD HET NOGAL 'N GROOT
112 INVLOED OP WIE 'N MENS TREK EN HULLE GESINDHEID,
113 NOG ENIGE IETS BEHALWE DIE GELD WAT VIR JOU
114 UITSTAAN? Ek weet nie, die afsonderingheid, die kliekery dit is
115 nou wat van lankal af aankom, dit moet 'n gesamentlike groep
116 wees dit moet nie 'n afbakening van sekere goed wees nie, kyk
117 ons was 'n klomp daar gewees, ons het daai socials elke Vrydag
118 gehad en dan het almal bymekaar gekom, jonk en oud, dit maak
119 nie saak of dit nou is dat ons moet sê auntie of oom, maar ons
120 het almal lekker met mekaar gekliek en gesels en vergeet van
121 die ouderdomsverskil en dit is wat hier ook is, kyk die jonges,
122 die wat nou jonger as ek is, hulle voel weer hulle hoort
123 bymekaar, daai groepie voel weer hulle hoort bymekaar en nou
124 kan 'n mens mos nie lekker saamwerk nie HOEKOM DINK JY
125 GEBEUR DIT DAT HULLE SULKE GROEPE MAAK? Dit is min
126 of meer hoe sal 'n mens sê hoe hulle na die skole toe gaan, as
127 die drie miskien vandag saam by 'n skool is en dan bly hulle die
128 drie so bymekaar en dan is dit mos dat hulle mekaar mos nou
129 baie beter verstaan as wat die res nou vir hulle verstaan SO
130 HULLE KEN MEKAAR BETER. Ja , toe ek daar gekom het,
131 was dit een jonge moes elke dag ingedeel by 'n verskillende
132 grootmens, sodat ons met mekaar kon gesels EN DINK JY DIT
133 HET GOED GEWERK? Ja, dit het nogal goed gewerk, op daai
134 manier het ons mekaar verstaan

135
136 GEBASEER OP JOU ERVARING IS DAAR ENIGE
137 SWAKPUNTE, EK DINK DIE GOED WAT JY NOU GENOEM

138 HET SIEN JY MEER NEGATIEF AS WAT JY DIT POSITIEF
139 SIEN Nê? Ja NOG ENIGE IETS WAT JY AAN DINK WAT JOU
140 NOG PLA? Wel, Volcano moes eintlik nou al in die jaar 2000 al
141 uitgebrei het al na ander skole toe, na ander gebiede toe, want
142 dit is nog altyd net hier waar dit begin het, dit kom dan nou nie
143 verder nie, so daar moet een groot probleem wees wat ons nou
144 net hier hou. UIT JOU ERVARING, WAT DINK JY IS DIT? As
145 ek nou moet sê makeer ons mense wat rîrig vrywillige werk wil
146 doen, nie mense wat 'n werk soek en geld wil verdien nie, want
147 as jy 'n werk wil hê, moet jy gaan vir 'n gewone werk en as jy
148 kom vir vrywillige diens dan kom jy nie vir geld nie. VERSTAAN
149 EK JOU REG AS EK NOU SOU Sê ONS DOEN DIT SONDER
150 ENIGE VERGOEDING, DINK JY DIT SAL WERK? Ja, ek dink
151 so as die regte mense, daar is mense wat so voel kyk (*) voel
152 dieselfde, ek voel die dieselfde, dit gaan nie oor die geld nie,
153 want as ek 'n werk wil hê, ek is nog jonk, as ek 'n werk wil hê,
154 sal ek gaan om vir my 'n werk te gaan soek, maar ek voel nie
155 om te werk nie, daarom dink ek dit is nie so goed om die
156 jongmense te vat nie eerder mense wat al reeds gewerk het,
157 miskien afbetaal is by hulle werk, wat miskien 'n bietjie ouer is,
158 maar nie te oud nie om dit te doen, want hulle sal dit doen vir
159 sonder geld, hulle sal dit doen sonder om enige iets te verwag,
160 jongmense wil mos nou altyd werk om geld te verdien en om vir
161 hulle klomp klere te koop en al daai, hulle moet nog planne
162 maak vir die toekoms. SO HULLE GEBRUIK DIT VIR 'N
163 ANDER REDE. Ja, 'n maklike uitkoms as ek nou so kan sê,
164 werk is mos nou maar skaars .

165
166 LAAT EK JOU VRA OMTRENT JOU GEVOELENS OMTRENT
167 DIE PROJEK. WAT WAS VIR JOU LEKKER OM TE DOEN?
168 Hmm... alles was lekker. In die begin het dit vir my gevoel of,
169 heel in die begin het dit gevoel of, ek het nie eers meer gevoel
170 om op 'n Maandag na die vergadering toe te kom nie, want die
171 vergadering was so 'n klomp nonsens wat hulle oor gepraat het
172 en die attitude was nie reg lekker nie en dit het vir my gevoel ek
173 kan maar net kom as die les voorberei word en skool toe gaan
174 en die res kan maar gaan. Ek sal maar sê dit gaan oor kinders
175 dit gaan net oor die les wat ek kan gee vir die kinders om vir
176 hulle iets te beteken, en dan die socials wat ons gehad het, dit
177 het nogal baie gehelp op 'n Vrydag. Daai het nou nogal gehelp
178 om spanbou te bou. EN HET DIT GEHELP OM VIR JOU IN TE
179 KRY BY DIE GROEP WAT SULKE KLIKS GEMAAK HET?
180 Ja, ons het ons sommer ingedruk daar. SO JY DINK DIE
181 SOCIALS HET NOU NOGAL GEHELP. Ja, die socials het baie
182 gehelp, want dan kon ons lekker gemaklik sit en gesels en
183 grappe maak en so en dan verstaan mens mekaar baie beter.

184 SO, AS EK VIR JOU REG VERSTAAN, WAS DIE WERK MET
185 DIE KINDERS EN DAN DIE SOCIALS DIE TWEE GOED WAT
186 VIR JOU UITGESTAAN HET AS DIE LEKKER GOED. En
187 hmm...dan was die stimulasie en. Wat die student aangebied
188 het, was baie goed. WAS DIT DIE VERRYKINGSGROEPE?
189 Die verrykingsgroepe en al daai tipe van goed wat ons moes
190 gedoen het, was, dit was baie goed,want as ek nou miskien by
191 die huis is en ek voel ek wil iets doen dan kan ek nogal daardie
192 dinge wat sy my geleer het, kan ek nogal gebruik. Maar ek
193 vergeet net sommige tye daai lesse wat sy ons gegee het te
194 gebruik in my eie lewe en dan raak ek onnodig kwaad dan weet
195 ek nie eers waarvoor nie, daai nogals iets ek het nog altyd al my
196 bladsye en as ek so sit dan lees ek dit, want dit is nogals iets
197 om nie weg te gooi nie WAT IS DIT NOU BYVOORBEELD,
198 SOOS WAT? Jong, daai konflikhantering en al daai goed
199 gebruik 'n mens oor die algemeen in jou lewe, maar as 'n mens
200 dit nie stap vir stap doen nie, dan is dit later 'n groot ding in
201 plaas van 'n klein dingetjie. EN AS JY PRAAT DAT JY DALK
202 PARTYKEER GOED HET WAT JY KAN DOEN WAARNA
203 VERWYS JY DAN? Oe,... ons het dan al kerse gemaak,
204 gipsvorms gemaak, ons het al alles gedoen, ons het fotorame
205 gemaak, ons het...kaartjies gemaak, ons het 'n klomp goed
206 gemaak. EN DIT IS GOED WAT JY NOU WEER DOEN OF
207 KAN GEBRUIK. Ja, ek kan dit weer gebruik as miskien vir
208 iemand 'n geskenkie wil gee. WAT IS DIE ASPEKTE
209 WAARVAN JY REGTIG NIKS GEHOU HET NIE? Ons het baie
210 kere nie mekaar reg verstaan nie en dan was die een miskien te
211 bang om vir die ander een te sê hoe hy voel . HET DIT BAIE
212 VOORGEKOM? Hmm.. dit het nogal baie voorgekom, want
213 almal is mos nou verskillende mense, dit is nog altyd so, maar
214 dit is seker maar so by enige werk .

215
216 EK WIL JOU NOU SPESIFIEK VRA OOR DIE
217 VERRYKINGSGROEPE, JY HET NETNOU GEPRAAT OOR
218 KONFLIKHANTERING EN EK WIL VIR JOU VRA AS JY NOU
219 DINK AAN DAAI GROEPE WAT DIE STUDENTE VIR JULLE
220 AANGEBIED HET, WAT WAS VIR JOU , WAT HET DIT VIR
221 JOU GOED GEMAAK? Wel, as ons soos konflikhantering, dit
222 het ons geleer as ons miskien na skool of voor ons skool toe
223 gaan, dan het ons daarvoor gepraat en dan het ons gevoel, dan
224 het ons eerlik gewees en vir mekaar gesê hoe jy voel, maar op
225 'n mooi manier, sodat almal verstaan. Niemand het na daai
226 sessie, was kwaad vir mekaar nie. So, ek sal sê dit was nogal
227 regig iets wat ons kon gebruik het .

228

229 EN SÊ VIR MY DIE MANIER HOE HULLE DIT VIR JULLE
230 GELEER HET, IS DAAR ENIGE IETS WAT DAAR VIR JOU
231 UITSTAAN POSITIEF OF NEGATIEF? Ek sou nie sê een iets
232 staan uit nie, ek sou sê alles was belangrik wat ons geleer het .
233 EN HOE HULLE DIT GEDOEN HET? EK WEET JULLE MOES
234 BAIE KEER IN GROEPE OF TWEE-TWEE SAAMWERK. Ja...
235 en nie soos nou, ons het dit gedoen miskien vandag of môre of
236 hoe kan ek nou sê hierdie kwartaal gedoen, terwyl die een
237 student daar is en voor sy weggaan het ons dit weer gedoen,
238 sodat ons dit kan onthou. Sy het altyd gesê dat, laat ek sien
239 (*) het gekom in die verskriklike onenigheid tussen ons en sy het
240 vir ons daai konflikhantering aan die begin gegee om te doen en
241 om te praat oor hoe ons voel en om vir mekaar te sê wat ons pla
242 en almal daai dinge en voor sy weggegaan het die week het sy
243 dit weer gedoen om te kyk of dit heeltemal reg is en dit is wat
244 nie hier gebeur nie, dinge het baie verander vandat ons
245 oorgetrek het. En die nuwe mense wat nou bygekome het, hulle,
246 hoe kan ek sê, dinge word nie vir hulle gegee soos wat dit vir
247 ons gegee is nie, ons het baie meer daaruit gekry as wat hulle
248 daaruit kry. WAT DINK JY HET JULLE MEER GEKRY WAT
249 HULLE NOU NIE KRY NIE? Sal sê ons het in die oggende
250 ingekom, vroeër ingekom in elke geval – 10:00 was ons al daar
251 en soos hulle kan nou weer nie, 11:00 is nou weer 'n gepaste
252 tyd vir hulle, want hulle moet van ver af kom en daai tipe van
253 ding en ons het baie dinge gedoen. En as ons gevoel het ons
254 wou in die agtermiddag, as ons terugkom van die skool af weer
255 terugkom dan het ons weer terug gegaan en gaan gesels. SO
256 WAT IS VIR JOU DIE GROOTSTE PROBLEEM MET DIE
257 OORSKUIF SKOOL TOE? Die tyd, die skooltyd, alles moet
258 volgens skooltyd gedoen word voordat hulle die hekke toesluit.
259 Maar daar was mos nou nie so iets nie, as ons miskien plakkate
260 en so moes gemaak het vir die skool miskien vir môre, dan het
261 ons nie die volgende oggend gekom en dit kom doen nie dan
262 het ons van die skool af gekom en dit gaan doen daar. EN WAT
263 HET JULLE DAARUIT GEKRY? Baie, dan het ons baie lekker
264 met mekaar gesels dan het jy ook tyd gehad om sosiaal met
265 mekaar te verkeer. SO, JY MIS EINTLIK DAARDIE SOSIALE
266 TYD WAT JULLE GEHAD HET NA SKOOL, WANT DIT IS NIE
267 NOU MOONTLIK NIE. Nie net die socials nie, maar toe het 'n
268 mens baie meer tyd om 'n ding te doen , kyk in 'n oggend is
269 daar nie so baie tyd om jou goed agter mekaar te kry nie en
270 anders moet jy dit huis toe neem en by die huis het jy ook 'n
271 klomp dinge wat jy moet doen en dan kry jy nie tyd nie.

272
273 IN TERME VAN DIE OPLEIDING WAT DIE STUDENTE VIR
274 JULLE GEGEE, HET WAT WAS DIE SWAKPUNTE? Nee, daar

275 was nie eintlik swak punte nie. Alles was goed, hulle het hulself
276 eintlik goed van taak gekwyt. Hulle doen nogal baie, want hulle
277 kom na 'n groep wat hulle van g'n kant af ken nie en dan moet
278 hulle nou vir hulle kom aanpas by 'n klomp vroumense, so dit
279 verg nogal baie van hulle.

280
281 AS EK NOU VIR JOU Sê JY HET DIE MAG OM IETS TE
282 VERANDER AAN VOLCANO, WAT SAL JY VERANDER?
283 Hmm.. wat sal ek nou aan Volcano verander? Ek sal net baie
284 graag wil hê Volcano moet uitbrei, want daar's ander kinders
285 wat dit ook nodig het , want dit bly nou net hier en dit gaan
286 nêrens nie, dit is al wat ek wil hê moet gebeur. JY HET NET
287 NOU 'N KLOMP ANDER GOED GENOEM bv.. AMICA HUIS
288 WAS LEKKER, SOU JY WEER WOU TERUGTREK? Ek dink
289 so, die skool dit is ok nou by die skool, maar dan moet 'n mens
290 jou weer aanpas by die skool, terwyl Volcano mos 'n projek op
291 sy eie is, 'n besigheid op sy eie en 'n mens kan mos nou nie
292 meer die tye buig soos dit jou pas. Ek dink net die student – een
293 iets moet ons nog bysit , sy het dit nou laaste gedoen en dit is
294 om vir ons te vertel waaroor gaan arbeidsterapie rêrig, want ons
295 gaan gee daai les want ons het nou al daai stukkie geleer al,
296 maar om vir ons 'n groter insig te gee in wat ons eintlik doen,
297 want ek het ook nie geweet wat is arbeidsterapie voordat ek
298 hiernatoe gekom het nie. SO DIT IS NOGAL BELANGRIK,
299 WANT JULLE WERK ONDER ONS VLEUEL, WAS JY NOG BY
300 IN DIE BEGIN VAN DIE JAAR TOE (*) HIEROOR GEPRAAT
301 HET. Nee toe was ek al op en af hospitaal toe en almal daai
302 tipe dinge. OK, WANT EK DINK DIT WAS NOGAL 'N
303 BEHOEFTE EN DIT HET VREESLIK SIN GEMAAK VIR DIE
304 MENSEN TOE HULLE, WANT ONS KYK MOS NOU OP 'N
305 ANDER MANIER AS WAT DIE JUFFROU KYK NA DIE LESSE.
306 JA, DIT IS 'n BAIE GOEIE VOORSTEL. SO ONS MOET DALK
307 VIR DIE NUWES OOK NET WEER HEELTEMAL ORIËNTEER
308 OF OP 'N GEREELDE BASIS VAN HOEKOM DOEN JULLE
309 WAT JULLE DOEN. Om liever dat die student dan vir ons 'n
310 les voorberei vir ons en konflikhantering en daai tipe van ding
311 eers 'n bietjie agtertoe te skuiwe en vir ons altyd 'n lessie by te
312 gee, hoe kan ek sê, 'n groter verduideliking oor dit wat ons
313 miskien vir die week met die kind gaan doen en waaroor dit
314 eintlik gaan en waarvoor jy eintlik moet kyk net om jou mind so
315 'n bietjie te verfris. VAN JULLE MOET KYK HOE DIE KIND DIE
316 POTLOOD VASHOU - HOEKOM MOET 'N MENS NOU
317 DAARVOOR KYK? En wat dit jou nou eintlik kan vertel as die
318 kind dit nou op daai manier doen.
319

320 HOEKOM HET JY OPGEHOU MET VRYWILLIGE WERK? Ek
321 het nie opgehou nie, die baba het gekom. Ek het besluit ek kom
322 Maandag alweer terug.

323
324 DINK JY VOLCANO MOET VOORTGAAN? Volcano is 'n baie
325 goeie iets ek wil hê Volcano moet uitbrei, want dit is wat die
326 minder bevoorregte kinders nodig het, want hulle kom nie by die
327 tipe dinge uit nie .

328

BYLAE O

1 TRANSKRIPSIE VAN ODERHOUD MET VRYWILLIGE
2 WERKER NOMMER 16 VAN 1999 SE GROEP.

3
4
5 WATTER STANDERD HET JY OP SKOOL BEHAAL? Ek het
6 op skool behaal standerd 9 en ek het aandskool gedoen EN
7 WANNEER WAS DIT? Dit was in hmm.. 1984 EN DAARNA
8 TERWYL JY AANDSKOOL GEDOEN HET, HET JY GEWERK?
9 Ek het gewerk, ek het gewerk by 'n klerefabriek, ek het in die
10 stoor gewerk en terwyl ek dit gedoen het, het ek hmm..
11 rekenaarlesse gedoen en agterna toe het die werk toegemaak
12 en toe word ek indiens geneem by Florida Clothing en daar het
13 ek gewerk vir 15 jaar, ek het in die kantoor gewerk, ek het by die
14 ontvangs gewerk, ek het met die salarisse gewerk. EN HET JY
15 WEER DAAR DIE REKENAAR GEBRUIK? Ja, ons het op 'n
16 spesifieke pakket wat net vir die fabriek uitgesit is en ons het
17 daarop gewerk op die rekenaar EN DIE VORIGE
18 REKENAARKURSUS WAT JY GEDOEN HET, WAS DIT OP
19 WOORDVERWERKING? Ja, net woordverwerking en terwyl ek
20 nou by Florida gewerk het, het ek weer intussen 'n nuwe
21 rekenaaropleiding gedoen en dit was ook weer woordverwerking
22 en dit was Windows en MsDos en hmmm.. Lotus. AS EK JOU
23 REG VERSTAAN WAS DIE TIPE WERK WAT JY GEDOEN
24 HET MEER IN DIE KLERKLIKE. Ja, dis reg dit was meer in die
25 klerklike en dan het ek ook intussen Avroy Shlain gewerk, daar
26 het ek ook 'n kursus gevolg en voltooi en dis nou vir
27 skoonheidsmiddels en so aan, ek was 'n konsultant en het
28 gesigte gedoen en so aan. EN HOEKOM HET JY OPGEHOU
29 DAARMEE? Hmm.. ek het dit geniet, ek het dit baie geniet,
30 maar na 'n tyd en dis nie altyd dat die mense vir jou baie goed
31 betaal nie en aan die einde van die dag is ek verantwoordelik
32 daarvoor en omdat ek nie gewerk het nie, kon ek nie geld
33 inbetaal as op die einde van die dag dan eis Avroy Shlain dit
34 van jou af as persoon, so ek kon nou nie inbetaal en so nie en
35 dit is nie altyd dat die mense vir jou betaal nie. Ek het later
36 gevoel dit raak 'n probleem, want aan die einde van die dag kan
37 ek dit nie inbetaal nie en dan staan ek verantwoordelik
38 daarvoor. SO JY HET DIE VAARDIGHEDE. ONS KAN NOU
39 MAAR KOM SIT VIR 'N MOOIMAAKSESSIE. O, ons kan dit
40 doen. EN DIE WERK HOEKOM HET JY OPGEHOU OM TE
41 WERK? Hulle het toegemaak. EN HET HULLE ENIGSINS VIR
42 JULLE VERGOED VIR DIE FEIT DAT HULLE TOEGEMAAK
43 HET? Glad nie, ons was glad nie op 'n skema nie, ons het maar
44 net ons gewone wat jy moet kry gekry, maar daar was nie
45 pensioen en al daai dinge nie, so. EN MEDIES? Ja, ons het
46 medies gehad EN ENIGSINS WEER BEGIN UITKYK VIR

47 ANDER WERKE? Ja, ek het uitgekyk maar Moeder het
48 intussen siek geraak en omdat ek nog die enigste meisie in die
49 huis is en ek is die oudste, moes ek nou maar vir haar instaan.

50 GOED, AS ONS DAN BEGIN KYK NA VOLCANO, EN EK
51 GAAN VIR JOU 'N PERSOONLIKE VRAAG VRA, HOE OUD
52 WAS JY TOE JY BY VOLCANO AANGESLUIT HET? Ek was
53 38

54
55 HOE HET JY VAN VOLCANO TE HORE GEKOM? Ek het in
56 die koerant gesien, in die Metro Burger, ek was middag by die
57 huis en ek kyk toe maar net weer vir 'n werk en ek kyk en ek
58 sien hulle soek vrywilligers en ek dink ek sal nogal like om dit te
59 doen, want op skool het ek altyd geniet om met die klas te wees
60 en omdat ek, kyk ek blaas nou nie my eie beuel nie, maar ek
61 was altyd baie goed in my tale en ek het dit altyd verskriklik
62 geniet as die inspekteur daar gewees het, dan roep die
63 skoolhoof nou net vir my en dan moet ek nou gaan en dan praat
64 ons nou mondeling en hy praat nou met my soos ons nou praat
65 en ek het altyd die beste punte gehad en so, ek het dit altyd
66 geniet in die klas en dan vra my onderwyser vir my, jy wys daar
67 vir die klas op die bord, o.. ek het dit altyd so geniet , ek sou so
68 graag 'n onderwyser wou word en toe ek dit sien, toe dink ek, ek
69 gee nie om dat dit vrywillig is nie, ek is nou maar net by die huis
70 en ek wil graag iets doen, want nou sit jy by die huis en jy sit en
71 dink nou en jy doen eintlik niks. En ek is glad nie spyt dat ek
72 gekom het nie. JY HET NOOIT GEDINK OM VERDER TE
73 GAAN LEER IN DIE TALERIGTING NIE? Ek kon nie op daai
74 stip gaan nie, want hmm.. my vader is vroeg oorlede en my ma
75 moes toe alleen werk vir ons en dit het net nooit gewerk nie.

76
77 GOED, WAT HET JOU AANGETREK NA DIE PROJEK? Ek
78 het gedink dit is ook 'n manier vir my om nuwe vriende te maak,
79 ek is, ek sal sê ek is 'n introvert en ek het nie baie vriende nie,
80 want ek maak nie maklik vriende nie, miskien is dit maar my
81 houding, ek het nie baie vriende nie, maar die vriende wat ek
82 het, is baie goeie vriende wat ek al jare het al. En hmm.. ek het
83 hier gekom en ek het vriende ontmoet en behalwe die feit dat ek
84 hou van om kinders te werk het ek nuwe vriende ontmoet, so
85 ek, dit is deel van die rede en om 'n bietjie uit die huis uit te kom.
86 VOOR JY BY VOLCANO BEGIN HET, WAS JY ENIGSINS OP
87 'N ANDER MANIER BETROKKE BY JOU GEMEENSKAP?
88 Hmm.. nee, ...ek was wel Sondagskoolonderwyseres vir twee
89 jaar.

90
91 AS EK NOU VIR JOU SOU VRA, GEBASEER OP JOU
92 ERVARING VAN VOLCANO , WAT SAL JY Sê IS DIE

93 STERKPUNTE VAN VOLCANO? Hmm... sterkpunte is hulle is
 94 baie hmm.. ek hou van die feit dat hulle elke oggend 'n sekere
 95 tyd het wat hulle begin. 'n Sterkpunt is ook dat hulle hmm.. die
 96 skole kan assisteer met die kinders hmm.. ook die feit dat elke
 97 oggend wat ons kom, het ons iemand wat saam met ons sit en
 98 vir ons vra wat is dit wat ons die vorige dag gedoen het, wat het
 99 met die les gebeur – dit is sistematies – ek hou van dit. Ek hou
 100 daarvan, dit wys vir jou die werk wat jy gedoen het gaan nie net
 101 in die wind in nie, iemand kom môreoggend en vra, reg wat het
 102 met die les gebeur. Ek sal byvoorbeeld sê dit is die kinders wat
 103 die probleme het en dan sal die leier van ons nou sal sê ons
 104 moet dit doen of dat doen. En daardie feit is hulle baie
 105 georganiseerd en ek hou daarvan. En as ons uitgaan die dag
 106 en terugkom en daar's is altyd terugvoer, so as jy nie weet nie
 107 sal die volgende een vir jou sê, maar hoekom probeer jy nie so
 108 of so nie, so daar is altyd positiewe terugvoer en ek dink daar is
 109 heelwat taamlike dinge wat ek kan sê, maar dit kan nie nou by
 110 my opkom nie. AS IETS JOU LATER BYVAL KAN JY MAAR
 111 Sê.

112
 113 KOM ONS KOM BY DIE SWAKPUNTE, UIT JOU ERVARING
 114 WAT SAL JY Sê, IS DIE SWAKPUNTE VAN DIE PROJEK?
 115 Hmm.. die swakpunte, ek kan nou seker baie eerlik wees. JA
 116 NATUURLIK. Die swakpunte is dat op die huidige oomblik het
 117 ons baie jong mense in Volcano en hmm.. die jongmense vorm
 118 hulle groepie en natuurlik ons wat nou ouer is, ons vorm onse
 119 groep. Ons sit almal saam in 'n groep, maar ek weet nou nie of
 120 hulle sal fluister onder mekaar en dit pla eintlik vir my want ek
 121 weet nie hoekom fluister hulle nie en dit pla vir my en dit
 122 veroorsaak, dit ontwrig eintlik vir jou, dit veroorsaak hoekom
 123 fluister hulle, hoekom lag hulle, is daar iets verkeerd, ek meen
 124 dit is nie mooi nie en ek dink nie dit is goeie maniere nie. En
 125 daar is altyd konflik, want hulle is die nuwe mense en ons is nou
 126 al natuurlik die oueres en hmm.. hulle soos die persoon wat
 127 nou voor ons is, sê nou die leier hmm.. kom hulle en ons is nou
 128 daar en nou sal sy nou vra vir hulle dalk, sy sal vir hulle vra, wil
 129 jy na die skool toe gaan, wil jy dit doen, wil jy dat doen, natuurlik
 130 hulle gaan sê nee, dit het gebeur, hulle sê hulle is nou gevra na
 131 watter skool toe wil jy gaan, nou sê hulle, hulle wil hier wees en
 132 ek voel net ons was nie gevra nie, ons is 'n bakkie gegee en ons
 133 moes getrek het en ons moes dit vat. Ek voel aan die einde van
 134 die dag was ek gesê kyk hier, jy gaan (*) toe en ek het dit
 135 aanvaar en nou kom hulle en hulle word nou net gevra waar wil
 136 hulle wees en hulle sê sommer reguit. Nou dink ek by myself,
 137 hoekom word hulle gevra en ek is nie gevra nie en hulle sê net
 138 reguit nee, en ek kan nie nee sê nie, as hulle vir my iets vra dan

139 doen ek dit, want ek voel, dit is wat gekom het om te doen en
140 daar is altyd 'n iets en daars ook die ding van die vervoer. In die
141 oggende vat ek die taxi nou van my huis af tot in Haltweg, dan
142 vat ek die taxi, dan kom ek tot hieronder en dan loop ek verder,
143 ek gee maar R2, 50 uit per dag en in die middag loop ek huis
144 toe, so ek gee omtrent R10,00 uit per week. Ek voel nie dit is 'n
145 probleem dat my geld dinges nie maar soms en ek was mos
146 nou by die hospitaal en my niereprobleem dit veroorsaak dat my
147 voet swel, net die regtervoet en as hy swel dan kan ek nie ver
148 loop nie en dan die loper tot by (*) elke dag, ek loop van die
149 huis af tot by Haltweg en tot hier en dan loop ek weer op na (*)
150 en weer terug tot hier en van hier tot by die huis, dit is baie loop,
151 ek kom oor drie by die huis van hier af. En in die winter dit reën
152 verskriklik en ek voel net daar is die wat die keuse het en ek
153 voel net dit is daar waar die probleem inkom. En ek voel die
154 leier van ons moet eie inisiatief neem, ek voel nie sy moet vra
155 nie, ek voel sy moet sê, reg jy en jy julle gaan daarna toe. En
156 ek voel ons is te veel in 'n klas ook, ek voel ons is al drie in 'n
157 klas en omdat ons in een lokaal is, almal skree hard en dit
158 veroorsaak ontwrigting, want (*) skree daar uit haar keel uit vir
159 haar kinders en haar kinders kyk om terwyl ek vir my kinders
160 praat en dit veroorsaak 'n hele ontwrigting, natuurlik kan ons nie
161 drie lokale hê nie, ek verstaan dit, maar omdat ons die klas
162 gedeel het, is dit nou wat dit veroorsaak het, so ek dink die feit
163 dat ons meer mense gaan inneem, dit is nou te sê as ons nie
164 gaan uitbrei nie, gaan ons te veel mense wees. DIE REDE VIR
165 DIE OPDEEL IN DIE KLEINER GROEP WAS MOS EINTLIK
166 OM MINDER KINDERS TE HÊ WAARAAN JY MOET AANDAG
167 GEE, DINK JY DIE KINDERS BAAT DAARBY? Die kinders
168 baat daarby, want ek het opgelet nou dat ons opgedeel is, kan
169 jy eintlik die kind sien wat sukkel en ek kan eintlik sien die kind
170 wat sukkel en daar is kinders wat ek nooit geweet het wat
171 sukkel nie tot ek nou persoonlik sien hulle is nege in die klas,
172 nou kan ek sien wat hulle doen en dit is kinders wat ek nooit
173 geweet het wat probleme het nie, want hy is maar altyd die kind
174 wat opspring, hy doen dit en dat en dan kom jy by sy werk en
175 dan sien jy haai hy kan nie dit doen en dat doen nie, so daar is
176 heelparty kinders wat ek al gesien het deur middel van die
177 opdeel van die klas. AS EK NOU VIR JOU MOET
178 ONDERBREEK EN EK VERSTAAN JOU REG, DAN VOEL JY
179 OOK IN TERME VAN DIE LEIERSKAP MOET SY STERKER
180 OORKOM AS DIE LEIER, SY MOET NIE NOODWENDIG
181 MENSE SE. Nee, ek sê nie sy moet nie hulle opinie vra nie, ek
182 voel net sy moet meer inisiatief aan die dag lê deur te sê, want
183 aan die dag van die dag as sy vir hulle so gaan behandel en sy
184 behandel vir ons so, dan voel ek net hoekom word hulle dan

185 nou so behandel en ek so, nou ek verstaan sy voel natuurlik sy
186 kan op ons staatmaak en goed sy kan op my staatmaak ek sal
187 wat sy vir my nou vra, dan doen ek dit nou, maar ek weet nie of
188 dit is omdat hulle miskien nuut is dat hulle nou om dalk vir hulle
189 aan te haal nie, miskien is dit die rede, ek weet nie. Maar ek
190 voel net ek moet dieselfde gebehandel word soos hulle, want
191 hulle moet dieselfde behandel word soos ek. Want ek sit soms
192 in die klas en dan kom die een in en dan begin hy sommer sy
193 hare te kam en die ene beginne te lees 'n boek en ek voel dis
194 nie reg nie, ek het eendag sommer vir een van hulle
195 aangespreek, maar jy kan mos sien sy is besig hoe kan jy dan 'n
196 boek lees en dit veroorsaak groot ontwrigting, want ek voel ek
197 moes dit nie gesê het nie, sy moes dit gesê het. En ons kom
198 nou al vir 'n week, twee weke in elke oggend en niemand praat
199 'n woord nie en daar is so 'n tense, so ek weet nie wat dit is nie,
200 daar is so stilte en ek kan voel daar is iets verkeerd, ek kan voel
201 en ek voel nie baie hmm.. ek voel nie meer lekker, ek voel tot
202 op die punt waar ek voel ek lus nie om te kom nie en dit was
203 nooit voorheen so nie, ek het dit geniet om te kom, maar nou
204 begin dit voel dis nie vir my nie en dit was nie voorheen so nie.
205 HET JULLE AL PROBEER PRAAT MET HAAR? Ons het, ons
206 het, sy vra soms onse opinie en dan sê ons vir haar, maar ek
207 dink voor sy vir ons vra, is haar mind al opgemaak al, dan het sy
208 al besluit wat sy gaan doen en.. dit is nou al twee of drie kere
209 al. Ons moet nou maar stil bly dit raak al swakker. MAAR DIE
210 UITEINDE VAN STIL BLY IS DAT JY RAAK AL MEER
211 GEDEMOTIVEER EN OP DIE OU END VERLOOR ONS, EN
212 DIE PROJEK VERLOOR AL DIE PAD. IETS SAL DAAR
213 GEDOEN MOET WORD. Dit is amper, hoe sal ek nou sê of
214 daar 'n faksie van twee kante is, een groep is nou aan die kant
215 en die een groep is aan daai kant en ek hou nie daarvan nie.

216
217 DIT LYK VIR MY OF DAAR 'N PROBLEEM IS EN DIE NUWE
218 STUDENT? Nee, ek vind vir haar ok, sy is net baie stil en sy
219 kan dit ook aanvoel die tensegeit, want ek kan dit aanvoel. Toe
220 hulle hier aangekom het, het ek nogal van hulle gehou want
221 hulle is almal ok, maar toe sien ek hulle begin 'n hmm.. hulle
222 drie is vriende en hulle drie praat nou dit en dit en ons praat nou
223 van dit en dit en ons kan nou nie almal van dieselfde dinge praat
224 nie, so hulle is dit en nou onttrek hulle eenkant toe en hulle sit
225 nou net by daai hoekie van die tafel en ons sit op die hoekie van
226 die tafel. Die student het gister daar gesit en gesê sy wil graag
227 oriëntering hê en kan ons nie 'n social hou nie, niemand gee
228 antwoord vir haar nie en ek dink nie dit was baie mooi nie ek het
229 nie gehou daarvan nie, toe ek sommer vir hulle julle kan mos
230 antwoord gee, want ek weet sy voel natuurlik nie lekker daarvoor

231 nie,want sy dink nou sy is die probleem en ek weet hoe voel sy
232 en niemand antwoord nou nie, toe sê ek sy vra vir die social,
233 maar ek kan nie Vrydag social nie, want ek het planne Vrydag
234 maar ons kan dit volgende Vrydag hou, wat dink jy daarvan, nee
235 maar dit is goed. Nou vra sy vir hulle, maar niemand antwoord
236 nie en ek voel nie dit is reg nie. NEE, EN DIT IS OOK NIE
237 GOEIE MANIERE NIE. Dis reg, nou praat (*) en (*) nou lag
238 hulle en ek het gesien sy het dit opgelet en dit is nie mooi nie,
239 want dit is sleg, dit is lelik en toe vra sy nou toe vra ek nou, ek
240 kon sien sy lyk ongemaklik, toe vra ek nou, gaan julle nie nou vir
241 haar 'n antwoord gee nie? Wat stel julle voor? Almal kyk
242 mekaar aan toe weet ek nie.

243
244 O.K. KOM ONS VAT DIT TERUG, WANT EK DINK ONS
245 DWAAL SO 'N BIETJIE VAN DIE SPOOR AF, NIE DAT EK
246 DINK DAT DIE INLIGTING NIE BELANGRIK IS NIE, EK IS BLY
247 DAT JY DIT EERLIK VIR MY Sê. GOED KOM ONS PRAAT 'N
248 BIETJIE OOR JOU GEVOELEN EN DAN WIL EK Hê JY
249 MOET VIR MY Sê WAT IN DIE PROJEK WAS VIR JOU
250 LEKKER. O, daar is baie dinge wat lekker is, ek het gehou van
251 die verrykingsgroep – dit was goed ek het baie daarvan gehou,
252 want ek het baie geleer, ek het baie dinge omtrent myself
253 geleer, ek het geleer ek kan vriende maak met ander mense, en
254 ek het ook geleer om selfgeldend op te tree, ek het ook geleer
255 om konflik te vermy dus hoekom ek in die oggende kom en ek
256 gaan nie nog iets sê, ander tyd sou ek gesê het vir wat lag julle,
257 maar ek doen dit nie meer nie, ek gaan nie dat dit vir my pla nie
258 en hmm.. dit is vir my lekker om met die kinders te werk , ek het
259 lekker nuwe vriende gemaak en ek het ook gehou van die
260 kreatiewe groep wat dinge gedoen het. Ek kon nie deelneem
261 daaraan nie, want ek kon nie so vroeg by die skool wees nie,
262 maar ek dink dit is ook baie positief, omdat dit leer vir jou 'n
263 vaardigheid aan wat jy nie andersins sou kon gedoen het nie, ek
264 het nooit geweet hoe maak 'n mens kerse nie en hulle het vir my
265 verduidelik en ek was mos nou nie by die groep nie, maar hulle
266 het vir my gesê en dit klink baie interessant. Daar het die
267 student gister gevra is daar enige een wat iets wil leer, maar
268 natuurlik niemand gee antwoord nie. Maar dit is baie goeie
269 dinge van die groep, dit is iets wat ek kan sê en hulle is ook
270 goed georganiseerd met die skole, as jy skole toe gaan hulle
271 weet, die skole weet daai's die lokaal en daai's die kinders en
272 die onderwysers wat betrokke is by die kinders kom na jou toe
273 en sê ook vir jou as daar 'n probleem is, stuur hulle maar hulle
274 name en ek vind dit baie goed, want daar was gister weer van
275 die onderwysers by my wat gesê het, is daar 'n probleem met
276 my kinders, juffrou? Toe sê ek ja, daar is een mannetjie, stuur

277 maar net sy naam, juffrou, ek sal met hom afreken en ek vind dit
 278 baie lekker en by Volcano – onse leierskap is ok, en so haak en
 279 tak, maar sy leer ook maar seker nou, jy kan ook nou nie alles
 280 verwag. Ons geniet die studente verskriklik baie dit is een van
 281 die hoogtepunte, ons geniet vir hulle verskriklik baie, want hulle
 282 is so lieflik en ok, hulle is te lieflik, ons het gister nog van hulle
 283 gepraat en gesê o.. hulle is te wonderlik. Ons kan net goed van
 284 hulle praat, (*), (*), ons het nou nie vir (*) so goed geken nie,
 285 want toe ons hier kom, toe gaan sy mos weer amper weg, maar
 286 lieflik, ons het gister gepraat van hulle, ons kan net goed praat.

287
 288 BO EN BEHALWE DIE GOED WAT JY NOU AL GENOEM HET
 289 IS DAAR NOG GOED WAT NIE VIR JOU LEKKER IS NIE? Die
 290 feit dat die leier nie 'n besluit kan maak nie, as ek haar nou vra
 291 sê sy ek weet nie, ek voel sy moet vir my kan sê, nee dit is so of
 292 ja, dit is so, ek voel net sy moet nie vir my sê ek weet nie en ek
 293 gaan nou iets sê, daai aand toe ons die ouervergadering gehad
 294 het, toe die feit dat sy nie wou hmm.. die leiding neem nie dat
 295 sy vir my gesê het ek moet die vergadering open, wil ek nie sê
 296 wat Volcano oor is nie en ek het nie gehou daarvan nie, want ek
 297 het gevoel sy is die arbeidsterapeut en dis wat ek eintlik kon
 298 onthou het (*) dit gedoen verlede maand en juf. (*) het dit
 299 gedoen, hoekom moet dit nou op ons val om te doen, ok en ek
 300 voel sy kan dit ook vir ons gee om te doen, maar ek voel dit is
 301 haar eerste keer en sy moet haar mos self ook bekendstel en ek
 302 voel daar het sy al reeds vir my gewys dat haar leierskap is nie
 303 wat dit moet wees nie en toe wys sy al reeds nou al vir ons
 304 almal, want aan die einde van die dag het almal dit gesê. Aan
 305 die einde van die dag het sy vir my as persoon gewys haar
 306 leierskap is nie wat dit moet wees nie, want dit is 'n klomp
 307 mense en nou het sy gevoel o.. jene nou, miskien kan sy nie
 308 voor mense praat nie, maar om vir ons te wys sy is 'n leier, ek
 309 voel moes sy dit gedoen het, daar gaan staan het en daar voor
 310 gesê het ek isen ek is die arbeidsterapeut en dit is
 311 waaroor Volcano gaan en so en daardie ding het nommer een al
 312 reeds vir my gewys sy gaan nie 'n baie goeie leier wees nie,
 313 want daar kan sy dan nie haar besluit maak nie. Ok, ek weet sy
 314 moet eintlik delegeer ook, verstaan dit, maar somtyds voel jy net
 315 hoekom moet ons dit doen en sy doen dit ook nie, miskien sien
 316 ons al die tyd die student het dit gedoen of ek onthou die
 317 studente, ek praat nou nie van een spesifiek nie, almal van hulle
 318 het in die oggende gesit met 'n boek en dan skryf hulle (*) en
 319 dan reg (*) het gesê daar is probleme met die vorms en wat
 320 gaan ons doen om dit aan te spreek, dit is wat ons gedoen het
 321 elke oggend as die student gekom het, dit is van 11:00 tot 12:00
 322 dan het ons iets gedoen dan het die student gesê reg agterna

323 gaan ons nou dit doen of dat doen en dit was vir my baie mooi
324 georganiseerd gewees en ons het geweet wat om te doen, maar
325 nou nie in die oggende doen ons niks nie en as kom by die
326 vergaderings een keer 'n week, onse notule van onse
327 vergadering is net so kort, nou ek weet nie of daar nie punte is
328 vir die vergadering nie, maar ons het nog nooit 'n vergadering
329 van tien minute gehou nie, nie so ver ek weet nie en ek voel sy
330 kan mos terugkom na die ander en mos kyk waaroor dit gegaan
331 het al die tyd en hmm.. die gedagte van die week was nie meer
332 op gewees nie, daar was nie meer die klas se skoonmaak nie,
333 kyk al daai was mos vir ons uitgesit en verlede week toe ons
334 begin, toe vra sy nou is daar enige iets vir die agenda, toe sê ek
335 die gedagte van die week en die klas skoonmaak en dit was al
336 wat op die agenda was en toe het ek nou gesê van die
337 vrywaringsvorms en dis al, nou ek verstaan nie hoekom dit so
338 is nie, jy weet as ons 'n vergadering gehou het, was ons 12:00,
339 ons was baie gelukkig as ons 12:00 klaar gewees het. Sy het
340 Maandagoggend by die vergadering toe sien ek nou sy sê (*)
341 open vir ons, sy het nie meer gevra nie, ek het dit opgelet, want
342 ek het gehou van daai idee dat sy dit doen.

343
344 GOED KOM ONS PRAAT 'N BIETJIE OOR IETS ANDERS,
345 WAT HET VOLCANO VIR JOU BETEKEN? Dit het vir my
346 beteken dat ek met kinders kan verkeer deur die dag en weer
347 kinders kan sien, wat hulle dink en wat hulle doen, dit het vir my
348 meer geleer ook oor hoe om kinders te hanteer en wat om te
349 doen wat ek voorheen net sou geskel het, nou weet ek wat om
350 te doen en wat om te sê, en Volcano beteken ook vir my dat ek
351 meer dinge weet, so as dit so is en ek kan môre 'n ander werk
352 kry, dan weet ek, ek kan dit hanteer, ek is meer vaardigheid
353 daarin en ek voel ken baie meer as wat ek geken het 'n jaar
354 terug. Ek ken meer omtrent myself ook. WAT HET JY
355 OMTRENT JOUSELF GELEER? Ek het omtrent myself geleer
356 dat ek hmm.. moet nie altyd so vinnig wees en so haastig wees
357 nie, ek het geleer dat ek selfgeldend kan optree by die huis, ek
358 hoef nie altyd 'n antwoord te hê op alles nie, ek het altyd 'n
359 antwoord gehad op alles en dat ek ander mense beter verstaan.
360 JY HET NET NOU OOK GESÊ DIT WAS VIR JOU MOEILIK
361 OM VRIENDE TE MAAK, MAAR JY HET HEELTEMAL OP JOU
362 EIE GEKOM. AS EK VIR JULLE KYK DAN LYK DIT VIR MY
363 ASOF JY NOGAL 'N REDELIKE VRIENDEKRING OPGEBOU
364 HET. Ja, ek het, want ek het nou vriende wat na my huis toe
365 kom en dit is iets wat ek nooit toegelaat het nie, ek wou nooit hê
366 dat vriende te na aan my kom nie en ek het uitgevind ek kan dit
367 toelaat en ek het vriende en dit is iets baie positiefs.

368

369 JY HET NET NOU GESê EEN VAN DIE STERKPUNTE WAS
370 DIE STUDENTE. AS ONS NOU PRAAT OOR DIE
371 VERRYKINGSGROEPE, WAT WAS DIT WAT VIR JOU
372 UITGESTAAN HET IN DIE MANIER HOE HULLE DIT
373 AANGEBIED HET? Die sterkpunte was definitief waar ons self
374 betrokke was, as ons amper iets soos... rolspel – dit was vir my
375 baie, baie interessant, want ek het myself gesien in daai rolspel
376 in was dit nou ek of was dit nou (*) of enige een, maar dan het
377 ek gedink, haai daai is ek - haai en tree ek nou regtig so op en
378 is dit soos 'n ander persoon vir my sien en dit was vir my goed
379 en dit het ek baie geniet, die rolspel. Die wat vertel het van
380 konflik, dit was ook baie goed, want daar was altyd voorbeelde
381 om te sê, dis wat gebeur het en dan dink ek ook, haai, dis nogal
382 waar of so.

383
384 ENIGE IETS WAT JY SOU VOORSTEL HULLE ANDERSTE
385 MOET DOEN WAT DALK NIE VIR JOU SO GOED GEWERK
386 HET NIE? Die studente? Hmm... ek voel dat hulle hmm... in
387 die verrykingsgroep meer rolspel doen, ek hou daarvan, ons
388 meer betrokke maak, want ek voel dan kan jy vir jouself sien en
389 dan besef jy en dan gaan dit meer in, want as dit lees op die
390 bord is dit asof ek op die skool is en ek gaan onthou ja, konflik
391 en maniere van dinge doen en so, ek gaan dit onthou, maar dit
392 sal nie bly soos rolspel gaan bly nie.

393
394 AS EK VIR JOU Sê JY HET DIE MAG OM ENIGE IETS TE
395 VERANDER, WAT SAL DIT WEES? Ek sou die mense
396 verander, ek sou die lede verander, ek voel dat miskien sou ek
397 'n bietjie meer volwasse mense en ek sou as ek die leier was,
398 sou ek nou as ek gesien het hulle groepeer saam en hulle
399 groepeer saam dan sal ek hulle uitskuif, ek sou hulle nie in 'n
400 groepeer saam sit nie, want dit is waar die kwaad borrel. Want
401 een groepeer sien ek is saam hier en daai is nou daar saam en
402 nou hier borrel die kwaad en nou môreoggend is hulle by
403 mekaar en dis waar die probleem lê. WAT NOG? En natuurlik
404 nou in die oggende as ons bymekaar kom weer soos dit
405 voorheen was, ek voel ons moet iets doen van 11:00 tot 13:00,
406 nie stil sit, ek verstaan dat jy 'n koppietjie tee drink, maar ek voel
407 jy kan jou tee drink en besig wees met iets, dit is nie nodig dat jy
408 net rondsit nie. En dan sal ek as ek aan Volcano verander sal
409 ek maak dat die skole 'n bietjie nader aan my huis is, dis maar
410 al.

411
412 DINK JY VOLCANO MOET VOORTGAAN? Definitief, ek dink
413 Volcano doen baie goeie werk, die kinders het dit regtig nodig,
414 baie van die kinders het dit regtig nodig en hulle is so ywerig,

415 glo my, ek het al baie gevoel ek gaan nie meer terug nie dan
416 dink ek foeitog, daai kindertjies kyk so uit vir jou, ek weet
417 verlede kwartaal toe ek nou in die hospitaal was, toe sê die
418 kinders, haai, waar is onse juffrou ons mis vir haar, het sy
419 weggegaan van ons af? Toe dink ek foeitog, hier ek gedink om
420 hulle te los en dit is mos nie reg nie en hmm.. ja ek dink hulle
421 doen wonderlike werk. Ek dink Volcano is baie goed, want die
422 kinders baat by dit, jy kan sien aan hulle werk en jy kan sien
423 hulle probeer ook om vir jou te wys.

424

425 IS DAAR NOG ENIGE IETS WAT JY DINK EK MOET WEET
426 WAT EK NIE VIR JOU GEVRA HET? Nee ek dink dit is dit.
427 Niks verder nie.